

सम्यक् महादान गुथि



हेमराज शाक्य

प्रकाशक :

जगत्धर तुलाधर

Ravi Shakya

सम्यक् महादान गुथि



हेमराज शाक्य

प्रकाशकः

जगत्धर तुलाधर

प्रकाशक-


जगत्धर तुलाधर
कुसुंबिया लाहुर, ये

व्याक्य अधिकार चवमियाके

Rs.25.

न्हापांगु संस्करण १०००

ने. सं. ११०० }
बुद्ध सं २५२३ } व्यःचाकुसँलू
वि. सं. २०३६ }



भाकू-

संकटा प्रेस,
देवाहाल, ये

समर्पण

विश्वकल्याण निम्ति स्थापना जूगु बुद्धशासन
समुन्नतिया कामना यासैं थःगु श्रीसम्पत्ति
पर्वाह् मतसे श्रीदीपङ्कर तथागतया प्रति
श्रद्धां अनुप्रेरित जुया सम्यक्,
नराँ, पञ्जरां न्यायका वंषि
सकल श्रद्धालु दानपतिर्पिगु
सुख 'समृद्धिया लागि
ब्रह्मलपा
जुल ।

-ज्वमि

प्रकाशकया थःगु खँ

श्री स्वयम्भू महाचैत्य नामक ग्रन्थ च्वया नेपामि बौद्ध समाजे अज अन्तरराष्ट्रिय बौद्धजगतया न्होने न्ह्यवया विज्याम्ह बौद्धसंस्कृतिया क्षेत्रे अध्ययन व अनुसन्धान याय्गुली थःगु जीवन समर्पण याना विज्याम्ह गुम्ह खः श्री हेमराज शाक्यजुया विषये थन जि परिचय बिया च्वनेमाःगु मदु ।

वसपोलं नेपाया बौद्धजगते अतिकं च्वन्ह्याना च्वंगु गौरवमय परम्परां जाःगु नेपाया सभ्य संस्कृतिया क्षेत्रे विशेषस्थान प्राप्त जुयाच्वंगु “सम्यक् महादान गुथि” नामक अनुसन्धानात्मक कृति च्वया म्हीगु न्होने प्रस्तुत यात थव तस्सकं हर्ष व गौरवया विषय खः ।

बुद्धशासनया अभिवृद्धि, श्रीदीपङ्कर तथागत सम्यक् देवतापिन्त श्रद्धाभक्ति तथा व लिसैं पूर्ववर्ति श्रद्धालु सम्यक् दानपतिपिंगु दानशीलयागु सुकीर्ति सकभनं प्रचार प्रसार जुइमा हानं हानं थुगु ‘सम्यक् महोत्सव’ म्हीगु देशे सदासर्वदा थिन च्वनेमा धइगु सम्यक् प्रतिज्ञा यासे प्रस्तुत पुस्तक प्रकाशन यानागु जुल ।

आशा दु- थुगु महायान बुद्धधर्म विषयक अमूल्यकृति प्रकाश यानागु पुण्यानु भागं बुद्धशासन उत्तरोत्तर वृद्धि जुयालि सकलसत्त्व प्राणिपि सम्बोधिरत्न प्राप्त याना कायेफूपि जुइमा । अस्तु ।

ने. सं. ११०० दस न्यागु

सम्यक् महोत्सव ध्यःचाकु सँल्ह्या दिन ।

प्रकाशक

जगत्धर तुलाधर

कुसुं बिया लाङ्छि, थें

जिगु थःगु खँ

धर्म व संस्कृतिया प्राण सुन्दर शान्त विशाल पुण्यभूमि नेपालया धर्मराजिक श्रीस्वयम्भू महाचैत्यया छत्रच्छायास च्वना च्वंगु काठमाण्डू उपत्यका खः । वसपोल श्रीस्वयम्भू धर्मघातु वागीश्वरयागु अनुभावं थन प्रागैतिहासिक इलंसिं परम्परागत बुद्धधर्म प्रसिद्ध जुयाच्चंगु जुल ।

थनया बुद्धधर्मया इतिहास अध्ययन व अनुसन्धान याना स्वतघासा थव खँ स्पष्ट जूवई कि— गुलिनं नेपाया बौद्धविहारं माने याना वईच्चंगु रितिथिति धर्म संस्कृतित दु, उं पि मध्ये दकले सकले तघंगु 'सम्यक्महादान पवं' जूवई ।

अज थुगु सम्यक्महादानया रितिथिती दुहाँवना अध्ययन व अनुसन्धान याना यंकल घासा बुद्धं आज्ञा जुया विज्यागु श्रावक, प्रत्येक, महायान एवं वज्रयान सम्बन्धि ज्याखँ सुलाच्चंगु खने दई ।

थुकी आदिबुद्ध श्रीस्वयम्भू भगवान् बुद्ध तथा अतीतबुद्धपिनि प्रतिनिधित्व याना विज्याह्य श्रीदीपंकर तथागतयात सर्वोपरी स्थान बिया माने याना वईच्चंगु खने दु । अथेहे वर्तमान कालया बुद्धपिनि प्रतिनिधित्व याना विज्याह्य वसपोल शान्तनायक शाक्यमुनिबुद्ध व भविष्यत्कालया बुद्धपिनि प्रतिनिधित्व याना विज्याह्य आर्यमैत्रेय तथागत आदि अनेक बुद्ध, बोधिसत्व, आर्यतारा, प्रज्ञापारमिता, वसुधरा तथा आर्यावलोकितेश्वर, आर्यमञ्जुषोष आदिया सुन्दर भव्य कलात्मक मूर्तित उं पस्थित याना तईतःगु खने दयाच्चनी । लिसं सुइस्वकोटि देवतापि तथा नेपाया समस्त प्रजाया हृदयप्राण श्री ५ महाराजाधिराज सरकार व लिसं जगत्हित निम्ति स्थापना जूगु शान्तिप्रिय बुद्धधर्मया शासन निरन्तर समुन्नति याय्गु ज्याखँ सदा तत्पर जुयाच्चं पि आर्यसंघ गुरु वज्राचार्य, शाक्य भिक्षु, श्रामणेरक, ब्रह्मचर्यभिक्षु, चैलकभिक्षु आदि उपासक उपासिकापि आमन्त्रित जुई ।

थ्व सम्यक् महादान महोत्सवया दुने बौद्धदर्शन, बौद्धकला, बौद्धसंस्कृति, बौद्ध धर्मया विशुद्ध भावनाया अनुपम प्रदर्शन क्यना वइच्चंगु दु ।

घाथें घाय्माल घासा थुजागु किसिमया बौद्धसंघायन-बौद्ध सम्मेलन-बौद्धजागृति चीन, जापान, मंगोलिया, तिब्बत, भारत तथा लंका, बर्मा, थाइलाण्ड आदि थासे दुर्लभ घासां अपो जुइमखु । अतएव थ्व सम्यक्महादान महोत्सव नेपाया थःगुहे किसिमया देन दईच्चंगु महत्वपूर्ण आदर्श खः विशेषता खः गौरवमय परम्परा खः ।

अंशान्ति जगते शान्ति व्यवस्था ह्य्या निम्ति बुद्ध धर्म व संघयागु व्यवस्था दयका शान्तिप्रगति व सद्भावना जागृति निम्ति आपालं उपायकुशल ज्ञान सिया बिज्यापि प्रातःस्मरणीय भी पूर्वाचार्यपिप्सं बुद्धया जन्मभूमि नेपादेयात लोगु किसिमं थुगु सम्यक्संघ-भोजन प्रथा दय्का थकल । मेगु अर्थे नेपाया 'बुद्ध धर्म उद्धारसंघ' धकानं घायफु । थुगु सम्यक् धर्मया बन्देज बौद्धमात्रया निम्ति जक मखु, परन्तु मानवमात्रया लागि अज सकलसत्त्व प्राणिया कारण हितसुख शान्ति बिइगु विशुद्ध मुक्तिमार्गया लँपु क्यनोगु बुद्धशासनयागु थ्व आदर्शप्रथानं खः ।

बांलाक बिचाःयाना स्वत घासा थुगु प्रथाया परम्परा सम्यक्संबुद्ध तथागतपिप्सं आज्ञाजुगु सम्यक् धर्मया शिक्षादीक्षाअनुसार आचरण याइपि सम्यक्संघ, आर्यसंघ बौद्धसंघपिगु मूल उद्देश्य अनुरूप विधिविधानकथं चले जुयावइच्चंगु 'सम्यक् धर्म' खः ।

आ थन खं न्होने च्वंवई थुजागु महत्वपूर्णगु परिशुद्धगु सम्यक् धर्म नेपाे गुबलेनिसें चले जुल ? छाया यानाच्चन ? थ्व यानागुया छु प्रयोजन ? व अले थुगु परम्परा गुगूकिसिमं चले याना वनेगु धकानं न्यनेफु । अले हानं मेमेगु थितिरिति संस्कृति स्वयानं थुकी छु विशेषता दुले ? धकानं घायफु । थुजागु न्ह्यसःया लिसः तप्यंक बिई धेगुनं अपूगु खं मखु ।

थुगु महान् धार्मिक सांस्कृतिक तथा ऐतिहासिक व गौरवमय परम्परां जाःगु विशेषं च्वन्ह्यानाच्चंगु ज्वरा मदुगु अनुपम आदर्शस्वरूप जुया युगयुगनिसें सौभाग्यवस भोगु न्होने त्यनाच्चंगु थुगु सम्यक् धर्मया गुणवर्गन प्रशंसा न्ह्याक्व यासा नं कमहेजक जुई । तथापि छह्य बौद्धया नातां आदिबुद्धस्वरूप श्रीदीपङ्कर तथागतया प्रति श्रद्धाभक्ति प्रेरित जुया सहयोगि कल्याणमित्रपिगु सौजन्यं प्राप्त जूगु व लिसें थःगु अल्पबुद्धि चाछि अध्ययन व अनुसन्धान यानागु द्वारा उपलब्ध जूगु

(ख)

सामग्रीया आधारे सम्यक्धर्म, सम्यक्महादान, सम्यक्संघभोजनप्रति श्रद्धाभक्तिदुर्पिनिगु लागि छुं उपयोगि सिद्ध जुइ धइगु हेतुं थ्व च्वसा न्ह्याका च्वनागु जुल ।

तर, थौंयागु युगे सद्वर्तमानेना कमजुजुवन लिसे लिसें थःगुदेशया अस्मिन्त्व गौरवमय संस्कृति, कलात्मक वस्तु एवं पुरातात्विक सम्पत्ति, ऐतिहासिक सामग्री अभिलेख श्रद्धाभक्तिया स्थान सजीव मूर्ति व अमूल्य ग्रन्थ एवं पौभा आदि चायकं वा मचायकं तनावन, दुसुनावन, मदयावन । उकिसं थुजागु विषय सःस्यूपि विद्वान् आचार्य एवं बुढापाकुतनं दुर्लभथे जुयावना च्वन ।

थुजागु इले सम्यक् धर्म सम्बन्धि उल्लेख जुयाच्वंगु बौद्धजातक कथा अवदानयागु आधार व ऐतिहासिक प्रमाणत तथा वंशावली अनुश्रुति आदियागु आधारकया थःहा सःथे स्यूथे अध्ययन व अनुसन्धान याना संक्षिप्तरूपं जक जूसानं च्वया थुगु 'सम्यक् महादान गुथि' नामक पुस्तक जनसमक्षे प्रस्तुत यानागु जुल ।

ने. सं. ११०० दं क्यंगु लसताय् थुगुदैय् द्वादशवर्षीय सम्यक् महादान गुथि न्होनेसं थ्यंकवल छलपोलं थुकियागु छगु सफू च्वया बिज्याय् माल धका सम्यक्गुथि सम्बन्धि आपालं अनुभवदुहा उकिसं तस्सकं दत्तचित्त जुयाच्वंहा श्रद्धालु उपासक यट्खाबाहाया श्रीजोगरत्न सिन्दुराकारजुं अलासि व दिक्क तोता जिथाय् भाया निकः स्वकः अनुरोध या भाल । वयकःयागु इनापयात सहर्ष स्त्रीकार याना मेमेगु ज्याखँ फुक हाकुतिनां सम्पूर्ण समय थुकीजक बिया प्रस्तुत पुस्तक तयार यानागु जुल । वयकः जोगरत्नजुं इनापजक याना दिइगु मखुकि थःगु संग्रहले च्वगु सम्यक्क्या विधिविधानया तँजिलेजि व थःगु अनुभवया खँ समेत कना दिल । थुलिजक मखु पुस्तक प्रकाशन निम्ति दलछि दाँ चन्दास्वरूप प्रदान याना सहयोग बिया दिल । तर वयकलं बियादिइगु आर्थिक सहायता अत्तोपत्तो मदयावन, छायाकि ग्रन्थ तघं जुयावंगुलि याना जम्मा भिनिद्वः भिस्वद्वः दाँयागु इष्टमेट जूवन । अथे जुसेलि येँ कुसुंबियालाछिनिवासि दानशीलस अनुरक्तहा श्रद्धालु उपासक साहु श्री जगत्धर तुलाधरजु नं प्रस्तुत प्रकाशन निम्ति सम्पूर्ण आर्थिक अभिभार कुबिया प्रकाशने हया दिइगु जुल । थ्व वयकःपिगु गुण गुबले लोमंके फईमखु, अज समस्त नेपामि बौद्धतयसं तकनं । थुगु रुपं प्रस्तुत पुस्तक सजधज याय्निम्ति श्री ५ या सरकार पुरातत्त्व विभागनं आवश्यक फोटो सामग्री बिया शोभावृद्धि याना बिल । अथेहे राष्ट्रिय अभिलेखालय पाखें शिलालेखया प्रतिलिपि

याके विल । थुगुकथं श्रीचिनीयारत्न ताम्रकारनं उल्लेख्युल्लेखे वना फोटो खिचे याना बिल । एवंक्रमं ऐतिहासिक सामग्री वयना सहयोग प्रदान याना बिज्यापि खः-

स्वयम्भूया श्रीनजरमान बुद्धाचार्य, इतुंवाहाया श्रीबुद्धवीरसि शाक्य, श्रीदयारत्न शाक्य, श्रीछत्रमुनि शाक्य, यल नागबाहाया कसा श्री हेराकाजी शाक्य, हःवाहाया श्रीसूर्यमान वज्राचार्य, श्रीकुलबाहादुर वज्राचार्य व स्वपया श्रीसम्यक्वर्त्तन वज्राचार्य, श्रीदुर्गाकाजी शाक्य तथा टुकुचेया श्रीहरि सेरचन समेत जुल । अन्तस प्रेस सम्बन्धि ज्याखें प्रुफ स्वयंगु करेक्सन यायेगु थेंजागु भंभटगु ज्यायाना सहयोग याहा पासा श्रीपूर्णरत्न वज्राचार्य समेत थुगु पुण्यकार्यस सहभागी जुया यथाशक्त हारगुहार याना बिज्यापि, दिइपि सकल कल्याणमित्रपिन्त जिगु दुनुगलनिसें हादिक कृतज्ञता ज्ञापन याना च्वना, लिसें वयकःपिंगु आयु आरोग्य सुखसमृद्धिया लागि भिन्तुना दु ।

थुगु पुस्तक च्वयागु द्वारा प्राप्त जूगु पुण्यानुभावं दिशा भिगु बखत स्वंगु मंगल सुख प्राप्त जुया अन्तस सर्वसत्त्व प्राणीपि सम्यक्देवता श्रीदीपङ्कर तथागतया भुवनस बासलायेमाल ।

थुगु सफू न्हूगुजुसां थुकी उल्लेख जूगु विषयवस्तु पुलांगु जूया निम्ति थुकी ननं गुथाय् मिले मज्जुगु द्वंगु अशुद्ध जूगु दतघासा विज्ञ पाठकवर्गपिन्सं च्वमियात क्षमा प्रदान याई लिसें वयकःपिंगु सुभावं व आलोचनायात सहर्ष स्वागत दु । अस्तु ।

हेमराज शाक्य

बुद्धसं २५२३

ने. सं. ११००

वि. सं. २०३६

लिपि विशेषज्ञ

श्री ५ मा सरकार, पुरातत्त्व विभाग,
नेपाल ।

विषय-सूची

(क) बौद्धविहारया परम्परा	१
(ख) ग्रन्थ अनुसार—	
सम्यक् महादानया परम्परा	६
(ग) ऐतिहासिक कथं—	
सम्यक्, पञ्जराया परम्परा	१२
१. सुन्दर सार्थवाहुया सम्यक्दान नवदान	१३
२. सङ्घ भोजन निमित्त गुथि आयस्ता तःगु	१४
३. जुजु शिवदेवं संघभोजन याकूगु	१५
४. ने. सं. १३५ सालं सम्यक् यागु	१६
५. ने. सं. ५०२ सालं दीपङ्कर मूर्ति दयकूगु	१८
६. दीपङ्करयात लुंसियेत लुंत्याना काःगु खं	१९
७. महापात्र अमृतीसहया संघ भोजन याकूगु	१९
८. शाक्यभिक्षु उजोनेराजपालजुया सम्यक्	२०
९. शाक्यभिक्षु रत्न व रूपतेजया सम्यक्	२०
१०. दीपङ्कर तथागतयात मुकुन्दसेनया छत्र समर्पण	२१
११. हर्षसिंहजुया पिण्डपात्र दान	२२
१२. हेरलक्ष्मी सहित जुसे ”	२२
१३. पिण्डपात्र जिर्णोद्धारया चर्चा	२३
१४. वटुवाहाया सम्यक् स्थापना	२३
१५. चप्पाफः आजुया सम्यक् संकल्प	२४
१६. उल्लासिंजुया पिण्डपात्र दान	२७
१७. भद्रवैश्यावतार गोविन्दराजनं सम्यक् यागु	२७
१८. कंसाकार गुणसिंहनं पञ्जरायात गुथि तःगु	२८
१९. तुलाघर जिताजया सम्यक्	२८
२०. शाक्यभिक्षु सुमनसिंहनं सम्यक् यागु	२९

२१. इतुंवाहाया सम्यक् थापं	२१
२२. शाक्यभिक्षु सूर्यमुनिनं सम्यक् यागु	३२
२३. जयसिंह शाक्यभिक्षुया पिण्डपात्र दान	३२
२४. शाक्यवंश अमृतसिंहभद्रया सम्यक्	३३
२५. शाक्यवंश देवसिंहनं सम्यक् यागु	३३
२६. शाक्यवंश कर्मराजनं सम्यक् यागु	३४
२७. कंसाकार धर्मज्योतिया सम्यक् व श्रीहारतीया वरदान हिंवा लुं जूगु खं	३५
२८. तुलाघर वर्राजननीनं पञ्जरां न्यायकूगु	३८
२९. वज्राचार्य ज्ञानज्योतिवं सम्यक् यागु	३९
३०. जोधाजु शाक्यवंशनं जुजुयात लुंया सिंहासन द्दहलप्यूगु	४०
३१. सम्यक् पञ्जरां निम्ति जुजुं बाजा फुकेयाना ब्यूगु	४०
३२. सम्यक् संघभोजनस निहा जुजुया उपस्थिति जूगु	४१
३३. शाक्यभिक्षु धर्मश्रीनं सम्यक् न्यायकूगु	४२
३४. दीपङ्करयात कोखापुतुचा चह्लेयागु	४२
३५. वज्राचार्य मिलहाजुं नरांयागु खं	४३
३६. पिण्डपात्र दान निम्ति पौमा च्वकूगु	४४
३७. तुलाघर छत्रसिया पञ्जरां	४४
३८. तुइसि कर्मिया सम्यक्	४५
३९. लक्ष्मीनारां उपासकया नरां	४५
४०. शाक्यभिक्षु ज्ञानपतिजुया सम्यक्	४५
४१. पञ्जरांदान निम्ति धर्मशाला दमकूगु	४६
४२. बनकृष्ण तुलाघरनं सम्यक् यागु	४६
४३. विष्णुघर तुलाघरनं सम्यक् यागु	४६
४४. शाक्यवंश जयनरसिंहया सम्यक्	४७
४५. भाजुवन्त तुलाघरनं सम्यक् यागु	४८
४६. उपत्यकाया दुने दक्खसिवे विशालगु भूति दीपंकर	४८
४७. ताम्राकार चिकिघनया सम्यक् व पञ्जरां	४८
४८. तुलाघर शंखसिया सम्यक्	४९
४९. शाक्यवंश मुनिघनया सम्यक्	४९

५०. तुलाधर दानवीरसिया सम्यक्	४६
५१. वज्राचार्य धर्मध्वजजुया सम्यक्	४६
५२. ज्ञानवीरसि तुलाधरया सम्यक्	५०
५३. ल्हासादेशय् जूगु सम्यक् पञ्जराया खँ	५०
५४. कृष्णसुन्दरजुया सम्यक्	५१
५५. बेखाराज वज्राचार्य जुया सम्यक् व लछियंका पञ्जरां यानालि उपत्यका व्यापि चिबाहा पूजा समेत	५१
५६. सम्यक्स श्री ५ पृथ्वीवीर विक्रम, श्री३ वीरशम्सेरया सवारी	५५
५७. स्थापित जोगवीरया सम्यक्	५५
५८. वज्राचार्य गजेन्द्रवज्रया सम्यक्	५५
५९. कुलवीरसि तुलाधरया सम्यक्	५५
६०. कुलमान वज्राचार्यया सम्यक्	५६
६१. शाक्यभिक्षु नरसिंहया सम्यक्	५६
६२. शाक्यवंश वाधनरसिंहया सम्यक्	५७
६३. रञ्जितकार मोतिमानया सम्यक्	५७
६४. खड्गसि महर्जनया पञ्जरां	५७
६५. भक्तवीरसि तुलाधरया सम्यक्स राजनैतिक पृष्ठभूमि	५७
(ब) सम्यक् धर्मया अर्थ	६०
६६. बौद्धदृष्टिकथं सम्यक्या च्यागु अर्थ	६३
६७. सम्यक् विधानचक्रया च्यागु ज्या	६३
६८. च्यागु किसमया संघ भोजन	६४
६९. सम्यक्स प्रदर्शित भांकी	६४
७०. सम्यके अष्टांगिक मार्गया थःगुहे भावना	६५
७१. सम्यक् धर्मस च्यागु प्रकारया कार्यविधि	६५
७२. सम्यक् ग्याईकिह्य दयकीगु कीर्तित	६५
७३. सम्यक् धर्मया विविध नामकरण	६७
(ङ) सम्यक् ग्याईकिगु स्थान	७०
(च) सम्यकय् दीपंकरया स्थान	७५

(छ)	सम्यक्य दानया महत्व	८०
(ज)	सम्यके आर्यसंघया स्थान	८७
(झ)	सम्यकदानय् पिण्डपात्रया महत्व	९४
	७४. पिण्डपात्रया अर्थ	९६
	७५. पिण्डपात्रया विविध नाम	९७
	७६. ग्रन्थया प्रमाणकथं श्रवया महत्व	९९
	७७. ऐतिहासिक दृष्टिकथं श्रवया महत्व	१००
	७८. पिण्डपात्र पिदनिगु दिन	१०१
	७९. श्रवया वस्तुभेद व आकार प्रकार	१०२
	८०. पिण्डपात्रघारी देवदेवता	१०२
	८१. कोटःया मतलब	१०३
(ञ)	सम्यके जुजुया स्थान	१०४
(ट)	येदेया सम्यक् गुथिया कार्यक्रम	
	८२. सम्यक् निमन्त्रणाया श्रवयदां तय्गु विधि	१०८
	८३. बनगोश्वारा लगत अनुसार, जंगले सिकावने	११२
	८४. अयला त्यपथूयेत याय्मागु विधि	११३
	८५. सम्यक्या अन्नभखारी पूजा	११३
	८६. लैवये निर्मित लै पियेगु विधि	११३
	८७. सम्बन्धित कार्यकारणीपिन्त लैका चियेगु ज्या	११४
	८८. मरीचरी छुय्के विधि	११८
	८९. जुजुया खट श्रवय् ज्या	११९
	९०. श्रीस्वयम्भू व इन्द्रकलश, पूर्णकलश स्वने आसन फःदयके	१२०
	९१. लैवये तयेत बलचा श्रवये	१२०
	९२. न्ह्येन्हु न्यो यचि कायेगु विधि	१२०
	९३. नुचियके खुन्हु ज्या	१२१
	९४. सम्यक खेले भूमिशोधनविधि	१२१
	९५. सम्यके प्यन्हुन्ह्यो नीतं पूजा वनेयाविधि	१२२
	९६. चित्रकारी चाचि च्वके	१२३
	९७. थःथगु विहारं सम्यक् देवता यंकेगु तत्परता	१२४
	९८. महाप्रसाद जा थुयके विधि	२४

६६. लके खुनके विधि	१२४
१००. साखःति दय्के विधि	१२४
१०१. भुजाया नागराजया मूर्ति ह्येके	१२५
१०२. श्रीस्वयम्भू क्वाहाँ विज्याके विधि	१२५
१०३. सम्यक् खुन्हु जुईगु कार्यक्रमया विधिबिधान	१२७
१०४. सम्यक् सति खुन्हु योः थहाँ विज्याके	१३२
१०५. श्रीहारती माजु क्वाहाँ विज्याके	१३३
१०६. परिसमाप्ति चतुर्थिया विधि	१३७
१०७. थःथगु जिम्माया वसुजा लितये	१३८
१०८. यचि लितये विधि	१३८
१०९. सम्यक्या दरुया विधि	१३८
११०. इलन्है सम्यक्या परिचय	१३९
१११. रूपदेया सम्यक्या परिचय	१४४
११२. सम्यक्या दाफाम्ये	१४७
११३. येदेया सम्यक् देवताया धलपौः	१४८
११४. यलदेया सम्यक् देवताया धलपौः	१५२
११५. रूपदेया सम्यक् देवताया धलपौः	१५४
११६. सहायक ग्रन्थसूची	१५५



सम्यक्देवता श्री दीपङ्कुर तथागतया शान्त गम्भीर सुवर्णमय मूर्ति

बौद्ध विहारया परम्परा

बुद्धधर्म सम्बन्धि गुलिनं नेपाले धर्मकर्म रितिथिति संस्कृति प्रवाह जुया न्ह्यानाचवन, चले जुयाचवन, आदर गौरवतया मानेयाना वईचवन । उर्पि व्याक्वयानं आधार स्तम्भ मूलकारण उत्पत्तिस्थान भीगु बौद्ध विहारया पृष्ठभूमि हे खने दयाचवनि ।

थथे घायबले नेपाया छुं बौद्ध संस्कृति रितिथितिया वर्णन इतिहास शुरु याय्न्हो ल्लापालाक थनया बौद्ध विहार गुबलेनिसें उत्पत्ति जुल निर्माण जुल प्रतिष्ठा जुल घेगु खें सिय्केगु आवश्यक जूवई । अर्कि थ्वहे सन्दर्भय् अनुपम विशाल बौद्ध संस्कृति सम्यक् महादानयागु वर्णन याय्न्हो थन पाठकपनि समक्षे बौद्ध विहारया छुं छत्वाचा खें न्ह्यथना चवना—

नेपाल प्रतिष्ठाता वसपोल श्रीस्वयम्भूया ज्योतिरूप दर्शन, पूजन, चिन्तन याय्त थत प्रागेतिहासिक इलनिसें अनेक बुद्ध, बोधिसत्व, सिद्ध विद्याघर एवं आचार्य भिक्षु आदि ज्ञानि गुणि पण्डित व अनेक श्रद्धालु दानपतिर्पि विज्यात । गुलिजा थुगु पवित्र पुण्य भूमि नेपायागु शान्त वातावरण अनुभवयासें थनसतुं वासं च्वेचवन ।

स्वयम्भूज्योतिरूप दर्शन निम्ति विज्याह्य क्रकुछन्द तथागतं थव शिष्य गुणध्वज ब्राह्मण, अभयन्दद क्षेत्रि आदि न्हेसल शिष्यपिन्त बदे छुय्त वाक्द्वार सिफचो पर्वतस बिज्याना चूडाकर्म याना सर्वप्रथम बौद्ध संघयागु व्यवस्था याना विहार निर्माण याना थकूगु खने दु । अनं लिपा वया काश्यपतथागतया पर्यायस गुणाकर भिक्षुया संविधानत्वे विहार निर्माण जूगु गुगू विहार खः, वहे विहारय् काश्यपतथागतया वचनं अनुप्रेरित जुया नेपा वहा प्रचण्डदेव राजायात गुणाकर भिक्षुं बदे छना शान्त श्री भिक्षु याना बिल । थ्वहे शान्तश्रीभिक्षु वसपोल श्रीस्वयम्भू ज्योतिरूप तोकपुय्त

शान्तिकराचार्य जूगु जुल । अनं लिपा शाक्यमुनि तथागतं श्रीस्वयम्भू महाचैत्य दर्शनार्थं स्वयम्भू गोपुच्छाग्र पर्वतस च्वना मैत्रबोधिसत्त्वयागु अनुरोधकथं श्रीस्वयम्भू ज्योतिरूपयागु उत्पत्ति व विकासक्रमया गुणवर्णन व्याख्या याना बिज्यागु धर्मचक्र महाविहार नं थ्वहे स्वयम्भूपर्वत स्थानय् जुल । थ्वयां लिपा थव गुरु उपगुप्तभिक्षु लिसे सम्राट् अशोक नं श्रीस्वयम्भूमहाचैत्यया दर्शनं निमित्त बिज्याबले थव म्हाय् चारूमती नं चारूमती बिहार दय्का बिल । अथेहे श्रीस्वयम्भूमहाचैत्य दर्शनया लागि सिद्ध नागार्जुन, आचार्य वसुवन्धु व शान्तरक्षित् आदिपि बिज्याना नं थःथःगु इने उपयुक्त थासे विहार निर्माण याना वन । एवंप्रकारं रतिशर्मा ब्राह्मण नं गुलिखे समय न्ह्यो किण्डोलस किमान्दोल विहार दय्कावन ।

थुगुहे रूप विभिन्न इले विभिन्न समथवान् ख्याति प्राप्त विद्वान् आचार्यपिन्सं व मेपि बौद्ध धर्मप्रति अगाढ श्रद्धाभक्ति दुपि राजा महाराजा तथा दानपतिपिन्सं नं विहार दय्कावंगु खं इतिहास साक्षि दु ।

धाय्कि-लिच्छवि जुजु वृषदेवं शान्तिशील भिक्षुज्या कुशलनेतृत्वय् श्रीस्वयम्भू-महाचैत्यया पूर्णरूपेण जिर्णोद्धार यानालि स्वयम्भूपर्वतस श्रीसाह्येगु महाविहार दय्कल, लिसें बौद्धपुरी बन्देग्रामस बन्देजुत स्थापना याना, अननं विहार दय्का बन्देपुर(बदेगाँ)घेगु नाम प्रसिद्धयाना बिल । अथेहे जुजु शङ्करदेवं जयश्रीमिश्रयागु अनुरोधकथं श्रीमयूरवर्ण महाविहारया निर्माण याना बिल । एवंक्रमं धर्मदेव राजानं जुलसां राजविहार दय्का धर्मचैत्य स्थापना यात । मानदेवराजां मानविहार दय्कावन लिसे गुविहार स्वयम्भूस तपस्यानं यात । परमोपासिका मृगिनीनं गन्धकुटी विहारया जिर्णोद्धार यात, नापं चातुर्विंशमहायानिक आर्यापन्न भिक्षुणीसंघयात गुथिनं तयाबिल । हानं अशुवर्मानं राजविहार दय्का थव म्हाय् भृकुटीयात बौद्ध मूर्ति क्वसः तथा सँदेशया जुजु श्रद्धेन्ग्याल्पो यात पेन्ह वियाछ्त । अथेहे नरेन्द्रदेव राजां आचार्य वन्धुदत्तयात उपहारस्वरूप राजकृतिमहाविहार (तेबाहा) दय्का बिल । थुगुकथं देवलदेव राजां देवपालविहार दय्का थकल । राजा चम्पादेवं फूटोविहार दय्का चैत्य स्थापना यानावन । जुजु बालार्चनदेव नं ज्येष्ठवर्णमहाविहार दय्का थकल । गुकिया नामं थौतकं मतयाः उत्सव न्याय्का वइच्चन । शिवदेवराजां शिवदेवविहार (उकुबाहा) दय्कावन, थ्वहे विहारयात रुद्रदेव जुजुं पूर्णरूपेण जिर्णोद्धार याना बाँलाक दय्का थकल । भास्कर देव जुजुं हिरण्यवर्ण महाविहार

(क्वाबाहा) दयकल । श्वहे विहारस च्वंहा भगवान् बुद्ध पिङ्गलारानि दय्का थकूगु बत्तीसपुटली काहाद्वंस च्वंगु पिम्बाहाया प्राचीनमूर्ति खः । एवंक्रमं गुसकामदेव राजा पद्मचक्रविहार, रत्नाकर महाविहार (हुःबाहा) व गुणलक्ष्मीवर्मानं महाविहार निर्माण याना थकल । इन्द्रदेव जुजुं कच्छपालगिरी महाविहार (चोबाहा) व जयमनोहर महाविहार (सुबाहा) दय्का वंगु जुल । थूगु किसिमं राजा महाराजा पिप्पसं जकनं बुद्धधर्म-सेवा याना बिहार दय्कावंगु मल्लुकि-

अपिनु विद्वान् आचार्यपिप्पसं नं उतिकं श्रद्धा भक्ति तथा बिहारत दय्का थकूगु दु । उदाहरणया लागि श्व घाय्फुकि-रतिशर्मा ब्राह्मणं किण्डोलविहार दय्कल । सुनयश्रीमिश्रजुं यम्पिमहाविहार (ईबही) दय्कल । महापण्डित गौतम श्रीशाक्यभिक्षुं सप्तपुरमहाविहार दय्कल । अथेहे श्वसपोलया प्रधानशिष्य विद्वान् क्षान्तिश्रीनं पद्मोच्च श्रीमहाविहारया निर्माण याना थकल । एवंप्रकारं बौद्धाचार्य अभयराज शाक्यजुं महाबोधिमण्डप विहार (महाबुद्धदेगल) दय्कावन । हानं शाश्वतवज्र आचार्यजुं त्रिरत्नमहाविहार दय्का तुण्डखेलय् वज्रवोर महाकालया स्थापना याना थकल । मञ्जुवज्र (जामन गुरुजुं) मणिसिंह महाविहार (मुसूबाहा) दय्कावन, तथा लीलावज्रजुं मन्त्रसिद्धिमहाविहार (सबलवाहा) दय्कल, अथेहे आचार्य सुरत-वज्रजुनं सुरतश्राममहाविहारया (तछेबाहा) स्थापना याना थकूगु जुल ।

उपर्युक्त बौद्ध विहारयागु प्राचीन संस्कृति रितिथिति व्यवस्था अध्ययन याना स्वतघासा श्व स्पष्टरूपं घाय्फु थौकन्हे थें पूजा व गुथि थितिरिति हना च्वनेगु मात्रया थाय् मजुसे बौद्धधर्म, बौद्धसंस्कृति, बौद्धकला व बौद्धदर्शन आदियागु शिक्षादीक्षा प्रदान याय्गु संसारिक गृहस्थ जञ्जालं मुक्तयाना परमशान्तगु सम्बोधिया मार्गे दुतयंकेगु बौद्धतालगु शिक्षादीक्षा बिईगु बौद्धस्कूलया प्रतिनिधित्व याना वईच्वंगु पावत्र भूमि खः ।

सारांशरूपे षाल घासा बौद्धविहारया संस्थापना जूगु मूल उद्देश्य श्वहेखःकि- बौद्धजनजीवन व सत्त्वार्थहित सुख शान्ति निमित्त सम्यकरूपं शिक्षादीक्षा बिया आचार बिचार सुधार यायां परन्तु आदि मध्य अन्त्येसं परिपूर्णगु परिशुद्धगु बुद्धशासन उत्तरोत्तर वृद्धियाना यंकेगु । वशुद्ध भूमिरूपे श्रद्धातया वईच्वगु पुण्यक्षेत्र खः ।

थुजागु प्रकारया आदर्शमय विहारत विनयादि शील अष्ट जुया शिक्षादीक्षा मदया संघपिनि बिचय् सद्भावना कम जुजूवना परस्परे एकता सहयोग सहानुभूति

मदयावना, धर्मकर्म बःमलाना, दीनहीन जुजुवना थःथःगु विहारया वास्तविक नांतकनं मसियावन, लिसैं थुगु विहारतय्गु इलेबिले संवर्द्धन तकं याय्मफया थौं गुलिखे विहारत स्यना नष्ट भ्रष्ट जुयावन, गुलि आतक विद्यमान नं जुयाच्वन । थुगु ल्यनाच्वंगु बाहा, वहीत नं आयागु स्थिति छुं दशक लिपा इतिश्री जुईगु सम्भावना खने दु ।

थनयागु परम्पराकथं बिचाः याय्बले विहारया स्वंगु किसिमं विभाजन जुयाच्वंगु खने दु—

- १) सामान्य विहार (कच्चावाहा)
- २) मध्यमक विहार (बहीविहार)
- ३) महाविहार (मूबाहा)

थुगु सामान्य विहारे—पृथक्जनतोता बौद्धसंस्कार अनुसारं दशकर्म खका त्रिशरण शिक्षापद ग्रहणयाना पञ्चशील पालनयाना पूर्णरूपेण बौद्ध उपासक उपासिका जुई धुंकूपि कुलपुत्र कुलपुत्रिपि जक चवनेगु थाययात कच्चबाहा घाई ।

मध्यमक विहारे—बौद्धगृहस्थ उपासक उपासिका यागु शिक्षापदयाकें नाघय् जुईधुंकूपि अर्थात् बुद्धधर्म अध्ययन अध्यापन याना पूर्णरूपेण ब्रह्मचर्य भिक्षु जुईपिंगु लागि जक निदर्शन यानातःगु बहीविहार घाई ।

महाविहारे—ब्रह्मचर्य भिक्षुजुया बुद्धधर्म अध्ययन अध्यापन याना ग्रन्थधूरयाकें अलग जुया पूर्णरूपेण विनयानुसार उपसम्पदालाभि भिक्षुपि जक चवना विपश्यनाधूरे अभ्यास याईपि चवनेगु आवासीय स्थान आर्यावासयात मूबाहा घाई । थनहे त्तिद्धिया प्यंगुप्रहरे धर्मगण्डी थाना विहारया दिनचर्या बमोजिम धर्मसन्देश न्यंकेगु ज्या जुयाचवनी । कच्चावाहा व बहीलि धर्मगण्डी थाय्गु चलन महु ।

आगें दिगिस-श्रावक, महायान चर्यायाकें अतिरिक्त वज्रयानचर्याया सिद्धान्त अनुसारं अभ्यास याना छगू जन्म प्रभाश्वर धर्मकाय बुद्धत्व प्राप्त जुईगु शिक्षा-दोक्षा लाभ याय्गु रहस्यमय क्रिया जुईगु खः ।

सामान्यविहार (कच्चावाहा) यात तोता मध्यमक विहार (बही) व महाविहार (मूबाहा) जक चूडाकर्म बदे छुय्गु चलन दु । वदेछुय् धुंकूपि बौद्धविहारया सर्वसङ्ख्यात बौद्ध इतिहासे न्यामु प्रकारं नां उल्लेख यानातल—

१) बौद्धसंघ

२) भिक्षुसंघ

३) जिनसंघ

४) आर्यसंघ

५) श्रावकसंघ

श्वहे बौद्धसंघयात थनयात परम्पराकथं न्यागु किसिमं श्रेणी विभक्त याना तःगु खने दु-

१) वज्राचार्य (गुरुभाजु)

२) शाक्यभिक्षु (बन्देजु)

३) श्रामणेर (श्रामणी बन्देजु)

४) ब्रह्मचर्यभिक्षु (विकखुबन्देजु)

५) चेलक भिक्षु (चिबाहा बन्देजु)

श्वहे विहारे च्वंषि सर्वसंघंषि सर्व प्रथम त्रिशरण शिक्षापद ग्रहण याना क्रमशः उपासकनिसं थहाँ बना ब्रह्मचर्यभिक्षु, शाक्यभिक्षु एवं वज्राचार्य जुईपिन्सं बदेछुय्गु, दीक्षाकाय्गु, पिईह्म चाकले वनेगु, भलि लुय्गु, बेताजु जुय्गु, नायःलुय्गु, थपाजु जुयेगु अर्थात् चक्रेश्वर जुयेगु व थपात्वयेगु आदि कर्म खकेगु ज्या जुई ।

श्वहे विहारया क्वाचपाल देवता भगवान् बुद्धया न्ह्योने च्वना नित्य कर्मया रूपे आर्य नामसगीति ब्वनेगु, नित्यपूजा याय्गु, घर्मगण्डी थाय्गु व बहनि तूतः ब्वनेगु, ज्या जुई । अने वार्षिक पर्वया रूपे बुसार्च यायेगु, पाठ यायेगु, घर्म देशना याकेगु, व्रत उपासनादि धारणी ब्वकेगु, पूणी सेवा, गुंजासेवा, कार्तिक सेवा, अष्टमि सेवा, दशमि पूजा, चह्ले पूजा, अमाई पूजा, आगौ पूजा जुया च्वनि । हानं विशेष पर्वकथं महान्-कार्यरूपे बहिद्यो ब्वय्गु बौद्धकला प्रदर्शनी क्यनेगु व सद्धर्मयात्रा उत्सव जुई । वथें संघ भोजन सम्यक्महादान, नरां, पञ्जरां न्याय्केगु आदि विविध महान् धार्मिक उत्सव नं जुयाच्वनि ।

थुजा थुजागु बुद्धधर्मसम्बन्ध महत्वपूर्ण व गहन विषय ज्याखं इलेबिले जुयावना च्वंगु श्वहे बौद्धविहारया पृष्ठभूमि न्वंनानाच्वंगु खने दु । धाय्कि सम्राट् प्रियजीव अशोकया शिलालेख भारतीय इतिहासे व बुद्धधर्मया महत्वे गुगु स्पष्टता हयाबिल, उगूहे स्पष्टता नेपाया इतिहासे व बुद्धधर्मया महत्वे भोगु बही बाहाल हया विईफु । अझ बहो, बाहाया गर्भे इतिहासजक मखु संस्कृति व सभ्यतानं गभित जुयाच्वंगु दु । हानं श्वन धाय्फुकि-मेमेगु बौद्ध देश थें नेपाया वही, विहारे केवल श्रावकयानि भिक्षुचर्या जक सिमित मजूये महायानचर्या बोधिसत्त्वकृया व तन्त्रवज्रयानया रहस्यमय कर्मक्रिया नं जुयाच्वनि । श्वहे कारणयाना थनया बौद्ध विहारे क्वाचपाल देवता भगवान् बुद्धया च्वसँ आगम स्थापना याना वयाच्वंगु खने दु । श्वहे नेपाया बुद्धधर्मया इतिहासे थःगुहे विशेषता खः, देने खः, गौरव खः ।

सम्यक्-महादानया परम्परा

नेपाया बुद्धधर्मयागु इतिहास अध्ययन व अनुसन्धान यांना स्वतः घासा गुलि नेपाया बौद्धविहार माने यांना वइच्चंगु रितिथिति धर्मसंस्कृति दु । उकि मध्ये दकले सकले तघंगु थ्वहे 'सम्यक्महादान' हे खः ।

थ्व सम्यक्महादानया रितिथितिस दृहांवना अध्ययन व अनुसन्धान यांना स्वतःघासा बुद्ध आज्ञा जुया बिज्यागु श्रावक, प्रत्येक, महायान एवं बज्रयान-सम्बन्धि ज्याखँ सुलाच्चंगु खनेदर्ई ।

थुकी श्रीस्वयम्भू ज्योतिरूप भगवानबुद्ध तथा समस्त अतीतबुद्धपिनि प्रतिनिधित्व यांना बिज्याह्य श्री दीपङ्कर तथागतयात सर्वोपरि स्थान बिया मानेयांना वइच्चंगु खने दु । अथेहे वर्तमान कालया बुद्धपिनि प्रतिनिधित्व यांनाबिज्याह्य वसपोल शान्तिनायक शाक्यमुनि तथागत व भविष्यत्कालया बुद्धपिनि प्रतिनिधित्व यांना बिज्याह्य आर्यमैत्रेय तथागत आदि अनेक बुद्ध, बोधिसत्व, आर्यतारा, प्रज्ञापारमिता, वसुन्धरा, आर्यावलोकितेश्वर, आय मञ्जुघोष आदिया सुन्दर भव्य कलात्मक मूर्तित उपस्थित यांना तइतःगु खने दयाच्वनि । लिसँ सुईस्वकोटि देवतापि तथा नेपाया समस्त प्रजाया हृदयप्राण राष्ट्रनायक श्री ५ महाराजाधिराज सरकार व आर्यसंघ, जिनसंघ, बौद्धसंघया रूपे गुरु वज्राचार्य, शाक्यभिक्षु, श्रामणेर, ब्रम्हचर्यभिक्षु, चैलकभिक्षु आदि आमन्त्रित जुई । थ्व सम्यक्महादानया दुने बौद्ध दर्शन, बौद्ध कला बौद्ध संस्कृति बौद्ध धर्मया विशुद्ध भावना अनुपम प्रदर्शन कयना वइच्चंगु दु । घाथें घाय्मालघासा थुजागु किसिमया बौद्धसंघायन-बौद्धसम्मेलन-बौद्धजागति अन्तर-राष्ट्रिय बौद्ध जगत् (चीन, जापान, मंगोलिया, तिब्बत तथा लंका, बर्मा थाइल्याइण्ड, भारत आदि) थासे दुर्लभ घासां अत्युक्ति जुइमखु । अतः एव, थ्व सम्यक्महादान महोत्सव नेपाया थःगुहे किसिमया देन दइच्चंगु महत्त्वपूर्ण आदर्श खः, विशेषता खः, गौरवमय परम्परा खः ।

अशान्तिजगते शान्तिव्यवस्था ह्यमिस्ति बुद्धशासन स्थापना याना बुद्ध धर्म व संघयागु व्यवस्था दय्का शान्तिप्रगति व सद्भावना जागृति ह्यलागि आपालं उपायकुशल ज्ञान सिया बिज्यापि प्रातःस्मरणीय भी पूर्वाचार्यपिंसं बुद्धभूमि नेपादे-यात लोगु थुगु सम्यक् संघभोजन प्रथा दय्का थकल। थुगु सम्यक् धर्मया बन्देज बौद्धमात्रया निम्ति जक मखु परन्तु मानवमात्रया लागि अझ सकलसत्त्व प्राणिना कारणे हितसुख शान्ति बिईगु विशुद्ध मुक्तिमार्गया लंपु क्यनिगु बुद्धशासनयागु थव प्रथा खः।

घाथे घाय्घासा थुगु प्रथाया परम्परा सम्यक्संबुद्ध तथागतपिंसं आज्ञाजुगु सम्यक्धर्मया शिक्षादीक्षानुसार आचरणायाइपि सम्यक्संघ, आर्यसंघ, जिनसंघ, बौद्ध संघपिगु मूल उद्देश्य विधिविधानकथं चलेजुया वईचवंगु सम्यक्धर्म खः।

जम्बुद्वीपया मूलगु पुण्यभूमि भोगु नेपादेशे सम्यक् धर्मया महत्त्व दुगु घेगु हे वसपोल श्री दीपङ्कर तथागतयागु महत्त्व दुगु खः। छायाघासा बौद्धग्रन्थानुसार दीपङ्कर तथागतया इले थव सम्यक्धर्म प्रादुर्भाव जुगु खः। वसपोल श्री आदिबुद्ध ज्योतिरूप स्वयम्भूमहाचैत्यया दर्शन व पूजन निम्ति सप्त तथागतपि मध्ये न्हेहाहा नेपालपुत्र शाक्यमुनिनं दीपङ्कर तथागतयागु व्याकरण उपदेश प्राप्त याना अनुशरण नाया तथागतपिगु परम्पराकथं बोधिचित्त उत्पत्ति याना पारमिता चर्या चलेयाना आपालं कल्पतक सत्त्वार्थ हितसुख निम्ति बोधिचर्याव्रत चरलपा बिज्यागु जुल।

दीपङ्करतथागतया जीवनी व शाक्यमुनिया जातक कथा स्वया यकेबलेनं थव ख स्पष्टजू ओ कि—

असंख्य समयन्ह्यो अनन्तकल्पय् दीपावती नाँ जुया चवंगु नगरे अचिचिमान राजाया सुदीपा महारानी पद्मिनी घेगु सुन्दर मनोहरगु बगैचाय् चाह्यूवंबले अनचवंगु दिव्य मनोहरगु पुखूया दथुईलाक असंख्य उज्ज्वलगु तस्सकं धिनाचवंगु मत प्रकाश जुल। पाय्छि उगु इले शुभ मुहूर्त्तस महारानीया प्रसूतिव्यथा जुया बालक आनन्दपूर्वक जन्मजुगुलि दीपङ्कर बोधिसत्त्व नामं प्रख्यान्त जुया लिपा वसपोल बोधिवृक्ष सिमाया क्वसँ चवंगु दिव्यरमणीय पुखूया दथुई चवंगु पल्लवित पुष्पित जुया विकसित जुया तस्सकं चक्कं ह्वया चवंगु, दिव्यसुगन्ध वासनां सहितगु, पलेस्वाया छोने चवना असंख्य मारगण जिते याना सम्यक्संबोधिज्ञान प्राप्त यानालि दीपङ्कर तथागत जूगु जुल।

थवसपोल दीपङ्करतथागत लोकहितार्थं निम्ति चाह्यू विज्याबले थवसपोलया हे स्वागतसत्कार याय्त सुमेधकुमारं दय्काचवंगु लज्यास थमं दय्केमागु भाग सिधय्के

मलावं दीपंकरतथागत थ्यंकः बिज्यागु खना अत्यन्त श्रद्धाभक्ति तथा प्रसन्नपूर्वक हतस्पत्तर व भ्यातंना दुगु माले थःहे ताःस्वरूपजुया गोतुला बिया वसपोलेयागु सन्मान यागु जुल । थूजागु प्रकारया सुमेधकुमारयागु श्रद्धाभक्ति खना दीपंकरतथागत अत्यन्त प्रसन्न जुया बिज्याना वईगु लागि भविष्यवाणी याना आशिर्वाद बिया भविष्यव्याकरण याना बिज्यागु दु कि—

भो कुलपुत्र ? सुमेधकुमार ? लिपायागु जन्मे छ शाक्यमुनिबुद्ध घायका असंख्य प्राणिपिगु हितसुख शान्ति व देवमनुष्यपिन्सं हियके मफूगु अनुत्तर धर्मचक्र प्रवर्त्तन याईह्य जुई ।

थुगुहे किसिमं हानं थयेनं घयातःगु दु कि - वसपोल दीपङ्करतथागत प्रसन्नशील महाविहारस च्वना धर्मोपदेश याना बिज्याना च्वबले शाक्यमुनि जुईह्य मेघ मानवक दीपङ्करतथागतयात न्याफो उफोस्वां द्वहलप्युगुलि तथागत प्रसन्न जुया भद्रकल्पय् कलियुगे शाक्यमुनि घईह्य, बुद्ध जुइधका आशिर्वाद बिया बिज्यात ।

दीपङ्करतथागतयात इलेबिले सम्यक्दान बिया स्वागतसत्कार याना वइच्चगु प्रमाण बौद्ध ग्रन्थग्रन्थान्तरे थासंथासे कनाच्वंगु दु । प्रमाणस्वरूप सक्षिप्त उदाहरण थन प्रस्तुत यानाच्वना—

छन्हु दीपङ्करतथागत किशुकबने चङ्क्रमण जुया बिज्यागु बखते भिदल माक त वया वसपोलया सत्कार याना च्वंवल । उगु इले माकःया राजां सर्वप्रथम फँसि छगः निपाह्लातं आदरपूर्वक ज्वना श्रीदीपङ्करयात चह्लेयागुलि दीपंकर प्रसन्न जुया छंगु थव प्रथम दानाङ्कुर तःमागु सिमा जुया उकिया पुण्यानुभावं ताँविस्तार मजुईक भोगयाय् दय्मा धका आशिर्वाद व्यूगु दु ।

लिपा हानं वहे ज्ञानाकर माकः कामार्थिसहरे सार्थवाहुया काय् धर्मश्रीबालक घायका जन्मकया बाल्यावस्थास पासापि नापच्वना घू द्वँचिना लँया दथुस ह्यिता च्वंगु इले श्रीदीपकर तथागत थव शिष्यगणपि मुंका प्रस्थानयाना बिज्यागु समये वहे मचा ह्यिताच्वंगु थासे थ्यसेलि व बालखया पूर्वसत्कारं याना, दीपंकरतथागत याके श्रद्धानिश्चय वना व बिई थव बिई मदया हथासं थमं ह्यिताच्वनागु घूहे जूसां छपासः छपासः श्रीदीपंकर प्रभृति सकल भिक्षुपिन्त नं जाकि, छो, वा, केगु इत्यादि नां कया भक्तिपूर्वक दान व्यूगु जुल । उह्य बालखया शुद्धचित्त श्रद्धाचित्तवर्श व घूः गुगू गुगू नांकया भावनायाना बिल पलस्वरूप वहे वहे अन्नवस्तु जुयावन । थव दानव्यूगु दिन जुल श्रावणशुक्ल अष्टमि खन्हू । थवहे पवित्र दिनयात आदर्श माने-

याना थौतक यलपंजाष्टमि घका प्रसिद्ध जुयाचवन । थुह्य बालखयागु श्रद्धा भक्ति खना दीपकरतथागत प्रसन्न जुया आज्ञाजूगु दु कि- थूगु दानाङ्कुरया प्रभावं निसन्देह चिरकाल तक भोग याय्दय्मा घका आशिर्वाद बिया लिहां वन ।

थुगु पुण्यानुभावं श्वहे घर्मश्रीबालक लिपायागु जन्मे दीपावती नगरे सुशीलानन्द महाराजया कलात शीलावती महारानीया गर्भं जन्मजुया सर्वानन्द राजा घाय्का त्रिरत्नया भक्तिभाव याना, सद्धर्म चरलपा प्रजागणपिन्त सुखशान्ति बिया आनन्दनं जीवन हनाच्चंगु जुल ।

उगु समये श्रीदीपङ्करतथागत दीपावतीनगरया समीपस प्रसन्नशील महाविहारे थव शिष्य महाभिक्षु सुनन्द प्रभृति भिक्षुगणपि मुंका सभाषदपिन्त सद्धर्म बोधिज्ञान उपदेश याना बिज्यानाचवन ।

श्वहे दीपङ्करतथागतया उपदेशं अनुप्रेरित जुया राजा सर्वानन्दनं जुलसां दानपारमिताया विधिकथ श्री दीपकरतथाग तव वसपोलया शिष्य समूह श्रावकभिक्षु सकलयातं सम्यक्दान, पिण्डपात्रदान, सम्यक्संघभोजन याकेगु सम्यक्संकल्प भाकल याना स्वकःतक सम्यक्दान, नरां, पञ्जरां न्यायेकावंगु खं कपिसावदाने उल्लेख याना तःगु दु ।

लिसें श्वहे सर्वानन्दराजां सम्यक्दान नरां पञ्जरां यागु खना अनुमोदनयासें छह्य दुःखि नकिजु मिसा छह्यसि नं नं तस्सकं दुःखकष्ट सिया सम्यक्जीविका द्वारा मुंकातःगु अन्नवस्तु ज्वना उगू दानशालास वना छल्लेलिक च्वना दुःखिपहलं दान बिया च्वंगु खनं उकिहे च्वयातल । थुह्य नकिजुया शुद्धचित्तयागु विशुद्धदान-यात सर्वप्रथम दीपंकर तथागतं दानग्रहण यानालि अनंलिपा सर्वानन्दराजाया दान ग्रहण याना बिज्यागु जुल । सर्वानन्द राजाया दानशालास तोपः वह्य उह्य नकिजुया दानयात दीपंकर तथागतं न्हापालाक दानकया बिज्यागु खना आश्रय जुया जुजुं तथागतयाके प्रार्थना यात कि—

भो शास्ता दीपंकरतथागत ! छलेपोल जिगु दानशालास बिज्याना न्हापालाक उह्य नकिजुयागु दान कया बिज्यागुया हेतु छु ? घका प्रश्न यागु जुल । थुकिया लिसले तथागत मुसुमुसु न्हिला थथे आज्ञा जुया बिज्यात—

भो राजन् सर्वानन्द ! छंगु दानशाला गुलि शोभायमान जुया भःभः घा । उकिसं दानशालायात लव्यक दानज्वलं नं उतिकं बाला यैपुसेच्चं तर, थगु सम्यक्-

दान नरां पञ्जराया लागि संकल्पित जूगु छंगु घन श्रीसम्पत्ति उलि विशुद्ध मजू, थःगु हिचःतिया कमाई मखु, सम्यक् आर्जनयाकें मुंका तःगु घनद्रव्य मखु, उकिसं प्राणिपिगु दुःख लुमंका सद्धर्मचित्त बोधिचित्त उत्पत्ति याना यागुनं मखु । केवल अष्टलोकधर्म, तामसिधर्म, दृष्टधर्मया कारणं नां तय्गुमात्रया हेजक ज्या जूगुलिं छंगु दानयात लिपा लाका दृष्टधर्मयात वास्ता मतसे सम्बोधिचित्त उत्पत्ति याना तच्चोगु श्रद्धाभक्ति चित्तं दानव्यूगु ज्यानिमित्त उह्य नकिजुया दानयात विशुद्धदान भाषा न्हापालाक ग्रहण यानागु जुल ।

दीपंकरतथागतयागु मर्मस्पर्शि उपदेश न्यना सर्वानन्दराजाया मने वसपोलयागु आज्ञानुसार थःगुहे हिचःति हाय्कागु कमाईयाकें सम्यक्पञ्जरां याय्गु विचारं कौयागु ज्यासले वना वया ज्यामिजुया अतिकष्ट नया धनोपार्जनं याना सम्बोधिचित्त उत्पत्तियाना स्वकोगु सम्यक्पञ्जरां याना थःगु सद्विच्छा पूर्तियागुदु धका वणनं यानातल—

किं जन्मना सुगतशासनदानहीनात् ।
 किं जीवितेन शरणत्रयः वर्जितेन ॥
 तस्माद्धि शुद्धमनसा वपुसा गिरा च ।
 सम्यक्ददामि सुगताय सुपिण्डपात्रम् ॥

जगत् हितार्थं निमित्तं विज्याना च्वंहा वसपोल सम्यक्संबुद्ध तथागतया शासन सेवाया लागि छुं दानप्रदान याय्मकुंत घासा थौं जि जन्मजुयागु धिक्कार । हानं वसपोल त्रिरत्न बुद्ध धर्मसंघया शरण वने मकुंत घासानं जि म्वाना च्वनागुनं निष्फल जुल । अथेया निमित्त थःगु कायवाक्चित्त परिशुद्ध याना वसपोल सुगतसुमार्ग आर्याष्टाङ्गमार्गसं विज्याना च्वंपि सम्यक्संबुद्ध आदि आर्यसङ्घपिन्त जगतहित सुख शान्तियाय् कारणे कालान्तरतकं थुगु सम्यक्धर्म, आर्यसंघभोजन, स्थिर जुयाच्वनेमां धका शुभप्रणिधान याना, श्रद्धापूर्वक आदरभाव तया पिण्डपात्रादि अन्न, धन, रत्न फलमूल एव ग्लानप्रत्यय अष्टपरिकार आदि दानयाना सम्यक्-महादानया विधिविधान स्थिति बन्देज दयकायकूगु जुल । थ्वहे आदर्श व गौरवयात अनुस्मरण याना थ्वया परम्परा इतिहास कायम जुया च्वन धैगु नेपामि बौद्ध-तय्गु थःगु धारणा खः ।

थ्व सम्यक्महादान, सम्यक्धर्म, सम्यक्संघभोजनया परम्परा दानवीर सर्वानन्द राजां जक यानावंगु मखुकि, सत्ययुगे गन्धवती नांजुया च्वंगु नगरे सर्वसत्यप्रियदर्शन धैहा बोधिसत्त्वनं याना थकूगु दु ।

अथेहे स्वर्णवती देश्य् स्वर्णकेतु राजानं इतिकं श्रद्धा तसे थुगु सम्यक्-धर्म
न्यायका वन । लिसे थ्वहे स्वर्णकेतु महाराजया कार्यापि पुष्पकेतु, रत्नकेतु, द्वीपकेतु,
चन्द्रकेतु व सूर्यकेतुपिन्सनं यानावंगु जुल ।

थुगुकथं हानं त्रेतायुगय् रत्नकोशवती धेगु देशया राजा रत्नकेतुमहाराजं नं
जुलसां थवगुरु सर्वज्ञमित्रया उपदेश न्यनालि श्रीक्रकुच्छन्द तथागत प्रभृति आर्यसंघर्षित
निमन्त्रणा याना सम्यक्भोजन, सम्यक्दान न्यायका वंगु जुल ।

एवंप्रकारं वन्धुमतीदेशे वसुवन्धु महागुरुया उपदेश न्यना उगु देशया राजा
इन्द्रपृष्ठमहाराजं नं उगुहे किसिमं परम्परा कायम यासे सम्यक्-धर्म अनुसार
पिण्डपात्रादि दान याना थंकल ।

छुं कालान्तर लिपा वहे देशया जुजु चन्द्रप्रभ महाराजि चन्द्रकान्तिया सद्धर्मचित्त
उत्पत्ति जुया व सुगतावदानस आज्ञाजूगु कथं सम्यक् रूपं पञ्जरां न्यायकावंगु खं
उल्लेख यानातल ।

द्वापरयुगया अन्तस वाराणशि सहरं श्रीस्वयंभू ज्योतिरूप दर्शन याय्त काश्यप-
तथागत नेपा बिज्यात । श्रीस्वयंभू दर्शन याय्धुंका थःगु देशेतुं लिहां बिज्याना
काश्यपतथागतं श्रीस्वयंभू ज्योतिरूपया विषयकया स्वयंभूमहात्म्य गुणवर्णन याना
बिज्यागु जुल । थ्वहे उपदेश न्यना अत्यन्त प्रभावित जुया गौडदेशया राजा
प्रचण्डदेव जुजुं काश्यप तथागत स्वयंभू दर्शन पूजन याना लिथ्यंगु उपलक्षसहे
श्रीकाश्यपतथागत प्रभृति आर्यसंघ भिक्षुगण समेतं निमन्त्रणा याना सम्यक् पञ्जरां
न्यायकल । लिसे थःगु सम्पूर्ण राज्यदेश्वर्य आत्मासमेतं काश्यपतथागतयात द्रव्यलपा
श्रीस्वयंभू ज्योतिरूप दर्शन यायेधका नेपा बिज्यात । नेपा बिज्याना प्रचण्डदेव
राजा श्रीस्वयंभू भक्तियाना च्वंहा महाभिज्ञ श्रीगुणाकर भिक्षुया शिष्यत्व ग्रहणयाना
थःनं शान्तश्रीभिक्षु जूगु जुल ।

ऐतिहासिक प्रमाण कथं

सम्यक् पञ्जराँया परम्परा

नेपालय् किरातीशासन अन्त जुईवं लिच्छविशासनया उदय जुल । अनुमानित स्वंगुगु शताब्दीपाखे लिच्छवि सूर्यवंशी वृषदेव राजानं जुलसां शान्ति व करुणाप्रधानगु बुद्धधर्म ग्रहण याय्गुलि मतीतया नेपाया धार्मिक केन्द्र श्रीस्वयम्भू पर्वतस्थान पाखे स्वया प्रस्थान यानावन । अन उगु समये श्रीशान्तिकर साह्रेंगु महाविहारे प्रसिद्ध बौद्ध आचार्य शान्तिशील भिक्षुया शिष्य जूवम । लिसे थव गुरु शान्तिशीलजुयागु उपदेशयात शिरोपर यासे राजा वृषदेवनं जुलसां प्रागैतिहासिकं इलनिसे सुप्रसिद्ध जुयाच्चंगु श्रीस्वयम्भूज्योतिरूपयात पुनः चेत्याकाररूपे परिणत याय्गु विचारं महान् शुभसंकल्प यात ।

तदनुसार-आचार्य शान्तिशील भिक्षुजुया कुशलनेतृत्वय् शास्त्रोक्त विधिपूर्वक श्रीस्वयम्भूमहाचैत्यया निर्माणकार्य सुसम्पन्न यागु जुल । थ्वहे श्रीस्वयम्भूमहाचैत्ययागु विशेष महत्त्व न्यना भक्तिवश छुं समयतक स्वयं राजाहे पूजारी जुया विज्यात । परन्तु सदांया लागि थथे थःहे पूजारी जुया च्वने मफईगुलि स्वयम्भूया नित्यपूजा निम्ति आवश्यक बन्दोवस्त मिलेयाना बन्देजु शाक्यभिक्षुपिन्त अधिकार प्रदान याना थकल^१ ।

आचार्य शान्तिशील भिक्षुजुया प्रेरणाद्वारा बुद्धधर्मप्रति अगाढ श्रद्धाभक्ति उत्पन्न जूगु जुल । अर्कि थ्वसपोल वृषदेवनं बुद्धधर्म सम्बन्धि अनेक सद्धर्मकीर्ति तया थकल ।

जुजु वृषदेवयागु विषय थुगुप्रकारं वशावलि व जनश्रुतिया आधारेजक बुद्धधर्मया परमभक्त घयातःगु मखुकि इतिहासप्राण शिलाभिलेखे नं अङ्कित याना तःगु दु उदाहरणया लागि थ्व घायफु-द्वितीय जयदेवयागु पशुपतिस च्वंगु अभिलेखय् पण्डित बुद्धकीर्तिजुं थथे उल्लेख याना तल^२-

१- देवमाला पृ, २५

२- संस्कृतसन्देश वर्ष १ अंक १

श्रीमान् वभूव वृषदेव इती प्रतीतो
राजोत्तम सुगतशासन-पक्षपाती ।

लिच्छवि जुजुपि मध्ये उत्तम जुयाच्चंहा वृषदेव राजा सुगतशासन बुद्धधर्म मानय् याय्गुलि तस्सकं उत्साहित जुया च्वंहा घका प्रशंसा याना तःगु दु । श्वहे वृषदेवयागु पाखें शंकरदेव जन्मजुल । वहे शंकरदेवया लँ धर्मदेव उत्पन्न जुल । श्वहे धर्मदेवया काय् ऐतिहासिक प्रथम मानदेव राजा उदय जूगु जुल । श्वहे मानदेवया अंशं महीदेव घयाहा प्रसिद्ध राजा जन्म जुल घका च्वईतल ।

१) थुहा वृषदेवराजां बुद्धधर्मप्रात तधंगु श्रद्धाभक्ति तया बुद्धधर्म सम्बन्धि आपालं उन्नति यानाच्चंगु इले सुन्दर नामक सार्थवाहु महाजनं रत्नाकर समुद्रे वना आपालं रत्नज्वना वल^१ । अनलि कालो घेगु नगरे वया उगू रत्नत विक्रियावले ह्यगु कोटि धनसम्पत्ति प्राप्त जुल । व धन सम्पत्ति ज्वना नेपाले वया छगूकोटि धनराशि गर्भ सोथना बौद्धाचार्यपिगु निर्देशन अनुसार विशालरूप प्रदानयाना चैत्य दय्कल । श्व चैत्य माघशुक्ल श्रीपञ्चमि उत्तरभद्र नक्षत्र सिद्धयोग बुधवारया शुभदिनस विधिपूर्वक प्रातिष्ठा याक्गु जुल । थुगु विशालचैत्य प्रतिष्ठाकाय सुसम्पन्न जूगु शुभउपलक्षस अतिकं भव्यजुईक दानशाला ग्वया आर्यजिनसंघपिन्त निमन्त्रणा याना सम्यक्दान नवदान (नरां) याना क्षीर भोजन याका आयं जिनसंघ पिगु पाखें आशिर्वाद कया लि हानं उगु लसताय आपालं धन खचं याना बुद्धशासनयागु सेवा यात ।

थुहा उदारवादी सुन्दरनामक सार्थवाहुनं शिलापुरवानगिरि पुलचोया लिकसं सवालाख धनसम्पत्ति गर्भतया थूदयात प्रतिसंस्कारयाना तयार याना बिल । लिसें थुगु स्थानयात शोभावृद्धि व संरक्षण याय् लागि पुलचोस गां दय्का वस्तिनं बसाले यागु जुल । श्वेक सुन्दरसार्थवाहु जन्मजात माली जूसां बुद्धधर्म दीक्षित जुया भिक्षुजुया नकवही घेगु विहार निर्माण याना श्वहे विहारस च्वना धर्मनं जीवन हुना अन्तस परलोक जुयावन ।

१— प्राचीन नेपाल अंक १४ पृ. १६

थुकी वृषदेवराजा मच्चसे वीरदेव राजा घका च्वयातःगु दु । श्री ५ या सरकार पर्यटन विभाग प्रकाशजुगु 'नेपाल' घेगु टुरिष्टगाईडबूक्स वीरदेव राजां यलदेश निर्माण यात घका च्वयातल । थुगु समय घासा ई. सं. २६८ अंकित जुयाच्चंगु अनुसारं वीरदेव मज्जेसे वृषदेव राजा जुय्मा घेगु अनुमान प्रमाण छः ।

२) ग्वलया चाय्वहीया लिकसँच्वंगु प्राचीन ऐतिहासिक धर्मदत्तचैत्य (धंद्विवाहा)-
यात परम श्रद्धावती छह्य उपासिकां तथागतयागु गौरवप्रति तच्चोगु श्रद्धाभक्तितसँ
बुद्धया महत्वपूर्ण छगू किन्नरीजातक किय्के बियालि लिसँ अनेक सुन्दर कलात्मक
चित्रनं च्वके बिया, आपालं दुःखकष्ट सिया थुगु चैत्य दय्के ब्यूगु जुल ।

थुगु चैत्यया संरक्षण व सुधार निम्ति आवश्यक व्यवस्थाया लागि प्रतिवर्ष
४५ मानिका कूतबाली वईगु बूँ तया गुथि तयावन । थुलिजक मखु हानं आर्यसंघ
जिनसंघ भिक्षुपिन्त भोजन याकेगु व महामुनि श्रीशाक्यमुनि बुद्धयागु पूजाया
कारणे २८ मानिका कूतबाली वयाच्चनिगु बूँ द्रहलपा बुद्धशासनयागु सेवा भक्ति
बाना थकल ।

थ्व धर्मकीर्ति तया थकूगु दिन जुल माघवर्षकाल आषाढशुक्ल दशमिया
शुभपर्वस । थुगू अद्भूतगु कुशलमूल द्वारा प्राप्तजूगु पुण्यानुभावं जिगु स्त्रीत्वभाव
मिसाजन्मं परिमुक्त जुया थ्व दुःखसुखरूपी [संसारसागरं पारजुया सम्बोधिज्ञान
प्राप्त जुय्मा घेगु आशिका याना तःगु जुल] ।

थ्व शिलाभिलेखया प्रमाण थथे वियातःगु दु१ -

योसो शान्तपदङ्गतः

सङ्खिद्य सुचिरङ्कालम्भवनम्भवविच्छिदः

किन्नरीजातकाकीर्णानाचित्रविराजितम्

चत्वारिंशत्सपञ्चेह यत्र धान्यस्य मानिकाः

वर्षे वर्षेथ जायन्ते क्षेत्रन्तत्तादृशन्ददौ

भूयः सङ्घस्य भक्तार्थं पूजार्थञ्च महामुनेः

क्षेत्रन्दत्तन्तया यत्र ह्यष्टाविंशति मानिकाः

विचित्रं देयधर्मम्मे कारयित्वेह यच्छुभम्

स्त्रीभावं हि विराग्याहं पुरुषमत्वमवाप्य च

थुगु अभिलेखया प्रमाणकथं थ्व आशय क्योगु दु—नेपाया परम्पराकञ्च अतिकं
चवन्ह्यानाच्चंगु विविध बौद्ध संस्कृति मध्ये महत्वपूर्णगु 'संघ भोजन-सम्यक्संघ भोजन'या

१— लिच्छविकालका अभिलेख सं-१, पृ. १,

श्रीधनवज्र वज्राचार्य,

प्रकृया सम्यक्चक्रविधान चिरस्थायि जुइमा धेंगु हेतु न्ह्योनिसें दइच्चंगु लिपातकं परन्तु सुचारुरूपं चले जुया च्वनेमा घका थ्व गुथि संकल्पयाना आयस्ता तथा थकूगु जुल ।

आतकक उपलब्ध जुयाच्चंगु काठमाण्डू उपत्यकाया दकले पुलांगु लिच्छवि अभिलेख जुजु मानदेवया चांगुनारायणया विजयस्तम्भ शिलालेख खः । थुगु स्तम्भाभिलेख स्वयानं पुलांगु घका मान्यता बिया विद्वाब् श्रीधनवज्र वज्राचायेजुं थःगु 'लिच्छविकालीन अभिलेख' नामक ग्रन्थसं सर्वोपरि स्थान बिया वईच्चंगु खने दु । थुकिं स्पष्टयागु दु नेपाले 'संघ भोजन'— घेंगु गुलि महत्वपूर्ण जू । थथे संघभोजन शब्द वाक्य प्रयोग याय्गु परम्परा सम्यक्या निमन्त्रणा पत्र दानपत्र स्थिरपत्र आदिसं अविरलगति धाराप्रवाह जुया न्ह्यानाहे च्वनतिनि ।

३) लिच्छवि जुजु शिवदेव नं थव पुर्खा बाजे तापाबाजे पिन्सं बुद्धधर्मप्रति आस्था प्रतिष्ठा तथा शकरदेव, धर्मदेव, मानदेवपिन्सं बौद्धविहारत वहे परम्परानुसारं थमनं उतिकं श्रद्धाभक्ति तसें नन्दिशाला विहार दय्का प्रतिष्ठाजूगु उपलक्षसं आर्यसंघपिन्त संघभोजन याकल घका उल्लेख यानातल ।

४) नेपाया सम्यक्महादान सम्यक्भोजनया परम्परानुसार-सम्यक् न्याइबले त्रिरत्नालोक पुण्यकीर्ति अर्थात् बुद्धशासनया दिव्यभावनाया प्रतीक स्वरूपं निम्न लिखित धर्मकीर्तित दय्केगु चलन खनेदु—

- १) बुद्धया कायिक शासन-भव्यरूप दीपङ्करतथागतया मूर्ति दयकि, पञ्जरां नराजक यातसा तःघिकः याना मदयकूसे बःचाधिकजक याना दयकी ।
- २) बुद्धया वाचिक शासनया रूपे— धर्मञ्च जिनभाषितं घयातःगु आदर्श अनुसारं सद्वर्तमान प्रजापारमिता सफू च्वकेगु याना वईच्चन ।
- ३) बुद्धया चैतसिक शासनकथं—सर्वसुगतहृदय प्रभाश्वर धर्मकाय श्रून्यनिरञ्जन पंचबुद्धात्मक स्वयम्भूचैत्य धर्मघातु वागीश्वर दयकेमा । थुगु चैत्ययात सम्यक्बले 'थासंघो' घका मानेयाना वइच्चंगु खनेदु ।
- ४) थुगु सम्यक्धर्म आर्य सम्यक्भोजन सम्यक्चर्या यागु गुणधर्म महात्म्य अतिप्रशंसनीय जू । शान्ति व महाकरुणा अभिलाषा यानाच्चपि समस्त देव मनुष्य आदि सर्वसत्त्व प्राणिपिन्सनं दर्शनीय, पूजनीय, स्पर्शनीय एव

चिन्तनीयगु, आदि पञ्च अन्त्येसं कल्याण दायकगु केवल परिपूर्णगु, परिशुद्धगु
थुगु सम्यक्कर्मया शुभ सन्देश दिव्यसन्देश सकभनं प्रचार प्रसार याय्
योग्यजू धैगु अर्थे व लिसं-अप्रतिष्ठित निर्वाण दशदिग्धर्म दुन्दुभिः-ध्यातः श्ये
महायानिक निर्वाण गर्न च्वनाच्चंगु मखु, तर व ऋगुदिशासं व्यापक
जुयाच्चंगु दु घका धर्मद्वन्दुभि द्वारा सच्चोदन याना न्यका च्वंगु दु धैगु
भावनायात कया दिव्यवण्ठ गं छगःनं दयकेमा धैगु परम्परा दु ।

थुगागु सम्यक्या परम्पराकथं बिचाःयायबले गुलि दानपति श्रद्धालुपिंसं
दीपङ्कर तथागतया भव्यमूर्तिजक दयकानं सन्तेष मज्जया सम्यक्या नामं विहारनं
दयकावंगु खने दु । लिसं सम्यक् निम्ति च्वके व्यूगु सद्धमं ग्रन्थ प्रज्ञापारमिता नं
वहे विहारे व्याख्यान तकनं याकूगु खने दु । थुकिया ज्वलन्त उदाहरण थ्व दु कि-

राजा भोजदेव, रुद्रदेव व लक्ष्मीकामदेवपिगु संयुक्तराज्यस ने. सं. १३५ सालं
अतिकं भःभः धाय्क भव्यनक्सां सम्यक् याना विहार दयकालि आर्याष्टसाहस्रिका
प्रज्ञापारमिता च्वकालि व्याख्यान समेत याकेव्यूगु खं निम्नलिखित वाक्यं स्पष्टयागु
दु । लिसं उगु ग्रन्थ व्याख्यान याहा धर्मभाणक बौद्धाचार्य योग समाधिस
अभ्यस्तह्य श्रीसुजनभद्रया नं नां न्ह्यथना तःगु दु । थ्व सम्पूर्णं कुशलमूलया कारण
सम्बोधि निरुत्तरसुख प्राप्त जुईमा घका सम्यक् बोधिपरीणामना समेत याना
तईतःगु जुल^१—

सं. १३५ भोजदेव, रुद्रदेव, लक्ष्मीकामदेव विजयराज्ये

नेपालमण्डल स्वलंकरणाय सम्भक्

तहँविहार इति ।

सर्वजनानुरागो यस्मिन् विभाति वचनं

सुगतस्य शाश्वत् । तस्मिन्विहारे तपसो

रम्बुसागरे सुजन भद्रस्य समलिखत्मुधीः ।

तनोति मां प्राप्य निरुत्तरसुखं सनानु तां

अष्टसहस्रिकाख्याम् ।

१- थुगु प्रमाणया संकलक वर्तमान लण्डन क्याम्ब्रिजयुनिभर्सिटी लाईब्रेरीया दर्ता
नं. १६४२ स सुरक्षित जुयाच्चंगु दु । सम्पादक—लुसिनो पेटोक्, हिस्तोरिअफ मेडिभल
नेपाल पृ ३६

५) नेपामि बौद्धतयगु थःगु परम्परानुसार व शास्त्रवचनया प्रमाणकथं कार्यकारण विशेषं छगुनं छगु उपलक्ष कया मूर्तिनिर्माण याना प्रतिष्ठा याकेगु चलन खने दु । उगु दिव्यभावनाया दिव्यप्रतीक स्वरूप जुयाच्वंगु मूर्तितयगु ऐतिहासिक धार्मिक एवं सांस्कृतिक पृष्ठभूमि अध्ययन याना स्वतधासा व प्रत्येक दीपङ्कर तथागतपिगु पृष्ठभूमि विचाः यानास्वत धासा नं विभिन्न समय विभिन्न थासय् छह्य छह्य दातां सम्यक्, नरां पञ्जरां न्यायकावंगु इतिहास सुलाच्वंगु खने दई । खनखः आतकं सम्यक् न्यायकीह्य दानपति सुन्दर भव्य एवं कलात्मक सुवर्णमय श्रीदीपङ्कर तथागतयागु प्रतिमूर्ति दय्का वईच्वनतिनि । तर, नरां पञ्जरां न्याईकिपि दातापिन्सं जक सम्यक्या दीपङ्कर स्वया चिधिक याना दयकेगु चलन दु ।

बौद्धगृहस्थ कुलपुत्र कुलपुत्री उपासक उपासिकापिन्सं थःगु इच्छानुसार सप्तवृद्धियागु आशायाना बौद्धमूर्ति, बौद्धग्रन्थ, बौद्धचित्र (पौवाहा, तुलापौ, बिलपौ) एवं धर्मकीर्ति आदि स्थापना याना वईच्वंगु खने दु । बुद्धधर्म सप्तवृद्धि परिपूर्ण जुईमा धका आशिर्वाद बिईगु चलन मदुगु मखु । थ्व चलन बुद्धधर्म सम्यक्, नरां पञ्जरां बिईगु गुबलेनिसें शुरुजुल उबलेनिसें निम्नगाथा ब्वना आर्यसंघपिन्सं सुवा बिईगु याना वईच्वंगु खने दु—

आयुवृद्धि यशोवृद्धि बृद्धिप्रज्ञासुखस्तथा ।

आरोग्यं धन सन्तानं सन्तु ते सप्तवृद्धिरस्तु ॥

परन्तु थ्व सप्तवृद्धियागु जक आशा मखुकि-मूल उद्देश्य जा'अनुत्तरसम्यक्सम्बोधि' फल प्राप्त निम्ति धका थायथासे च्वंगु बौद्धमूर्तितयगु पादपीठ व बौद्ध ग्रन्थ सूत्रतन्त्रया अवसानपत्रे च्वंगु अभिलेखं स्पष्ट न्ववानाच्वंगु दु—

- १) अपरिमिता आयु (दीर्घायु) प्राप्त निम्ति श्री अपरिमिता तथागत
- २) सुयशकीर्ति अष्टसिद्धि लाय् कारणे श्री विद्याधरी आर्यतारा
- ३) प्रज्ञा ज्ञान बुद्धिया लागि श्रीमञ्जुश्री, प्रज्ञापारमिता
- ४) आरोग्यसुखया हेतुं श्री भैषज्यराज तथागत
- ५) चतुरानन्द महासुख लाभ निम्ति श्री हेवज्ज चक्रसम्बर, वज्रयोगिनी
- ६) धनधान्य रत्न प्राप्त याय्त् श्री वसुन्धरा, जम्बल
- ७) अष्टमहाभयपरित्राणया उद्देश्यया लागि श्री आर्यतारा, पञ्चरक्षादेवी
- ८) सुखावती वनेगु कामना याइपिन्सं श्री अमिताभ तथागत, आर्यावलोकितेश्वर
- ९) मारविघ्न निवारणया लागि श्रीचण्डमहारोषण, वज्रपाणि

१०) क्लेशपापदुर्गतिपरिशोधनार्थं श्रीसर्वदुर्गतिपरिशोधनराज तथागत

११) शान्तिमुख व्यवस्था चिरस्थायि निम्ति श्री शान्तिनायक भगवान् बुद्ध

१२) बुद्धशासन अभिवृद्धिया कारणे बौद्धसंघ बौद्धविहार संघारामयागु व्यवस्था

थुगु किंसिमं नेपामी बौद्धतयगु थःगु संस्कृति परम्परायागु क्वातूगु आधार
ब प्रमाणकथं बिचाः याय्बले निसन्देह वसपोल श्रीदीपङ्कर तथागत खनीबले
सम्यक्, नरां पञ्जरां यागु अनुस्मरण बियाच्चविन । अकिं दीपंकरयागु मूर्तियात
भीगु जनसमाजं समेद्यो घका सम्बोधन याना वईच्चंगु जुल । थ्वहे कारणं जितः
घायमास्ति ओकि-गन गुगूथाय् गुगू इले दीपङ्कर तथागतया नाम अङ्कित
अभिलेख प्राप्त जुई, अन उगुथासे उगू इले निश्चयनं सम्यक् पञ्जरां न्याय्का
वन जुई घैगु ।

थुगु प्रमाणकथं इतुम्बाहाया ने. सं. ५०२ सालया शिलापत्र अनुसार जुअु
जयस्थितिराज मल्लया महामन्त्रि जयसिहराम बर्द्धनया किजा मदनरामसिंह बर्द्धनजुनं
बुद्धधर्मप्रति अतिकं श्रद्धातया गिरिवरमहाविहारया श्री स्वयम्भूमहाचैत्य व थनया
श्रीएकजटी जोगिनी जिणोद्धार यात । लिसें श्रीपारावतमहाविहार (इतुंबहाल) स
सद्धर्मचङ्क्रमण विजय निम्ति श्रीदीपङ्करतथागत मूर्ति दयका प्रतिष्ठा याना बिल ।
थुगु मूर्तिप्रतिष्ठायांना विज्याहा बौद्धाचार्य राजपण्डित श्रीमहाबोधिभद्र स्वः । अथेहे
थुगु मूर्ति दयकूहा कलाकार भिक्षु आरजयनया नां समेत अकित याना तःगु
जुल । थुगु विषयकया उगु शिलापत्रे थथे च्वयातःगु दु-^१

गिरिवरमहाविहारे श्रीश्रीस्वयम्भूचैत्य एकजटा संस्कारित ।

श्रीमन्मदनरामेन तेन दीपङ्करो कृतः ।

श्रीमन्पारावताख्ये च विहारे जिनशासने

श्रीश्रीदीपंकरबुद्ध स्थापित तेन मन्त्रिणा ।

श्रीपारावताख्ये श्रीसुगतशासनेषु

स्वधर्मचङ्क्रमण विजयार्थं प्रतिष्ठापितवती

प्रतिष्ठापिताचार्य राजपण्डित श्रीमहाबोधि भद्र

देवप्रतिसंस्कारित काष्ठमण्डप भिक्षु आरजयोन ।

सम्यक्स प्रदर्शित अप्पो घयाथे श्रीदीपङ्कर तथागतया मूर्ति परम्परानिसें
सुवर्णवर्णं याय्निम्ति लुंसियेगु याना वयाच्चंगु खने दु । थ्व सम्यक्देवता दीपंकरया

१— संस्कृतसन्देश वर्ष

मूर्ति केवल स्वाछपा जक लुंसियां मगा, लिसें मुकूट, कण्ठ, कुण्डल, कर्णपता एवं हृदयको आदि लुंसियमाःगु जुया भतिभतिचा लुं मगागुलि याना दानपतिजुं लुंसेत त्याना कया दीपंकरयात लुंसिया शोभावृद्धि याना थकूगुया प्रमाण थ्व दुकि-

ने. स. ५६५ श्रावण शुदि १४ स श्रीपुलचोमहाविहारया ब्रह्मचर्य भिक्षु श्री अखयशिरी (अक्षयश्री) थपाजुयाके लुं त्यानाकया दानपति जयरज भारोनं श्रीदीपङ्करतथागतया मूर्ति लुंसिया व्यूगु जुल^१ ।

७) थल श्रीभुवनाकरवर्म संस्कारित श्रीधर्मकीर्ति महाविहार अन्तर्गत श्रीदक्षिण-महाविहारस च्वंहा प्रधान महापात्र राजसिंहमल्लजुया छय्चा ज्ञानसिंहमल्लजुया काय् श्रद्धालु दानपति अमृतसिंहजुया सद्धर्मचित्त उत्पत्ति जुयाव महादिशादि संघभोज्य (सम्यक्) या निमन्त्रणा यागु जुल ।

उगु सम्यक्या निमन्त्रणास थथे उल्लेख यानातःगु दु—

श्री धर्मसौगतकारित श्रीयंषिथूप महाविहारस बिज्याना च्वंहा श्रीमत् श्रीदीपङ्कर भट्टारक वया सहानुचर श्रीस्थवीर प्रमुख सकलसंघयात महादिशासंघ-भोजनस बिज्याय माल घका दुनुगलनिसें वनाचवना । सम्यक् भोजनस बिज्याकेहा श्रीदीपंकर तथागतयात शोभायमान पूर्वक अलंकारं छार्यापया चीवर, छत्र, ध्वज, पताका व्वय्का चामर उखेलं गाय्का, घण्ट, बाजन थाय्का हर्षोल्लास याना तःवाहालस जुईगु सम्यक् निम्ति ने. सं. ५६६ सालया सम्यक्दिनस च्वोगु जुल^१ ।

थुगु दं कीर्तिपुरया जुक्न श्रीविष्णुसिंहमल्ल जुजु जूयानिम्ति यलदेश छपाय् छवी जूगु जुल । थुगु सम्यक्या लागि दानपति प्रधान महापात्र अमृतसिंहजुया परमविश्वासि भीमजुया आज्ञानुसारं निमन्त्रणा पूजा खुन्हुयालागि निमन्त्रणापत्र च्वया बिया हया घकानं न्ह्यथना तःगु दु ।

थ्व खँया आशयं थ्व स्पष्टजू सम्यक्या प्रति पूर्णरूपेण राजकीय सम्मानकथं आस्था प्रतिष्ठा तयावईच्वंगु दु घैगु । थ्वहे परम्परानुसारं थौतक नं श्री ५ या सरकार नं उलिहे सहानुभूति तयावईच्वंगु दनि ।

थुगु निमन्त्रणापौलि थ्वनं भाव स्पष्टयागु दु—गुलिनं आतक उपलब्धजूगु सम्यक्सम्बन्धि उल्लेख जुयाच्वंगु दानपत्र, निमन्त्रणापत्र अध्ययन याना स्वयंबले

बहीयात निमन्त्रणा च्वयातःगु खने मदु । तर थुकि बाहायात जक मखु बहीयातनं समान आदरतया निमन्त्रणा बियातःगु खनेदत । थुगु किसिमं मेमेगु बहीयातनं निमन्त्रणा च्वयातःगु अवश्यं द्यमागु खः । थथे यीवहीछगुयात जक निमन्त्रणा बियातःगुया कारण थ्वनं जुईफु, यलदेया मुख्यगु बही यीवहीयात हे महत्वप्रदान याना तईतःगुलि जुयमा । नेपाले दकले सकले प्रसिद्धगु जात्रा श्रीकरूणामय बृंगमलोकेश्वरयागु रथजात्रा व इल्लेने सम्यक् यीवहीया ब्रह्मचर्यभिक्षुपिन्त यानावईच्वंगु आदरसत्कारया थिति रिति प्रमाणित याना वईच्वंगु दनि ।

८) ये^१ निम्निबाहाया ताम्रपत्र अध्ययनकयं थ्वखं स्यूगु दुकि—ने. सं. ६२६ साल श्रावणकृष्ण त्रयोदशि जुगोदय दिनखुहू दानपति शाक्यभिक्षु उजोनेराजपाल, किजापि शुओपाल, पुंशुओपाल व कमलराजपाल प्रभृति सकलया धर्मचित्त उत्पत्ति जुयाव आर्यसंघपिन्त विधिवत् सम्यक् भोजन याकूगु जुल ।

थुगु सिजलपतिस थ्व सन्देश न्यंकातःगु दु—त्रिरत्न बुद्धशासनया संरक्षक जुया बौद्धविहारया धर्मपाल श्रोवज्रमहाकालयात थुगु ज्याया साक्षि तयातःगुनं दु । थुगु शुभकार्यस सुनां गुह्येसिनं दुःखबिया सन, मारस्वरूप जुया विनाशयात उह्येसित बुद्धशासन ध्वंश यानागु समानं महापातक भोग याईहा जुई^१ ।

९) ये^२ विक्रमाबाहाया क्वाचपालदेवता श्रीअक्षोभ्यतथागतया देगलस शोभाबृद्धि निम्ति काष्ठमण्डप महानगरया चैत्रमाकूट (चिकंमू) या श्रद्धालु दानपति श्रीरत्नजु व अथैहे श्रीचक्रविहारया शाक्यभिक्षु श्रीरूपतेज थ्वया कलात रूपालक्ष्मीपिनि सद्धर्मचित्त उत्पत्ति जुयाव सुवर्णकलश ध्वज लुंसिया गजू द्वहलपा व्यूगु जुल ।

थ्वहे शुभावसरे आर्यसंघपिन्त पिण्डपात्रादि दान यासे लिसे द्यदँस चतनजापो दान बिईगु गुथि तयाथकू गुखं ने न्ह्यथनातल । थ्व दिन जुल राजा रत्नमल्लया पर्याय ने. सं. ६३४ वैशाखकृष्ण द्वितीया खुन्हू^२ ।

१०) काठमाण्डू उपत्यकाया दुनेच्वंगु लुँदेगः लुंपौ, लुंगजू, लुङ्या, लुँढोका, लुंया तोरण, लुंया बिलंपौ आदियाकें छायापातःगु, शोभायमानगु, उज्ज्वलगु बिहार, मन्दिर, लायकू आदियागु वैभवशाली सुसमृद्धी खना उकियागु प्रलोभनयाकें आक्रमन यायत सशस्त्रसैन्य सहित मुकुन्दसेन राजा उपत्यकाय् दुने दुहांवल ।

१—मेडिभल नेपाल भाग ३ पृ. ९५

२—मेडिभल नेपाल ” पृ. ९५

थनयागु वंशावली इतिहासयागु प्रमाणकथं ने. सं. ४७० सालं पश्चिमबङ्गालया सुल्तान शमस्सुद्दीन वया श्रीषशुपति महादेवया शिवलिङ्ग स्वकूटुका यात, श्रीस्वम्भू-
महाचैत्यस मितल गर्भ लुटेयात लिसे यल पिम्बाहाया श्रीचैत्ययात ध्वंसयात
अनेकप्रकारं विनाशयात क्षतिग्रष्ट याना लिहांवन ।

थुगु आक्रमणं लिपा नेपाया पश्चिमराज्य पाल्पाया जुलु मुकुन्दसेन थन
थ्यंकः ओगु जुल । थ्वय्क मुकुन्दसेननं ये, यल, ख्वपया जनतापिन्त अनेक भय
व त्राश बिल । तर शमस्सुद्दीनं गुलि विनाश यात डलि यागु खने मडु । वरू थनया
प्रसिद्ध देवदेवतापिगु अद्भूतसिद्धि प्रभाव खनालि नतमस्तक जुया थमं फूगुचागु
सेवाभाव प्रम्तुत याना थकूगु खने दु-

उदाहरणया लागि थ्व घायफु-येदेया प्रसिद्धगु विहार केशचन्द्रकृत श्रीपारावत्तं-
महाविहार (इतुंवाहाल) स बिज्याना च्वंहा श्रीदीपङ्कर तथागतया शान्तगम्भीरगु
मूर्ति खनेमात्रनं मुकुन्दसेन जुजुया मने श्रद्धा भयेभये बियालि वसपोल दीपङ्करतथा-
गतयात शोभायमानगु धर्मच्छत्रं कुईका सन्मान यागु जुल ।

गुगू मुकुन्दसेन जुजुं कुईकूगु छत्रया चु (दण्डी) थौतकं इतुंवाहालय् विद्यमान
तिनि । परम्परानुसार अद्यापि उकियात मुकुन्छत्र नामं प्रसिद्ध तिनि धैगु स्थानीय
बुढापाकुतय्गु घापु दु ।

थुगु किसिमं यलया श्रीकरूणामय बृंगद्यो ह्वं यानाच्वंगु इलेलाक मुकुन्दसेन
राजा थ्यंकः ओगु जुल । मुकुन्दसेन जक थ्यंकःवल घाय्वं न्हवं यागू स्वय्घका
वयाच्वंपि दर्शकत सकलें ग्यानागिना बिसिंवन । अन उगु स्नानमण्डप न्हवं याईगु
थासे सुं छह्वाहे मनूत खनेमंत । तर उगु इले वसपोल बोधिसत्त्व श्रीकरूणामय
बृंगमलोकेश्वरया प्रभावं न्हवंयाईगु ईः जूबले आकाशं नागराजपि वया स्नानयाकः
ओगु अद्भूत आश्चर्यगु दृश्य खन । थुगु अजूगति जूगु खना मुकुन्दसेन तस्सकं
प्रभावित जुया उगु चह्हेयाय् थगु चह्हेयाय् मदया छुयाय् छुयाय् जुया आखिर
थमं गयावयाहा सलयात कोखाय्का तःगु ओहया शिखः तोकालि वसपोल
श्रीकरूणामययात चह्हे यागु जुल । लिसें मुकुन्दसेनयागु भक्ति ग्रहणया लागि
करूणामयं थःगु छथों क्वछ्छना व्यूगु खँ न्ह्यथनातःगु दु ।

थ्वनं घयातःगु दु-मुकुन्दसेनया लस्कर नेपामितकतः चांलाका हैरान याय्गु
मतीतया लैय् लैय्च्वंगु वामा लयालया अन्न घोमिका बिय्घका थासंथासें गाम्हुया

सोधना बिल । अथेहे लैमायात तकनं । तर नेपादे सहकाल याय्तः विज्याना च्वंह
श्रीकरुणामययागु सुदृष्टियाना उगु अन्न व लै वरदान स्वरूप हाकुजाकि व सिन्क्ये
जुया बिल ।

११) यल भास्करवर्ण विहार डाखाचोक (न्याचू) या दानपति हर्षसिंह थव्या
कलात हेरश्मि आदि सकलयां धर्मचित्त उत्पत्ति जुया व ने. सं. ६४५ श्रावणशुक्ल
अष्टमिस विधिवत् श्रीदीपङ्कर तथागत प्रभृति सर्वसङ्घपिन्त निमन्त्रणा यानालि
पिण्डपात्र आदि दानबिया सम्यक्धर्म सम्पन्न जूल ।

थुगु सम्यक्धर्म पिण्डपात्रदान कार्ये सम्पन्न जूगु लसताय् श्रीहिरण्यवर्ण
महाविहारया श्रीकवाचपालदेवतायात पिण्डपात्र द्रहलप्यूगु दु^१ ।

१२) यल श्रीयितिल्लडविहार इल्लनेननिया स्थवीरनाथयकजुया कलात हेरलक्ष्मी
सहित सकलयां धर्मचित्त जुयाव ने. सं. ६५४ श्रावणशुक्ल पंजाष्टमि स्वातिनक्षत्र
शुभयोग शनिश्चरवार थवखुन्हू शास्त्रोक्त विधिथे श्रीदीपङ्कर तथागत प्रमुखं आर्य-
संघयात पिण्डपात्र सम्यक्दान यागु जुल ।

थ्वहे शुभ उपलक्षस श्रीहिरण्यवर्ण महाविहारया श्रीशाक्यमुनितथागतयात
पिण्डपात्र द्रहलपा व्यूगु खँ वहे पिण्डपात्रस अङ्कित यानातल ।

थुगु सम्यक्दानया लसताय् ह्याति छसुका छसुका दक्षिणा दान व्यूगु खँ न
न्ह्यथना तःगु दु^२ ।

१३) सम्यक् नरां पञ्जरां न्याईबले प्रयोगय् हईगु अथवा छचलीगु थलबलत
मध्ये अतिकं प्रसिद्ध जुयाच्वंगु पिण्डपात्र पिन्पां खः । थव पिण्डपात्र विहार
विहार पत्तिकं घयार्थे विभिन्न भक्तजनपिन्सं द्रहलपा तयातःगु दई । थ्वहे सन्दर्भय्
श्री हिरण्यवर्ण महाविहार यागु सद्धि मयाक विभिन्न धातुयागु पिन्पां अध्ययन
थाना स्वयागु जुल । उकि मध्ये छगः पिण्डपात्रय् ने. सं. ६५६ सालं न्हापायागु
अतिजीर्ण जुया मेगु दय्का पलेसा तयातःगु लुयावल ।

उगु अभिलेखय् ने. सं. ६५६ या पंजाष्टि खुन्हू श्री नरविहारि अटकोवाहाया
दानपति जशीराज भारोनं न्हापाया पिण्डपात्र जीर्ण जुयाच्वंगु खना मेगु न्हूगु
दय्का हिरण्यवर्ण महाविहारया श्रीबुद्धभगवानयात प्रीति यानातःगु खँ

१,२- हिरण्यवर्ण महाविहारया मण्डारकवथाया पिण्डपात्राभिलेख-भुजिमोल आखल
क्रियातःगु ।



ददुबाहाया सम्यक् थापया शिलापत्र

उल्लेख यानातल ।

थुगु पिण्डपात्राभिलेखें थव भाव स्पष्ट याना क्योंगु दु कि— देवदेवतापिन्थाय्
द्वहलपा प्रीतियानातःगु सिजःया बसुजा स्वसः प्यसःदं मदयकं जीरांशीरां जूगु खनेमदु
घासा, अवश्यं थुगु सिजःया पिन्पां ने. सं. ६५६ साल स्वयानं उलिहे दँ पुलांगु
जुई ।

थथे धाय्बले उगु पिन्पां (पिण्डपात्र) श्रीदीपकर आर्यसंघपिन्त दानप्रदान
यागु इले छयलातईतगु अर्थात् सम्यक्, नरां पञ्जरांया उपलक्षय् निर्मित जूगु उगु
पिन्पां करीव न्हेसः च्यासः दँ पुलांगु ऐतिहासिक पिण्डपात्र धका धायेफु ।

थुजागु महत्वपूर्ण सम्यक्, नरां पञ्जरां सम्बन्धी ऐतिहासिक पुरातात्विक
वस्तुतु गुलिखे सिङ्कं वा मसिङ्कं नष्ट जुलजुई प्रहार जुलजुई अथवा अनुसन्धानया
गर्भय् दुने सुलाचन जुई ।

१४) वटुवाहाया सम्यक् थाप

येँ. वटुटोल श्री धर्मचक्रमहाबिहारया परमोपासक शाक्यभिक्षु स्थवीर (थपाजु)
श्री तोयौजुनं थव दिवङ्गत अबुजु श्रीजीवाजुयागु गुणधर्म ह्यसिङ्का पितृऋण मुक्त-
याय् निम्ति दिवङ्गत आत्माप्रति शान्ति कामना यासँ लिसें नेपाया बौद्ध धर्म
अति उज्ज्वल जुयाच्चंगु विशुद्धगु सम्यक् धर्म, नरां पञ्जरांया अनुपम आदर्श क्यना-
वईच्चंह्य आदि बुद्ध श्री दीपङ्कर तथागतया सुवर्णमय भव्यमूर्ति दयकाव सद्धर्म-
यात्रोत्सव निम्ति थव विहारस स्थापना याना बिज्यात । थुगु दीपङ्कर मूर्ति प्रतिष्ठा
जूगु दिन खः, राजा नरेन्द्रमल्लया पर्याय ने. सं. ६६५ श्रावणशुक्ल अष्टमि^१।

थवसपोल श्रीदीपङ्कर तथागतया सुन्दर एवं कलात्मक भव्यमूर्ति प्रतिष्ठा जूगु
पुण्यानुभावं अनुप्रेरित जुयालि वसपोल शाक्यभिक्षु तोयौजुया मती थुजागु सद्धर्मचित्त
जाया वलकि—

नेपाया बुद्धधर्म दकले सकले तःजिगु बौद्धसांस्कृतिक परम्परालय् अद्वितीयगु
महान् विशुद्धगु सम्यक् धर्म, सम्यक्महादान, सम्यक्संघभोजन सदायालागि चिरस्थायि
निम्ति परम्परा कायम जुयाच्चनेमा धका सम्यक्संकल्प यासे सुव्यवस्थित रूपं
सम्यक्गुथि दयका थकूगु जुल ।

राजा श्रीजयमहेन्द्रमल्लया शासनकाल ने. सं. ६६७ चैत्रशुक्ल अष्टमि पुनर्वसुनक्षत्र सुकर्मयोग सोमवार एवं मेषसंक्रान्ति (वैशाख १ गते) स दिशासंघ महाभोज्य नामं थ्व सम्यक्गुठी तयाथकूगु जुल^२ ।

थुगु अपरिमित पुण्यकार्यस दानपति स्थवीर तोयौजुयात सहानुभूति प्रकटयापि किजापिगु नां थथ्ये ल्हचथना तःगु खने दु-शाक्यभिक्षु श्रीरूपराज, श्रीमणिकराज, श्रीजकेराज ।

थुपि प्यह्य फुकिज सम्मोहनं दिशासमेग न्याय्कालि सम्येगगुथि स्थापना याना थकल । थुगु तर्धंगुथियाप्रति सुनां गुह्यसिनं विघ्नबाधा याई परिलोप याई उम्हेसित तथागत आर्यसंघपिन्त आघाट पुरेयागु समानं पाप लाई । सुं श्रद्धालु भक्तजितपिन्सं थुगु महान् शुभकार्यस उत्तरोत्तर वृद्धियाई समुन्नति याई सुधार याई सहयोग प्रदान याई, अनुमोदन याई निश्चयनं उम्हेसित श्रीदीपङ्कर तथागत आर्य संघपिगु सुदृष्टिलाना अन्तस सम्बोधिज्ञान अभिलाभ याइह्य जुई ।

तुयूजुया सम्यक्या छगु-जनश्रुति

शाक्यभिक्षु तुयूजु थःगु गृहस्थजीवन सुधारया लागि नेपाःदेयात तोता बेपार याय्घका सुदूर उत्तरापन्थ ल्लासास वन । ल्लासा थ्यंका आपालं दुःखकष्ट नया उखेंथुखें साहुजुपिथाय् च्वना नोकरचाकर याना छुं दिन बितय् यात । कपिगु नोकरी जुया तयेगु, पराधीनस च्वनेगु नं तस्सक चित्तसु मदु गुबलें थःगु स्वतन्त्र मदु, न्ह्याबलें न्ह्याबलें साहुपिन्सं घाःथें जक च्वने मालिईगु, गनं छथाय् वने च्वने घासां फुसंत मदइगु इत्यादि कारणं नोकरवृत्ति तोतल ।

बरु पवनापवना नयेगुहे स्वतन्त्र सुख घइगु भापियालि उखेंथुखें चप्पा पवना पवना नया जुल । थथे जुयाच्वंगु खना छह्य दयामाया दुह्य समिनी छह्यसिनं तुयूजुयात थथे घालकि—

हे नेवादाजु ! छं आमथे पवनापवना नय्गु स्वयानं बैपसः छगू तयाच्वं, छन्तः ईश्वरं बिलघासा बेपारलक्ष्मी वृद्धि जुया याकन छंगु मनोरथ पूर्णं जुई घयालि वईगु उपरे थमनं फूगुचाःगु, थःके दइच्वंगु भतिभति सरसामान पत्यार याना बिया लाय् तया बिल ।

२- राष्ट्रिय अभिलेखालयया सग्रह-प्यूखावाहाया शिलापत्र प्रतिलिपि ।



वटुबाहाया सम्यक् संस्थापक चप्पाफः तोयौ आराजुया शालिक

थ्वहे संमिनीया निगाहनं तुयूजूं बपसः तथा बेपार याना जीवन निर्वाह यानाच्चर्वं वईगु मेहनत व इमान्दारी एवं शीलस्वभावं याना सकसिनं पत्याः यानाहल । व बंपसः लं न्हियान्हिथं च्याना वयाचवन । दैबदै लिपा जूवले आपालं घनसम्पत्ति कमाई यात ।

थुगु किसिमं आपालं घनसम्पत्ति दसेलि नेपाले वनालि सम्यक् न्याय्केगु मतीतया शुभसंकल्प (भाकल) यागु जुल । सम्यक् न्याय्केगु भाकल यानालि याकनं नेपाः थ्यंक वनेगु मतीनं थथे बिचाः यातकि- गथे याना थ्व घनसम्पत्ति नेपा थ्यंके ? तर वं थ्व जतन यातकि- थःके दुगु घनसम्पत्ति लुं नाप हिलाबुला याना कयालि, थःगु भ्वाठःगु भुत्रुगु लैन्य लुं छकुछकू तिका थाय्थासे भ्वाठलं पतका स्वय्बले गखेंसे च्वंक भाँताँलनं फिना लंय लंय चप्पा पवपवं खुं, डाका, थकाहा, तय्गु पाखें मिखा मवनीगु किसिमं जुया थः बचे जुया सकुशल नेपाः थ्यंकः वःगु जुल ।

थःगु त्वाबाःले जक थ्येनेवं सकसिनं तुयू ल्लासां थ्यंक वल घका सोवल । स्वयेहे घच्यापुसे च्वंगु सँयनओगु भ्वाठःगु लं फिना फोगिचाथें च्वंका वःगु खना थ्वेत सकसिनं हेलायत निन्दायात । भिनिदंतक ल्लासादेशे च्वना वयानं फोगिथें जुया वःह्य घका स्वयां वास्ता किस्ता मया । तर सुनानं वास्ता मयासां हेलयासां थःह्य कलातंजा अवश्यमेव मतीनायाना स्वागत याय्माःगु खः । आखिर कलाःया मतीतकं थुजाह्य फोगिमिजंयात पिया च्वनागु जुल घका मने तस्सकं हरेस नल । अथेनं कुल व्यवहार अनुसार-चक्कीबजि ह्वला खालु त्वंका लसकुस याना दुकाल । तुयूजु थःगु बवथास थ्यंका गखेंसे च्वंगु सँयनओगु भ्वाठःगु ल तोता कलाह्येसित बिल । थुजागु खिति बकुदुगु ल्लात थिहे मयपुसे च्वंगु लं कया थ्व लं जितः छुयाय्त घका तमंतमं भ्वखाय्-धूद्वय् वां छुवया बिल ।

भातह्य लेंलि त्वते धुंका मोमि ल्हुया न्हूगु लैनं फिय् धुंका निह्यतिपुं नापंच्वना भिनिदंतक लिङुनाच्चंगु सुखदुःखया खंल्लाबल्ला जुल । भातह्यसिनं धर्म व बेपार प्रधान ल्लासादेशयागु गतिविधि व थःगु अनुभवया विषय कया खं कनाचवन । कलाह्यसिननं घयाचवनकि-मिसा तय्गु निमित्त थःह्य मिजलिसे बाया च्वनेमालकि जहानपरिवार थःथितिपिंसं ह्यपेयाइगु, त्वाबायापिंसं हनाबहना मदेका गिजे याका च्वनेमालीगु, उकिसं इलेबिले थः पुरुषयागु ख्वाःजक लुमना च्वापुगुंजक स्वयाच्वनेगु,

गुबलेजक लिध्यनी घका बराबर हीमी चाईगु, संमार्समाय नं याय मन मदइगु बागलातिथें जुया चवनेगु, अनेक प्रकारं धैर्य व साहसयाना भसुका तथा चवनेगु सिबाय थःत तःभ बिईवि संमदय्का, महारत्न तेंगुथें भुलेजुया, त्वलेहे जुयाजक चवनाचवनेगु घका खं कनाचवन । जितःघासा, बराबर ध्याचू बियाचक्की छं भात, ल्हासां लिहांवलाक तिसा यक्व तियाकारे घका घाईगु । थुलिमछि जुइकाचवनान बलतल्ल जुग बितये, जुईका छलपोल थ्यंकवलनं लुपुछि ओहपुछि ज्वना मवसे ल्हाखालि लिहांवल । आ जि छु खालं थःथितिपिन्याय वनेगु, छःपिनं गथे पिहांवनेगु घका परस्पर निहातिपुया सरसल्हा जुयाचवन । तर उलिमछि कलातं नुगः मछिका हरतरहनं दुःख प्वंकूसां खाः भतिचाहे ख्युसें मचवं मुसुमुसु न्हिला लिसः मव्युसे चवनाचवन । कलाहासिया मने चवनकि जि उलिमछि थःगु दुःख धन्दा पीर कष्टया वर्गन न्यंके धुन, अथेनं मिजैया खाः चच्चिकं । थुकिया अवश्य छगू रहस्य दइ घईगु आशय सिइकल ।

थुलि जुसेलि मिजनं कलाम्हेसित खाः पित्तुपिया मतीवा याना घाल । मिसा ? छेंगु लागि तिसा वसः छु दयेके मास्तिवल, जि थर्थे छेंगु मनोवाच्छा पुरेयाना बिगु जुल । थव खं न्येना कलाहा अजुगति चाल, गुहासिकेजा लुपुछि ओहपुछि मइ वं जितः जिगु इच्छा पुरेयाना बिई घाल घका । थथे कलाहा आश्रय जुया च्वंगु खनालि भातहासिनं उजं दयकल —

भो प्रिये धर्मपत्नी ! जि ल्लासावना कमाई याना हयागु छन्त लःल्लाना बियागु ताशतिनिखायाम् लें हति । उकी छन्त तायोः दय्केगु, टक्कि दय्केगु, जन्त्र दय्केगु, शिखः दय्केगु निम्ति लुं सुचुका हयागु दु घाल । थव खं न्येना कलाहासिया भन अचम्म जुल, थव मिजें वय्ला मजूला घका त्वलेहे जुयाचवन । छं जित गुबले ताशतिनिखाया लें बियागु दु ? छं ह्यगसे ह्यना च्वंगु खंल्लाना च्वंथथे च्वं, छु ? घयागु बांलाक खं ल्ला घाल—

थव खं न्येना भातहासिनं ल्लिलाल्लिला घालकि- जिगु ताशतिनिखाया लें घइगु छन्त ल्लाच बियागु भ्वाःठगु, सें नओगु सच्चिकू पतकागु, खितिबकू दुगु वहे लें हति घईगुका छं गथे मसिल घाल । थुलि घासेलि थमं श्वखाय्घूदंय वंछवयागु घच्यापुसे च्वंगु लें तिजक ल्हाना हया भातया न्होने तथा बिल का छेंगु ताशतिनिखाया लें थवहे मखुला । खः जिगु ताशया लें थवहे खः घका काल ।

थुले जुसेलि भातहोसितं उगु लें कया म्वाठःपतका त.मु सुकाति विस्तार विस्तारं चचःफुना लिकया हःलिसे धमाधम लुंपाता लिकाकां थःह्य मिसाया न्होने तया-
क्यन । उगु सुवर्णराशि खना कलाह्यसिया उलिथुलि मदेक हर्षया खवि हाल भात-
यात घयपुना धन्य धन्य जि प्रभुस्वामि घका प्रशंसा यानाचवन । थ्व सुन्दरस्वप्न घटना
साकार जूगु खनालि तुयू तिमिला सुपाचं चिलावथे कलाह्यसिया मने प्रसन्न व हर्षो-
ल्लासं प्रफुल्ल जूगु जुल । न्हापा घयागु खँ फुक सपनार्थे जुल लोमन, न्हूगु आनन्दमय
जीवन हनेदया लयल्यताया चवन ।

थुले जुसेलि थः आजु अबजुपिगु धर्मकीर्ति जिर्णोद्धार यायगु सकल दीपंकर
तथागत व आर्यसंघपि सःता जुजु न्होने तया सम्यक न्यायकेगु शुभसंकल्प यात ।
थःगु भाकल अनुसारं सम्यक्या सरसामान तालाका हयाचवन । दिन थ्यसेलि परम्प-
रानुसार विधिवत् सम्यक् न्यायका गुथिवं तया थकल ।

थुगु अपरिमित पुण्यकार्य सम्यक् धर्म सम्यक् संघभोजन याके धुसेलि कालान्तर
लिपा थःगु कालगति दिवंगत जुयधुंका तुयुजुया काय छय्पिन्सं सम्यक्मुथियार
पिन्सं वसपोलयागु गुणानुस्मरण कथं चप्पाफः आजु (छ्वंफः आजु) घका तुयुजुया
नाम काष्ठमयमूर्ति शालीक दय्का तयाथकल । थुगु शालीक वटु चिधंबाहालय् बहीद्यो
न्वडबले थौतक वय्यातय्गु थिति दनिम् जुल । थ्वइत फौकाचाय् चप्पा तथा न्होने
ज्या तय्गु यानाचवन लिसें बहे चप्पा चुं कया तुयुजुयात मङ्गलकामना याना
खुनुया रुपे न्यताले इलेगुनं याना तई । थ्व खः ल्हासादेशे वना चप्पा पवना पवना
दुःखसिया कमाई याना हःगु धेवां सम्यक् न्यायकूह्य घइगु अनुश्रुतियात सत्यसावित्
याना वई च्वगुया छगू ज्वलन्त उदाहरण स्वरूप परम्परा काय्म याना वईच्वगु जुल ।

थ्व खः वटुवाहा सम्यक्गुथिया संक्षिप्त इतिहास ।

१५) यल यिरुहने (नागवाहाल) या यौतागृहस च्वंहा दानपति उन्हासिहजुया
श्रद्धाचित्त उत्पन्न जुयाव श्रीदीपङ्कर तथागत सहित सर्वसङ्घपिन्त यथाश्रद्धा
दानदक्षिणा बिसे पिण्डपात्र द्रव्यलप्येगु जुल । थ्व दिन जुल ने. सं ६७० पञ्जाष्टमि
खुन्हू सम्यक दान यानावंगु जुल ।

१६) यल माणिगल राजप्रासाद यललायकूलि उत्तरपाखे च्वंगु श्रीगुणलक्ष्मीवर्द्धन
संस्कारित श्रीकोविहारस च्वंहा श्रद्धालु दानपति भद्रवैश्यावतार भाग्यरत्ना गोविन्द-
राज व किजापि जयसिहराज, बन्धुदेवसिंह थुपि स्वह्यसियां धर्मचित्त उत्पत्ति

जुया व बुद्धवर्मप्रति तथंगु भक्तिभाव याय्निमित्त महादिशासंघ भोजनया निमन्त्रणा यागु जुल ।

उगु निमन्त्रणास थये घयातःगु दु- श्रीभास्करदेव संस्कारित श्रीपारावत-महाविहारस विज्यानाच्वह्य श्रीमत् श्री श्रीशाक्यमुनिबुद्ध भट्टारक व थवया ल्युल्यु विज्याईपि श्रीस्थवीर प्रमुख सर्वसंघ आदि उपासकोपासिका श्रीवज्राचार्य, भिक्षु, श्रामणेर तथा चैलक समेत महादिशासंघ-भोजनस विज्याय माल । लिसे उगु सम्यक्समारोहस उपस्थित जू विज्याईपि तथागत श्रीदीपङ्करयात छायापायाना, चीवर छत्र, ध्वज, पताक ब्वय्का चामर उखेल गाय्का, दानोत्साह घण्ट, बाजन धाय्का तूर्यताडावचर प्वंगा पुईका मङ्गलयासे महादिशासंघ भोजनस दुहाँ बिज्याय्माल जुल ।

थुगु निमन्त्रणापूजास तत्कालीनया मंत्रि श्रीभीमजु थःहे भागु दु । थ्व निमन्त्रणा जुल ने. सं. ६८२ सालयागु ।

थुगु दँया सम्यक् भोजनस यलदेशं न्यायकूगु जूसां येँदेशया सम्यक्देवता सहानुचर आर्यसंघ सकलयातं सःतूगु जुल^१ ।


१७) येँ श्रीजमलेश्वर भट्टारिकस्थान गाङ्गुलपट्टन केलटोल थंथछेंस च्वंहा श्रद्धालु दानपति कन्साकार गुणसिंहनं प्रतिवर्ष श्रावणकृष्ण त्रयोदशि जुगादि खुन्हू श्रीदीपङ्कर तथागत, आर्यसङ्घयात चतमजा (चतैजा) दान त्रिप् निमित्त पञ्जायातया गुथिस हनेचने यात अन्नदान क्षेत्र द्रहलप्युगु जुल । थ्व पञ्जादानगुथियात आयास्ता स्वरूप बूँ समर्पण यागु ने. सं. ६८७ कार्तिक पूर्णिमाया दिनस जुल^२ ।

१८) येँ कान्तिपुरमहानगरया श्रीअसनमण्डपस्थान(असँ)कोलखुन्हूछेंस च्वंहा दानपति तुलाधर जिताजयागु शुभसंकल्प कथं जयसदाशिवमल्लदेव जुजुया शासनकालस ने. सं. ६९६ चैत्रकृष्ण त्रयोदशि बुधवार मेघसक्रान्तिस जुइगु सम्यक्महादान याय् निम्नि मध्यपुरी थेमिया देगुबाहायातनं निमन्त्रणा छोगु दु । उगु निमन्त्रणास थये घयातःगु दु- थेमि मध्यपुरी स्थानया श्रीगुणकीर्ति महाविहारस विज्याना च्वंहा श्रीदीपङ्कर तथागतया सम्पूर्ण अलंकारं छायापा चीवर, छत्र, ध्वज, पताका ब्वय्का घण्टवाद्य सहित यासे थुगु विहारया सर्वसङ्घ स्थवीर प्रमुखं महादिशा संघभोजन निमित्त बिज्याय्माल धका अनुरोध याना तःगु जुल^३ ।

१- श्री हेमराज शाक्यया थःगु सग्रह हरिताल पत्रयाकें ।

२- नेपाल भाषा साहित्यया जात पृ. २५

३- मेडिभल नेपाल भाग ४ पृ. ३१



इतुंबाहाया सम्यक् थापया शिलापत्र

१९) यें श्रीकाष्ठमण्डप महानमर श्रीचित्रमकुटि (चिकं मगुडि-चिकंमू) या श्रद्धालु
 बर्मात्मा दानपति शाक्यभिक्षु श्रीसुमनसिह, सन्तदेव, मचाजु, जीवराजजु व अभयसिंह
 भारो एवं लगनया शाक्यभिक्षु प्रमुखं च्याह्य श्रद्धालु दानपतिपि मुनाव सल्लासाहुतिनं
 उत्तरापन्थ संदेशस बेपार याना च्वंगु बेलस नेपा थ्यनेवं श्री आर्यसंघ दिशासम्यक्
 न्यायके धैगु शुभसंकल्प भाकल यागु जुल ।

श्व मनोवाञ्छानुसार धन सम्पत्ति कमाई यानाव सकल पासापि लिहांववा
 सकुशल नेपा थ्यसेलि थःथःपिंगु पूर्वसंकल्पित भाकल अनुसारं सम्यक्चक्र विधानकथं
 अनेक सामग्री तालकाव श्रीदीपङ्कर तथागत आदि सम्यक्देवतापि व आर्यसङ्घ
 प्रमुखं निमन्त्रणा यासे परम्पराकथं सम्यक्महादान सम्यक्संघभोजन याकूगु जुल ।

थुगु सम्यक् धर्मया सम्यक्चक्र विधिविधानस मूलाचार्य जुया बिज्याहा
 सिख्वंमूबाहाया गुरुभराड श्री रविचन्द्र वज्राचार्यजुयागु नां न्ह्यथनातःगु दु ।

श्व श्री 'आर्यसंघायदिशासम्यक्' न्यायकूगु समय जुजु श्रीशिवसिंहदेवया पर्याय
 ने. सं. ७०६ साल पौषकृष्ण अष्टमि आदित्यवार मकरसंक्रान्ति खुन्हू जूगु जुल ।

२०) इतुं बाहाया सम्यक् थापें

यें भास्करदेव संस्कारित श्रीकेशचन्द्रकृत पारावत महाविहार (इतुं बाहा) या
 परम श्रद्धालु दानपति शाक्यभिक्षु श्रीगुडोचन्द्रनं सद्धर्मचित्त उत्पत्ति यानाव
 सम्यक्संकल्प यासे दिशाविदिशां बिज्याईपि श्रावकसंघ, आर्यसंघ, बौद्धसंघपि निमन्त्रणा
 याना श्रीदीपङ्करादि सम्यक्देवता चक्रमण देवतापि उपस्थित याना दिशादिसंघ
 भोजन सम्यक्-भोजन याके निमित्त थः जीवित अवस्थाय थःगुहे ल्हात थःगुहे वचनं
 भिन्नकं श्व सम्यक्गुथि संस्थापना यागु जुल ।

नेपाया बुद्धधर्म दकले तःजिगु बौद्ध सांस्कृतिक परम्परालय् निगू मडुगु, जोमडुगु
 परिशुद्धगु सम्यक्धर्म, सम्यक्महादान, सम्यक्संघभोजन सदासर्वदा जीवित याना
 तय्निमित्त सम्यक् चक्र विधान परम्परा स्थिर जुयाचवनेमा घका दृढसंकल्प यासे
 सुव्यवस्थितरूपं चले जुयाचवनेमा धैगु मतीनं सम्यक्या लागि सरसामान ज्वलंकुलनं
 दयका बिया थकूगु खने दु ।

अव सम्यक्स्थिति बन्देज दयकूगु समब राजा शिवसिंहदेवया पर्यायस ने सं ७१४
बेन्नाखशुक्ल स्वांया पुन्हो खुन्ह जुल ।

अव सम्यकगुधिया निम्ति प्रीतियाना थकूगु सामग्रीया धल थथे खः—

- | | |
|--------------------------------------|-----------------------------------|
| १) लुंसिया भव्यरूप श्रीदीपङ्कर तथागत | २) लुंसिया धर्मधातु चैत्य |
| ३) लुंसिया थामचा पु ६ | ४) लुं आखलं च्वयागु सद्धर्मपुथि २ |
| ५) छत्र ध्वज पताक पु ३ | ६) सुवर्णकलश लुंगजू |
| ७) दीपङ्करयात क्वग्र (क्वटल) पा १ | ८) थपंगड थान १४ |
| ९) क्वग्रदेवं घ १२ | १०) थग्रगड थान १४ |
| ११) चसिरड | १२) लुपोरडा |
| १३) ताशिरडपात १ (ताशया लं) | १४) देबडरड पात १ (देवया बं) |
| १५) रुचिजो १ (लूचि-लुंसिन्हः) | १६) कमिसारड पात ४ |
| १७) लाजंतर | १८) यिरानपात (इलां) |
| १९) ताशिह्वोचा १ (ताशया ह्विचा) | २०) पुतु १ |
| २१) ताराया पुतुरि २ | २१) [पं] खा १ |
| २३) थारभूपात १ (थायभू) | २४) देरमाचा पात ३ (भु-देमा) |
| २५) सिधमुड जो ३ (सिन्हमु) | २६) सिजकरस (सिजःया कलश) |
| २७) षारहेरग्व १ | २८) धारा २ |
| २९) सिजर सलाव पात १४ | ३०) सिज कुरेपा २ |
| ३१) चतन पु १ | ३२) (करस)कुंधार ग्व १ (कुंधारकलश) |
| ३३) खिरखरा पु १ (खिक्खिरी-खिलायकू) | ३४) सिजकरं पु १ |
| ३५) मयत्रि पताय पु २ | ३६) पति भराड पु २ (पौबाहा) |
| ३७) पि (ण्डरा) पा (पिण्डपात्र) | ३८) त्वाकदिवा पु (त्वादिव) |
| ३९) षादरुथि पु १ (खाःदलू) | ४०) केवषा २५ चुरं १ |

इत्यादि ०

अव अभिलेख अंकित शिलापत्र थायथासे अपो घयाथें आखः स्यनाच्चंगुलि याना
व्याक्व स्पष्टरूपं ब्वने मफुसां यथासंभव पाठ ब्वना उकिया आधार कथं
अव च्वयागु जुल ।

थ्व शिलालेखस उल्लिखित ज्वलंकुलंया नामं घयाच्वंगु दु कि-परमोपासक श्रद्धालु दानपति श्री गुडोचन्द्र शाक्यभिक्षुजं दिशासंघ भोज्य (सम्यक्संघ भोजन) निर्मित गुलिनं सरसामग्री दय्का तथा थकल । थ्व तस्सकं दूरदक्षिता पूर्णं न विवेक विचारं खँका भिन्नकं सम्यक् रूपं व्यवस्था याना थकूगु खः धँगु उगु ज्वलंकुलंया घलखं स्पष्टनक्सां प्रमाणित याना थकूगु दु ।

वसपोल परम श्रद्धालु दानपतिजं गुलितक श्रद्धावान् विवेकवान् एवं समृद्धवान् जू धँगु भीसं अपुक सिईका कायफु ।

- १) सम्यक्या परम्परा एवं प्राचीनता निर्देशन याना क्यनावईच्वंगु भव्यरूप श्रीदीपङ्कर तथागतया मूर्ति दय्का थकल, बुद्धया कायिक शासनया प्रतिनिधि कथं ।
- २) सम्यक्संबुद्धया वाचिक शासनया रूपे लुंआख लं चवयातःगु सद्धमग्रन्थ (प्रज्ञापारमिता) गुणकारण्डव्यूह सफू दय्कावन ।
- ३) अथेहे सम्यक्संबुद्धया चैतसिक शासनया दिव्यप्रतीक स्वरूपं सुवर्णया घर्म-घातुचैत्य दय्का थकल ।
- ४) सम्यक्स उपस्थित दीपङ्करादी बुद्धबोधिसत्त्वपिन्त पूजा अर्चवना एवं विधि विधानस जोजलपेत माःगु पूजा सामग्री दय्कावन ।
- ५) थुलिजक मखु सम्यक्महोत्सवया निर्मित प्रमुख अतिथिजक मखु, परन्तु तर्क संरक्षकत्व प्रदानयाना बिज्याईह्य भी जुजु बिज्याकेत माःगु लसकूसया ज्वलं समेतं दय्कावन ।
- ६) हानं आर्यसंघ भिक्षुपिन्सं धारण याना जुइगु मुख्यगु ज्वसाया रूपे श्रावकसंघया दिव्य भावनाया प्रतीक स्वरूपं खिक्खिरोकापात्र (शिलाकुश पिण्डपात्र) नं दय्का थकल ।
- ७) एवंप्रकार सम्यक् भोजन नकेतः भलिजुईपिगु निर्मित आवश्यकगु बसुजायागु नं व्यवस्था याना थकूगु दु ।
- ८) अज थुगु सम्यक्समारोह मुनेत, भेला जुईत, सभामण्डल चवनेत माःगु भूभागया लागिनं क्यबवारीयागु व्यवस्था याना तःगु खनेदु ।
- ९) थुगु विशुद्ध सम्यक् घर्म कीर्ति सदांया लागि चन्द्रसूर्य दतलें चिरस्थायि जुया चवनेमा घर्का प्रतीज्ञा याना आयस्ता स्वरूपं आपलं बुंयागुनं बन्दोवस्त मिलेयाना वन । वहे बुंयागु लिधंसा कया थौतकं थुगु स्थितिबन्देज चलेजुयाचवन तिनि ।

(२१) हिमाचलपर्वत् अन्तर्गत छुल्बुं नां जुयाच्चंगु संदेशस बेपार याना च्वंगुबलेस आपालं घनरत्न लाभ जुसेलि त्रिरत्नयागु गुणगौरवप्रति श्रद्धाप्रेरित जुयाच्चंगु विश्वकर्माथि आपालं शिल्पज्ञानगुण दइच्चंगु ये ओम्वाहाल टोल श्रीमञ्जुश्रीनवविहार (विकमावाहा) या श्रद्धालु घर्मात्मा बानवति शाक्यभिक्षु श्रीसूर्यमुनिजु खः । ध्वसपोल संदेशस च्वना च्वंबले नेपाथ्यंका सम्यक् न्याय्के घंगु शुभसंकल्प भाकल यागु जुल ।

पूर्वसंकल्पित भाकल पुरे यायनिम्ति थः सकुशल नैपा थ्यसेलि अनुत्तरफल सम्यक्संबोधिज्ञान प्राप्त याय्लागि तच्चोगु हर्षचित्तं श्री अक्षोभ्यतथागतया श्री चरणारविन्दया धुलं शिरशोभायमान जुयाच्चंगु शाक्यभिक्षु श्रीचन्द्रज्योति नाप मिले जुयालि —

रत्नत्रयदिशासघ (सम्यक्संघभोजन) याकेतः बौद्धसंस्कृतिया परम्परानुसार सम्यक्चक्रया विधिविधान कथं—

श्रीमञ्जुश्रीनवविहारस सुप्रतिष्ठित श्री मद् अछोभ्य तथागत व आचार्य स्थवीर चैलक एवं श्रामणेरक, उपासक आदिपिन्त विधिवत् निमन्त्रणा यागु जुल १ ।

उगु निमन्त्रणास थथे घयातःगु दु—थःथःगु विहारस बिज्यानाच्वपि सम्यक् देवता श्रीदीपङ्करतथागतयात तिसां तिईका व छत्र, ध्वज, पताक ब्वय्का चामर-उखेलं गाय्का शख घण्ट वादयवादन थाका हर्षोत्साहपूर्वक थनि प्यन्हुखुन्हू श्रीनव-विहारया पश्चिमपाखे च्वंगु परिशोधित भूमि भागस जुईगु सम्बृत्ति (सांसारिक) परमार्थ (नैवार्णिक) या दृष्टि कथनं अतिपवित्र जुयाच्चंगु विशुद्धगु महान् बौद्ध-सांस्कृतिक पर्व रत्नत्रय दिशासंघ—सम्यक्विजयोत्सवस छलपोल आर्यसंघ सहित बिज्याय माल ।

थ्व सम्यक्संघभोजन न्यायकगु समय राजा शिवसिंहदेवया विजयराज्य ने. सं. ७३१ साल पौषकृष्ण पक्षे दशमी शानश्ररवार मकरसंक्रान्ति खुन्हू जुगु जुल । २२) यल मञ्जुश्रील्हने (ससुननि) या श्रद्धालु घर्मात्मा जयसिंह शाक्यभिक्षुया सद्धर्मचित्त उत्पत्ति जुयाव ने. सं. ७४५ श्रावणशुक्ल षष्ठी सोमवार सिंहसंक्रान्ति खुन्हू श्रीदीपङ्कर तथागत आदि बिज्याका आर्यसंघयात पिण्डपात्र दोहलपा सम्यक्दान याकगु जुल २

१— विकमावाहाया ताम्रपत्र,

२— ससुननि आगोछेंया पिण्डपात्र लेख,

२३) यल चम्पापुर वादेशया श्रीहेमवर्णमहाविहार (दुरुख्यवहाल) स उत्तराभिमुख श्रीशाक्यमुनि तथागत व थ्वया न्ह्योने श्रीधर्मधातु वागीश्वर अथेहे क्वापाद्योया च्बसं श्रीचक्रसम्बर स्थापना यागु जुल । लिसे थ्वहे विहारस गणेश, महाकाल व हनुमन्त सहित द्वारपाल स्वरूप संरक्षक देवता तथा बिल ।

थुगु शुभकार्यया दानपति खः चम्पापुरि न्हूँछेंया शाक्यवंश श्रीअमृतसिंहभद्र कलात नुकरिमाया काय् जीवराज भद्र, धर्मसिंहदेवभद्र थुलिसियानं धर्मचित्त जुयाव गुरुवज्राचार्य देवचन्द्रजु व उपाध्या बूवाहाया वज्राचार्य रूपसिंहबोधिजु नं यथाविधिं प्रतिष्ठाकर्म याकूगु जुल । प्रतिष्ठायागु दिन जुजु जयशिवसिंहया पर्याय ने. स. ७३६ फाल्गुण शुक्ल एकादश पर द्वादश आदित्यवार जुल ।

थुमु पुण्यकार्य सिधयेवं छुं वर्ष लिपा थः हेमवर्ण विहारस च्बंवये धुसेलि सम्यक्धर्म यागु मनंतुनालि हानं श्रीदीपङ्कर तथागत प्रतिष्ठा यासे ध्वजावरोहण यानागु शुभ उपलक्षस दानपति अमृतसिंहभद्र काय लक्ष्मण भद्र, मां मनोहरा किजा धर्मसिंहदेवभद्र, काय्चा बुद्धदेव भद्र सहित जुसे सकल लोक आनन्दयाये कारणस विधिवत् श्रीदीपङ्करतथागत प्रमुखे सर्वसंघ भोजन निमन्त्रणा याना सम्यक् न्यायकगु जुल । पौषशुक्ल द्वादशपर त्रयोदश वसुवा ध्योचाकुसुंलू ने. स. ७५० ।

सम्यक् न्यायके धुनेवं चम्पापुर श्रीदुन्दुक्षरं पूर्वपाखे पुख्, मण्डप, सतःफले आदि दयकाव बन्देपुरी धगु देश निर्माण याना थव किजा लक्ष्मणभद्रया निह्यतिपू सहित अन आनन्दनं च्बंवंगु खेनं न्ह्यथना तईतल । थव लक्ष्मण भद्रजु बन्देपुर देश छूगु दिन ने. सं. ७५६ आश्विनशुक्ल सप्तमि शुक्रवार खुम्ह जुल ।

यल श्रीबकुवाहाल महाबुद्धगृहस च्बंहा श्रद्धालु दानपति शाक्यवंश श्रीदेवसिंहजुनं थमं दयकूगु नलिद्वं (नौद्व) टोलस च्बंगु श्रीदेवदत्तमहाविहार (नौद्ववाहाल) दयकाराल छुं वर्ष लिपा विधिवत् सम्यक्नं न्यायका सकल । थ्वहे सम्यकया उपलक्षे निर्माणजूगु सुवर्णमय भव्यरूप श्रीदीपङ्कर तथागतया प्रतिमा ब्वया प्रतिवर्ष पञ्जा अष्टी ख्न्हू नेपाल अधिराज्यया विभिन्नथासं बिज्याईपि सकल तथागतपिन्त श्रद्धापूर्वक ह्यति छधव छधव जाकि दान बियेगु गुथि नं ने. सं. ७६७ पञ्चाष्टमि खुम्ह तथा थकूगु जुल ।

थुगु विषय् थये उल्लेख याना तःगु दु'—

“थ्वते बुया वलसाननं वर्षप्रति श्रीदेवदत्तमहाविहार नलिद्रं चाकलं यना-
बाहाल पङ्चा अष्टि कुन्हु नेपालछियां बिज्याक श्री तथागत निस्त ह्यति छधवल
घारे के दान विषयं यञ्जमाल ।”


थ्व अभिलेखया प्रमाण कथं थ्व आशय बुझे जूकि-गुलि नं नेपादेया सम्पूर्णा
बौद्धविहारस चूडाकर्म जुई धुकूपि शाक्य, बज्राचार्य, ब्रह्मचर्य भिक्षु, श्रामणेरक, एवं
चैलक आदि जिनसंघपिन्त तथागत धईगु सज्ञा बिया तईतःगु स्पष्ट खने दु ।

तथागतपिगु आदर्श अपनय याना शुद्धचित्त जुया ओ तथागत चर्या अनुसार
ज्याखँ यानाच्वपि आर्यसंघपिन्त तथागत तुल्य भावना याना वईच्वंगु जुल । गथेकि-
भावशुद्धिर्मनुष्यानां ज्ञातव्यं सर्वं कर्मसू-धयातःथे भाव भावनां हे मनुष्यपिगु सम्पूर्ण
कर्म आचरण शुद्ध जुई । थ्व मनुष्यपि केवल थः थःगु अज्ञान कर्मल्लेशयाकें जक
प्राणिजुगु खः । वास्तविक कर्मल्लेश परिशुद्ध जुईबले उहा प्राणि बुद्ध जुई ।

चन्द्रसूर्ययात सुपाचं किना हे जक चन्द्रसूये भीसं मखनाच्वंगु तर सुपाय् चिला-
वनीबले साक्षात चन्द्रसूर्ययात भीसं खनी । अथेहे संतुं भीगु चित्ते च्वंगु अज्ञान कर्म
ल्लेश परिशुद्ध जुईबले भीपि नं अवश्य छःहू बुद्ध जुई । थ्वहे कारणं आर्यसंघपिन्त
तथागत सज्ञा बियातःगु जुय्फु ।

२४) यल श्रीवसुवर्द्धनमहाविहार (इल्लेने) स च्वंह्य श्रद्धालु दानपति शाक्यवंश
कर्मराजजुं देवमनुष्यपिस्सं पूजायाना तःह्य द्विपदोत्तम शास्ता तथागत अर्हत् सम्यक्संबुद्ध
व बोधिचर्याव्रतस च्वनाच्वपिन्त संघभोजन सम्यक्दान यात घासा उहा श्रद्धालु
घमत्मायात निश्चय नं अपरिमित पुण्य प्राप्त जुया लिपा वईगु आत्मा दिव्यभवन
सुरलोकस वासलाई धंगु धर्मशास्त्रे कनातःगु दानपुण्यया प्रशंसा न्यना तच्चोगु
हर्षचित्तं तथागतपिगु आज्ञार्थे धर्मकर्म कोशिसयाना च्वपि श्रोहिरण्यवर्णं महाविहारया
श्रावकादि जिनसंघ आर्यसंघपिन्त थ्व निमन्त्रणा यानाच्वना—

ललितपुर महानगरया महाराजाधिराज जयसिद्धिनरसिंह मल्लदेव व नयविनय
धर्मशास्त्र ग्यूह्य नःइयालस च्वंह्य महामन्त्रि मोतिराज सहित जुया भिन्नकं राज्ययाना
च्वंगु इले ने. सं. ७५७ साल पौषशुक्ल नवमि मकरसंक्रान्तिया दिनस



प्रसिद्ध तान्त्रिक शाश्वतवज्रजुया छयनं सम्यक् न्यायकूगु शिलाभिलेख

- १) श्री श्रीचैत्यभट्टारक
- २) श्री बज्रासक्त भट्टारक
- ३) श्री योगाम्बर ज्ञानेश्वरी प्रमुख सर्वदेव
- ४) श्री दीपङ्कर तथागत
- ५) श्री स्थवीर प्रमुख सर्वसङ्घ

दिशासंघ भोजन सम्यक् महादान निमित्त श्री दीपङ्कर तथागताया अलकारं छाया, विचित्र चोवरं त्र्यम्बकं लिसे छत्र, ध्वज, पताक वयका चामरं गायका, शलघण्ट वादन याना, तूतः ववना उत्साह पूर्वकं दानोत्सव बाजं थायका विज्याय माल घका वर्णन याना तईतःगु दु^१ ।

लिसं थुगु अपरिमित पुण्यकार्यस सह भागीजूपि घर्मंगोष्ठी पिगु शुभ नाम थये न्ह्यथना तईतःगु जुल —

- | | |
|---------------------|---------------------|
| १) शाक्यवंश श्रीपुन | २) श्री जिनिपार |
| ३) श्री घन | ४) श्री उल्हासि |
| ५) श्री ज्ञासि | ६) श्री जिनदेव |
| ७) श्री जिंसि | ८) श्री जिरादेव |
| ९) श्री गुणदेव | १०) श्री देव |
| ११) श्री पुन | १२) श्री वाबुसि |
| १३) श्री जकसि | १४) श्री हृदयसि देव |
| १५) श्री देव | १६) श्री जिनि |

२५) यें जमलस्थान श्री कनकनचैत्य महाविहार सन्निवर्ती केलटोलया घर्मात्मा श्रद्धालु दानपति कसाकार घर्मज्योति, कलात जयलक्ष्मी, लक्ष्मी काय् शुभज्योति, इन्द्रज्योति; दानज्योति सकलयां सद्धर्मचित्त उत्पत्ति जुयाव बौद्धसंस्कृतिया परम्परा-नुसार सकल दीपङ्कर तथागत एवं आर्यसंघापन्त स्वयम्भू भूईखेलसं सम्यक्संघ भोजन याकूगु जुल ।

थुगु महान् शुभकार्यस महाराजाधिराज श्री कवीन्द्र जय प्रताप मल्ल विज्याका व ने. स. ७७३ साल पौष कृष्ण पञ्चमि बुद्धवार मकर संक्रान्ति खुन्हू संघ भोजन याकूगु उपलक्षस निम्न प्रकारं सम्यक्दान यागु दु—

१— श्री हिरण्य वर्ण महाविहारया सिजलपति लेख, मेडिभल नेपाल भा ४ पृ. ९६

धर्म ज्योति कसाः जुया सम्यक्या पृष्ठभूमि -

धर्मज्योति कसाः न्हिथं स्वयम्भू द्योयाके वना हारतीमाजु दर्शन यांना जक नईह्य जुयाचवन ।

छन्हू हारतीमांयात कलःपूजा यांना लिहां ओबले कलः इयातुसे चवना उकि दुने छु दु घका पूजाभः उला कलखय् दुने सम्यक्या ब्व छब्व तयातःगु खन । थ्व सम्यक ब्व स्वईगु गृहसिगु घका न्यना सोबले अन सुनानं जिगु घका नालाः काःपि मदु । थ्व कलखय् च्वंगु म्वय्ब्व थःगु मखूगु जूयानिम्ति शुद्ध-चित्त जुयाचव्ह्य धर्मज्योतिनं सरासर वना हारतीया न्होने जिम्मा लगेयाना न्हापाथेंसंतुं फुसुलुगु कलः ज्वना लिहांवल । थःगु छ्यें थ्यका थः जहानपिन्त स्वयम्भू हारतीया प्रसाद स्वां इना बिई घका कलःया पुस्पा लिकया साबले न्हापायागु वहे सम्यकब्व उकीसंतुं लानाच्वंगु खना सकलें आश्चर्य जुल । अथेनं हारतीमां नं ब्यूगु प्रसाद भाःपा इनातल । उखुन्हूया चान्हे म्हगसे हारती वया छं सम्यक न्यायकी घका घाःवल । धर्मज्योति नं विन्तियात जिथेंजाह्य छह्य साधारणह्य कसा ज्या याइह्य कसाःनं गुबले सम्यक न्यायके फइघका विन्ति यात । थ्व खं न्यना ह्यगसेतुं हारतीमांनं आज्ञा जुल- 'छं सम्यक न्यायकेहे मा' घका घाल । अथे जुसेलि धर्मज्योति हानं विन्तियात- थुगु सम्यक्सधभोजन निम्ति छःपिहे बिज्याना सुदृष्टि तया सहयोग यांना निगाहा तया बिज्यासा हे जक सम्यक न्यायके फई नत्रसा गन कया जि सम्यक याय्गु घका विन्ति यासेलि हानं हारतीं घया बिज्यात- छं सम्यक न्यायके धइगु जक मतीति । छन्त अर्थे पुरे जुई घका घया बिज्यात । थ्व खं न्यना धर्मज्योतिजुं सपनाय्संतुं सम्यक याय् घका मती भाकल यात, लिसें नसंचा इले न्ह्यलनं चाल ।

थथे स्वप्न जुया छं दिन लिईपा छन्हू तस्सकं ओमभि । छ्वाखेल सुपाचं तोपुयाचवन, घुनुनुं नं न्यानाचव्व, हाबल्स तोयाचवन, खाउंसे खाउंसे सिरिंरि कय् वयाचवन, लिसे लिसे बानं फुरुं वयाचवन । उखुन्हू हे सन्ध्याइले बुरीह्य समिनी छह्यसिनं हिग्वा छकु कुबिया धर्मज्योतिया छ्येक्वसं चवना खापा घारा-घारा यांना संकाचवन । ब घारा घारा खापासंका च्व्ह्य सुघका छ्येंया मिसातसें इयालं ब्वसोबले बुरीचाह्य समिनी छह्यसिनं हिग्वा कुबिया खापा संकाच्वंगु खनाव कुने सुखे घाल । हिग्वा माःला घका हालाचवन । हिग्वा म्बाल घया व्हत । अथेनं खापा संका

हे च्वन. हानं खापासंकल । कुनेसु सोसो धाल, हानं सोबले वहे हिग्वाबंजानीसंतुं जुयाच्वन । थथे जूगु खंना धमज्योति कसाःजुहे कोहांवना हिग्वाबंजा नापनी लाना धाल-हिग्वा म्वाल धाय्क धाय्क छाया सःता च्वनागु? खः थौं द्यो मभि चिकुसेच्वं जिनं ज्वर वःथेच्वन । उखेंथुखें चाहुलेत वावल फय्वल उकिसं द्यो खिउंयावल । ज धासा तापाक लिहांवनेमानि, अथे जुया छितः हिग्वा कयादिसं धका हालाच्वनागु । छ धागु खं फुक ठिक जू । तर थौं जिके धासा हिग्वा छकू न्याय्तहे धेवा मदयाच्वन, अकि आम हिग्वा मेथाय बिईयंकी धालनं व मिसा माने मजू थःगु जिद्दी यानाच्वन कि-थौं छिके धवा मदुसा बाकी याना थके, कन्हे कंस वया कावये धका लिसः बिल । अथे जूसा ठिकहेजू हिग्वा स्वाहानित, ले प्वंका थकी धाल । ज्यू हवस धयालि गन धाल अनहे थासे हिग्वा प्वंका वन ।

कम्हेखुन्हू सुथे जुल—व हिग्वा प्वंकाः थकूगु थासे मि च्यानाच्वन । व मि च्यागु खनाबि हतरपतरं लः लुना मि स्याना बिल । कन्हे खुन्हू ज्यायाय्त हिग्वा कावंबले मि च्यागु हिग्वाया भागजक लुं जुयाच्वन खनि । व हिग्वा ह्यासुसे ज्वारां लुं जुयाच्वंगु खना बहूत हर्षजुल । वहे लुंयागु आयस्तां सम्यक्संघ भोजन याकेगु भाकलयात । धन्य धन्य श्रीस्वयम्भू भगवान हारतीमांया प्रभाव हिग्वा लुं जुया च्वन धका तस्सकं लयल्यताया च्वन ।

हारतीमानं सपनाय् गथे आज्ञा जुल, अथेहे जुल धका हर्षमान जुयालि सम्यक्या परम्पराकथं स्वयम्भू भुइखेलस जुजु कवीन्द्र प्रताप मल्लजुयात बिज्याका सम्यक् म्यायकूगु जुल ।

- | | |
|------------------|-------------------|
| १) दक्षिण दम, | २) लुंचेत |
| ३) मकडग्वल १ | ४) राधेलघु गोड २ |
| ५) सुमध्यपा २ | ६) जासिमचा ग्वड २ |
| ७) ग्वयकू १ | ८) यराध्य १ |
| ९) खयगुलि ग्वल १ | |

थुगु प्रकारं निमन्त्रित सकल सम्यकदेवता व आचार्य, भिक्षु, श्रामणेरक, चैलक आदिपिन्त दानयानानं सम्यक् समारोहस श्री शोभावृद्धियासे संरक्षकत्व प्रदानयाना बिज्याना च्वह्वा नेपालशिरोमणि श्रीकवीन्द्रप्रतापमल्लजुयात नं उदार पूर्वक सुवर्णया सिंहासन व छत्र दय्का चह्हेयागु खनं न्हयथना तईतःगु दु । लिसं थुगु सम्यक् धर्म सुसम्पन्नजूगु संस्मरणकथं सम्यक्महादानभूमि भुइखेलया दक्षिण लङ्पाखे

प्रस्तरमेय श्रीवज्रघातुर्चेत्य छगः नं दयका स्थापना याना थकूगु थौतकं उगु थासे विद्यमान जूगु दनि^१ ।

२६) ये न्यतटोल सोमवाहाल लिक्सं न्यतपिथ्या मुगल यौताछेंस च्वंहा श्रद्धालु तुलाधर वर्णजननी कलात विमलालक्ष्मी, थ्वया प्रथमपुत्र तधंगु महायानधमंस च्वना च्वंहा परम धार्मिक रामदेव थ्वया कलात मङ्गललक्ष्मी, द्वितीयपुत्र हरिराम थ्वया कलात मनोहारीलक्ष्मी सहित सकलयां सद्धर्मचित्त जुयाव ने. सं. ७७५ श्रावण कृष्ण त्रयोदशि आदित्यवार जुगादि महापर्वदिनस-

- १) श्री धर्म घातु वागीश्वर स्वयम्भू भगवान
- २) श्रीदीपङ्कर तथागत
- ३) श्री आर्यसंघ

थुमित यथाविधि थें पिण्डपात्र आदि द्रव्यलपा पञ्जादान (पञ्जरां) याकूगु जुल । थुगु उपलक्षस राजा श्री कवीन्द्र जय प्रतापमल्लदेव थाकुर बिज्याकालि समारोह सम्पन्न याकल । थुगु दानोत्सवस निम्नप्रकारं दान व्यूगु खँ न्ह्यथना तल-

- | | | | |
|--------------------|---|----------------|---|
| १) पिण्डपात्र ग्वल | २ | २) पात्र ग्वल | २ |
| ३) चतन पु | १ | ४) लुं चेत कुत | १ |
| ५) दक्षिणा दं | २ | ६) जाकि फं | १ |

थुगु प्रकारं पञ्जरांयागु सम्पूर्णा ज्याखँ सिधय् घुंकानं अन्नवस्तुक आपालं त्यनालि दँछि लिपा दरू याबलेनं हानं थुगु कथं दान वितरण यागु गुल-

- | | | | |
|---------------|---|-----------------|---|
| १) जाकि कुले | १ | २) पात्र ग्वल | २ |
| ३) चतन पु | १ | ४) दक्षिणा जःछि | १ |
| ५) लुं चेत कू | १ | | |

थथे दँछि लिपा पञ्जरां दरूया विधिविधान सिधय् घुंकानं अन्न वस्तुक त्यनालि हानं वयां दँछि लिपा स्वदँगूलि नं जाकि छमना छमना दान बिया सम्पूर्णा संकल्पित वस्तु न्वचायकू जुल ।

थुगु किसिमं स्वदेयं भोलाक पञ्जराया दानोत्सव जुयावंगु लसाताया संस्मरणकथं सदाया लागि लुमन्ति निम्ति थःगु छयेंस प्रतिवर्ष जुगादिया पञ्जरां बिय्त प्रदर्शन याय्त शुभसंकल्प याना ने. सं. ७७८ माघकृष्ण तृतीया बुधवार खुन्हू सुन्दर कलात्मक ढंगं श्रीचक्रसम्बर आदि स्वपा पौभा व पञ्चरक्षा पुस्तक चवकालि, विधिवत् प्रतिष्ठा यागु जुल ।

२७) य सुवर्णप्रणाली महानगर श्रीहेणाकरमहाविहारस च्वंहा श्रद्धालु दानपति वज्राचार्य श्रीज्ञानजोति, काय गुणजोति छय् घनसिंह छुई श्रीपारखदेव थुलि आदि नापंचनाबेलस गुणजोतिजुया पुण्यचित्त उत्पत्ति जुयालि श्रोसुगतावदान ग्रन्थस ल्लानातको पुण्यफल लाय् निम्ति ने. सं. ७७७ पौषकृष्ण नवमि सोमवार मकरसंक्रान्ति खुन्हू विधिपूर्वक सम्यक्भोजन याकूगु जुल ।

थुगु शुभ उपलक्षस महाराजाधिराज श्रीकवीन्द्र जय प्रतापमल्लदेव प्रभू थाकुर बिज्याचकं लिसें श्री सुवर्णमय दीपंकर तथागत व मेपि थःगु देशया देव दक्को आर्य-संघ बन्देजु दक्को निमन्त्रणा यासे भोजन याकल ।

थ्व बेलस उपस्थित जूपि बन्देजु व सम्यक् देवता सुद्धा व्याकब्याना ७५०० न्हयद्वल व न्यासःसंख्या दु घका उल्लेख यानातःगु दु ।

थुगु सम्यक्सं दान व्यूगु दानवस्तुया नां थथे खः—

- | | |
|------------------|---------------------|
| १) दक्षिणा दंम २ | २) लुं दक्षिणा दम १ |
| ३) जाकि फँ १ | ४) लुं चेत कू १ |
| ५) लाध्यग्वल २ | ६) गि प्र १ १/३ |
| ७) सोमघिके २ | ८) मुकरिर ता ५ |

थुगु सम्यक्महादान कार्यस मूलाचार्य जुया विज्याहा गुरु वज्राचार्य जीवराजजु-यात सिरपा देछागु वस्तुया नां—

- | | |
|----------------------|--------------------------|
| १) देगुरि भरजु १ | २) स्वर्णमुकूट ग्वल १ |
| ३) लुं चुल्या जुछि १ | ४) उग्येन् तपुलि ग्वल १७ |
| ५) वसत छजु १ | |

परम मट्टारक महाराज श्रीकवीन्द्रमल्लजुयात सौहार्द पूर्ण उपहार स्वरूपं देछागु लुं ईलां छपाः ।

थुगु प्रकारं आर्यसंघ, गुरुबज्राचार्य एवं जुजुयात समेतं यथायोग्यं प्रमाणं दान-
प्रदान यासे सम्यक्महादान उत्सव सम्यक् चक्र विधान कार्यं सुसम्पन्नं जूगु जुल १ ।

२८) यल उकुबाहालया महाबोधिगृहस च्वंहा परम श्रद्धालु दानपति श्री जो धाजु शाक्यवंशया सद्धर्मचित्त उत्पत्ति जुयाव ने. सं. ७८७ साल श्रावण शुक्ल अष्टमि खुन्हू विधिविधान अनुसार आर्यसंघयात पिण्डपात्र दान यागु जुल । थुमु पिण्डपात्रदान महोत्सवस जयश्रीनिवास मल्ल प्रभु थाकुर बिज्याचक्रं वसपोलयात यथायोग्य प्रमाण स्वागतस्त्कार याना लि सौहार्दपूर्णं उपहारस्वरूप कदमवृक्ष सिमाकचा व नवनागराज कुईका शोभावृद्धि यानातःगु सुवर्णमय सिंहासन दुन्ता यागु जुल २ ।

थुगु सुवर्णं सिंहासन च्वंहा यागु इले कुईकुगु छत्रया दण्डो थौतकं वहे जो धाजु शाक्यजुं दयंकुगु यल थइना त्वाया जयश्रीबिहार (जो थावाहाल) स च्वंगु न्यापा इयाया क्वसं सुरक्षित् जुयाच्वंगु दनि ।

प्रस्तुत सुवर्णसिंहासन राजा जयश्री निवासमल्ल जु दँय्दँसं ज्यापुन्ही खुन्हू यल लाककूया न्ह्योनेसं च्वंगु प्रसिद्ध कृष्णमन्दिरया फलेतया प्रदर्शनरूपे क्यनावईच्वंगु परम्परा आतकं विद्यमानतिनि । थव खः छंहा बौध उपासक शाक्यवंशजुया राजाया-प्रति गुलितक श्रद्धा भक्ति आस्था प्रतिष्ठा दु धँगु ज्वलन्त उदाहरणया दसु खः । लिसें नेपामि बौद्ध धर्मावलम्बितं पिण्डपात्र दानोत्सव सम्यक् नरां पञ्जरां जुइबले जुजु-यातनं उलिहे स्वागतस्त्कार जू खनी घइगु प्रमाणित याना तइतःगु जुल ।

वर्तमान थुगु सुवर्णसिंहासन यागु कलाकृति व आत्मकथा इतिहासयात श्रद्धातया श्री ५ या सरकार पुरातत्त्व विभागनं उलिहे उचितकडर यासे यल लायकू लुङ्गयाया बैठके खुले जुयाच्वंगु “ राष्ट्रिय धातुकला संग्रहालय” स दुने तया सन्मानपूर्वकं जनसाधारणया लागि प्रदर्शित यानातःगु दु ।

(२९) राजा नृपेन्द्रमल्लजुया पर्याय ने. सं. ७९९ श्रावण कृष्ण त्रयोदशि खुन्हू सम्यक् पञ्जरां याय् छुं दिन न्ह्यो श्रावण कृष्ण पञ्चमी खुन्हू नृपेन्द्रमल्लजुया तताजु प्याफल छयेंसं च्वंहा रणजितमल्ल कुँवरजुया कलात सिद्धश्रीनिदेवी पक्षाघात जुया

१- ये गुणाकरमहांबिहारया पंचविंशति साहस्रिका प्रज्ञापारमिता सफूया अन्तिम पत्रयाकें,
संग्रह-हेमराज शाक्य,

२- अभिलेख संग्रह भाग ६,



सम्यक् महोत्सवया उपलक्षस जुजु श्री निवासमल्लयात
द्वहलप्युगु सुवर्णमय सिंहासन

मृत्यु जुल । थथे जुजुया तताजु सिईगुलि याना राजदुःख मव्यंगुलि देशस बाजं
थायगु रोक्का जुयाचवन ।

पञ्जरां खटस दानशालास श्रीस्वयम्भू भगवान बिज्याकेत बाद्यबाजन थाना
द्यो कावनेगु मवनेगु विषय आपालं चर्चा जुल । थुगु विषय आपालं खँल्हा-
बल्हा जुसेलि जुजुया हजुरीस जाहेर जूवन । थुगु समाचार सिया जुजुनं थःगु देशया
परम्परा बिचाः याना बुद्धधर्मप्रति श्रद्धातया दानपतिथागु शुभसंकल्पकथं जुईत्यंगु
पञ्जरांया ज्याखँय् वसपोल श्रीस्वयम्भू भगवान् दुकाय् लसकुस याय् जक देवबाजं
बिया पञ्जरां याके बिल^१ । मेमेगु ज्याखँयात बाजं निषेध जूगु जुल ।

थ्व खं सिइदतकि बुद्धधर्मयागु परम्पराप्रति अर्थात् पञ्जरांयागु महत्व एवं
गौरवयात थनया जुजुपिनि थुलितक आस्था दु धइगु प्रमाणित जू ।

३०) यल शिवदेवसंस्कारित श्रीरुद्रवर्णमङ्गाविहार ओकुबाहाया ल्यूनेसं च्वंगु
योतालिवि स्थानस श्रद्धालु दानपति शाक्यवंश श्रीरत्नमुनिजु किजा रत्नराज धनपति
काय् शुभश्री, कायचा रक्षराज, दशमुनि, नन्दराज, गुणश्री, चिकित, गोपधाम,
पूर्णराज, रत्नकर, रत्नसि व थवछेंस च्वनाच्वंहा पूर्णसिंह एवं संवीर, चिन्ताकर
इनायलँहेया जोतिराज समेतयां सद्धर्मचित्त जायरपाव ने. सं. ८१७ श्रावणशुक्ल
अष्टमि शुक्रवार थ्वखुन्हू श्रीदीपङ्कर तथागतप्रमुखन आर्यसंघ सकलसंघयातनं
पात्रपूरणदान पिण्डपात्र द्रव्यलपा सम्यक् महोत्सव यागु जुल ।

थुगु सम्यक्धर्म दानोत्साहया उपलक्षस ललिपुतराधिपति महाराज श्रीयोग-
नरेन्द्रमल्ल, कान्तिपुराधिपति महाराज श्रीभूपालेन्द्रमल्ल बिज्याकालि सम्यक्या विधि
अनुसार जुजुपिन्त सन्मामपूर्वक दशपत्र देछागु जुल ।

श्रद्धालु धर्मात्मा दानपति श्रीरत्नमुनिजुं विवेकं खंकाव थ्वहे दानोत्सव खुला
न्ह्यव सम्यक्दानया निमित्त शर्करापान आदि हायकेत घका चिभातू फाल्गुण शुक्ल
नवमि खुन्हू दयके व्यूगु खं न न्ह्यथना तःगु दु ।

थुलिजक मखु दानपति रत्नमुनिजुं सम्यक्याना निदं लिपा ने. सं. ८१६
फागुणशुक्ल तृतीया खुन्हू थव दिवंगत अबु पुरन्दरया नामं श्रीचैत्य, गरेश, महाकाल

विधिथे प्रतिष्ठा यागु जुल । लिसें माँ अबुया नामँ हानं ओकुबहाया आगमस
श्रीचक्रसम्बर वाराही प्रज्ञापारमिता देवीया मूर्ति दय्काव नकिजुपिन्त सःता भव्य
नके निम्ति आयस्ता तया गुथि दयका थकल^१ ।

३१) यल श्री लोकाकृतिक नकविहार (नःबहील) स च्वह्य दान पति शाक्य-
भिक्षु धर्मश्रीनं शुभसंकल्प यासे भास्करदेव संस्कारित श्रीहिरण्यवर्णमहाविहारस
बिज्याना च्वंहा श्रीशाक्यमुनि प्रभृति सकलसंघयात थ्व निमन्त्रणा यागु दु—

आर्य सम्यक् धर्म विजयोत्सव शोभाबृद्धि निम्ति आर्यसंघपिन्त पूजोपहार सहि-
तयाना संघ भोजन याकेत ब्वनाचवना भास्करवर्ण विहार न्याखाचूकस ।

तावत् भास्करवर्णख्य विहारे स्थातुमर्हति ।

स सघा बोधिसत्वाश्च चतश्च पर्षद तथा ॥

छलपोल तथागतया संघ बोधिसत्त्व व चतस्रपरिषद् (भिक्षु भिक्षुणी, उपासक,
उपासिका) सहित राजा महीन्द्रसिंह देवया पर्याय ने, सं. ८३६ माघकृष्ण आमावास्य
आदित्यवार सूर्यग्रहणया दिनस छलपोलपि सकले अनुकम्पातसे प्रसन्नपूर्वक
बिज्यायमाल^२ ।

(३२) थनया बौद्ध परम्पराकथं इलेबिले विभिन्न श्रद्धालु धर्मात्मा दानपतिपिन्सं
दीपङ्कर तथागत सम्यक् देवतापि निमन्त्रणा याना लिसें आर्यसंघ बौद्धसंघपिन्त सम्यक्
भोजन याकावन ।

थ्वहे भोले ने. सं. ८५१ पौषकृष्ण चतुर्दशि बुद्धवार मकरसंक्रान्ति खुन्हूनं छह्य
श्रद्धालु दानपतिजुं सम्यक् न्याय्का वंगुया प्रमाण स्वरूप सम्यक्द्यो दीपङ्करयात
कोखायका तःगु कोखापुतुचाया लेखं खनेदु ।

थ्व कोखापुतुचाय् आखः थाना भरेयाना श्री दीपङ्कर तथागतयात श्रद्धापूर्वक
चन्हे याना दिईहा टोखादेया लछिमि घईहा उपासिका मैजु खः^३ ।

१- योतालिविया दुने चिवाहाया छेलीच्वंगु शिलापत्र ।

२- हिरण्यवर्णमहाविहारया निनालस च्वंगु ताम्रपत्र

३- तुंछें समेद्योया कोखापुतुचाया लेख नेपाल भाषा साहित्यया जात, पृ. १०४



सम्यक् महोत्सवस निहा जुजु उपस्थित जूगु शिलाभिलेख

थुजागु ज्यामछिगु चीबलाचागु कोखापुतुचास उगु सम्पूर्ण खं त दुथ्याका अलासि व दिक्कयात तोता सम्यक् धर्मयागु गुणगौरव महत्वप्रति श्रद्धांप्रेरित जुया बाँलाक कलात्मकढंगं रफु भरेयायथें याना आख; थाना तईतःगु थ्व प्रशंसनीय जू । गथे बहिद्यो ब्वईथाय् व यँचापुन्हीबले त्वात्वाले थान गणेशया थाय् ब्वईगु अनेक किसिमया बुट्टाज्यां भरे जुयाच्चंगु क्वखागा नेपाया थःगु पहःया वस्त्रकलाया उन्नत प्रदर्शनी कयना तईतःगु खः । निसन्देह उगु किसिमया ज्याय् निपुणह्य थुह्य मैजु अवश्यं जुय्फु ।

(३३) यल श्रीबुद्धयशोधर महाविहार (बूवाहाल) स च्वंह्य श्रद्धालु दानपति न्हुल्लें व मिल्ह्य दाजुकिजा निह्यसियां धर्मचित्त उत्पत्ति जुयाव बूवाहाननिस छ्वाखेलं पिण्डपात्रशाला दानशाला ग्वयाव थ्वया दथ्स पश्चिमस्वका भव्यरूपं कलात्मकढङ्गं खट ग्वय्का सुवर्णया सिंहासनतया उकी श्री ५ महाराजाधिराज सरकार प्रताप-सिंहशाह बिज्याकूगु जुल । लिसें काजि रूपसिंह व भारदार आदि उपस्थित जूगु दु ।

श्रीदीपङ्कर भगवानबुद्ध एवं आर्यसंघ वज्राचार्य, भिक्षु शाक्यवंश, चैलक आदिनं सर्वसंघयात पञ्जरांया विधिकथं पिण्डपात्र आदि श्रद्धा अभिव्यक्त यासे थुगु नकदान नवदान (नरां) न्यायकूगु उपलक्षस महाराजाधिराजयात सुवर्णया दण्डिकथि छलिकथि द्रहलप्यूगु जुल ।

थ्व नरां यागु दिन खः ने. सं. ८९५ श्रावणशुक्ल अष्टमि खुन्हू ।

थ्व नरांयाना दछि लिपा बेशाख शुक्ल सप्तमिमा दिनस बुबाहालया श्री भगवानबुद्धया अग्रे अयूताहूति, लक्षमन्त्राहूति, घृताहूति भिद्वल बिसे चछिन्हिछि यथा विधियें कर्मखंका सुवर्णरौप्यादि नानालकार विचित्र बस्त्र यथार्शक्तये दानदक्षिणा द्रहलप वैशाखशुक्लद्वादशि खुन्हू श्री द्वादशस्थवीरादि भिन्याबाहाया छत्रकूजु नायकजु आजुपि निमन्त्रणा याना पूजायाना भोजन याकालि श्री जिनगण, देव, लोकपाल, यक्ष, राक्षस, भूतादिपिन्त सन्तोष व शान्ति याय निम्ति होम समेत याकूगु खं न्ह्यथना तःगु दु^१ ।

३४) ये न्यतटोल तुंछेया श्रद्धालु उपासक दानपति तुलाघर विष्णुघर, मणिघर, भाजुमन, ज्ञानघर, बुद्धघर, रत्नघर, बेखाघन, भाजुपति व माँ सुवर्णमती आदि समुच्चय जुया च्चनावेलस धर्मचित्त उत्पत्ति जुयाव श्रीस्वयम्भू धर्मघातु वागीश्वर श्रीसम्यक्संबुद्ध प्रभृति आर्यसंघ दक्कयातनं पिण्डपात्र दान यायात दानशालास ब्वय् निम्ति श्रद्धापूर्वक त्रिकालबुद्धया प्रतिभराड (पौभाः) दय्का जुल ।

थुगु पौभालय् ह्लापाजुया बिज्यापि सकल तथागतपिगु प्रतिनिधि स्वरूपं श्रीदीपंकर तथागत, आ जुया बिज्यापि समस्त तथागतपिनि प्रतिनिधिरूपं श्रीशाक्यमुनि तथागत एवं लिपा जूबिज्याईपि सम्पूर्णं तथागतपिनि प्रतिनिधिकथं श्री आर्य मैत्रेय तथागत थुपि स्वह्म तथागतया स्वपा पौभा बाँलाक दय्काव ने. सं. ११८ श्रावण कृष्ण त्रयोदशि शनिवार थ्वखुन्हूया दिनस आर्यसंघ दक्कयात पिण्डपात्र दान यागु जुल ।

थुगु पुण्यं दानपति जजमान आदि सर्वसत्त्वप्राणिपि दशपारमितां परिपूर्णं जुया सम्बुद्धपद प्राप्त जुईपि जुईमा धका आशिका यानातल ।

३५) ये असनटोल कोथुबाहालस च्वंहा धर्मात्मा श्रद्धालु दानपति तुलाघर छत्रसि, बालगोविन्दसि, जयनरसि, बिलमहन्तेसि आदि परिवार समुच्चय जुया च्चनावेलस सद्धर्मचित्त जुयाव ने. सं. ११९ सालया त्रेतायुगोदय पर्व माघपुत्ती खुन्हू श्रीस्वयम्भू सम्बुद्ध भगवानयात निमन्त्रणा यासे आर्यसंघ दक्कयात पञ्जादान व्यूगु जुल ।

थुगु पञ्जरां न्यायकूगु लसताय अतिकं श्रद्धा तयाव नेपालया धर्मराजिक श्रीस्वयम्भू महाचैत्यस विराजमान जुया बिज्यानाच्वंहा श्रीअमिताभतथागतयात लुंया त्वाक स्वान दय्काव द्वहलपा बिल ।

थ्व लुंयात्वाक स्वानस वैदूर्यनीलया श्रीवज्रसत्त्वया सूक्ष्ममूर्ति अङ्कितयासे थ्वया छचालं अनेक रत्न जडेयाना तस्सक बाँलाक विविध मङ्गलमय भावना सहितयासे सूक्ष्मबुट्टां भरेयाना अनुपम उपहार स्वरूप वज्रत्वाकस्वान लुंयात्वाकस्वान दय्का तःगु जुल । थुगु प्रशंसनीय कलाकृति लुंया त्वास्वां दय्कपि कलाकारपि यल बूबाहाया वज्राचार्य श्रीमत्यन प्रभृति प्यह्मबाकाय् धका वहे त्वाकस्वानया

ल्युनेसं अभिलेख अङ्कित यामा तःगु दु^१ । श्व त्वास्वांया ज्या शिल्पकला खनीबले न्हाहा कलापारखिपिन्सनं प्रशंसा मयासें चवने फईमखु ।

श्व दर्शनीय दुर्लभ बहुमूल्य कलात्मक वस्तु दर्शन व स्पशंन याय्गु सोभाग्य जितःनं प्राप्त जूगु दु । श्वहे १०६६ साल श्रावण महिनां गुठीसंस्थान पाखें श्री स्वयम्भू भगवानया तिसाजांच यागु इले श्री ५ या सरकार पुरातत्त्व विभागया पाखें जांचकीरूपे जि श्वहे वनागु जुल । वर्तमान थुगू अमूल्य वस्तु स्वयम्भूया द्योपाला गुरुजुपिन्सं विधिवत् गुठीसंस्थानयात लःल्हाय धुकूगु दु । गुठीसंस्थानपाखेनं श्री ५ या सरकारया ढुकुति मुलुकिखानास दुतबिये धुकूगु जुल ।

(३६) यें, सिनुग्वडारया श्रद्धालु दानपति तुइसि कर्मिया सद्धर्मचित्त उत्पत्ति जुयाव ने. सं. ६३३ वैशाखशुक्ल तृतीयाया दिनस श्रीस्वयम्भू धर्मघातु, श्रीदीपङ्कर तथागत प्रमुखं आर्यसंघ दक्कवत्त निमन्त्रणा यासे विधि पूर्वक सम्यक् संघ भोजन न्यायकूगु जुल ।

थुगु सम्यक् न्याय्के निम्ति सम्यक् विधिया विधिविधान सफू धलपौ कोहितिया असेखापा मदु दुवारया थाकुसिजुयाके च्वंगु कयालि उगु बमोजिम श्रीस्वयम्भू भगवान् थासेनिसे ग्वय्दां तयगु विधिनिसें प्रारम्भ याना सम्यक् न्याय्कावंगु जुल^२ ।

३७) यल नकबहीया रूपछेंस च्वंहा श्रद्धालु उपासक लक्ष्मीनारां श्वया कार्यापि मत्तनसिंह, मस्तराम, छय्चा रामकृष्ण, भाजुमुनि, रामसुन्धर, रामजु, लछिमं, लक्ष्मीसुन्धर व मल्लिन्दरसि थुलि सम्मोहन जुसे धर्मचित्त उत्पत्ति जुयाव ने. सं. ६३७ साल श्रावणशुक्ल अष्टमि बुधवार खन्हू शास्त्रोक्त विधिथें परम्परानुसार नव-दान (नरां) याना दिईगु जुल ।

थुगु नरांयागु सम्पूर्णकार्य सिधःगु उपलक्षस श्री हिरण्यवर्ण महाविहारया श्री क्वाथभोट क्वाचपाल देवता शाक्यमुनि तथागतयात श्रद्धापूर्वक पिण्डपात्र द्रह-लपा व्यूगु जुल^३ ।

३१) यें यटखाटोलया श्रद्धालु दानपति शाक्यभिक्षु ज्ञानपतिजु नं श्रद्धा भक्ति तसे परम्परानुसार भुईखेलस श्री स्वयम्भू भगवान् श्रीदिपंकर तथागत आदि

१— श्रीस्वयम्भूया तिसामण्डार क्वाथायाके

२— नेपालभाषा साहित्यया जातः पृ १४०

३— हिरण्य वर्ण महाविहारया मण्डार क्वाथाया पिण्डपात्रलेख

सम्यक् देवतापि उपस्थित यासे आर्यसंघपिन्त सम्यक्संघ भोजन याकूगु जुल । ने. सं. ६०८ सालया ध्यःचाकु सँतूखुन्हू^१ ।

(३६) यें, प्रज्ञापुरिमहानगर श्री विक्रमशील महाविहार थँबहोलस च्वंहा दानपति काश्यपगोत्र कुटुंबज्ज श्रद्धालु लक्ष्मीनारायणया धर्मचित्त उत्पत्ति जुयाव श्रीदीपंकर तथागत एवं आर्यसंघप्रति श्रद्धा अभिव्यक्त यासे पञ्जराँदान बियेगु निम्ति धर्म-शाला छें दय्का बिल । लिसें प्रतिवर्ष पञ्जराँगुथि चले याय्यात ग्यंजोल बुंया आयस्ता व पसलबाहाल कयागु घेबा मुंका गुथि चल्य् याय्गु व्यवस्था याना थकल । लिसे लिसे इन्द्रजात्रा व अश्वजात्रा बुसाघें याय्गु खं नं न्ह्यथनातःगु दु ।

थ्व गुथि दत्त श्री ५ राजेन्द्र बिक्रमसाहदेवया पर्याय ने. सं ६४२ ज्येष्ठ कृष्ण तृतीया कुन्हू समर्पण यागु जुल^२

थुगु शिलापत्रया शिरोभाग्य श्रीदीपङ्कर तथागतया प्रतिमूर्ति अङ्कित यासे निम्नलिखित वाक्यनिसें आरम्भ याना तईतःगु दु—

ॐ नमो रत्नत्रयाय । श्रीदीपंकरमादिनाथ—

मनिशं नत्वा प्रतिष्ठाकृता नैर्वाणाङ्गयुते—

४०) यें न्यतटोल येकुबाहालस दिईह्म श्रद्धालु दानपति धनकृष्ण, भाजुकृष्ण तुलाधर पिन्सनं परम्परानुसार यथाविधियें सम्यक् न्याय्का वंगु जुल । ने. सं. ६४५ मकरसंक्रान्ति खुन्हू स्वयम्भू भुइखेलस जूगु ।

थुगु सम्यक् न्यायकूगु लसताय् श्रीस्वयम्भू भगवान्यात श्रद्धाभक्ति तसे वैरोचन तथागत अंकित सुवर्णया हृदयफोल दुन्ता यागु जुल^३ ।

४१) यें न्यत तुँछेंया श्रद्धालु दानपति विष्णुधर तुलाधर नं परम्परानुसार शास्त्रोक्त विधिकथं श्रीदीपङ्कर तथागत प्रभृति जिनसंघपिन्त सम्यक् भोजन याकूगु जुल । ने. सं ६५१ सालया मकर संक्रान्ति खुन्हू भुइखेलस जूगु^४ ।

१—श्री स्वयम्भू महाचैत्यया अभिलेख सूची नं. ९९

२— यें, ज्याठा धर्मशाला दलान्स च्वंगु शिलापत्र,

३— स्वयम्भूया तिसा भण्डार क्वथायाकें

४— श्री स्वयम्भू महाचैत्यया अभिलेख सूची नं १४८

(४२) यल श्रीहिरण्यवर्ण महाविहार इल्हने देवननिया श्रद्धालु दानपति शाक्यवंश जुयनरसिहया काय भाजुनरसिह (भाजु धनसिह) व जीव धनसिहया सकल परिवारया सद्वर्माचित्त उत्पत्ति जुयाव—

जिनप्रिय नामक सम्यक्संघ भोजन याके निम्ति पञ्चबुद्धात्मक स्तूप विराजमान जुयाच्वंगु यमान्तक बटुक भैरव अधिष्ठान याना तईतःगु लगंखेलस सम्यक् चक्रविधान अनुसारं सम्यक्महादान, सम्यक्विजयोत्सव यायू लागि श्रीदीपङ्कृतथागत आदि सम्यकदेवतापिन्त व आर्यसंघ, जिनसंघ, श्रावकसंघपिन्त यथाशक्त उपचारं पूजायाना सम्यक्संघभोजन याकेत—

जगत्उद्धार यायगु तत्पर जुया दानपारमितास पारंगत जुयाच्वंह्य बोधिसत्व स्वरूपि नेपालचूडामणि, श्रीनरनारायण, ब्रह्मशंकररूप जुयाच्वंह्य भी सकलयां योह्य राष्ट्रनायक श्री ५ महाराजाराधिराज राजेन्द्रविक्रम साहदेव तथा जनतायागु पीरमर्का खना सुधार उद्धार यायगु अनुकम्पा तयाच्वंह्य बलवान्ह्य मन्त्रि जनरल श्री भीमसेन थापा सहित जुसें लिसें राजकीय यात्राकथं अनेक वाद्यवादन ध्वनि संयुक्तयासे छत्रध्वज पताकादि सुशोभित याना सल, किसि, रथ सैनिक गण सहितयासे बिज्यायनाल धकं परम्परानुसार विधिपूर्वक गव्य्दां तया निमन्त्रणा यागु जुल ।

श्रद्धालु दानपति भाजुधनसियागु प्रबल सद्विच्छानुसार राजा, मन्त्रि उपस्थित याना लगंखेलस परम्पराकथं सकल दीपङ्कर तथागत एवं आर्यसंघपि बिज्याकाव विधिवत् सम्यक् भोजन याकूगु जुल ।

थुगु सम्यक् समारोह ने. सं. १५४ पौषशुक्ल तृतीया मकरसंक्रान्ति पर्वदिनस सम्पन्न जगु जुल ।

थुगु सम्यक् न्यायके निम्ति लगंथुद्वया अक्षोभ्य बुद्धया लिकसं भवहे सालं कार्तिक कृष्ण पञ्चमी खुन्हू श्रीवैरोचन तथागतया प्रस्तरमूर्ति दयकाव प्रतिष्ठा यागु जुल^१ ।

थुगु सम्यक्या लागि जुजुयात छन्दकाव्यालंकार सहितयाना निमन्त्रणा पत्र ब्वनापौ च्वया बिज्याह्य उगु समयया ख्याति प्राप्त विद्वान् यल महाबुद्धया उपासक श्रीसुन्दरानन्द शाक्यजु खः^२ ।

१- लगंथुद्वया शिलाभिलेख

२- संस्कृत सन्देश वर्ष १ अङ्क ७

(४३) यें जधुंछेंया श्रद्धालु उपासक भाजुवन्त तुलाघरनं स्वयम्भू भुइखेलस परम्परानुसार श्रीदीपङ्कर तथागत व आर्यसंघपिन्त निमन्त्रणा यासे विधिवत् ने. सं. १८२ साल मकरसंक्रान्ति खुन्हू सम्यक् भोजन याकूगु जुल ।

(४४) नेपाया परम्पराकथं सम्यक्संघ भोजन, नरां, पञ्जरां आदि दानोत्सव कार्य जुइबले सर्वप्रथम नां काईह्य वसपोल आदिनाथ आदिबुद्ध स्वरूप श्रीदीपङ्कर तथागत खः । थवसपोलया अति भव्यमूर्ति ह्यूमत बुद्धबारीस प्रतिष्ठापित वज्रासन स्थित श्रीदीपङ्करबुद्धया मूर्ति खः । थुलि भव्यगु विशालमूर्ति काठमाण्डू उपत्यकाय् गनं दइमखू घासां अपो जुईमखु ।

शायद थुगु श्रीदीपङ्कर तथागतया मूर्ति प्रतिष्ठा जूगु महान् उपलक्षे न थनयागु परम्पराकथं निश्चयन सम्यक्, नरां, पञ्जरां याना वन जुई । तर, थव विशुद्ध कीर्ति महान् पुण्यकीर्ति स्थापना याना थर्काप परम श्रद्धालु दानपतिपिगु शुभनाम व तिथिमिति आतक खके मफुनि थव खेदया बिषय खः ।

जित धायमास्तिओकि-थुगु दीपङ्करबुद्धमूर्तिया जःखःचवंगु पुरातात्विक अवशेष तथगु अध्ययन व अनुसन्धानकथं बिचाःयायबले निसन्देह लिच्छविकालीन जुई ।

थुजागु महत्वपूर्ण ऐतिहासिक दीपङ्कर तथागतया मूर्ति प्राकृतिक तथा मानवीक प्रकोपद्वारा जीर्णोद्धार जूगु दुर्दशा खनालि यटखाबाहाया श्रद्धालु उपासक ताम्राकार घनसिंह साहुजुनं श्रद्धा निश्चय तथा विधिपूर्वक ने. सं. १८३ साल जिर्णोद्धार याके व्यूगु जुल^१ । छुं कालान्तर लिपा उगू भव्य मूर्ति थायथासे स्यनाचवंगु खना इवाबाहाया श्रद्धावती उपासिका मैजुलक्ष्मी तुलाघरया विशेष अनुरोधकथं श्री ५ या सरकार पुरातत्त्व विभाग पाखेनं उकियागु महत्वप्रति ध्यान आकर्षित याना श्री ५ महेन्द्र सरकारयागु विजयराज्यस हानं जिर्णोद्धार याकेव्यूगु खं पुरातत्त्व विभागया रिकर्ड क्यनाचवंगु दु ।

(४५) यें यटखाबाहाया श्रद्धालु दानपति ताम्राकार चिकिवननं नेपाया परम्पराकथं सकल दीपङ्कर तथागत एवं आर्यसंघ बौद्धभिक्षुत सःता विधि पूर्वक भुइखेलस सम्यक् भोजन याकूगु जुल । ने. सं. १८३ सालया ध्यःचाकु सँहू खुन्हू ।

दानप्रदान याय्गुलि अत्यन्त उत्साह जुयाचवंह्य थवयकः साहुजुं हानं थः च्वनागु निवासस्थान भास्करकीर्ति महाविहार यटखाबाहालस ने. सं. १८९ सालया प्यंगु युगोदयया प्यंगु पुण्यतिथिस—

१—यटखाबाहा छगू अध्ययन पृ. ३१

- १) श्रावणकृष्ण त्रयोदशि—सत्ययुगोदय दिन
- २) माघशुक्ल पूर्णिमा —त्रेतायुगोदय दिन
- ३) वैशाखशुक्ल तृतीया —द्वापरयुगोदय दिन
- ४) कार्तिकशुक्ल नवमि —कलियुगोदय दिन

थुग प्यंगु पुण्यतिथिस परम्परानुसार नरां पञ्जरां न्यायका दिल । थ्वय्क साहुजुं अज थुलिजक यानानं सन्तोष मजुया थःगु विहारस अनेक सुधार उद्धार याना विविध धर्मकीति तथा थकूगु दु^१ ।

४६) यें जधुंछेंया श्रद्धालु दानपति तुलाधर शंखसि, चन्द्रवीरसिया धर्मचित्त उत्पत्ति जुयाव विधिवत् दीपङ्कर तथागत व आर्यसंघ निमन्त्रणा यासे भुईखेलस सम्यक् न्यायका वन^२ ।

४७) यल श्रीहिरण्यवर्ण महाविहारया श्रद्धालु दानपति शाक्यवंश मुनिघन, धीर्जमुनि, कुवेरमुनि, स्पर्शमुनि व देवमुनि एवं माता मेजुघन आदि सकलया धर्मचित्त उत्पत्ति जुयाव परम्पराकथं श्री ५ सुरेन्द्र विक्रमशाह शाहदेव बिज्याका श्रीदीपंकरादि उपस्थित याना सकल आर्यसंघपिन्त ने. सं. १९६८ साल पौषशुक्ल अष्टमि मकर संक्रान्ति खुन्हू लगनखेलस सम्यक्चक्र विधान अनुसारं सम्यक्संघ भोजन याकूगु जुल^३ ।

४८) यें असें जधुंछेंया श्रद्धालु दानपति तुलाधर दानवीरसि नन्दवीरसिया धर्मचित्त उत्पत्ति जुयाव ने.सं. १९६९ सालया मकरसंक्रान्ति खुन्हू स्वयम्भू लुइखेलस सम्यक्चक्र विधानअनुसार सम्यक् न्यायकूगु जुल^४ ।

(४९) यल इलन्हे योकुलीछेंस च्वंहा श्रद्धालु दानपति वज्राचार्य धर्मध्वजजु थ्वया कलात घनमयजु काय् मञ्जुवज्र, गजेन्द्रवज्र छ्य्चा इन्द्रवज्र, दानवज्र आदि सकल परिवारया सद्धर्मचित्त उत्पत्ति जुयाव स्तूप विम्बस्थान लगंखेलस सम्यक्चक्र विधान अनुसारं श्रीपञ्चबुद्धात्मक चैत्य, श्रीदीपङ्कर तथागत आदि सकल बुद्ध, धमश्रीप्रज्ञापारमिता वसुन्धरा व संघनायक आर्यावलोकितेश्वर आर्यसंघ प्रमुखं

१- घटखाबाहा छगू अध्ययन पृ. ४४

२- श्रीस्वयम्भू महाचैत्यया अभिलेख सूची नं. १९०

३- लगंथूद्वया शिलालेख

४- श्रीस्वयम्भू महाचैत्य अभिलेख सूची नं. २०७

बिज्याकूगु जुल । लिसैं थुगु सम्यक्महादाम उत्सव संरक्षक प्रदानयाना बिज्याह्म श्री ५ सुरेन्द्रविक्रम महाराज समेत बिज्याका व परम्परानुसार यथाविधिषें सम्यक् संघ भोजन याकल^१ ।

थुगु सम्यक् समारोह सम्पन्न जूगु दिन जुल ने. सं. १००१ पौषशुक्ल द्वादशि बुधवार मकरसंक्रान्ति खुन्ह ।

(५०) यें न्यतटोल ओनेमाया श्रद्धालु दानपति ज्ञानवीरसिं तुलाधरया धर्मचित्त उत्पत्ति जुयाव सम्यक्संघ भोजनया परम्परानुसार विधिविधान यासे ने. सं. १००२ साल मकरसंक्रान्ति खुन्ह स्वयम्भू भुईखेलस सम्यक् न्यायकूगु जुल^२ ।

(५१) धर्मभीरु नेपामि दाजुकिजापि घनरत्न श्रीसम्पत्ति कमाई याय् लागि थःगु जन्मभूमियात सुदूर उत्तरापन्थ च्वापुगुंयात न्ह्योनेलाका अतिदुर्लभ पहाडपर्वत खुसिखासिया लंपुं लानंला न्यासिवना, दुःखकष्ट सहयाना सँदेशया राजधानी ल्हासास वना बन्द व्यापार याय्त वनाच्वनि ,

अप्पोयाना नेपामि बौद्धत सँदेशे वना व्यापारयाना च्वेंसां थःगु धर्म व संस्कृति कलाया प्रचार प्रसार याय्गुलि परम्परानिसें च्वन्ह्यनाच्वंपि जूया निर्मित थःगु धर्म व संस्कृतिप्रति अगाढ श्रद्धाभक्ति दुपि ल्हासा साहुजुपिन्सं नेपायागु परम्परायात अनुष्मरण याना ल्हासाय्संतुं च्वना सम्यक्, पञ्जरां यानावंगु प्रमाण इतिहास साक्षि दु । ध्व खें ल्हासा अदालतया बही खाताया धलखे जायाच्वंगु जुल ।

ल्हासा अदालतया बतीखातास थथे च्वयातःगु दु-

सँदेशय् वना नेपामि ल्हासासाहु तय्सं आदर पूर्वक सन्मान याना वयाच्वंपि ल्हासाया नांदंपि शक्तिशाली जागृत देवतापि—

- | | |
|--------------------------|--------------------|
| १) श्रीच्याकंग्याबु आजु | २) श्रीघमुस्या आजु |
| ३) श्रीनागराज " | ४) श्रीकुबेरराज " |
| ५) श्रीच्यातग्यापाला आजु | |

थुपि न्याह्म देवतापिन्त नमस्कार यानालि सुईह्म पालाक गुठियारपिनि

१- लंगथूद्वया धर्मघातु मण्डललेख

२- श्रीस्वयम्भूमहाचैत्य अभिलेख सूची नं २०७

सल्हासाहुति निर्णय जूगु कथं न्हापाया परम्परा कायम याये निर्मित न्हूगु बन्धेज दयकूगु विधान थथे जुल—

थुगु स्थितिबन्धेजया पालाः थकालि सक्वदेश सुमटोल साहांगालछेंया जुजुमान, नोकू-निमनारां, छ्याञ्जे-यिनसि, तुयिला, हरूमन्त्रसि प्रमुखं जम्मा सुईहा पालाकत (गुथियार) च्वना न्हापाया दस्तुर च्वयातल ।

सुं श्रद्धालु दानपतिपिन्सं पञ्जरां न्यायकिबले मालिकसाहेब मार्फत याय्माःगु दस्तुर—

ल्हासाया दक्लेसकले तधंगु गुम्वास विराजमान जुयाच्वंहा वसपोल मार्जेसाङ्ग्ये श्रीदीपङ्कर तथागत पञ्जरांखत (दानशाला) स बिज्याकेतः द्यो लंस्ववनेत व पञ्जरां सिधयेवं बिदा कावनेतः मालीकसाहेब भायके माल । मालीकसाहेब भाय्वंसन्तु वयकःयात नं पालाकतयसं उचित सम्मानरूपे दशपत्र देछाया स्वसुका दां तथा संदेशया परम्परानुसारं खाता (कोखागा) क्वखाय्का बियेमा ।

पञ्जरांया दानकार्य विसर्जन जुईवं श्रीदीपङ्कर तथागत लिहां बिज्याकेत पालाक थकालि पूजायाना दस्तुर देछाय्गु ज्याजुई । द्यो यथास्थानस बिज्यायेवं कप्ताननायो सहित जुया मालीकसाहेबया थास वना बिदा पर्ववने जुल ।

द्यो क्वहां बिज्यायके खून्हू भ्वय् नकेमाःपि-वकील साहेव १ ह्य, पालाक थकालीया १२ ह्य, नायक स्थवीर व गुरुवज्राचार्यया २ ह्य समेत थ्याकेमागु खँ उल्लेख यानातःगु दु^१ ।

(५२) यें असं धालासिकोया श्रद्धालु दानपति कृष्णमुन्दरया धर्मचित्त उत्पत्ति जुया व नेपाया बौद्धसंस्कृतिकथं चले जुयावईच्वंगु भुईखेलस यथाविधिथें सम्यक्संघभोजन न्यायका वन । ने.स. १००८ सालया ध्यःचाकु सँल्हू माघ १ गते जूगु जुल^२ ।

(५३) यल रत्नाकरमहाविहार (हःवाहा) या यन्तादुन्दुगृह वलावाहाचास च्वंहा परम श्रद्धालु दानपति श्रीबेखाराज वज्राचार्यजु व थ्वया कलात ज्ञानिथकुं, काय् सिद्धिराज छय् चन्द्रजोति, म्हाय् बिहरतिकुमारी, विष्णुकुमारी, इन्द्रकुमारी व कृष्णकुमारी पौत्रि सिद्धिमाया थुलि जहान भोछिसियां पूर्ववर्ती बोधिसत्व दानवीर विश्वन्तर

१- नेपाल भाषा साहित्यया जातः पृ. २५५

२- श्रीस्वयम्भूमहाचैत्य अभिलेख सूची नं. २१९

राजकुमारया आदर्श गुण लुमंका सद्धर्मचित्त उत्पत्ति यांना सम्यक् विधानचक्र अनुसारं श्रीदीपङ्कर महाबुद्ध प्रमुखनं गुरुवज्राचार्य श्रावक चैलक आदि आर्यसंघ निमन्त्रणां यांना श्री ५ महाराजाधिराज पृथ्वीवीर विक्रमशाहदेव विज्याका सम्यक् भोजन याकूग जुल । श्व सम्यक् न्यायकूग दिन जुल ने. सं. १०१२ साल ध्यःचाकुसँलू पौषशुदि चतुर्दशि ।

वसपोल बेखाराजजुं थुगु सम्यक्संघ भोजन याकेन्हो नं. सं. १००३ श्रावण शुक्ल अष्टमि यल पञ्जरां खून्हू श्रीदीपङ्कर प्रमुख वज्राचार्य, श्रावक आदिपिन्त विधिवत् पिण्डपात्र दान बिया पञ्जरां न्यायका वन ।

अज श्वयानं न्ह्यो, ने. सं. १००० साल माघशुक्ल दशमि खून्हू थःत चूडाकमं यांनातःगु थःगुहे विहार श्रीलक्ष्मीकल्याणवर्म— संस्कारित रत्नाकर महाविहार (हःवाहाल) स विराजित श्रीक्वाचपाल देवता शाक्यमुनिया प्रति श्रद्धाभक्तितसे आपालं घनखर्च यांना देगले लुपौ तथा श्रीशोभाबृद्धि यांना थकल ।

सद्धर्मप्रति तधंगु अनुराग दुह्य वसपोल बेखाराजजुं सम्यक् न्यायके धुंकानं हानं हावं थःगु छ्येक्वसं बच्चाहंगु बाहाचास श्रीधर्मधातु चैत्य दय्का विधिवत् प्रतिष्ठा यांना सहस्राहति जज्ञ यासे विहार प्रतिष्ठाकार्य सम्पन्न यागु जुल ।

श्वहे श्रीधर्मधातुचैत्य प्रतिष्ठायागु उपलक्षस यल ये, खवप व श्वया गांगाम्य च्वंगु दक्कफुक चिवाहा, धर्मधातुया त्याः कया ने. सं. १०१४ साल कतिपुन्ही खून्हू चैत्यपूजा शुभारम्भ यागु जुल । श्व चैत्यपूजा गन गुगूथासे वन घइगु विषय थये नां उल्लेख यांना तःगु खने दु^१—

(क) यलदेया चिवाहाया संख्या ६००

तिखेल, बूंग, ध्यनाचो, खोना, कवय्न्हा, चोबाहा, पांगा, तगां, छुगां, स्याबजिगां, किपु थुलिया जम्मा चिवाहाया संख्या १०० दु । सपाजधुं, वदेगां, थैव, गोडावरीकोड, ओतापुग, वादेश, थेचो, सुन्गू समेतयांना चैत्य धर्मधातुया संख्या ८० दु । तगां, त्यांगा, सरस्वतीकुण्ड, फपिवज्रयोगिनी, दक्षिणकाली, चोपुलुछे, थसि, इमाद्वं, कुतिबाहा आदिया संख्या १२ दु ।

१— यल वनबाहादुने छेस च्वंहा श्री कुलबहादुर वज्राचार्यजुयाके च्वंगु बिल्लीयाकें

(ख) येदेया चिवाहा, धर्मघातुया संख्या ११३

कार्तिकशुक्ल १५ स चैत्यपूजा प्रस्थान जुयागु-श्रीस्वयम्भू. मञ्जुश्री, जामाचो नागाजुन, धमाथू, तोखा व ग्वल समेतया चिवाहा संख्या १० दु । यंकीद्रह, थक्वात, मातातीर्थ, सत्तुंगः, बलखु मच्छेगां, ज्यनागां, चोसागां समेतया चिवाहा संख्या ११ दु । एवक्रम गोकर्ण, वाग्दुवा, सिफुचो, सपन्तीया चिवाहा सहित संख्या ५, अथेहे नंसाः, चुओ, खासुति, गुह्येश्वरी, चायबही समेतयां धर्मघातु चैत्य भगवानया संख्या १२० दु ।

(ग) खपदेया चिवाहाया संख्या २००

माघ शुदी १५ स प्रस्थान जूगु- आजुद्योया चैत्य, धर्मघातु भगवान् लोकेश्वर, जिकुला, महामञ्जुश्री ल्हासापाकु, नालालोकेश्वर, चेदो, भूतचोखा, घोखेल, संखू, गंव्यासि, नम्बुवा, पलूती सांगा तथा थेमि, तथा नदे, बूदेया चिवाहा संख्या ५० अथेहे सकोदेश श्रीवज्रयोगिनी, मणिगलिग, मणिचूदह समेतया संख्या ४१ जुल ।

थुजागु प्रकारं थःगु नेपादेया बौद्धपरम्पराकथं चले जुया वईच्वंगु महत्वपूर्ण ततःधंगु धर्मकार्यया लागि तचोगु श्रद्धाभक्ति बोयोंत्साह पिकया अनेकप्रकारं सेवा प्रस्तुत यात । तथापि थुलिजक यानानं सन्तोष मजुया दानशीलादि धर्म बोधिसत्त्वयागु आदर्श 'सर्वेत्यागश्च निर्वाण' धइगु सिद्धान्तस अटल विश्वास दुहा गुह्यखः, बेखाराजजुं हानं लछियंकें लगातारं पञ्जरां न्याय्के धइगु शुभसंकल्प (भाकल) याना पञ्जरांया विधिकथं आपालं घनराशि खर्चयाना सरसामग्री ताःलाका हयाच्वन ।

थमं धया गथे खः अथेहे शुभप्रतिज्ञा पूर्णं याय्निम्ति सम्यक् न्याय्का च्यादें गुदें लिपा हानं थःगु छ्ये क्दसैं पिण्डपात्रशाला दानशाला ग्वया नेपाया थःगु परम्पराकथं अभूतपूर्वरूपं ने. स. १०२१ सालया गुंला धर्मया प्रारम्भमिति निसैं यावत् गुंलाधमं समाप्तितक लछियंकें-

श्रीदीपङ्कर महाबुद्ध प्रमुखं आर्यसंघ, गुरुवज्राचार्य, श्रावक, चैलक, अर्हत्भिक्षु सकलदक्वयात अविरलगति दानधर्मया धाराप्रवाह न्ह्याका वईच्वन ।

थुजागु प्रकारं बोधिसत्त्वपिगु आदर्शगुण लुमका दानपारमितायागु महत्व क्यना त्यागमय जीवन हनाक्यं ह्य बोधिसत्त्वया अंशधारी परम श्रद्धालु वसपोल श्रीवेखाराज वज्राचार्यजुं याना थकूगु दानकीर्तिया गुणवर्णन प्रशंसा थ्व बौद्धइतिहासं गुबलें

लोमके फई मखु । थथे लछियंकं पञ्जरां न्याय्का वन घइगु इतिहासे गनं मदुनि ।
भ्रज भविष्यत् कालेनं थथे याइपि सुं महानुभावपि दइलाकि मदई थ्व धायमफु ।

थ्व वसपेलं यानावंगु अविस्मरणीय देनयात कया १७०×२२' इञ्च
साईजगु, ताहाकःगु तुलांपौलि सुन्दर चित्रात्मक विवरणं जाय्का बांलाक चवयातइतःगु
दु । लिसे उगु घटनाक्रम चित्रया क्वसंववसं अभिलेखनं अंकित याना तइतःगु
जुल । थुगु तुलांपौ थौतकनं वहे दानपति श्रीबेखाराजया छुईचा श्रीकुलबहादुरजुया
संग्रहले बांलाक सुरक्षित् याना तइतःगु दनि । थ्व तुलांपौ कयंके विईगु लि कुतःयाना
बिया विज्याहा पासा खः, श्रोसूयमान वज्राचार्य ।

थुगु तुलांपौ स्वभो लाईन मिलेयाना चवयातल । थुकी दकले सकले चव्य-थव
पूज्य अबु श्रीयोगनरसि वज्राचार्यजुं थःगुहे विहार हःबाहालस प्रस्तर कलास आदि-
बुद्ध स्वरूप श्री वज्रसत्त्व तथागत व थ्वया जःखः धर्म श्रीप्रज्ञापारमिता स्वरूप
श्रीवसुन्धरादेवी संघस्वरूप माघकृष्ण तृतीया खुन्हू स्थापना याना तइतःगुया
लुमन्तिकथं चित्र चवयातःगु दु । थुगु त्रिमूर्ति स्थापनाया उपलक्षस गुरुवज्राचार्यपिन्त
भोजन याकूगु खं न्हायनातल । थ्वहे बिहारया वज्राचार्यसंघपिन्त आवश्यक
व्यवस्था हना तइतःगु विस्तार खं अंकित जुयाच्वंगु शिलापत्र अनहेसंतुं तयातःगु दु ।

थुगु त्रिमूर्तिचित्रया क्वसं थःगु जीवमानकाले थमंहे याना थकूगु चित्रात्मक
विवरण भौलाक छसि कथं घटनाक्रम मिलेयाना हःवाहाया देगले लुपौ तःगु खं
चवयातल । थ्वया क्वसं पञ्जरां यागु दृश्य कयनातल । अथेहे स्वंगूगु घटनाक्रम
आर्यसम्यक्संघभोजनयाकूगु, दशस्थवीर छत्रंकूजु आजुपि चवना सम्यक्खेले भूमिशोधन
यानाच्वंगु दृश्य बडो रोचक घंगं चवयातल । थ्वया नापनापं सम्यकघोपिगु पंक्तिबद्ध
दृश्य । प्यंगूगु दृश्यजुल-थःगु छयंक्वसं बाहाचा दयका धर्मघातु चैत्य स्थापना
याना स्वंगुसहरया मुख्यमुख्यगु स्थान- श्रीस्वयम्भूमहाचैत्य, सिफुचो, धेनाचो, जामाचो,
नम्बुघा, ग्वलया धनदोचैत्य, बही, बिहार व देगःदेगचा तथा प्राकृतिक झलक
आदि कयना लिसे तात्कालीन बौद्धसमाजया वेश भूषा समेत न्हाईगुसे च्वंक
हिसिचा दय्क चिटिक्कच्वंक अलग अलग याना प्रदर्शित याना तईतःगु जुल । थुगु
घटनाक्रम सिधय्वं. स्वंगूगु हरफ क्वय्यागु भोले दानवीर बोधिसत्त्व विश्वन्तर
राजकुमारया जीवनचरित्र जातककथायात कया चित्रात्मक विवरण जाय्का
प्रदर्शित याना तईतःगु दु ।

५४) ने. सं. १०१६ साल माघकृष्ण त्रयोदशि सोमवारया दिनस यें वटुबाहा, इतुबाहा व लगंबाहाया संयुक्त प्रयासं न्यायका वइच्चंगु द्वादशवर्षीय सम्यक्गुथिपाखें स्वयम्भू भुइखेलस परम्परानुसार विधिवत् सम्यक् न्यायकूगु जुल । थुगु सम्यक् समारोहस परम्पराकथं महाराजाधिराज श्री ५ पृथ्वीवीरविक्रम शाहदेव व तत्कालीन प्राइमिनीष्टर श्री ३ वीर शम्सेर समेत सवारी जूगु दु^१ ।

५५) यें स्थानमण्डप (थायमण्डू-थायमदु) टोल न्हावाहालस च्वंहा श्रद्धालु दानपति स्थापित जोगवीर नाथजुया धर्मचित्त उत्पत्ति जुयाव सम्यक् विधिकथं श्रीदीपंकर तथागत सद्गुरुचर आर्यसंघ भिक्षुपि निमन्त्रणा यासे राजामहाराज बिज्याचकं स्वयम्भू भुइखेलस सम्यक् न्यायका दिल । थ्व दिन खः ने. सं. १०१८ साल माघ १ गते खुन्ह ।

थ्व सम्यक् न्यायके निमित्त थ्वयकः दानपतिजुं सम्यक् न्यायकेगु भुइखेलया भूमिभाग चिधंजुगु खना थःगु सुनावित्ता पलेसा बियालि भुइखेलया जग्गा तःकू याना, फराकिलो याना दिईगु खेनं न्ह्यथनातःगु दु^२ ।

थुगु सम्यक् न्यायके धुंका छुं समय लिपा श्रीस्वयम्भू महाचैत्यया प्यखे प्यकुने प्रतिष्ठित जुयाच्वेपि योगिसिद्धपिन्सं अधिष्ठान यानातःगु ऐतिहासिक सिद्धचैत्यत जिणंजुयाच्वंगु खनालि उगू चैत्यत विधिवत् जिर्णोद्धार याना थकूगु जुल ।

५६) यल वसुवर्द्धनमहाविहार इह्लनेया श्रद्धालु दानपति वज्राचार्य गजेन्द्रवज्र व थ्वया काय इन्द्रवज्र, दानवज्र, संघवज्र व स्वयम्भूवज्र आदि सकलयां धर्मचित्त उत्पत्ति जुया परम्परानुसार सम्यक्चक्र विधानकथं लगनखेलस श्रीदीपङ्कर तथागत एवं आर्यसंघ सकल बिज्याका सम्यक् न्यायकूगु जुल ।

थ्व सम्यक् ने. सं. १०१९ साल पौषकृष्ण द्वितीया मकर संक्रान्तिया दिनस जूगु जुल । थुगु सम्यक्चक्र विधानस राजा श्री ५ पृथ्वी वीरविक्रम शाहदेव सरकार बिज्यात ।

५७) यें असँ जधुंछेंया श्रद्धालु दानपति कुलवीरसि तुलाधरनं सम्यकया विधिविधान

१-वटुबाहा श्रीहेरामान शाक्यया सम्यक् धलपौ याकें ।

२-श्रीस्वयम्भू महाचैत्य अभिलेखसूची नं. २४५,

अनुसारं श्रीदीपङ्कर तथागत प्रभृति सहानुचर आर्यसंघ गणसहित यासे स्वयम्भू भुईखेलस सम्यक् न्यायका दिल । ने. सं १०२६ सालया घ्यःचाकु सँहू खुन्हू ।

श्वयक दानपतिजुं श्रीस्वयम्भूमहाचैत्यया न्ह्योने च्वगु मामेह्लाखाङ् धईगु देवा घर्मा लामाजुया कीर्ति स्थंग्या पुलांगु गुम्बा अचानक अग्निकाण्डे लाना क्षतिग्रष्ट जुसेलि सिक्किमया जुजुयागु सहयोग पूर्णरूपेण जिर्णोद्धार जूगु जुल । तर थुगु गुम्बास प्रतिष्ठापित सुवर्णमयधातुया त्रिकालबुद्ध दीपंकर, शाक्यमुनि, आर्यमैत्रेय स्वर्हासगु भव्यमूर्ति विधिवत् प्रतिष्ठा याना दिल ।

५८) यें ब्रह्मटोल मणिसंघमहाविहार मुसुंबाहा तःननिया श्रद्धालु दानपति वज्राचार्य कुलमानगुरुजुया सद्धर्मचित्त उत्पत्ति जुयाव सम्यक्या विधिविधान अनुसार परम्परा-कथं भुईखेलस श्री ५ त्रिभुवन सरकार उपास्थतयाका श्रीदीपङ्करतथागत आदि आर्यसंघपि सःता सम्यक्संघभोजन याकूगु जुल । ने. स. १०४० सालया मकरसंक्रान्ति माघ १ गते खुन्हू ।

श्वसपोल दानपतिजुं थुगु सम्यक न्यायकेन्ह्यो निकः व हानं सम्यक् धुंका निकः याना प्यगु जुगोदय दिनस नरापञ्जरां न्यायका विज्यात । अज थुलिजक यानानं सन्तोष मजुया सद्धर्मकीर्ति तयगुलि तधंगु अनुराग द्रष्टु कुलमानगुरुजुं हानं स्वयम्भू हारतीदेवीया न्ह्योने सुवर्णमय धातुया श्रीवज्रसत्त्वमूर्ति सहित शिलास्तम्भ स्वानाथकल । अथेहे बुंगय् बुंगम लोकेश्वर श्रीकृष्णामयया न्ह्योनेनं प्रस्तरमय वज्रसत्त्वमूर्ति अङ्कितयासे शिलास्तम्भ तयाथकल । एवंक्रमं जनबाहाया श्रीजमलगणिलोकेश्वरया न्ह्योनेनं सुवर्णमय आर्यताराया मूर्ति सुवर्णमय तोरण व खापा समेत दयका प्रीतियाना थकूगु जुल । मञ्जुश्रीया तनेनं प्रस्तरमय गुरुमहाञ्जमजुश्री व सरस्वतीदेवीया मूर्ति स्थापना याना मञ्जुश्रीपर्वत् स्थानया श्रीशोभाबुद्धि याना थकूगु जुल ।

५९) ख्वप क्वाठण्डौ टोल दीपङ्करविहारया श्रद्धालु दानपति शाक्यभिक्षु नरसिंह काय नरमान प्रभृति सकल जहानद्वियां धर्मचित्त उत्पत्ति जुयाव श्रीदीपङ्कर तथागत प्रमुखं सकल आर्यसंघपि निमन्त्रणा यासे विधिवत् श्री ५ त्रिभुवन सरकार विज्याका सम्यक्संघ भोजन याकूगु जुल^२ ।

थुगु सम्यक न्यायकुगु लसताय श्री ५ त्रिभुवन सरकारयात थ.गू गच्छे अनुसारं

१- श्री स्वयम्भू महाचैत्य अभिलेख रूबी नं २५२

२- श्री नजरमान बुद्धाचार्यया उपासकृति

मखमल कापतं भुना थायथासे विश्ववज्र चिन्ह व ग्याञ्चिबुट्टां भरेयाना नागराजं कुईका तःगु सिहासन स्वरूप कुसिमेच छगुनं उपहार स्वरूप प्रदान यागु दु । थुगु सिहासन थौतकनं हनुमानढोकाया बहूमूल्यशाखा अफिसया जिम्माय् सुरक्षित याना तईतःगु दिन^१ ।

थ्व सम्यक् न्यायकूगु दिन खः ने. सं. १०४४ साल माघ १ गते स्वपया सम्यक् खेलेसंतु जूगु जुल ।

(६०) यल लोकाकीर्ति महाविहार नःबहीया ल्युनेसं च्वगु इकुलीया श्रद्धालु दानपति शाक्यवंश बाघनरसिहया काय् बाहादुरसिह, केवारसिह, लक्ष्मीनरसिह छया हर्षनरसिह आदि परिवारछिसियां पुण्यचित्त उत्पत्ति जुयाव श्री ५ त्रिभुवन सरकार बिज्याका सम्यक्या परम्परानुसार श्रोदीपंकर तथागत आदि आर्यसंघपि बिज्याका सम्यक् न्यायका वन^२ । थ्व दिन जुल पौषशुदी ६ ने. सं. १०४७ साल ।

(६१) येँ, चिकंमूया श्रद्धालु दानपति रञ्जितकार मोतिमानया धर्मचित्त उत्पत्ति जुयाव परम्परानुसार सम्यक्चक्र विधानकथं ने. सं. १०६७ सालया मकरसंक्रान्ति माघ १ गते खुन्हू श्री ५ त्रिभुवन सरकार विज्याकाव भुइखेलस सम्यक् न्यायका दिल^३ ।

(६२) येँ यटखावाहालस च्वंहा श्रद्धालु दानपति खड्गसि महर्जनया मर्मचित्त उत्पत्ति जुयाव ने. सं. १०६७ साल श्रावणकृष्ण त्रयोदशि खुन्हू पञ्जरां न्यायका थकल^४ ।

(६३) येँ न्ह्योखाटोलस च्वंहा श्रद्धालु दानपति तुलाधर भक्तवीरसि व किजापि अकल्मान्सि, रत्नमानसि, सिद्धिमानसि व मां सानुमाया आदि सकल जहानछिसियां सद्धर्मचित्त उत्पत्ति जुयाव थव श्रद्धेय अबुजु श्रीसम्यक्सिनं शुभसंकल्प (भाकल) याना थकूगु सम्यक्संघभोजन याके मलावं अकस्मात् दिवंगत जुयावन । तर वय्क सम्यक्सि साहुजुया कार्यापिनं उत्तिकं सद्धर्मप्रति अनुराग दुपि जुया थव अबुजुया बचन आज्ञा प्रतिज्ञा पुरेयाय्गुलि तत्पर जुयाच्चवंपि कार्यापिन्सनं अबुजुयागु महान् सदिच्छा पूर्ति याय्गु मनसुवानं बिधिवत् सम्यक्या परम्पराकथं स्वयम्भू भुइखेलस सम्यक् न्यायका दिल ।

१- थ्व सिहासन बहूमूल्यशाखाया हाकिम श्रीछत्रमुनिशाक्यजुं जित वयंगु खः

२- लगथूद्वया शिलालेख

३- श्रीस्वयम्भूमहाचैत्य अभिलेख सूचीनं २८४

४- बटखावाहा छगु अध्ययन पृ. ४२

श्वदिन जुल ने. सं. १०७२ साल पौषकृष्ण मघानक्षत्र आयुष्मान योग मंगलवार तदनुसार (वि. सं. २००८ साल माघ १ गते) मकरसंक्रान्ति खुन्ह जुल ।


तर थुगु सम्यक्स न्हापा लिपा मज्जुगुनि कथं छगू घटना जुयावंगु दु । थन व खं न्ह्यथना च्वना कि—

साहु सम्यक्सिनं वि. सं २००६ सालं सम्यक् न्यायकेगु जुल धका श्री ५ त्रिभुवन सरकारयात ग्वयदां तया थिक दछि लिपा २००७ सालया ध्यःचाकु संतूहखुन्ह न्यायके मागुली २००८ सालं जक सम्यक् न्यायकल । थथे जूगुया कारण छु धासा—

१०४ वर्षतक राणातयसं याना च्वंगु अन्याय अत्याचार एकतन्त्र क्रूर हुकूमि-शासन अन्त यानालि जनतायात सुखशान्ति जुईगु विशुद्ध प्रजातन्त्र ह्यगु लागि गथेकि-सर्वार्थसिद्ध राजकुमारं विश्वशान्ति निम्ति अनुत्तर सम्बोधि महारत्न प्राप्तिया लागि चायारात्रि थःगु सम्पूर्ण वैभव राज्यैश्वर्य त्यागयाना महाभिनिष्क्रमण जुल धया तःथ्ये भी जुजु त्रिभुवन सरकारने अथेहे थःगु राजसिंहासन राजमुकूट बाजितया थःगु देश त्वतां पिहां बिज्यात । मित्रराष्ट्र भारतयागु असिम सहयोगं थःगु महान् सदृच्छा मतलव साध्ययाना समस्त नेपांमि प्रजापिगु लागि असिम कृपातया हानं थःगुदेशे लिहांवया राणाशासन उन्मूलन यात । २००७ साल फाल्गुण ७ गते प्रजातन्त्र शासन हया बिज्यात ।

श्वहे कारणं यानाहे ७ सालं सम्यक् न्यायके माःगुया सत्ता ८ सालं माघ १ गते भी जुजु त्रिभुवनयात सम्यक्या मञ्चे सिंहासने बिज्याका तिनि सम्यक् न्यायकूगु जुल ।

तर सम्यक्या स्वलान्हाः भी जुजु त्रिभुवन दिल्ली सवारी जुयाच्वंगु इले राणातयसं सौका लाका अवसर छोपेयाना श्री ५ अधिराजकुमार ज्ञानेन्द्रवीर विक्रम-बाट श्री ५ महाराजाधिराज सरकार जुल धका घोषित याना ज्ञानेन्द्रया नाम मुद्रा समेत छोपेयाना प्रचारे हयाबिल । श्वहे ज्ञानेन्द्र सरकारयात जनतापिनिपाखें मान्यता बिईके लागि परम्परा अनुसारं सम्यक्मण्डपे बिज्याका सम्यक् समारोह याकेतः राणासरकारं आपालं जत्नजुक्ति यात भयत्राश बिल, गुलिखे ह्येकल, हरतरहनं जाल भेलयात, अथेनं नेपांमि बौद्धतयसं ज्ञानेन्द्रसरकारयात सम्यक्मण्डपस बिज्याकेगुलि



सम्यक्समण्डपस्य राष्ट्रपिता श्री ५ दिग्विजय सरकारया उपस्थिति दृश्य

राणातयसं अनेक ख्याचो व्यूसां भतिचाहे मग्यासैं अनेक किसिमया तोहः चिना २००७ सालं सम्यक् न्याहेमन्याकूसे न्ह्याववहे विस्तार जूसा तबि भी जुजु त्रिभुवन लिहां बज्याकाहे बक सम्यक् न्यायके घईगु मतीबं धैर्यपूर्वक प्रतीच्छा याना चवंचवन ।

खनंखः नेपाया अद्वितीय महान् धार्मिक सांस्कृतिकपर्व ३१ कोटि देवतापि सभाजुईगु राजा, मन्त्रि, भारदार, सैनिक समेत उपस्थित जुयाचवंगु लखलख मनूत मुना न्यायकेमाःगु महोत्सव सम्यक्समारोहस श्री ५ त्रिभुवनया सत्ता अधिराज-कुमार ज्ञानेन्द्रयात सम्यक्या सिंहासनय् तयके फूगु जूसा परिस्थिति मेगुहे जुईफु । तर सौभाग्यवस लखि लिईपा जुजु दिल्लीं लिहां बिज्याना समस्त नेपामियात अभयदान बिया २००७ साल फाल्गुण ७ गते प्रजातन्त्र घोषणा याना बिज्याय् धुसेलि परम्परानुसार यथाविधिथें श्री ५ त्रिभुवनयात सम्यक्मण्डपस बिज्याका २००८ सालया ध्यःचाकु सल्लू खुन्हुतिनि बडो हर्षपूर्वक ऐतिहासिक सम्यक् न्यायकल । थुगुकथं थ्व सम्यक्या संस्कृति धार्मिक इतिहासय्जरू पौतंगु मखु, परन्तु राजनैतिक पृष्ठभूमिजं तधंगु देन प्रदान यात । लिसैं मित्रराष्ट्रतय्तः नापं आश्चर्य चाय्का बिल ।

थ्वहे नेपाया- विशालगु साभा संस्कृति खः, विश्वं हना वयाचवंगु विशिष्ट संस्कृति खः । घाघ्यें घाय्गु जूसा नेपालं थःगु पहलं छयला वईचवंगु विश्वसंस्कृतिया न्हूगु संस्कृति खः । विश्वपर्यटकपिन्त आकर्षित याना वईचवंगु नेपाया थःगुहे गौरवमय परम्परानं खः । थथे थुजागु विशुद्ध नेपाल संस्कृतियात संरक्षण व संवर्द्धन याना तयूगु देशनरेण सकसिगु परम कर्तव्य व धर्म खः ।

सम्यक् धर्मया अर्थ

बुद्धं थःगु सम्यक् धर्म, थःगु दार्शनिक बिचार युगयुगतकं परम्पराकथं चले जुयाच्चनेमा घइगु सम्यक् संकल्पयाना आर्यसंघ, जिनसंघ, बौद्धसंघया स्थापना याना बुद्धशासनया नी स्वना थकूगु जुल । थुगु संघय् विशेष याना सम्यक्संबुद्धं आज्ञाजूगु सम्यक्धर्मयात बांलाक प्रतिपादन याय्कुपि बुद्धया आन्तरिक भावनायात बुभेयाना काय्फूपि छहति छहति प्रतिभादुपि अध्ययन गाःपि व्यक्तितहे न्ह्योने बढे जुईगु जुयाच्चन । बुद्धयागु विचारधाराकथं जनसमाजपिगु चित्त बोध याना हितसुख शान्ति बियेगुहे आर्यसंघपिगु मुख्यगु ज्या खः ।

थ्वहे उद्देश्य ज्वना गथे दयाबान्हा वैद्यराज विरामिपिगु छ्येछ्येवना वासः यावनीथे जनतापिगु छ्येछ्ये गांगामे राष्ट्रराष्ट्रय् वना अमिगु हितसुख निम्ति बुद्धधर्मया प्रचार प्रसार यावना च्वनि । थ्वहे कारणं याना बुद्धधर्म विश्वासदुपि श्रद्धा भक्तिदुपि जनसमाजं आर्यसंघपिन्त छ्येछ्ये निमन्त्रणा विया बुद्धया सद्धर्ममृत अमरवाणी न्यनेगु अनुरोध याई, अध्वेषणा याई । थथे जूया निम्ति आर्यसंघपिगु ज्ञानगुण लुमंका छ्येछ्ये सःता बुद्धयागु उपदेश न्यना वसपोलपिन्त यथाश्रद्धा भोजन दानधर्म याकेगु याना वईच्चन । थुजागु प्रकारं बुद्धधर्मप्रतिगौरव तथा आर्यसंघपिन्त निमन्त्रणा बिईगु चलन बुद्धया महापरिनिर्वाण जुई घुंकानं स्वसंघः तकनं भिक्षुपिनि छगु सामान्य दिनचर्या थें चले जुयाच्चन ।

थुजागु थ्व बुद्धधर्मया परम्परा सम्यक्धर्म स्थिति परन्तुतकनं चिरस्थायि जुईमा घइगु शुद्ध हृदयनं बुद्धधर्म प्रख्यान्त याय्गुलि समुन्नति याय्गु कोशिस यानाच्चपि आपालं उपायकुशल ज्ञान सिया बिज्यापि भी श्रद्धेय पूर्वाचार्यपिन्त थ्व स्थिति बन्देज यातकि—

आर्यसंघर्षिणु कृतज्ञता संभेयाना केवल श्रद्धा भोजनयाकेगु मात्र धयां उलि लोकजनर्षि आकर्षित जुईमखु, गुलि सम्यक्भोजन धायबले महत्व दर्ई; प्रभावित जुई व्यापक एवं परिशुद्ध जुई, बुद्धधर्मयागु सारा विशुद्ध संस्कृति थकी सन्निहित जुई, बुद्धयागु महान् उपलब्धि सम्यक्संबोधिज्ञानयागु आभास थुकी भल्के जुयाचवनी ।

अतएव थ्वहे विशुद्ध आदर्शयात अपनय याना थ्व परम्परा कायम याना बईचवंगु खने दु—

वसपोल सम्यक्सं बुद्धं आज्ञा जुया बिज्यागु आदि मध्ये अन्तेसं कल्याणगु, परिशुद्धगु, परिपूर्णगु सम्यक्धर्मयात पालन याईर्षि सम्यक्संघ आर्यसंघपिन्त आदर-सत्कार याना निमन्त्रणा याना भोजन याकेगुयात सम्यक् भोजन-सम्यक्दान-सम्यक्धर्म धका नाम प्रसिद्ध याना व्यूगु जुल ।

साधारणतया सम्यक् शब्दया अर्थ खः ठिक मनासिव भिन्नकं घईगु मात्र बुभे जुई । परन्तु थुकी बौद्धदृष्टि बौद्धसंस्कृतिकथं बौद्ध आचार्यर्षिगु धागु अनुसारं बिचाः यायबले सम्यक् शब्दया अर्थ उलि धयां वास्तविक तात्पर्य बुभे याय्छईमखु ।

बुद्धयागु सिद्धान्त अनुसार-यथार्थरूपं सुखशान्तियागु अभिलाषा याईर्षि न्ह्याह्मसिनं न्ह्यागु खँयनं अत्यधिक तल्लोन जुईगु अथवा उकी पूर्णतया बैरागी जुईगुली नं अहित माने यातातःगु दु । अर्थात् न्ह्याह्मसिगु लागि अपो जुईक नय्गु अथवा छुंहे नहेमनसे चवनेगु थ्व वईगु लागि हितकर मजू । थःत फाईदा जुईगु ठिकमात्राय् सेवन याय्गुहे सन्निहित जुईगु खः । अर्कि ठिकतरिकां सेवन याय्गु लपुयात क्याहे 'सम्यक्' शब्द प्रयोग याना तईनःगु जुल । अर्कि बौद्धदशनयागु सिद्धान्तयात विश्वास याईर्षि श्रद्धातईर्षि सुनानं बौद्धशास्त्र व बौद्धसंस्कृतिया ज्याख्य प्रयोग जुयाचवंगु 'सम्यक् शब्द' यात बुद्धयागु मध्यममार्ग, माध्यमिक दशनं, नससार ननिर्वाण धइगु विशुद्ध आदर्शयात संकेत याईर्षु तत्त्वज्ञानया रूपे संभे याय्गु आवश्यक जूवई । तर थन बुद्धयागु मध्यममार्गयागु महत्व धयाचवनेमाःगु आवश्यक मदु । छाय्धासा बुद्धयागु प्रतिष्ठा गौरव एवं विशेषता व अस्तित्व थुकी हे दु ।

थ्वहे आदर्श अनुसारं प्रातस्मरणीय श्रद्धेय भी पूर्वाचार्यपिन्स-यथे दीपङ्कर तथागत बुद्ध बोधिसत्त्वर्षि बिज्याका आर्यसंघापिन्त उचित सन्मान पूर्वक स्वागत सत्कार याय्गु संघभोजनयात 'सम्यक्' धका प्रख्यान्त याना व्यूगुलि याना समस्त बौद्ध धर्मावलम्बिपिन्सं थुकी श्रद्धाभक्ति पूर्वक अभिवादन यागु जुल ।

अज, थुगु 'सम्यक्-धर्म' या विषयकया बोधिसत्व भूमि नामक ग्रन्थय् थथे निर्देशनयाना तईतःगु दु कि१—

बोधिसत्त्वानां बुद्धानाञ्च भगवतां धर्मनैरात्म्यप्रवेशाय प्रविष्टेन सुविशुद्धेन च सर्वधर्माणां निरभिलाष्या स्वभावतामारभ्य प्रज्ञप्तिवाद स्वभाव निर्विकल्पज्ञेय समेन ज्ञानेन यो गोचर विषयः सासौ परमा तथता निरुत्तरा ज्ञेयपर्यन्तगता यस्या सर्वं 'समेधर्म' प्रविचया निवर्तते नाभिवर्तन्ते ।
तस्मिंश्च तत्त्वे बुद्धानां भगवतां सुविशुद्धज्ञानं वेदितव्यं । बोधिसत्त्वानां पुनः शिक्षामार्गं प्रभावितं तच्चज्ञानं वेदितव्यं ।

गुलि विद्वान्पिंसं सम्यक्या अर्थ अथेनं च्वमु दु१—सत्य व धर्म संमिश्रण जुया सम्यक्धर्म जूगु । गुगुजा दुःख फुकिगु, पुण्यबधय् याईगु बोधिज्ञानया लं क्यना परमशान्तगु निर्वाण यङ्किगु, राग द्वेष लोभाद मारगुण मदुगु, मारचित्त मदय्किगु सम्यक्धर्म खः ।

सम्यक्दान घयागु सम्यक् कर्म सम्यक् उद्योग याना मुंकागु धनद्रव्यद्वारा स्वार्थ त्यागयाना परोपकार याय्गु, सकसितं कल्याण जुईगु दुःख फुईगु भिङ्गु ज्या खँ व चित्तं उपायं दान बिईगु खः । गुगु दान धर्मया कारणयाकें परप्राणियात घातक यामा स्मृति विभ्रम जुईगु मद्यमांस पर्यन्त चले याई उगू दान धर्म निष्फल जुई । लिसें उगु दानयात बुद्ध बोधिसत्वपिंसं दान घका ग्रहण याना काईमखु । बरू ब्रह्मादि दिग्पाल लोकपाल धर्मपालपिनं नापं कोन जुई घका बुद्धं आज्ञा जुया बिज्यागु दु ।

हानं सम्यक्दान ग्रहणयाईपिंसनं मुनीश्वर तथागतपिगु गुणगौरवप्रति श्रद्धा-भक्ति तथा शुद्धचित्त याना भतिचाहे लोभ राग द्वेष मतसे प्राणियागु उपरे बोधिचित्त उत्पत्ति याना लिसें श्रद्धालु दानपतिप्रति दुनुगलनिसें शुभचिन्तक जुया आशिर्वाद बिया प्रसन्न पूर्वक दानग्रहण याना काईपि जुयमा ।

सम्यक् न्याईकिह्य दानपतिनं जुलसां प्रतिस्पर्धाया भाव तथा तमासा क्यनेगु धनश्रीसम्पत्तिया फूर्ति क्यनेगु स्वइतनं अपमान याय्गु, थःगुजक जिद्दी याना प्रमादी जुया अष्टलोक धर्मयागु इच्छायाणा याय्गु मखुकि—

थःगु द्रुनुगलंनि से उत्तमगु श्रद्धानिश्रय तथा गुरु श्रिरत्न बुद्धबोधिसत्त्वपिगु गुण गौरव अनुस्मरण याना सर्वसत्त्वप्राणिपि याकनं दुःखसागरं मुक्त जुया सम्बोधि-ज्ञान प्राप्त याईपि जुईमा धका बोधिप्राणिधिचित्त उत्पत्ति याना सम्यक्वक्रया विधिविधान अनुसारं सम्यक् पूजा, सम्यक्दान, सम्यक्भोजन सम्यक्सम्मेलन याके धईगु मत्ती तथा सम्यक्चर्या यायेमा ।

थुगुहे प्रकारं सम्यक्समारोहस उपस्थित जुईपि श्रद्धालु उपासक उपासिका दर्शक एवं श्रोतागणपिन्सनं थुगु सम्यक्धर्म जुयाच्चंगु खनालि दर्शन, स्पर्शन, चिन्तन मनन याये खंगुलि अनुमोदन याय्गु उत्तम भापियेमा

एव सम्यक् शब्दया अर्थ विशुद्धि बौद्धदृष्टिकोणं थःगुहे परम्पराकथं व्यागु किसिमं थथे मानय् याना वईच्चंगु खने दु-

- १) भिन्नकंसम्यक् पूजां करोम्येष तथागतानाम्
- २) परिपूर्णगुसम्यक्ज्ञानभास्कराय
- ३) परिशुद्धगु.....सम्यक्भोजनं प्रविशतु
- ४) तस्सकं लोगु.....शासनामदं स्थापयामास सम्यक्
- ५) समभावयुक्तगुहीनोच्चसमसेवनार्थं सम्यक्
- ६) सकलं दुय्यागु -...सम्यक्धर्मं प्रविशतु
- ७) सकभनं थेनाव्वजु.....ज्योति सम्यक् संप्रकाशयन्ति
- ८) यथार्यगु मद्दगु.....सम्यक्चर्यां करोमि

थुगु सम्यक्धर्मस सम्यक्विधानचक्र अनुसारं याना वईच्चंगु मुख्यमुख्यगु ज्या थथे ख:-

- १) सम्यक्देवता दीपङ्करतथागतपिन्त पूजा
- २) आर्यसंघपिन्त दान व भोजन
- ३) यचिस्वने धर्मपाल हारती पूजा
- ४) लोकपालस्वरूप दिग्पताक व्वयके
- ५) क्षेत्रपाल स्वरूपं नागराज आवाहन
- ६) जुजुयात स्वागतार्थं इन्द्रकलश लल्हाय्गु
- ७) दानपतियात् सम्मानार्थं पूर्णकलश लल्हाय्गु
- ८) लोकजनपिन्त- थुगु सम्यक्धर्म यानागुयाके प्राप्त जूगु कुशलमूल

पुण्यानुभावं देशनरेश सकल प्राणियात सुखशान्तिया लागि
सम्यक् परीणामना धर्मदानं यायुगु ज्या जुई ।

नेपाया बौद्ध संस्कृति अध्ययन व अनुसन्धान यांना स्वयंभूत थन च्यागु
किसिमं संघभोजन चले जुया वई च्वंगु खने दु —

- १) मूल विहारया संघभोजन
- २) मूल विहार अन्तर्गत थःथःगु कुटुम्ब मात्रया संघभोजन
- ३) भिक्ष्यागु विहारया संघ सम्मिलित जुयानं संघभोजन
- ४) फुक्क बहो मुना छगू संघभोजन
- ५) बहोयानं कुटुम्ब लिनाजक नं संघभोजन
- ६) बहो व विहार समन्वय जुयानं संघभोजन
- ७) थःथःगु देया अलग अलग जुयानं संघभोजन
- ८) स्वंगु देया नं संघपि एकत्रित जुयानं संघभोजन

सम्यक्दान महोत्सवस मुख्य निम्न प्रकारं सम्यक्या भांकि खने दयाच्वनी—

- १) दर्शनीय अनुपम बौद्धकला प्रदर्शनी
- २) पिण्डपात्रशाला दानोपकरण वस्तुतयगु सजावत् प्रदर्शनी
- ३) श्रायंसंघपिगु भेला जुयाच्वनि
- ४) श्रद्धालु दानपतिपिगु त्यागमय जीवन
- ५) दानपतिया थःथिति व श्रद्धालु भक्तजनपिगु श्रद्धाया तपे वयाच्वनि
- ६) गौरवमय दानगाथा व पंचताल तूर्यताडावचरया मधुर तपे सुन्दर ध्वनि गुञ्जायस जुयाच्वनि
- ७) सम्यक् विधानचक्रया ज्याभोक्तथं विधिविधान जुयाच्वनि
- ८) धर्म व संस्कृतिप्रेमि दर्शकजनपि उल्लास उमङ्ग प्रकूलित जुया दर्शन स्पर्शन एवं चिन्तन यांना सम्यक् धर्मयात प्रशंसा यांना च्वनि ।
- ९) उकिसं राष्ट्रनायक श्री ५ महाराजाधिराज सरकार सम्यक्मण्डप खतस सुवर्णसिंहासनय राजजुया सम्यक् धर्मयागु नेतृत्व यांना श्रीशोभाबृद्धि बानाच्वनि ।

थुगु सम्यक् धर्मस आर्य अष्टांगिक मार्ग स्वरूपं थःगुहे किसिमं भावना पिज्जया-
च्चंगु खने दयाच्चनि—

- १) सम्यक्दृष्टि —...दीपङ्कर तथागत प्रमुखं सम्यक् देवतापि दर्शनं याय्गु
- २) सम्यक्संकल्प —...सम्यक्धर्मं स्वयागु, न्यनागु, थियागु, लुमंकागुलि शुद्ध
संकल्प धर्मचित्त पुण्यचित्त उत्पन्न जुई
- ३) सम्यक्वाक्... स्तोत्र आदि दानगाथा व्वनाच्चंगु
- ४) सम्यक् कर्म - जिनक्षेत्र व आर्यसंघपित्त पूजा यानागु, दानबियागु, भोजन
याकागु, अनुपम राष्ट्रया संस्कृति संरक्षण यानागु,
आदरतयागु ज्या जुयाच्चंगु
- ५) सम्यक् आजीव — थुजागु विशुद्धगु पवित्रगु सम्यक् धर्मयाकें जीवन हनाच्चंगु
- ६) सम्यक् व्यायाम - थुगु ज्याय अलसि दिक्क तोता वीर्योत्साह पिकया दत्त-
चित्त जुयाच्चंगु
- ७) सम्यक् स्मृति — सम्यक्चक्रविधानया धलपौः व पूजाविधिकथं मढ्ठं क
होस तथा सम्यक्या कार्यक्रमं न्ह्याकाच्चंगु
- ८) सम्यक् समाधि — थुगु सम्यक् धर्म यानागु द्वारा ज्ञानसत्त्व तथागतपि, समय-
सत्त्व प्राणिपि समएकत्वं खनेगु, समाधिसत्त्वस्य सुप्र-
तिष्ठित जुयाच्चनेगु वास्तविक सम्यक् धर्म अवबोध
याय्गु ।

बूगु सम्यक् धर्मस च्यागुप्रकारया मुख्य कार्यविधि क्यनातःगु खने दु—

- १) तथागतपिगु गुणानुस्मरणया लागि पूजा
- २) आत्मभाव त्यागया निमित्त दानप्रदान
- ३) आर्यसंघपिगु सत्कारया लागि दानभोजन
- ४) शान्तिसुरक्षाया कारणं बौद्धसङ्घायन
- ५) चित्तवृत्ति सुधारया हेतुं सद्धर्मचर्या
- ६) देशगौरव निमित्त राजाउपस्थिति व अनुपमकला प्रदर्शन
- ७) दर्शकवृन्दया लागि-सद्धर्मयात्रा
- ८) दानपतिया श्रद्धाङ्कुरद्वारा विकसित सम्यक्महोत्सव

सम्यक् न्याइकिह्य दानपतिजुं सम्यक्या परम्पराकथं गंगू किसिमया कीर्ति
दय्का वईच्चंगु खने दु—

- १) बुद्धया कायिक शासनया दिव्यभावनाया प्रतीकरूपे श्रीदीपङ्कर तथागतया
सुवर्णमय कलात्मक भव्यमूर्ति ।

- २) बुद्धया वाचिक शासनया शुभप्रतीककथं सद्धर्म ग्रन्थ उच्चकोटि दीप्तिदर्शनया सफू प्रज्ञापारमितादि ग्रन्थ ।
- ३) बुद्धया चेतसिक शासनया दिव्यप्रतीक सर्वशुभत हृदय पंचबुद्धात्मक धर्म चातु चेत्य ।
- ४) बुद्धबोधिसत्त्वपिंसं यानां वगु दानदान, महादान, सम्यक् दानया गौरवगाथाया संस्मरण स्वरूप दानपारमिता लीला-तुलापी, बिलपीः अथवा पीबाहा ।
- ५) शुगु महान्धर्म सम्यक्धर्म विशुद्धधर्म जुयां वगुया संभ्रना कथं दिव्यसन्देश न्यकूगु दु धेगु भावनाकथ घण्टाघोषणरूपे घण्ट ।
- ६) पूर्ववर्ति बोधिसत्त्वपिंसं याना थकूगु दानपारमितायागु गुण धर्म प्रकाश यायगुलि अनुशरण जुयाच्चंहा श्रद्धालु दानपतियागु छे लौकिक लोकोत्तर देवतापिंसं वासयाई घइगु धारण कथं अनेक देवतापिगु चित्रचबकी ।
- ७) दानपतिजुं गन गुगुथासे सम्यक् न्यायकावन, अन उगुथासे सालमिति अंकित याना मण्डपाः छपा स्थापना याई अथवा देवस्थले, बिहारे तामापन्न ताके बिई ।
- ८) सम्यक् भोजन सिधःगु उपलक्षस श्री स्वयम्भूस्थान अथवा थःगु बिहारया कथाचपालदेवतायात पिण्डपात्र, पत्ता, किकिपा हृदयको, मुकूत आदि थःगु अद्धानुसार द्रहलपेगु याई ।
- ९) सम्यक्, नरां, पञ्जरां न्यायकुसां निसंप्रतिवर्ष श्री दीपंकर तथागत लुमंका भार्यसंघयात परन्तु वा छत्तु जाकि छत्तु, छो छत्तु जकहे जूसां दान बिया चवने फय्मा घइगु त्यागचित्तं जुगादि पञ्जरां खून्हुया निमित्त छूनछुं दान-दत्त गुथि तया अकी ।

सम्यक्भोजन सम्बन्धि विभिन्न अभिलेख अध्ययन कथं खने दुगु सम्यक्या विविध नाम अङ्कित जुयाच्वंगु खने दु । प्रसंगवस उदाहरणया लागि नांत थन प्रस्तुत यानाचवना—

क्र. सं.	सम्यक्संघभोजनया नां	सम्बन्ध	आधार अभिलेख	प्रातिस्थान
१)		वृषदेव	चाःवही घनद्विवाहा शिलालेख	लिच्छविकालका अभिलेख संख्या १
२)	भिक्षु भोज्य सन्नकृतं.....	शिवदेव	गोपाल बंशावली	राष्ट्रिय अभिलेखालय
३)	सम्यक्	ने. सं १३५	अष्टसाहस्रिका प्रज्ञापारमिता	क्याम्ब्रिज युनिभर्सिटी लाईब्रेरी
४)	महादिशा संघ भोज्य	" ५६६	सम्यक् निमन्त्रणा हरिताल पत्र	श्रीहेमराज शाक्यया थःगु संग्रह
५)	श्रीश्रीआर्यसंघस्त पात्रपुरण चटनजापो दोहोरपं	" ६२४	ताम्रपत्र	विश्वकर्मा विहार, येँ
६)	आर्यसंघेभ्यो भक्तदानं	" ६२६	ताम्रपत्र	निम्नि बाहा, येँ
७)	श्री श्रीआर्यसंघस्त पात्रपुरण चटन जापो दोहोरपं	" ६३४	ताम्रपत्र	श्रीमञ्जुश्री नवविहार, येँ
८)	सर्वसंघपिण्डपात्र उपढोबित	" ६४५	पिण्डपात्र लेख	श्रीहिरण्यवर्ण महाविहार, यल
९)	आर्यसंघ पिण्डपात्रदान	" ६५४	पिण्डपात्र लेख	" "

१०)	दिशासंघ महाभोज्य	ने.सं.	६६७	शिलापत्र	प्युखाबाहाल, ये
११)	सर्वसंग (घ) पिण्डपात्र	"	६७०	पिण्डपात्र	लेख	श्रीहिरण्यवर्ण महाविहार, यल
१२)	दक्षिणा दोहरपा	"	६८७	तालपत्र		केल पञ्जादां गुथिया
१३)	तथागतत्वं चतमजा दोहरपा	"	६८६	ताम्रपत्र		अमि देगुबाहा
१४)	महादिशादि संघ भोज्य	"	७१४	शिलापत्र		इतुबाहा, ये
१५)	दिशादिसंघ भोज्य	"	७३१	ताम्रपत्र		श्रीमञ्जुश्रीनव विहार, ये
१६)	रत्नत्रय दिशासंघ	"				
	श्रीदीपंकर भट्टारिकात्वं	"				
	बिज्या चकु	"	७४५	पिण्डपात्र	लेख	समुननि आगंछ्या, यल
१७)	दीपंकर प्रमुख सर्वसंघ भोज्य	"	७५०	शिलापत्र		दुरुख्योबाहा वा:दे
१८)	दिशासंघ भोज्य	"	७५७	ताम्रपत्र		श्रीहिरण्यवर्ण महाविहार, यल
१९)	संघ भोजन	"	७७३	शिलापत्र		स्वयम्भू भुइखेल
२०)	आर्यसंघस्त पिण्डपात्र दोहरपा	"	७७५	ग्रन्थपुष्पिका		डन तुंछ्या, ये
२१)	संघ भोजन	"	७७७	"		गुणाकर महाविहार, ये
२२)	पिण्डपात्रदान	"	७८७	सिंहासन लेख		यल लायकू
२३)	पात्रपुरणदान	"	८१७	शिलापत्र		योतालिवि, यल
२४)	सम्यक् बिजयाय च संघभोज्यदाना	"	८३६	ताम्रपत्र		हिरण्यवर्ण महाविहार, यल

२५)	सम्यक् भोजन	ने. सं. ८५१	कोष्ठापुत्रु	तुंछ्ये सम्यक्वाया, ये
२६)	समेकगुण	" ६०६	कागजपत्र	छेभक्षित निरसालपत्र इतुंवाहा, ये
२७)	आर्यसंघ दक्कस्सं पिण्डपात्र दान	" ६१८	पौवाहा लेख	डेव
२८)	समेकगुठि	" ६२४	कागजपत्र	गठिजाव कवहुरी पत्र १८६१ इतुंवाहा, ये
२९)	समेकगुठि	" ६२८	कागजपत्र	समेकगुथि वस्त्रेवपत्र १८६५ इतुंवाहा, ये
३०)	सम्यक् संघ भोज्य सम्यक् चक्र विधान	" ६४५	कागजपत्र	संस्कृतसन्देश वर्ष १ अंक ७
३१)	आर्यसंघ समेकगुठी	" १०१६	कागजपत्र	समेकगुथिपत्र, वटुवाहा ये
३२)	सुविशुद्ध आर्यसम्यक् भोजनावर्ण	" १०८८	दानपत्र	यटखावाहा, ये
३३)	सम्यक् धर्म	" १०९६	"	देवाहाल, य

सम्यक् न्याईकीगु स्थान (भुईख्यः)

थ्व भूमिखेल स्वयम्भू डाँडाया क्वसंच्चंगु पवित्रगु छगू स्थान खः । थन ऐतिहासिक पुखू, हिति, बुंगाः दया शोभा दइच्चंगु स्वयम्भू दर्शन याःवमैत मुनेगु प्यखें खानाच्चंगु डिपुनं खः । खास याना थुगु थासय् नेपानि बौद्धतय् दकले सकले तःघंगु महान् धार्मिक उत्सव न्याइकिगु थाय् जुयाच्चन । खजा थुगु थासय् मञ्जुश्री गुरू मञ्जुपत्तन सहर दयके घुँसेलि उगु महानगर (नेपाल) या सर्वप्रथम राजा घोषित याहा धर्माकर जुजुयात शुभराज्याभिषेक प्रदान यागु ऐतिहासिक थाय्या रूपय् न मानय् याना वइच्चंगु जुल ।

थ्वहे ऐतिहासिक परम्परानुसार श्रीस्वयम्भू महाचैत्यया छत्रच्छायाले लानाच्चंगु थुगु शुद्धभूमिक्षेत्रय् च्वना सम्यक् धर्मया विधिकथं तूर्यताडावचर पञ्चताल बाद्य थाना लसकुस याना राष्ट्रनायक श्री ५ महाराजाधिराज सरकार भैव्यरूपगु सम्यक् मण्डपया सिंहासनस बिज्याकेगु यानावईच्चन । थुगु उत्सव समारोहय् जङ्गी निजामति कर्मचारी आदिपि च्वना सलामी बिया अभिवादन नं टक्रेयाई । लिसें इन्द्र-कलाशाभिषेक लःल्हाना सम्यक्या महादानबाक्य परलपा जुजुयात लिख्य चाय्के थुंका उपस्थित सम्पूर्ण सम्यक् देवता दीपङ्कर, चङ्क्रमण देवता, क्वाचपालदेवता, गन्धुरी देवता, आर्यतारा, वन्सुधरा, प्रज्ञापारमिता एवं आर्यावलोकितेश्वर, मञ्जुश्री, भैत्रेय ब श्रीस्वयम्भू भगवान समेत अनेक देवदेवता बिज्याकालि काठमाण्डू उपत्यकाया चैलक, श्रामणोरक, ब्रह्मचर्य भिक्षु, शाक्य भिक्षु तथा बुद्धाचार्य, बज्राचार्य आदि पित्त सम्यक्या विधिविधानानुसार इलय्-व्यलय् दानप्रदान याया वइच्चंगु स्थान जुल । अद्यापि भिनिदंय् छकःबा अनिर्वारिख्ये द्वादशवर्षीय सम्यक् महादान गुथिपाखें सम्यक् न्यायका वइच्चंगु दनि ।

थ्व सम्यक् महादान गुथि श्री ५ पृथ्वीनारायण शाह वैजु नेपाःया विज्याया न्ह्यो तक इतुंवाहा, वटुवाहा व लगनबाहा स्वंगुवाहालं मिले जुया प्यदं छकः पासंया सम्यक् न्यायका बइचन । लिपा श्री ५ पृथ्वीनारायण शाहजु बिज्यावा समस्त नेपाया छहहेजक जुजु जुसेलि कारणवस थ्व सम्यक् महादान गुथि बन्द जुल । थ्व खै श्री ५ महाराजाधिराज पृथ्वीनारायण शाहजु सिया वसपोलं थ्व सम्यक् भिनिदेछकः न्यायकेगु याना गुहालि बिया सदायार्थे स्वयम्भूया कबय भूइत्यले थःमवं भाग कया परम्परानुसार हानं सम्यक्महादान गुथि न्यायके बिया बिज्यात । थौतकं थ्व सम्यक् न्यायका हे वयाचनतिनि । अले नेपाल अधिराज्यया जुजु सम्यक्या प्रमुख अतिथिबक मखु, परन्तु प्रमुख अभिभावक जुयाच्वंगु थ्वहे सम्यक्प्रथां कयनाच्वंगु दु ।

थथे भिनिदे छक सम्यक् न्यायका वईच्वंगु विषय स्थानीय बुढापाकु तयगु बापु थ्व दु कि-पृथ्वीनारायण शाहजु काठमाण्डूस आक्रमण यासेलि थुगु सम्यक् गुथि थितिरीति गुलिखे समयतकं राजनैतिक अस्थिरताया कारणं बन्द जुल । लिपा नेपाया छत्रपति श्री ५ बडामहाराज पृथ्वीनारायण शाह हनुमान ढोका लाबकुली थातं च्वसेलि थःथःपिनि चले जुया च्वंगु धर्मसंस्कृति रीतिथितिया बाधा अडचन फुकवा जुल । सकसितं थःथःगु धर्म समान अधिकार दत घका घोषणा याना बिज्यासेलि परम्परागत चले जुयाच्वंगु धर्म संस्कृति थितिरीति गुथि यथावत् चले याना हयाचन । तर नेपाया धार्मिक सांस्कृतिक परम्परालय दकले सकले महत्वपूर्णगु सम्यक्गुथि घासा थ्व थुकिया गुथियारपिनि बिचे परस्पर लोभ द्वेषया कारणं कचिगल जुया सम्यक्गुथि मन्यायकूसे च्वनाचन । थ्व खवर सिया श्री ५ महाराजाधिराज सरकारया हुकूम अनुसारं वि.सं. १८६१ साल फाल्गुण बदी १३ स श्रीगुठिजांचकचहरी अड्डां-

- १) इतुंवाहाया धनसिद्धिवन्देजु
- २) वटुवाहाया सूर्यकर वन्देजु
- ३) लगनबाहाया घोजेछलि ”

थुपि स्वह्ये सितनं बडोगुथि समेकगुथि चलय् मयासे बन्द याना तःगुलि उकिया बारे अमित पानफुलरूपैयां सछि व खुईटका १६०१-कयालि रसिद बुभेयाना थथे घयातःगु दु कि-आर्वालि स्वंगु थानयां गुथि मिले जुया परापूर्वया रीत

अनुसारं गुथि चलेयानाच्च, लिसे गुथिया जबा मिया बिघ्नबाधा याना गुथि चलय मयासे लोभयाना सन बासा तबंगु दण्ड भाभी जुई ।

सम्यक्गुथि चलय मयागु सन्दर्भ थुगुकथ श्री ५ या सरकार गुठिजांचकचहरी अहापाखे चेतावनीस्वरूप जरीवाना यासेलि सम्यक्गुथिया प्रमुख गुथियारपि चवना थःथःपिनि सल्हा जुल कि-

गुगुकथं याना भी पुर्खापिन्सं तया थकूगु धर्मकीर्ति सम्यक्गुथियात निबिघ्न पूर्वक सुचारुरूपं चलेयाना चिरस्थायित्व कायम यायफईगु खः, उगुकथं यायतः न्याह्य गुथियार चवना छगू बन्देज स्थिति दयका न्याह्यसिया मनोमान खुशिराजि स्थिरपत्र करालपत्र, बन्देजपत्र चवया श्री ५ या सरकारयात चह्लेयागु जुल । थगु बन्देजस्थिति-यात सुनां उल्लंघन याना गुथि स्यंकेगु कोसिस याई, उह्यसिनं श्री ५ सरकारयागु गुण हाचांगाःगु जुई । श्रीधर्मघातु स्वयम्भू सम्यक्देवतापिगु कुदृष्टिलाई, लिसे उह्य व्यक्तियात सखिव छटका १०११-दाँ वेंःपुईकानं गुथियाकें बाहेक यायगु घका वि. सं. १८६५ माघसुदी ३ रोज ४ स इतुंबाहाया गुथियारपिनि खुशिराजिकथं थ्व भवै चवया व्यगु जुल ।

थुपि न्याह्य गुथियारपिगु नां थथे खः-

- | | | |
|-------------------|---------------------|-----------------------|
| १) शोभाकर बन्देजु | २) धर्मचक्र बन्देजु | ३) धर्मसिद्धि बन्देजु |
| ४) पांडौ नेवा | ५) हेमन्त नेवा | |

थुगु किसिमं सम्यक्गुथि चलय यायगु विषम कया सरकारयपाखें चेतावनी व थःथः गुथियारपिनी जागृति वसेलि वतुबाहा, इतुंबाहा व लगंबाहा स्वंगुस्थानयात नं एकतासूत्रे प्रतिबद्ध याना, न्हूगुबन्देज दयका श्री ५ पृथ्वीनारायणशाहजुं राज्ययासेलि फिनिदे छकः छकः सम्यक् न्यायकेगु व्यवस्था याना थकल । परम्परानिसें थुगु शुद्धभूमिक्षेत्र भुइल्येल पवित्र ऐतिहासिक स्थल खः घका स्वयम्भूपुराणे प्रशंसा याना वईचवंगु दुसांतवि, थुगु स्थानयात तोता सम्यक् गुथिपाखें व लस्तां सम्यक् स्याईकिपि श्रद्धालु दातापिगु पाखें सम्यक् न्याईबले, थःथःपिनी छयें व त्वाबाः सत्तीगु स्थानयात अनुकुल मानेयाना ज्याछिगु थाय्यात ल्यया अन उगु थासे सम्यक् न्यायकेगु याना वईचवंगु नं दु । उदाहरणया लागि थ्व घायफु-

- १) इतुंबाहालं सम्यक् याबले तामासिपाखाया चेखाक्यव घइगु थासय् जूगु जुल ।

- २) कमुडाहालं सम्यक् याबले पिस्साक्यवस जुल ।
- ३) लगंवाहालं सम्यक् याबले खुशिवहीया तखुति ख्यलस जुल ।
- ४) डोकावाहाया गुणज्योति वज्राचार्यं याबले चरंचानयोता स्थान (चल-चाख्यल) स जुल ।
- ५) असंया रत्नसागरजुं याबले तिनियल्यु यात । बूढापाकु तय्गु बापुकथं बहे थासे रानीपुखू दयकूगु धाई ।
- ६) केल धर्मज्योति कंसाकारं याबले भुइख्येलेसंतु यात ।
- ७) यल इलन्हेया गुथि सम्यक्-इलन्हेननीस याई ।
- ८) यलया लस्ता सम्यक् लगंख्येलेस यात ।
- ९) यलया प्रबानमहापात्र अमृतसिंह याबले सम्यक् तःवाहालय जुल ।
- १०) यलया भद्रवैश्यावतार गोविन्दरामं सम्यक् याबले धुम्बाहाननीस जुल ।
- ११) बादेया अमृतसिंह शाक्यं सम्यक् याबले दुरूख्यः धईगु थासे यात ।
- १२) यस नकबहीया धर्मश्रीशाक्यं सम्यक् याबले न्याखाचूक न्याचूननीस जुल ।
- १३) खपया गुथिया सम्यक् थयुबहीया लिकसं च्वंगु भुइख्यलस जुल ।
- १४) खमया नरसिंहमान शाक्यया सम्यकनं अनसंतुं जूगु जुल ।

थुगु किसिमं विभिन्न इले विभिन्न दातापिन्सं विभिन्न थासय् सम्यक् न्याय्का वंसानं दक्कवुक्कवावेसिनं उत्तम जुयाच्चंगु, प्रसिद्धि प्राप्त जूगु स्थान बहे श्रीस्वयम्भूमहाचैत्यया छत्रच्छायाखे लानाच्चंगु स्वयम्भू भुइख्यःहे सम्यक्या निम्ति केन्द्रीत जुयाच्चंगु सकसियां साभागु स्थान जुल ।

अज-थुगु भुइख्य नेपामि बौद्धतय् जक बौद्धसम्मेलन जुइगु थाय मज्जूसे वर्तमान तिब्बती बौद्धतयसंनं थुगु थाय्यात सुयोग्य स्थान भालपा तिब्बती शरणार्थिपिन्सं परमपूज्य धर्मस्वामि श्रीदलाई लामाजुयागु जन्मोत्सव समारोहनं थुगु थासेहे च्वना मानय् थाय्गुनं यात । थुलिजक मखु विगत २०२६ साल पौष १२ गते तिब्बती जगते अतिकं प्रसिद्धहा परम श्रद्धेय गुरु कर्मापालामाजुनं च्वहे थासय् च्वना डाकिनी धर्मपालपिन्सं अधिष्ठान यानातःगु 'वज्रमुकूट' तपुलि अपार जनसमूहयात दर्शन व्यूगु दु ।

✓
ध्वहे भुइख्यलस विगत २०११ सालं जूगु द्वादश वर्षीय सम्यक् महादान गुथिपाखें सम्यक् जुबले छगु उल्लेखनीय घटना जूगु दु । प्रसङ्गबस ध्व सम्यक् समारोहया विषयकया छत्वाचा खं न्ह्यथने—

येदेया वज्राचार्य, शाक्य व उदासर्पानि बिचय् यक्व समयतकं विवादग्रष्ट ल्हापु जुयाच्वंगु खः । उगु ल्हापु २०११ साल मकरसंक्रान्ति खुन्हु न्यायकूगु सम्यक्या प्रभावं पारस्परिक वैमनस्य ईर्ष्या दर्ईच्वंगु शान्त जुया परस्पर सुदृढ मैत्रि सम्बन्ध स्थापित जुया उगु सम्यक्समारोह सफलतापूर्वक सम्पन्न जुल घइगु विषय-कया गोस्वापत्रं प्रकाशित यागु दु^२ ।

थुगु उपलक्ष्य बज्राचार्य, शाक्य व उदायतय् प्रतिनिनिधिपिन्सं थवंथः वंगु नीच्यादंनिसेंयागु भगडा समाधान यायगु खुशिराजि जुया सुयागुं व्यक्तिगत स्वार्थ व करकापय लगय् मजुसे उगु ल्हापु बालाक समाधान जुल । समारोह सहयोग व शान्तिया वातावरणे सम्पन्न जुल ।

उगु सम्यक् समारोह्य राजकीय परिषदया अध्यक्ष श्री ५ युवराजाधिराज सरकारया अतिरिक्त प्रधानमन्त्रि जनरल बिश्वेश्वर कोइराला तथा मेपि मन्त्रित्त व अध्यापालं प्रतिष्ठित व्यक्तिपि उपस्थित जूगु दु । विशेष मञ्च (सम्यकमण्डप) या सिंहासने तयातःगु श्री ५ महाराजाधिराजाया दिव्यप्रतीक स्वरूप खड्गस नियमानुसारं पूजा समारोह शुरू जुल । उगु समारोह्य भिद्वलं मयाक दर्शकगणपि वया स्ववयाचवन ।

समारोह्य शाक्यतयगु पाखें प्रो. श्रीसूर्यबहादुर, उदाय तयगुपाखें श्रीदयावीर-सिंह व बज्राचार्यपिगुपाखें श्रीलोकदर्शनजुं भाषण विया २८ दं न्ह्योनिसें यागु ल्हापु शान्तिपूर्ण समाधान जूलि खुशि प्रकट यागु जुल ।

थुगु मेलमिलाप यायगु ज्याख्य श्रीदयावीरसिंह, श्रीलोकदर्शन, गृहसेक्रेटरी श्रीनीलराज, राज्यव्यवस्थाया का. मु. सेक्रेटरी श्रीमाणिकलाल श्रेष्ठ, काठमाण्डू उपत्यकाया का. मु. कमिश्नर श्रीदेवीप्रसाद उपाध्याय तथा का. मु. मजिस्ट्रेट् श्रीबद्रोप्रसाद, इनस्पेक्टर जनरल श्री जी. बी. याकथुम्बा तथा प्रो. श्रीसूर्यबहादुर पिमिगु नां न्ह्यथनातःगु दु ।

थुगु सम्यक्समारोह्य सामेल जुइमा घका सरकारीया पाखें नायवमुब्बा तक्र व उगु सरहया अन्य कर्मचारीतय्त नं उपस्थिति जुईगु उदीं जूगु दु व मेपि कर्मचारीपिन्त उगु दिनस त्रिदानं व्यूगु दु ।

२- गोस्वापत्र २०११ माघ ४ गते यागु समाचार अनुसार ।



श्री दीपङ्कुर तथागत व वया शिष्यपि

सम्यकय - दीपङ्करया स्थान

वर्तमान बुद्धशासनया प्रवर्तक शान्तिनायक श्री शाक्यमुनि बुद्ध स्वः । श्वसपोल शाक्यमुनि बुद्ध सुमेध कुमार घायका जन्मकया च्वंबले अनन्तकल्प न्ह्यो वसपोल श्रीदीपंकर तथागत सुमेधकुमारयांत भविष्यत् काले शाक्यमुनि घइहा बुद्ध जुई घका भविष्यव्याकरण याना बिज्यागु खं बौद्धजातके उल्लेख जुयाच्चंगु दु । तदनुसार बहे परम्पराकथं दशपारमिताया प्रारम्भिकचर्या दानदान महादान, सम्यक्दान जुईगु नेपाया दकले सकले महत्त्वपूर्णगु महान् धार्मिक सांस्कृतिक पर्व सम्यक्धर्म महोत्सवसा अतीतबुद्धपिणु प्रतिनिधिकथं त्रिकालबुद्धपिणु भोले ज्येष्ठ जुयाच्चंहा आदि बुद्धया रूपे श्रीदीपङ्कर तथागतयात सर्वोपरि स्थान बिया वईच्चंगु जुल ।

थथे सम्यक् महादान जुइबले जक मखु नरां, पञ्जरां न्याइकीबले अथवा बौद्ध विहार विहारे छत्रकूजु स्थवीर आजुपिन्त पञ्जरां फ्यकीबले तकनं दानकाय्तः दानगाथा ब्वनेन्ह्यो सर्वप्रथम 'ॐ नमः श्रीदीपङ्कराय' घका श्रद्धापूर्वक नामोच्चारण याय्घुंकी । श्व परम्परा थौतकथं प्रचलन दनि ।

स्थानीय बौद्धसमाजं अज दीपङ्कर तथागतयागु गुणगौरवप्रति श्रद्धाभक्ति अनुप्रेरित जुया थुलिजक थानानं सन्तुष्ट मजुया अन्य देवदेवतापि स्वया दिव्य-कायरूपे जाम्बुनदसुवर्ण लेपित याना अति शोभायमान याना भव्यमूर्ति दय्का बयाच्चंगु खने दु । उकिसं मेमेपि देवतापिथें प्रतिष्ठापित निश्चल देवता मखुकि गनगन श्रद्धालु दानपतिपिन्सं सम्यक्, नरां पञ्जरां न्यायकल अननतक चङ्क्रमण याना बिज्याकी । श्वहे कारणं दीपङ्कर तथागतयात स्थानीय जनभाषं चकंघो (चङ्क्रमणदेवता) कुर्यापांजु (कुबियापांजु) घयावया च्वन । सम्यक्स उपस्थित जुईहा जुया समेद्यो नं घाल । श्व दीपंकर तथागत कुबिया यनेगुली

वःगुहे विशेषता दु व क्षुधासा मेमेपि देवतापि कुबिया यनीबले कुबिया यकीपि भरियात खने द्याचवनी । तर थुकी पिने भरिया खने दईमखु, मानु स्वयं दीपङ्करतथागत अभय वरदमुद्रा याना प्रसन्नरूपं विचरणयाना, चङ्कमण याना मञ्जीर पूर्वक प्रस्थान याना विज्यागुधे खनाचवनी ।

ध्वसपोल श्रीदीपङ्कर तथागतया जात्रा ये, यल व खप स्वंगु सहरे न उत्तिकहे भव्यनक्सां भः भू धाय्क नगरपरिक्रमा याना जात्रा याय्गु चलन दु ।

ये प्रतिवर्षं विक्रमशील महाविहार प्रज्ञापुरमहानगर थंबहीया एरियाय् चागुपुन्ही सतिलुन्हू श्रीदीपङ्कर तथागत चकईयोया जात्रा यायमा । लिसे लिसे रञ्जना भाखलं लुचवयातःगु डचकोटि बौद्धदर्शन आयं क्षत साहित्तिका प्रज्ञापार-मिता सफून । ध्व खः आर्यशालिस्तम्भसूत्रया प्रमाण अनुसारं-गन बुद्ध दुः अन धर्म दु, गन धर्म दु अन बुद्ध दु धवातःगु अनुसारं परम्परा कायम यात्रा तःगु जुल । अथेहे द्वादशवर्षीय महादान गुथि भिनिदे छकः सम्यक् न्यायकी-बलेनं ये देया सम्पूर्ण दीपङ्कर जात्रा याय्गु चलन मदुगु मखु । खतु न्हापा मल्लकालय् प्यदे छकः छकः जात्रा याना वईचवंगु खने दु । श्री ५ पृथ्वीनारायण साहजुं राज्ययासेलि तिति भिनिदे छकः जूवंगु धयातल ।

यले न्यादे छकः छकः फाल्गुण शुल्क द्वितीया, तृतीया इलन्हे सम्यक् जुईबले यलया सम्पूर्ण दीपङ्कर तथागतया नगरपरिक्रमा रूपे जात्रा जुई ।

स्वपे प्रतिवर्षं श्रावणकृष्ण त्रयोदशि खुन्हू न्याहा दीपङ्कर नगर परिक्रमा खाना जात्रा याई अथेहे । ध्यःचाकु संलू खुन्हू जक स्वपदेया सम्पूर्ण दीपङ्कर नगर परिक्रमा याना सम्यक्स उपस्थित याकी ।

गुलां वहीछो वईबले बौद्धकलाप्रदर्शनीयारूपे स्वंगु सहरेनं थासं थासे बही बिहारे अथवा दानपतिपिगु थःथःगु छ्ये तथा दीपङ्कर तथागत वय्गु याना तई । ध्व वहीछो वईबलेनं दीपङ्कर बुद्धयात प्रमुख स्थान वियातईगु जुल ।

थ्वहे दीपङ्कर तथागतयागु हे महत्वप्रति ध्यान आषित याना श्रद्धेय भी पूर्वाचार्यपिंसं येदेया नां दैगु मुख्यगु थंबही दयकूबले दीपङ्करयात प्रमुख स्थान बिया तःगु जुल । अथेहे यलदेया मुख्यगु ईबहोली नं दीपङ्कर तथागत हे स्थानना याना तल । हानं स्वपदेया प्रसिद्धगु विहार प्रसन्नशील महाविहारे नं दीपङ्कर

तथागत प्रतिष्ठा याना तःगु खने दु । गुह्यसित स्थानीय जनभाषं अजाजुद्यो
वका नाम पुकारा याना वईचवन ।

अज भोगु काठमाण्डू उपत्यकाय् प्रस्थापित गुलिनं बौद्ध, शैव, शाक्त, वैष्णव
वैदिक एवं गणपत, सौर तथा पाशुपत सम्प्रदायया विविध मूर्ति मध्ये दकले
सकले विशासगु मूर्ति छु घका सुनानं प्रश्नयात घासा जि थ्वहे घायफु किये
ह्यमतत्वाया बुद्धबारीस स्थापना यानातःह्य बज्रासनस्थित वसपोल श्रीदीपङ्कर
तथागत हे खोः । थथे बज्रासन याना बिज्याका तलनं उलि भव्य एवं विशाल जू
घासा वसपोल दना बिज्याईबले गपाय्धी जुई, थ्वनं छक अनुमाना याना दिसं ।
निसन्देह थुगु बुद्धबारी उगु इले नेपाया दकले सकले तह्रगु विहारनं अवश्यं
जुईफु ।

काठमाण्डू उपत्यकासं निर्मित गुलिनं गुम्बात दु, उलि मध्येसं पुलांगु गुम्बा
श्रीस्वयम्भू अमिताभ बुद्धया न्ह्योनेचवगु मर्ममेल्हाखाड् नां जुयाच्वंगु गुम्बाय्त्
प्रमुख देवता श्रीदीपङ्कर तथागत हे जुल । थ्व गुम्बास दीपङ्करया नाम अखण्ड
ज्योतिया रूपे देवा छप्वा खालिमजुईक मत च्याका तयमाःगु दु । आतकं च्याकानं
वईचवन तिनि ।

थुगु 'दीप-ज्योति' देवानाप छगू थूजागु जन विश्वास दु कि-नेपाया उत्तरी
सिमाना हुम्लाया लिक रलिङ्गुम्बास च्याका तईगु अखण्डदीप ज्योति मत छु
कारणवस सित घासा थ्वहे स्वयम्भू गुम्बास वया मत च्याकः वई घइगु सम्बन्ध
स्वाका तःगु दु ।

थुकिया छगू रहस्यमय तत्त्व सुलाच्वंगु दु, वसपोल ज्योतिरूप श्रीस्वयम्भूया
प्रकाश व दीपङ्कर तथागतया दीप थ्व निगुलि छगू अभिन्नतत्त्व खः, प्रभाधर
खः, धर्मकाय खः । समएकत्व स्वभाव 'सम्यक्त्व' घासा अण्पो जुईमखु । थ्वहे
आदर्शयात लुमंका सुं श्रद्धालु दानपतिपिन्सं सम्यक् न्यायकल घासा अनिवार्यरूपं
वसपोल श्री स्वयम्भू भगवान् सम्यक्स बिज्याका सर्वोपरी स्थान प्रदान याना
वईच्वंगु आशय खने दु । अरु सम्यक्कार्य विसर्जन जुईवं सम्यक् देवता
दीपङ्कर तथागतपि लिहां बिज्याय्त् ज्योतिरूप श्रीस्वयम्भू भगवान् यात
प्रदीक्षणा याना चाहला लिहां वनेगु याना वईच्वंगु परम्परायाकें थ्व खयात
रुन ववातुका व्यूगु खने दु ।

दीपावती नगरे दानवीर राजा सर्वानन्द श्रीदीपङ्कर तथागत प्रभृति
आर्यसंघपिन्त सःता सम्यक्, नरां, पञ्जरां न्यायका बन । उगु इले सर्वानन्द राजा-
यागु श्रद्धाभक्ति खना विशुद्धदान सम्यक्दान, संघभोजन याकूगु महत्त्व प्रकाशन यांना
दीपङ्कर तथागत नं आशिर्वाद बिया बिज्यागु दु कि—

थुगु महान् आदर्शयुक्त दान यांना अपरिमित पुण्यप्राप्त यात । परन्तु थुगु
सम्यक्दान समे) नवदान (नरां) पुण्यजा दान (पञ्जरां) दानयागु कालान्तर
तेकनं स्थिर जुया च्वनेमा घका शुभाशीर्वाद बिया थकूगु खः । उकियागु संस्मरण
कथं आदर्शकथ परम्परा कायम यायगु सद्विच्छा यांना भी पूर्वाचार्यपिप्पसं छगु
आदर्शयुक्त स्थिति बन्देज दयका थकूगुया ज्वलन्त उदाहरण स्वरूप औत्तकनं
यल गुईतले उगु परम्परा धिति चलेयांना च्वन तिनी ।

यल गुइतयात दीपावतीनगर धइगु परिकल्पना यांना श्रीदीपङ्कर तथागत
ब वसपोलया प्रधानशिष्य नन्द, सुनन्द सहित स्वह्यासित स्वंगुहे विहार दयकल-

- १) पद्मोच्चशील महाबिहार
- २) व सूच्चशील महाबिहार
- ३) गुस्तल महाबिहार

थुगुकथं सर्वानन्द राजायागु राजाप्रासाद लायकूयात गुईतद्वं नाम प्रसिद्ध
बानातल । हानं नवदानया विशुद्धि भावनाकथं गुतेपौः तया, देगः तया, विहार
दयका उकी दुने श्रीदीपङ्कर तथागत प्रतिष्ठा यात

ध्वहे नवदानया भावना स्वरूपं गुता गुता मिले यांना गुताहे कीर्ति तया-
बन घयातल-

- | | |
|----------------------------------|-----------------------------|
| १) गुता किसिमया बान विईगु गुथि | २) गुंगू बही सोवनेगु प्रथा |
| ३) गुंगू सद्वर्म ग्रन्थ पाठ गुथि | ४) गुंगूः चिबाहा |
| ५) गुंगूः तूं | ६) गुंगूः हिति, पुखू, जलाशय |
| ७) गुंगूः मण्डपा | ८) गुता सांचिकवस्तु |
| ९) गुतेजाः देगः | |

ध्वहे नवईष्टया भावना संयुक्तगु ऐतिहासिक स्थान जूयानिम्ति थुगु थाम्-
यात गुस्तल घावन, थुकीया अपभ्रंश खः ग्वीतल गुईत जूवन ।

म्हापा सर्वानन्द राजायागु दानशालास वया दानव्यूवह्य छह्य ज्याथि बुढी-
चायागु लुमन्ति कथं थौतकं गुईतनकिजुयागु शालिक दय्का बहिछो गुईगु इले
व्वया क्यनातःगुनं दनि । थ्वहे नकिजु यागु दानदत्त यल पञ्जरां खुन्ह छं
मनसे म्हापालाक वन्देजु, शाक्य, बज्जाचार्यपिन्सं दान काःवनेगु चलन दनि ।

गुगू समये थ्व व्यवस्था थितिबन्देज दयकूह्य श्रद्धालु दानपतिजुनं थुगु
 भासे सम्यक् न्याय्का वंगु खने दु । थुहा दानपतिजुया त्वायजु उबाहाया स्थवीर
 आजु पञ्जरां काःमवसे च्वना च्वंगुलि याना मन विस्माद यानाच्वन कि—

सम्पूर्ण विहारया आर्यसंघपि सकलें बिज्याना दान कया वने धुकल परन्तु
 बःह्य त्वायजु घासा आतकं बिमज्यानि घका सतिके छोट । त्वाय् जु थ्यंकः
 बिज्याबले दानशालास च्वंगु संकल्पित दानवस्तु घासा फुई धुकल, कोचाय्
 धुकल अथेनं श्रद्धातया दान बिया सत्कारयाना छोगु जुल । थ्वहे कारण
उबाहाया दीपङ्करयात फूद्यो आजु घका नां प्रसिद्ध जुयाच्वन । अकि थ्वहे
कारणं उबाहाया फूद्यो आजु वया दान कया वने धुनकि यलदेया गुथियागु
दानदत्त विसर्जन याय्गु याना वईच्वन । थ्व परम्परा अद्यापि दनि ।

दीपङ्कर तथागत यागु थुजागुहे परम्परागत विश्वाकथं बुढापाकु तय्गु
धारणा थ्व दुकि-उत्तरीय हिमालय च्वापुगूंया भोले इशानकुलां पांखे मनूथें
दनाच्वंगु गुगू विशालकाय मूर्ति खः उकीयात दीपङ्करतथागत सिद्धजुयाच्वंगु
हिमशिखर घका घाई । थुगु हिमशिखरया च्वकायात भीसं घल-घल आजु
धयावयाच्वनागु जल । थ्व खः दीपङ्कर तथागत नेपाल भूमिई बिज्याना तथा-
गतचर्या याना बिज्यागु सद्भावनाया दिव्यप्रतीक माने याना वईच्वन । थ्वहे
परम्परा अनुसार--पुण्यभूमि तपोभूमि, नेपालय् क्रकुच्छन्द, कनकमुनि एवं शाक्य-
मुनि बुद्धया जन्म भूमि जूवल ।

सम्यकय दानया महत्व

प्राणिपिगु हितसुखं शान्तिं निर्मितं सम्यक्संबुद्धं जुईपि बोधिसत्वपिन्सं चलय् यईगु दशपारमिता चर्या खः । थ्व दशपारमिताय् न्हापांगु शिक्षा-मार्गं दान-पारमिता चर्यायात कया निर्देशन यानातल ।

आः खंवई थ्व दशपारमिताया चर्यासि सर्वप्रथम दानपारमिता यात छाय् न्ह्योनेतल ? खतु थ्व भिगु पारमिताया मूलकारणजा प्रज्ञापारमिता हे खः धका अष्टसाहस्रिका प्रज्ञापारमिता ग्रन्थस विस्तारं वर्णन याना तःसांतबि दानचर्यानिसें शुभारम्भ याना वने माःगु विषयकया छत्वाचा खँ न्ह्योनेतय्—

भोगु सामाजिक जनजीवनयागु रीतिथिति छकः दुहांवना अध्ययन व अनुसन्धान याना स्वतः धासानं दानया गुलि महत्व दु, गुलि आवश्यक, गुलि चवन्ह्या घईगु अपुक अनुमानं याय्फु । सामाजिक प्राणिपि स्वभावंहे थःजक नय् त्वने थःजक जिईके, भिके, त्याके घईगु स्वार्थिभावं याना छयें छयें, त्वात्वाले, देशदेशे, राष्ट्रराष्ट्रे अनेक किसिमया जञ्जाल तन्ता अलमल त्वापुख्यापु युद्धकलह आदि विघ्नवाधा अशान्ति वातावरणं तोपुयाच्वन । गुकेयाना आपा आपालं पापल्केश वघय् जुया धर्म अधर्म विवेकविचार छुं याय् मफय्का चवनेमाल ।

थ्व व्यावव्या उत्पत्तिकारण सत्कायदृष्टि अन्तरग्राहदृष्टियाके—जि, जिगु जितः, जि घईगु आत्मभाव दु धका विश्वासयाना च्वंगुलि याना विशुद्ध निर्वाण सुखशान्ति प्राप्त याय्मफुगु खः धका मुनीश्वरपिन्सं आज्ञा जुया बिज्यात ।

थुगु विषय कया आचार्य शान्तिदेव बोधिसत्वं थथे घया विज्यागु दु^१—

उपद्रवा ये च भवन्ति लोके
यावन्ति दुःखानि भयानि चैव ।
सर्वानि तान्यात्मपरिग्रहेण
तत्किं ममानेन परिग्रहेण ॥

थ्व सांसारिक व्यवहारे गुलितक दुःख जुईगु, भय उत्पन्न जुईगु दइच्वंगु खः । व व्याववया कारण आत्मा दु घका थःगु शरीर ग्रहणयाना काःगुलि जूगु खः । अतएव गुगूलियाना दुःख जुल, उकीयात जि थ्व आत्मयात दुघका ग्रहणयाना क्याया छु प्रयोजन?

विना थ्व आत्मयात मतोतुसैं दुःख शान्त जुईमखु गथेकि—थःगु शरीरे मि पुनाच्वंगुली उगु मि लिमकासैं हियूगु कदापि लनी मखु । थ्वहे आदर्श-यात अपनय यानाहे लोकहितार्थ निम्ति अवतरित जुईपि बोधिसत्व महात्त्व महाकारुणिक सिद्ध, योगि, श्रमण, साधु, महात्मा धाय्काच्वपि सकलसिनं सर्व-प्रथम थ्व लोके आत्मभाव स्वार्थभाव तोता, त्यागतपस्या याना दानपारमिता चर्या क्यना विशुद्ध आदर्श क्यना थकल ।

थ्वहे आदर्श अनुरूप वर्तमान विभिन्न संघसंस्थाया अध्यक्ष नायक एवं नेता धा पिन्सनं छप्वा ह्नुतुं घयाथें थ्व घयावयाच्वन कि—भीगु जनसमाजया कुरीति कुव्यवहारया सुधार व उद्धार यायतः पूजोवाद, सामन्तीवाद, नातावाद, कृपावाद एवं जहानिया शासन उन्मूलन यायतः प्रथमतः आर्थिक समानता दय्मा घका धाय्थासे मञ्चे च्वना भाषण बिया नारा लगेयाना पोष्टरकार्ड तिका क्या च्वन । थ्व सकलसिनं स्यूगुहे विषय खः । आखिर थ्व थुलिमछि हालानं, सनानं जुयानं, जत्नयानानं सफल जुईमफुगुया मूलकारण वयकःपिगु दुनुगले वहे काल सर्पथें जाह्य आत्म भाव स्वार्थिभाव सुला च्वंगुलि यानाहे फुक्क ज्या भ्रष्टजूगु खः, सकल जनता निराशा जूगु खः, व्याक्क भनं देशे अशान्ति उपद्रव मचे जुयाच्वंगु खः ।

अकि आत्मभाव तोता त्यागमयजीवन न्ह्यव्वया दानपारमिता चर्या शुद्धरूपं चले याय्मफयकं वास्तविक शील विशुद्ध जुईमखु, शील विशुद्ध मजुईकं चित्त एकाग्रता ह्या ध्यानसमाधि स्थिर याय् फइमखु । स्थिररूपे समाधिस च्वने मफयकं प्रज्ञाज्ञानयात साक्षात्कार याना काय्फइमखु । गुबलेतक प्रज्ञाज्ञान सम्बोधि-

ज्ञान यथार्थरूप खंका काय्फइमखु, अवबोध याय्फइमखु । उबलेतक शून्यता तथता धर्मता-प्रभाश्वर-धर्मकाय-सम्यक्संबुद्धत्व लाभ जुईगु असंभव धका ग्रन्थ-ग्रन्थान्तरे वर्णन याना वइच्चन ।

गुलिनं आदर्शमहापुरुष बोधिसत्त्वपिगु जीवनचरित्र उल्लेख जुयाच्वंगु अवदान जातक, कथा अध्ययन याना स्वत घासा बसपोलपिगु चरित्र व विचार ह्तापालाक त्यागमयजीवन दानपारमिता चर्या याना क्यनावइच्चंगु खने दई ।

खनंखः श्रद्धाचित्त त्यागचित्तया प्रमाण दसिपत्र दानप्रदान याय्मसय्कं उह्य व्यक्तियाके यक्व शील, ज्ञान, गुण दुसां सिद्धि दइमखु शोभा दइमखु । बोधचित्त करूणा त्याग भाव मदय्कं ज्ञान, शील, अधिकार दुसां जनताया लागि छुं उपयोग जुईमखु हितनं जुईमखु । थ्वहे कारणं शिक्षा समुच्चय ग्रन्थय् थथे घयातःगु दु—

विना सत्त्वहितार्थेन किं शुभेन प्रयोजनम् ?

गुगू धर्म प्राणिपिन्त हितसुख कल्याण मजुइगु जुल घासा उगू शुभकार्य, पुण्यकार्य, धर्मकार्यया छुं सारता मदु, मतलब मदु, प्रयोजन मदु ।

थ्वहे आदर्शयात कया गुणकारण्डव्यूह महायानसूत्रय् जोरदारं थथे घयातःगु दुकि—

सर्वत्यागश्च निर्वाणं निर्वाणार्थि च मे मनः ।

त्यक्तव्यं चेन्मया सर्वं वरं सत्त्वेषु दीयताम् ॥

थःगु आत्मभाव दुधका शरीरं अनुभव याना चवनागु जि, जिगु, जितः, जि घयागु सम्पूर्ण परिग्रह त्याग याय्गुहे विशुद्ध दानपारमिता स्वरूप शान्त निर्वाण खः । थ्वहे निर्वाण प्राप्त याय्गु इच्छा याना चित्तं ज्वना च्वंगु सम्पूर्ण प्राणिपिगु हितसुख निम्ति त्याग याना तोता विये जुल ।

थ्वहे आदर्शयात श्रद्धा तथा भी पूर्वाचार्यपिन्सं दानया महत्त्व व आवश्यक क्यनालि नेपाया बौद्धसंस्कृतियात लोगु किसिम बाँलाक, यैपुक, न्ह्याईपुसे च्वंक सम्यक्दानया स्थिति बन्देजयाना मार्ग निर्देशन याना थकल । थ्व सम्यक्दानया विधिकथं चले जुईगु सम्यक्चर्या हे सम्यक्धर्म खः ।

थ्व सम्यक्धर्मया कार्यक्रम जुयाचवनीगु थासे श्रीदीपङ्कर तथागत बुद्ध बोधिसत्त्व आर्यतारादिपि भोलाक तथा लिसे लिसे पंक्तिबद्धरूपे आर्यसंघ, बौद्धसंघ

आचार्य, शाक्य भिक्षु, ब्रह्मचर्य भिक्षु, श्रामणेरक व चेलक आदि यथास्थानस च्वना च्वनि । थनहे राष्ट्रनायक विशेष मञ्जे सिंहासने विराजमान जुयाच्च्वनि । थुमिगु स्वागत सत्कार याये निम्ति श्रद्धालु दानपति व अन्य श्रद्धालु उपासक उपासिकापि विविध दानोपकरण सामग्रीत ज्वना दान बियाच्च्वनि, उबले अन सम्यक्-दानया पुण्यप्रशंसा व महत्वं जायाच्च्वंगु सारगर्भितगु सुमधुर घोषं दानगाथा व्वना न्यंका च्वनि । गथे कि—

दानं विभूषणं लोके दानं दुर्गतिनिवारणं ।

दानं स्वर्गस्य सोपानं दानं शान्तिकरं शुभम् ॥

थुगु दानगाथाया भाव व्यक्त याय्निम्ति थ्व खं न्ह्यथना च्वना—थन भीगु सम्यक्संस्कृति परम्परानुसार दानया प्रकारान्तर यक्व यक्व खने दु । उदाहरणार्थ थ्व धायफु—श्रद्धापूर्वक गुह्यसैं त्याग याई वहे दान खः । अले थुगु दान बिईगु दानपात्र व दानया कारण नं विविध किसिमं खने दु—

घायकि—गुरु त्रिरत्न, बुद्ध, बोधिसत्व, धर्मपाल, लोकपाल, क्षेत्रपालपिगु स्वागत सत्कारया लागि पूजा । मान्यजनपिन्त समानया लागि आदरपूर्वक उपहार प्रदान याय्गु । दुःखि दरिद्र प्राणिपिगु सेवाया लागि आपद रक्षा याना बिईगु । दिवङ्गत आत्माप्रति शान्ति कामना यासैं व पितृलोक उद्धारार्थ यानागु श्राद्ध-कर्म । हानं यक्ष राक्षस, भूत, प्रेत आदिपिन्त आत्म सन्तोष निम्ति बियागु बलि-कर्म । अथेहे नागराजपिगु सन्मानया लागि पुई हाया बियेगु । एवक्रमं दीनदशा शान्ति निम्ति नवग्रहयात पूजायाना फाय्कागु । सहयोगि कल्याणमित्र पासा-पिगु सन्मानया लागि सहानुभूति प्रकटयाना हारमुहार यानागु । ज्ञातिवर्ग बन्धु-वर्ग थः थितिपिन्त इलेबिले नके त्वंके यानागु, लिसे जहान परिवारपिन्त पालन-पोषण यानागु इत्यादि नं दान धर्म हे खः । सम्यक् रूपं बोधिपरीणामना याना थःगु आत्मभाव सर्वथा सर्वकालं त्याग याय्सयकेगु शिक्षापद सम्बुद्धशासनया निम्ति तधंगु पूजा खः, सत्कार खः, सेवा खः एवं विशुद्ध दान खः ।

थुजागु प्रकारं दान जुयाच्च्वन घासा थ्वलोके विभूषण समानं शोभावृद्धि जुयाच्च्वनी । थुजागुहे दान भावना निरन्तर न्ह्यानाच्च्वन घासा अशान्ति कलह दुर्गति निवारण जुई । थुगु दानया पुण्यं उह्य श्रद्धालु घर्मात्मा निसन्देह स्वर्ग वनेगु स्वान्हि तप्यंक थहांवनी । थुजागु हे विशुद्धदान सम्यक्दानं याना अवश्य

नं इहत्र परत्रसं शुभकल्याण जुई,शान्ति जुई । थुगु बानगाथा स्वयंबले चिकिचा-
हाकःगु छपु हे जक श्लोक जूसां थुकी इहलोक, परलोक, स्वर्गलोक एवं
शान्तिलोक समेत यातनं हितकर जुईगु प्रयुक्ति थबहे सम्यक्-दानया दुने सन्निहित
जुया च्वंगु दु घइगु अभिव्यक्त वयनातःगु जुल ।

भी पूर्याचार्यपिन्सं थ्वनं घयातःगु दुकि-संसारया वैभव धनरत्न श्रीसम्पत्तिया
अवस्था स्वंगु दु-दान, उपभोग व विनाश । थःगु हिचःति कमाई याना तयागु,
नसैं मनःसैं याना मुंका तयागु धनसम्पत्ति अनेक जत्न उपायँ बचे याना तया-
गुनं आखिर विनाश जुया फुना वनी । ङकिसं असत्मार्ग-नह्यः, त्वंह्यः, मिसाह्यः
जुया प्याखें आदि स्वया दण्डकुण्ड पुला, जुवारी जुया, खुं खुईका, लुच्चा
ठकाहा तय्सं ठकेयाका थःगु धनसम्पत्ति फूगु खना दाह छत्पते जुईका मनयात
तच्चोगु दुःख घन्दा पीर जुईका च्वनी । गुलिसिनं सुखचैन मोजमञ्जा याय्
धका तःतःखा याना छयें दय्का मोटर तया आपालं बिलास सामग्रि चाह्युका
बगैचा आदि दय्का, परिवारपिन्त आपा आपाल घेवा खचं याना, तिसा वसः
दयकानं फुकाच्वनी । थुजागु प्रकारं याना धनसम्पत्ति फुकेगु स्वयानं—

तथागत बुद्ध बोधिसत्वपिन्त पूजायाना आर्यसंघपिन्त भोजन याका, थःगु
राष्ट्रया गौरव व महत्वं जायाच्वंगु बुद्धशासनया साहित्य, संगीत व कला
संरक्षण यायगु व लिसैं देश नरेश व प्रजायागु हित जुईगु, उन्नति जुईगु, कार्यस
सहयोग प्रदान याय्गु अथेहे जनहित कल्याणया लागि तत्पर जुयाच्वंपि सत्पात्र
ज्ञानी, गुणी, साधु, श्रमण आदि अतिथिपिन्त स्वागत याय्गु आदि शुभकार्य, पुण्यकार्य
सत्कर्मस यथाशक्त थःगु धनसम्पत्ति खचंयाना सुकीर्ति प्रकाश याय्गुली त्याग तपस्या
याय्गुहे वास्तविक थःगु श्रीसम्पत्तिया सार्थकता खः, सद्दुयोग खः, श्रीशोभा खः ।

थुजागु सम्यक्धर्मयात ध्यानतसे निम्नलिखित गाथाद्वारा थ्व उद्गार व्यक्त
याना थकूगु जुल—

किं जन्मना सुगतशासनदानहीनात् ।

किं जीवितेन शरणत्रयवर्जितेन ॥

तस्माद्धि शुद्धमनसा वपुषा गिरा च ।

सम्यक् ददामि सुगताय सुपिण्डपात्रम् ॥

थुजागु सम्यक्, नरां, पञ्जरां यागु गौरव व महत्त्वप्रति ध्यान आकर्षित

याना अपरिमित पुण्य प्राप्ति कामना यासे श्रद्धा भक्ति पूर्वकं सुगतशासन (बुद्धशासन) संस्थापक तथागत सम्यक्संबुद्ध दीपङ्कर आदि संबुद्ध भगवान्पिन्त व श्वहे बुद्धशासनयात-बाँलाक सम्मानपूर्वक गौरवतया रक्षायाना अभिवृद्धि याना एवं सुधार याना च्वपि आर्यसंघ बौद्धसंघपिन्त अनेक दानदत्त गुथि तथा थकूगुया प्रमाण स्वरूप इतिहास साक्षि दनि ।

नेपाया इतिहासप्राण लिच्छविकालया शिलाभिलेख स्थापना कालया समसामयिक इले क्रियातःगु चायबही घन्द्वचिबाहाया अभिलेखं श्व घयाच्वंगु दुकि-महामुनि शाक्यमुनिबुद्धयात पूजायानालि आर्यसंघभोजन निमित्त सदाया लागि दत्तगुथि तथा थकूगु दु । अथेहे आर्यसंघ भिक्षुपि च्वनीगु फँपिया आर्या-वास विहारया निमित्त अंशुवर्मा नं हिति दय्का व्यूगु दु । यल चपःटोलया बुद्धमूर्ति पादपीठ लेखं श्व घयाच्वंगु-अंशुवर्माया इले धर्मपालया कलात मृगिनी धईह्मसिनं चातुर्विंश महायान सम्प्रदायया प्रतिपन्नार्य भिक्षुणीसंघयात व अन-हेसंतु च्वंगु गन्धकुटी विहार जिर्णोद्धार निमित्त आयस्ता तथा थकल । ये ढोका-घःया बण्डाहितिया अभिलेख श्व भावव्यक्त यागु दु-अंशुवर्माया इले संघनायक आर्यावलोकितेश्वरयात पूजा याना आर्यसंघपिन्त भोजनया लागि दत्त तथा थकूगु दु । यल मंगलबजारया दबुया शिलालेखं श्व खं निर्देशन यानाच्वन-अंशुवर्माया समसामयिक इले बुद्धपूजा व भिक्षुसंघया लागि भोजन लिसं लःया व्यवस्था याना गुथि तथा थकल । यल यंगूवाहाया शिलालेख्य जुजु नरेन्द्रदेवं शिवदेवविहारस च्वपि चतुर्दिशार्थ भिक्षुसंघपिगु निमित्त यक्वं सहयोग प्रदानयाना अधिकार नं विया थकूगु खं न्ह्यथना तइतल । अथेहे पशुपतिया बज्रघरया शिला-लेख नं वहे खँयात पुष्टियाना थकल । सक्वदेया शिलालेख्य श्व आशयक्यंगु दु कि- महासांघिक (महायानिक) भिक्षुसंघया लागि धर्मराजिकामात्य नियुक्त याना बिचाःसँचा याके व्यूगु आदि घटना उल्लेख जुयाच्वंगु दु । श्व अभिलेख जुजु नरेन्द्रदेवया पर्याय खः । इतिहासकार विद्वान्पिन्सं थुगु विहारया प्राचीनता किरातकालीन घका अनुमान यागु दु ।

थुगु किसिमं बुद्धशासन समुन्नति व आर्यवास(बौद्धविहार)आर्यसंघ, भिक्षुसंघपिगु उचित कदरया लागि अनेक थासे श्रद्धालु दानपतिपिन्सं अनेकप्रकारया श्रद्धाभक्ति तथा सम्यक्दान, सम्यक्संघभोजन, नरां, पञ्जरां चिरस्थायि जुयाच्वनेमा

बड्गु हेतुं अनेक दानदत्त गुथि तथा थकूगु प्रमाणत यक्व यक्वं दु । उबाहरणया लागि थ्व घायफु—

प्रत्येक विहारे, प्रत्येक बहीलि, दिगी, धर्मशाला, मण्डप, फले, सतः एवं श्रद्धालु उपासक उपासिकापिगु छयेक्वय्चवंगु लुखालुखाय्, फलेफले, दबुली आदि थासे जूगः (श्रावणकृष्ण त्रयोदशि) पञ्चाष्टि श्रावणशुक्लअष्टमिबले दान, बिया वयाचवंगु खनि । लिसे थुगु दानदत्त गुथि आदि दान बिईगु थासय् थःभःगु समर्थ अनुसारं दीपंकर, पंजर्राँद्यो, बुद्धबोधिसत्त्वपिगु मूर्ति, पौबाहा, चिबाहा अथवा पिण्डपात्रस किर्कीपा तथा गुलिसियां शिलांकूश (शिलायकू) आदि बुद्धशासनीक चिह्न जक जूसां न्ह्योने वया दान बिया चवनी । हानं गुलि श्रद्धालुपिनी थःगु छये पवित्र व मंगलयाय् निम्ति पञ्जर्राँद्यो वया छाया यांना धर्मशाला दानशालाथे च्वंक वया भिक्षुसंघ, शाक्य, वज्राचार्यपिगु लागि सारा ह्तिछियंक दान बिया चवनी । थ्व थितिरोतियात थौतकं 'बाडाजात्रा' नाम प्रसिद्ध जुयाचवन ।

घाथ्ये घायगु जूसा नेपाया हृदयङ्गमस्थल काठमाण्डूया केन्द्रवर्ति स्थान मरुसतया आत्मकथा इतिहास अध्ययन यांना स्वतघासानं निसन्देह मरुसतःया पूर्वरूप कल्पवृक्षसिमां बोधिसत्त्वपिगु आदर्श अपनय यांना थःगु जीवनयात सत्त्वार्थ हितसुख निम्ति दान मागु खने दु । श्री आर्यात्रिलोकितेश्वर जनवाहाद्यो जात्रा सोवह्य गुह्य स्तः, कल्पवृक्ष सिमाया थःगु शरीरयात प्यंगु भागय् विभक्त यांना थकूगु खने दु—

- १) प्रथम भाग—मरुसतः दयके निम्ति दानयात
- २) द्वितीय भाग—सिल्यंसतः (सिहसतः) दयके बिल ।
- ३) तृतीय भाग—सिरुवमूबाहा (तरुमूलश्री महाविहार) दयके बिल ।
- ४) चतुर्थ भाग—शेष भाग जुक्व आर्यसंघपिन्त चतनजा दान बिईकेत ज्याभः स्वरूप जुया तःचर्ते दयके बिया लि अन्तस थःगु जीवन सार्थकता यांना वन । गुगु दानकल्पद्रुम नामं सिद्धजूगु जुल ।

• श्रीकाष्ठमण्डपपुरे सुरलोकसाम्ये ।

देवालये बसति श्रीजिनरक्षितः सः ॥

सम्यके आर्यसंघया स्थान

थुगु सम्यक्या प्रसङ्गय् थनं च्वय् सम्यक् शब्दया अर्थ व परम्परा, सम्यक् दानया महत्व विषये छत्वाचा परिचय च्वय्धुंगु जुल । आः थन सम्यके आर्यसंघया स्थान छु घइगु विषय कया न्ह्यथना च्वना—

सर्वसत्त्व हितार्थाय बुद्धशासन हेतुतः-सर्वसत्त्व प्राणिपिगु हितसुख शान्ति निम्ति बुद्धशासन स्थापना जूगु खः । थ्वहे बुद्धशासन संस्थापक प्रवर्त्तक वसपोल तथागत सम्यक्संबुद्ध खः । वहे सम्यक्संबुद्धं आज्ञाजूगु सद्धर्म सम्यक्धर्म खः । थ्वहे सम्यक्धर्म (बुद्धशासन) यात भिन्नकं अभिवृद्धि याता संरक्षण याता तईपि थुपि आर्यसंघ खः । यदि थ्व लोके बुद्ध अवतरित मजूगु जूसा सद्धर्म घइगु ह्यँसिई मखु । यदि उगु सद्धर्मयात चिरस्थायि याय्माःगु आवश्यक मदुसा आर्यसंघया प्रयोजन मदु । खासयाना आर्यसंघं थःगु कर्त्तव्य व अधिकार भाषाः सद्धर्मरूपी बुद्धशासन-यात रक्षायाना मतःगु जूसा भीसं बुद्धहे गथे ह्यँसिइके फइ ? । आखिर थुपि- 'बुद्धधर्म स्तथा संघ एकोपि कल्पना त्रयः'—घयातःथें छह्यायां स्वह्य वहे स्वह्यायां छह्य जुयाच्चंगु खः । अथे जूया निम्ति भीगु बौद्धसंस्कृति बौद्धपद्धतिस थथे घयातःगु दु—

सर्वबुद्धं नमस्यामि धर्मञ्च जिनभाषितं ।

संघञ्च शीलसम्पन्नं रत्नत्रयं नमोस्तु ते ॥

नेपाया थःगु बौद्धपरम्परानुसारं बौद्ध विहार प्रतिष्ठा याईबले थेरवादीपिनि थें केवल बुद्धमूर्ति जक स्थापना मयासे बुद्धया जःखः धर्म-श्रीप्रज्ञापारमिता, संघ-श्री आर्यावलोकितेश्वर नं स्थापना याय्गु चलन दु । थुगु त्रिरत्नमूर्ति बुद्ध धर्मसंघ तथा तःगुली अपोयाना धर्म जवय् संघ खःपाखे तयातई । गनं गनं संघ जवे व धर्म खः पाखे लानाच्चंगुनं मदुगु मखु थथे जूगुयानं कारण दु, तर व भूल मखु । छायाघासा

गुगूथासे महायान प्रधानता जुई अन धर्म श्रीप्रज्ञापारमिता बुद्धया जःपाखे लाना च्वनी । गन श्रावकयान मुख्य जुई अन संघ श्रीआर्यविलोकितेश्वर जःपाखे तयातईगु जुल । गन गनं मञ्जुश्री वज्रपाणी तयातःगुनं दु । थुक्रिया मतलव रहस्य थ्व खःकि धन श्रावकयान, महायान जक मखु परन्तु वज्रयान तन्त्रयान नं चलेजू घइगु अर्थ खः ।

खतु आर्यमञ्जुश्रीमूलकल्प सूत्रया प्रमाण अनुसारं बुद्धं सर्वप्रथम प्रारम्भिक शिक्षा श्रावकयानिपन्त ऋषिपत्तन मृगदावने धर्मचक्रप्रवर्तनं याना बिज्यात । थ्वया भिस्वदं लिपा बुद्धबाधयान-पारमितायान धालसां महायानिक बोधिसत्व-पित माध्यमिक शिक्षाया त्रिषयकया राजगृह गृद्धकूट पर्वतय् बिज्याना परमाथसंत्य शून्यतायाम् धर्मचक्र प्रवर्तनं याना बिज्यात । अथेहे, महायान धर्मचक्र प्रवर्तनं याना स्वदं दिपा हानं धान्यकटक नगरे श्रीपर्वतय् च्वना उच्चशिक्षा योगयोगिना विद्याधर विद्याधरीपित वज्रयानया धर्मचक्र प्रवर्तनं याना बिज्यागु जुल ।

थ्वहे आदर्श अनुरूप नेपाया प्रत्येक बौद्धविहारे प्रस्थापित श्रीक्वाचपालदेवता बुद्धभगवानया च्वसं च्वंगु आगं मूः आगं दिगीस श्रीहेरुक चक्रसम्बर गुह्यदेवतापि स्थापना याना वज्रयानिक पद्धति अनुसार महामण्डल दर्शन बिया चतुदशाभिषेक कर्म खंका दीक्षा बिया वयाच्वंगु खने दु ।

थ्वहे परस्परसकथं सम्यक्दानपतिपिन्सं थाय् थासे विहारे तानातईतःगु सम्यक्क्या निमन्त्रणाः पति थ्व घयाच्वंगु दु कि- आर्यसंघया नामे केवल श्रावकसंघ जक मखु, वज्रचार्य, शाक्यभिक्षु, ब्रह्मचर्यभिक्षु, श्रामणेरक, चैलक एवं भिक्षु भिक्षुणी उपासक, उपासिका तथा बोधिसत्व एवं अर्हत् सहितया नां न्ह्यथना तईतःगु दु ।

थुगुहे रूपं सम्यक् न्यायकार्वपि श्रद्धालु दानपतिपिन्सं उदार भाव क्यना थ्वहे सम्यक्यात विभिन्न इले विभिन्न नामं सम्बर्धनं याना वइच्वंगुया प्रमाण स्वरूप नगु प्यंगु उदाहरण प्रस्तुत याना च्वना-

१) सङ्घस्य भक्तार्थं पूजार्थञ्च महामुने	४।५ गुगु शताब्दी
२) भिक्षुभोज्य सन्नकृतं	६ गुगु "
३) चातुर्विंश महायान प्रतिपन्नार्थं भिक्षुणी संघस्य	६ गुगु "
४) चतुर्दिशार्थसंघं भिक्षुसंघायास्माभिः	६ गुगु "
५) महासाधिक भिक्षुसंघस्य	७ गुगु "
६) नेपालमण्डल स्वलकरणाय सम्यक्	ने. सं. १३५

७) महादिशासंघ भोज्य	ने. सं. ५९६
८) आर्यसंघस्त पात्रापुरण चन्तन जापो दोहरपा	ने. सं. ६२४
९) आर्यसंघेभ्यो भक्तदान	ने. सं. ६२६
१०) सर्वसंघ पिण्डपात्र उपढोषित	ने. सं. ६४५
११) आर्यसंघ पिण्डपात्रदान	ने. सं. ६५४
१२) दिशासंघ महाभोज्य	ने. सं. ६६७
१३) रत्नत्रय दिशासंघ	ने. सं. ७३१
१४) दोषङ्कर प्रमुख सर्वसंघ भोज्य	ने. सं. ७५०
१५) संघ भोजन	ने. सं. ७७३
१६) पिण्डपात्र दान	ने. सं. ७८७
१७) सम्यक्संघ भोज्यदान	ने. सं. ८३६
१८) सम्यक् भोजन	ने. सं. ८५१
१९) सुविशुद्धार्य सम्यक् भोजन	ने. सं. १०८८
२०) सम्यक् धर्म	ने. सं. १०९६

उपर्युक्त अभिलेखया आशयं ध्व स्पष्ट जूकि-सम्यक्, नरां, पञ्जरां जुइबले दानपतियागु मनोबाञ्छानुसार उपस्थित जूबिज्याइपि दान काय्तः न्होने दै वइपि वहे आर्यसंघ भिक्षुपि खः ।

शुभित छाया 'आर्यसंघ भिक्षु' घाल घईगु विषय छकनं बिचाः याये—

आर्य—आदि मध्य अन्त्यसं कल्याण जुईगु परिपूर्णगु परिशुद्धगु आचार बिचार जुयाच्वपि, उकी छुं दोष खंकेगु थाय् मदुपि, स्वच्छ निर्मल व पवित्र जुयाच्वपि छुकथंयागु अनार्ययागु अनार्य दोषं अलिप्तगु स्वभाव जुयाच्वपि एवं विशुद्ध स्वभावपि जुया निर्मित 'आर्य' घयातःगु जुल ।

संघ—निपातुति चूपि देवमनुष्यपि मध्ये सर्वश्रेष्ठ जुया बिज्यानां च्वह्य शास्ता तथागतयागु सद्धर्ममृत उपदेशं अनुशासित जुयाच्वंगु बुद्धशासनयात विशुद्ध रूप संरक्षण याना च्वपिगु छगू समूहयाहं हे 'संघ' घयातल ।

भिक्षु—ध्वहे संघया संस्थापक शान्तिनायक भगवान्बुद्धयात परम श्रद्धातया सद्धर्मप्रति अटल विश्वासयाना विनय अनुसारं आचरण याना, त्रिशरण शिक्षापद ग्रहण याना लोकहितार्थया लागि छगु थासँ मच्चसे सम्यक्-धर्म प्रचार याना

दायकपिन्सं प्रदानयागु भोजने सन्तोष जुया पलाः पलाः पलिकं अनित्य दुःख
अनात्मस स्मृति संप्रजन्य तथा जूइपि खः 'भिक्षु' ।

थ्वहे भिक्षु भिक्षुणीया ज्या छु खः धइगु विषय धर्मशास्त्रया वचन थथे
खने दु'—

सर्वासु शास्त्रविद्यासु प्रज्ञायाश्च प्रपूरकाः ।
धर्म दद्युर्ये सर्वेभ्यः प्रज्ञापारमिता वृताः ॥
षड्भिरित्यादिभिः पारेः सत्त्वस्य परिपूरकाः ।
उपदेशञ्च ये दद्युः भिक्षुभावं पदं लभेत् ॥
सोपानं स्वर्गमार्गाणां धर्माणां भाण्डमेव च ।
छत्रञ्च तापदग्धानां बोधिराजमिव स्थितम् ॥
सर्वेषां पापिनां मार्गं बोधिवृक्षमिव स्थितम् ।
इदृशं गुणसम्पन्नं भिक्षुभावं पदं वरम् ॥
निश्चयं ये प्रकुर्वन्ति भविष्यन्ति जिनात्मजाः ।

नेपाया इतिहास अध्ययन याय्वले थनया बौद्ध भिक्षुपि केवल शील नियम
छगूयात जक ध्यानतया उपदेशक जुया सन्तोष जुयाच्चपि मखु, परन्तु बौद्ध धर्म,
बौद्ध कला, बौद्ध संस्कृति एवं बौद्ध दर्शन आदियागु संरक्षण व संबर्द्धन याना
बोधिसत्त्वयागु आदर्श कया नेपाया बुद्धधर्मे तःतःधंगु योग दान याना थकूग
खने दु । उकिसं थनया बौद्धाचार्य बौद्धभिक्षु बुद्धभद्रजु प्रसिद्ध चीनिया यात्रि
फाहियान नाप चीनदेशे बिज्याना आपालं बुद्धधर्म प्रचारयात । अथेहे राजकुमारी
भृकुटी लिसे ह्लासादेशे वना आचार्य शीलमञ्जुनं संदेशया आदर्श ग्रन्थ काङ्ग्युर,
तञ्जुर अनुवाद याय्गुली आपालं गुहालि यात । थ्वयां ल्युल्यू लक्ष्मीश्री, शान्तिभद्र,
अनन्तश्री एवं संघश्री, पुण्यमती भारो, महापण्डित श्रीकीर्ति आदिपिगुनं नां न्ह्यथना
तःगु दु । एवक्रमं नालन्दा विश्वविद्यालयया मूलद्वारया पण्डित रत्नाकर अथेहे
अनया अध्यापक जुयाच्चह्य वागीश्वरकीर्ति थुगुकथं हानं विक्रमशील विद्यापीठया
द्वारपण्डित कनकश्रीनं दुगु जुल । उगू इले श्रीस्वयम्भूपर्वत् स्थानया श्री शान्तिकर
महाविद्यालय यागु नां नं. उत्तिकं प्रसिद्ध जू । थनया प्राचार्यपि खः—गुरु रत्नरक्षित्,
गुरु रवीन्द्रदेव, महापण्डित शाक्यभिक्षु बुद्धाङ्कुरपाद आदिपि खः । थुगु महाविद्यालयस

ह्लासा, भुटान, सिक्किम व काश्मिर यासनं विद्याध्ययन यावईगु जुयाचवना^१ ।

गुगु इले थन बुद्धधर्म उद्धारसंघया रूपे ख्याति प्राप्त संघसंस्थातनं मदुगु मखु । उदाहरणया लागि निगुप्यंगु नां थन प्रस्तुत याना चवना—

१) यल चपःटोलया बुद्धमूर्ति पाठपीठ लेखय् 'चातुर्विंश महायानिक संघ' यागु नां न्ह्यथनातल ।

२) थँबहीया लुंचवया प्रज्ञापारमिता सफूती 'परम गुणालङ्कृत ज्ञानसंघ' यागु नां चवयातल ।

३) यल श्रीवत्समहाविहारया पचरक्षा सफूती नै. सं. ५०६ पाखे 'परमसौगत संघ' घइगु नां उल्लेख यानातल ।

४) यें स्वयम्भूस च्वंगु 'शान्तिकर विद्यापीठ' या नां नं उतिकं प्रसिद्ध जू ।

गुगु यल चपःटोलया शिलालेखय् चातुर्विंश महायानया नां न्ह्यथन, उगु निर्दोषेगु किसिमया महायानया कचामचा शाखा उपशाखा छुछु खः उगु नां आतकं लुईके मफुनि । थ्व अनुसन्धानया गर्भे तिनि धासां छुमपा ।

तर, जिगु थःगु अनुसन्धानकथं भिन्यागु शदी पाखे चवयातःगु वैश्रवर्ण महाविहारया शाक्यभिक्षुया संग्रहले च्वंगु श्रीउष्णीष विजय धर्मपारंगत नां जुयाच्वंगु चेत्यया पौवाहाले चवयातःगु भिगु किसिमया जक महायानया नां उल्लेखयानातःगु खनागु जुल । व छुछु धासा—

- | | |
|---|---------------------------|
| १) संक्षिप्त महायान | ६) महाध्यान पारंगत महायान |
| २) मध्य " | ७) महायोग " |
| ३) महा " | ८) " " " |
| ४) महापारंगत " | ९) सुविशुद्ध धर्मपारंगत " |
| ५) महाध्यान पारंगत महायान १०) अनुत्तर वज्रोपम | " |

थुगु महायान यात विभिन्नग्रन्थे कार्यकारण भेदं अनेक नाम चवयातःगु दु, लिसे आधुनिक विद्वान्पिन्सनं थःगु अनुभवं खंगु अनुसारनं न्हून्हूगु नां छुना तःगुनं मदुगु मखु, उगु नांत प्रसङ्गवस थन न्ह्यथनाचवना—

१) बोधिसत्त्वयान	८) परार्थसम्पादन व्रत
२) पारमितायान	९) भावी बुद्धयान
३) बुद्धबोधियान	१०) बोधिचित्तोत्पाद यान
४) महायान	११) नैरात्म्यवाद
५) सत्त्वहितयान	१२) प्रज्ञायान
६) वैपुल्यवादयान	१३) संसारनिर्वाण एकत्वयान (अव्याकृत)
७) लोकोत्तरवादयान	१४) उदार जनतन्त्रात्मक वाद

थुगु किसिमं बुद्धधर्म अन्तर्गत इलेबिने विगध कारण व सिद्धान्तवस अनेक निकाय, यान, सम्प्रदाय भेद जूगु खनेदत । न्ह्याको शाखाउपशाखा कच्चाभचा दुसानं अन्तस वहे त्रिरत्न-बुद्धधर्म संघयात ह्यासिय्केगुहे मूलभूत कारण जूवई । गुलिनं त्रिरत्नयागु उपासना याना साधनचर्यास अनुगमन जुयाचर्चपि-श्रावक, महायान, वज्रयान शासनय् चवना ज्यायानावपि सकलयातनं आखिर समस्तिकरण रूप 'बौद्धसंघ'-हे जक धावनी ।

गुगू थ्व बौद्धसंघ सकले छथाय् मुना छगूहे उद्देश्य याना ज्या जुयाचवनीगु समारोहयातहे नेपाया थःगु परम्पराकथं-बौद्धसंघायन-बौद्धसम्मेलन जुइगु-बुद्धधर्म उद्धारसंघ-गुथियातहे 'सम्यक्' घईगु नामं प्रसिद्ध जूगु जुल । थ्व सम्यक्स उपस्थित जुइपि आर्यसंघ जिनसंघ बौद्धसंघयात 'वन्द्यजु' धायगु याना वदच्वंगु खने दु । नेपाया बौद्धसंघ शाक्य, वज्राचार्य, श्रामणेरक, चैलक, ब्रह्मचर्यभिक्षुआदिपिन्त वन्द्यजु नामं सम्बोधन याय्गु चलन इतिहासया दृष्टिकथं जुजु जयस्थिति मल्लया पर्यायिनसैं चलेजूगु खने दत ।

गथेकि-जुजु जयस्थितिमल्लं भारत व नेपाःया विद्वान्पि सःता ६४ प्रकारया ज्यायाइपि गृहस्थितय्त छखेतया शाक्यभिक्षु, श्रामणेरक, चैलक व ब्रह्मचर्यभिक्षु एवं वज्राचार्यपिन्त संन्यासिया रूपे तया परन्तु जातियागु थितिरीतिई चवनेम्वापि विभिन्न जातं चवय्यापि घका अलग तया मान्यता बिया तल । थुपि आर्यपिथें आचार विचार शुद्धपि घका सकललोकं आदर सत्कार याना तःगु जूयानिम्ति थुमित वन्द्यजुपि घाल । वन्द्यया अर्थ खः बन्दना नकस्कार याय् योग्यह्य । गथे सिंहलद्वीप लङ्काया हान्दुरु, वर्मिया पुङ्गि व संदेश ल्लासाय् लामा अथेहे नेपालय् 'वन्द्यजु' घका आदर सत्कार याना च्वंगु जुल । थ्वहे वन्द्यजु शब्दया अपभ्रंश जुया बदे अथवा बरे जूवन, थ्वहे शब्दयात ख्येभासैं 'बाँडा' धावंगु जक खः । गथे पञ्चसूत्रका यात पसूका धावंगुथें जक ।

थुगुकथं वन्द्यजु शाक्यभिक्षुपिन्त आदर सत्कार तयावयाच्चंगुया ज्वलन्त प्रमाण
 व छु घासानि-नेपाया दकले सकले श्रेष्ठगु विश्वप्रसिद्धगु श्रीकरुणामय बुंगद्यो
 यागु रथजात्राय शाक्यभिक्षु पांजुत द्योपाला चवयचवना वई थुमि क्वसं हःपा
 बिईपि सेसेवाज्या द्यो ब्रह्म त चवना वई । अथेहे येदेया दक्कसिवे चवन्हागु
 इन्द्रजात्राया सन्दर्भे जुयाच्चंगु कुमारी जात्रायनं वन्द्यजु शाक्यया ह्याचाय्मचायात
 सद्यकौमारी रूप्य माने याना वईच्चंगु दनि । थ्वहे कुमारीयात श्री५ महाराजाधिराज
 सरकारनं परम्परागतकथं उतिकं स्वागतसत्कार याना प्रसाद ग्रहण याना टीका
 फया वइच्चन थ्व परम्परा अद्यापि विद्यमान तिनि । थ्व सकसिनं स्युयुहे विषय खः ।

सम्यक्दानं पिण्डपात्रया महत्त्व

समस्त बौद्धधर्मावलम्बिपिंसं पिण्डपात्रयात ह्यमस्यूपि कमहेजक जुई। बुद्ध-यागु सद्धर्माभूत उपदेशयाके अनुशासित जूपि श्रावक, महायानी तथा वज्रयानि-पिंसनं थुकिया महत्त्व थुईका पिण्डपात्रयात न्हावले आदर व गौरव तथा सन्मान याना वईच्चंगु खने दु । गुबले पुन्ही अष्टमि, सँतूह ततघंगु पर्वकाल पुण्यातिथि न्होने वई उबले दीपङ्करादि बुद्धबोधिसत्व एवं श्रावकसंघ आर्यसंघ भिक्षुपिगु भोजनपात्र पिण्डपात्र लुमंका च्वनि लिसें श्रद्धापूर्वक उकी भोजनान्न दिव्यान्न क्षार आदि जायकेगु ज्या जुई ।

गुबले सम्यक्, नरां, पञ्जरां जुई उबले थुगु पिण्डपात्रया प्रशंसा महत्त्व बह्ने जुयाचवनी । थुगु थले तथा सम्यक् रूपं आर्यसंघपिन्त दानप्रदान याना-गुया पुण्यप्रशंसा अप्रमेय दुघका मुनीश्वरपिन्त आज्ञा जुया बिज्यागु ग्रन्थान्तरे वर्णन याना तइतःगु दु ।

खतु बुद्धं सम्पूर्णं सांसारिक वैभव तोता महाभिनिष्क्रमण जुल—संसारया न्होने महान्त्यागी जुया वेरागीरूपे केवल श्वहे पिण्डपात्र छगःजक ज्वना शान्त पूर्वक उदयाचल पर्वतं श्रीसूर्य प्रकाश जुईथे संसार उद्धारया लागि भीगु न्होने तिईजक खनेदयकःवल । बुद्धं थः अनुयाके छुं अंशभाग मकासे थःगु श्रीसम्पत्तिया नामं श्वहे पिण्डपात्र छगःजक ज्वना प्राणिपिगु हितमुख शान्तिया लागि पिईम्यादंतक देशदेशान्तर चाहुला बिज्यात ।

श्व पिण्डपात्र बुद्धशासनया चिन्ह खः भिक्षु जीवनया आघार पात्र खः । सन्तोषया थलनं खः । श्वहे पिण्डपात्रे गुह्यसिनं श्रद्धापूर्वक भिक्षादान बिई उह्येसित अनुत्तरक्षेत्र्य पुसा प्यूगु समानं अप्रमेय पुण्यप्राप्त जुया लिपतस दिव्यसुख प्राप्त जुई ।

बुद्धं च पण्डपात्रयात केवल भोजनपात्र, दानपात्र मात्र भाः मप्युसे समस्त प्राणिया कारणे महाकरुणा दृष्टिं अवलोकन यानाच्चंगु अर्थे च भाजनलोक सत्त्वलोक अरे जुयाच्चंगु पृथ्वीपात्र स्वरूपं शुगु पण्डपात्रयात न्हावलें वारणा याना च्वंगु अर्थ जुल । अज सारांशरूपे घालघासा प्राणिया आश्रय बुद्धयाके, बुद्धया महाकरुणा प्राणिपिंके जूया निम्ति च निगुया परस्पर सम्बन्ध प्रज्ञोपाय स्वरूपं गुबलें अलग जुईमखु घइगु अर्थे बुद्धया ल्हाति अमृतरसं भरे जुयाच्चंगु पण्डपात्र दया हे चवनी । च्वहे आदर्श अपनय याना बज्जासन स्थित बुद्धमूर्तिस पण्डपात्र धारण याका तइतःगु जुल^१ ।

खनु नेपाया बौद्धविहारे चूडाकर्म याईगु प्रवज्याविधपुस्तकस पण्डपात्रया नां स्वंगु किसिमं बियातःगु खने दु—

- १) ऋषिपात्र-शान्तपवित्रता एवं वैराग्य भावनाया प्रतीकात्मक भाजन ।
- २) शिष्यापात्र-ज्ञान परिपक्वता एवं विशुद्धताया प्रतीकात्मक भाजन ।
- ३) भोजनपात्र-जीविकामात्रया सन्तुलात्मक भोजन भाण्डया प्रतीकात्मक भोजन ।

थुगुहे प्रकारं आचार्य क्रियासमुच्चयस स्वंगु किसिमं भोजनया नां उल्लेख यानातल—

- १) सद्धर्मभोज्य-सद्धर्माचरण याके प्राप्तभोजन
- २) संघभोज्य-सम्यक्संघभोजन, श्रद्धायाके प्राप्तभोजन
- ३) प्रीतिभोज्य-समाधिसुखयाके प्राप्त भोजन

च्व स्वंगुप्रकारया भोजन नं सम्यक् भोजनस दुध्यानाच्चंगु खने दु । अकि यनया बौद्ध विश्वासकथं च्व धारणा दु कि—

- १) भोजनमध्ये—सम्यक्भोजन उत्तम
- २) दानमध्ये—नरां, पञ्जरां उत्तम
- ३) पूजाविधानमध्ये—स्वयम्भूत सख्वापा याय्गु उत्तम

गुगू नेपाया परस्पराकथं मानेयाना वईच्चंगु नरां, पञ्जरांया निम्ति ग्वईगु दानशालायात पण्डपात्रशाला घकानं उल्लेख याना तःगु दु^२ । उगु पण्डपात्राशालास

१-बुद्धमूर्ति छगू अध्ययन, पृ. ३४

२- पण्डपात्रशाला सुस्करणाव शुचिबन्धोदकेन ई. -पण्डपात्रावदान,

वर्द्धिगु पिण्डपात्र पूजा यायुगु नं विधान असंग क्यनासल । कतु संस्कृतिकथं विविध
किसिमया पात्रतयगु नौ व ज्या खने मदुगु मखु । उदाहरणया लागि थ्व धायफु—

- १) पिण्डपात्र— आर्यसंघपिगु भिक्षापात्र
- २) दानपात्र— निसला किभू निसला पाः
- ३) जलपात्र— अर्घ्यघाचमन बिइगु अर्घपात्र
- ४) स्वाहापात्र— यज्ञकर्म आहूति बिइगु ध्रुवापात्र
- ५) कपालीपात्र— कापाली तयगु भिक्षापात्र
- ६) मूलपात्र— पञ्चशाली रूपय् स्वनीगु पात्र
- ७) दिगूपात्र— भागंपूजाय् प्रयोग याईगु पात्र
- ८) बलिपात्र— पूजादिकमे बउ विईगु थल बलकोम्हा
- ९) धर्मपात्र— अन्नमुठि दानपात्र (चन्दाबाकस)

धुपि फुक्कपात्रया नं पृष्ठभूमि बिचाः यानास्वत घासानं छगु छगू महत्त्व व
विशेषता भवश्यं दु । तर उगु विभिन्न पात्रत स्वयानं पिण्डपात्रयागु महत्त्व गोरव एव
प्रसिद्धि विशेषं उत्तम जुयाच्चंगु खनेबु । उदाहरणया लागि थ्व धायफु—

पिण्डपात्रया अर्थ—

पिण्ड व पात्र निगु शब्द मिले जुया पिण्डपात्र जूगु छः । पिण्ड धाम्बले अन्न
भोजनवस्तुया समूहयात कयातःगु जुल । श्रद्धापूर्वक बिईगु अन्नया ग्वारायात नं
आद्धपिण्ड धाई । अनाथ दुःखि दरिद्र याचकबृन्दपित न्हाबले अन्नदाताया रूपे
बोद्धजातके उल्लेख जुया च्वंहा सुप्रसिद्ध महाजन अनाथपिण्डक छः । थुहा महाजनं
बुद्धशासन निम्ति श्रावसंघ आर्यसंघपिन्त अखण्ड सेवा याना वइच्चगु दु । थुलिजक
मखु, गुम्हेसिनं बुद्धया प्रति अपार श्रद्धाभक्ति तया ५४ कोटि धनराशि खर्च याना
जेटवनमहाविहार नं दय्का बिल । आर्यसंघपि भिक्षाटन वनीबले सुं श्रद्धालु उपासक
उपासिका दायकपिन्सं प्रदान याइगु भोजनवस्तु तइगु बल विशेषरूपे प्रसिद्ध
जुवाच्चंगु पिण्डपात्र जुल ।

मेगु अर्थे पिण्डया मतलब थ्व छः कि-व्याक्थ समूह छयासं लाइगुमास नं पिण्ड
धाई । थुकिया विषयकया शिक्षासमुच्चय त्रिस्कन्धसूत्रय् थथे घयातःगु दु—

तुल्यित्वा पिण्डयित्वा अभिर्वाञ्छिप्यानुत्तराया सम्यक्संबोधो वरिष्णामयामि ।

थुगुकथं वन्द्यजु शाक्यभिक्षुपिन्त आदर सत्कार तयावयाच्चंगुया ज्वलन्त प्रमाण
व छु घासानि-नेपाया दकले सकले श्रेष्ठगु विश्वप्रसिद्धगु श्रीकरुणामय बंगद्यो
यागु रथजात्राय शाक्यभिक्षु पांजुत द्योपाला चवयचवना वई थुमि क्वसं हःपा
बिईपि सेसेवाज्या द्यो ब्रह्म त चवना वई । अथेहे येदेया दक्कसिवे चवन्हागु
इन्द्रजात्राया सन्दर्भे जुयाच्चंगु कुमारी जात्राय्त्तं वन्द्यजु शाक्यया ह्याय्मचायात
सद्यकौमारी रूप्य माने याना वईच्चंगु दनि । थ्वहे कुमारीयात श्री५ महाराजाधिराज
सरकारनं परम्परागतकथं उत्तिकं स्वागतसत्कार याना प्रसाद ग्रहण याना टीका
फया वइच्चन थ्व परम्परा अद्यापि विद्यमान तिनि । थ्व सकसिनं स्युयुहे विषय खः ।

सम्यक्दानय पिण्डपात्रया महत्त्व

समस्त बौद्धधर्मावलम्बिपिंसं पिण्डपात्रयात ह्यमस्यूपि कमहेजक जुई। बुद्ध-यागु सद्धर्माभृत उपदेशयाकें अनुशासित जूपि श्रावक, महायानी तथा वज्रयानि-पिंसनं थुक्रिया महत्त्व थुईका पिण्डपात्रयात न्ह्यावलें आदर व गौरव तथा सन्मान याना वईच्चंगु खने दु । गुबले पुन्ही अष्टमि, सल्लू ततधंगु पर्वकाल पुण्यातिथि न्ह्योने वई उबले दीपङ्करादि बुद्धबोधिसत्व एवं श्रावकसंघ आर्यसंघ भिक्षुपिगु भोजनपात्र पिण्डपात्र लुमंका च्वनि लिसें श्रद्धापूर्वक उकी भोजनान्न दिब्यान्न क्षार आदि जाय्केगु ज्या जुई ।

गुबले सम्यक्, नरां, पञ्जरां जुई उबले थुगु पिण्डपात्रया प्रशंसा महत्त्व बह्ने जुयाच्चनी । थुगु थले तथा सम्यक् रूपं आर्यसंघपिन्त दानप्रदान याना-गुया पुण्यप्रशंसा अप्रमेय दुधका मुनीश्वरपिन्सं आज्ञा जुया बिज्यागु ग्रन्थान्तरे वर्णन याना तइतःगु दु ।

खतु बुद्धं सम्पूर्णं सांसारिक वैभव तोता महाभिनिष्क्रमण जुल—संसारया न्ह्योने महान्त्यागी जुया वेरागीरूपे केवल श्वहे पिण्डपात्र छगःजक ज्वना शान्त पूर्वक उदयाचल पर्वतं श्रीसूर्य प्रकाश जुईथे संसार उद्धारया लागि भीगु न्ह्योने तिईजक खनेदयकःवल । बुद्धं यः अत्रुयाके छुं अंशभाग मकासे थःगु श्रीसम्पत्तिया नामं श्वहे पिण्डपात्र छगःजक ज्वना प्राणिपिगु हितमुख शान्तिया लागि पिईग्यादंतक देशदेशान्तर चाहुला बिज्यात ।

श्व पिण्डपात्र बुद्धशासनया चिन्ह खः भिक्षु जीवनया आघार पात्र खः । सन्तोषया थलनं खः । श्वहे पिण्डपात्रे गुह्यसिनं श्रद्धापूर्वक भिक्षादान बिई उह्येसित अनुत्तरक्षेत्र्य पुसा प्यूगु समानं अप्रमेय पुण्यप्राप्त जुया लिपतस दिव्यसुख प्राप्त जुई ।

बुद्धं श्व पिण्डपात्रयात केवल भोजनपात्र, दानपात्र मात्र भाः मप्यूसे समस्त प्राणिया कारणे महाकरुणा दृष्टिं अवलोकन यानाच्चंगु अर्थे श्व भाजनलोक सत्त्वलोक अरे जुयाच्चंगु पृथ्वीपात्र स्वरूपं थुगु पिण्डपात्रयात न्हावलें धारणा याना च्वंगु अर्थ जुल । अज सारांशरूपे घालधासा प्राणिया आश्रय बुद्धयाके, बुद्धया महाकरुणा प्राणिपिन्के जूया निर्मित श्व निगुया परस्पर सम्बन्ध प्रज्ञोपाय स्वरूपं गुबलें अलग, जुईमखु घइगु अर्थे बुद्धया ल्हाति अमृतरसं भरे जुयाच्चंगु पिण्डपात्र दया हे च्वनी । श्वहे आदर्श अपनय याना बज्जासन स्थित बुद्धमूर्तिस पिण्डपात्र धारण याका तइतःगु जुल^१ ।

खनु नेपाया बौद्धविहारे चूडाकर्म याईगु प्रवज्याविधपुस्तकस पिण्डपात्रया नां स्वंगु किसिमं वियातःगु खने दु—

- १) ऋषिपात्र-शान्तपवित्रता एवं वैराग्य भावनाया प्रतीकात्मक भाजन ।
- २) शिभापात्र-ज्ञान परिपक्वता एवं विशुद्धताया प्रतीकात्मक भाजन ।
- ३) भोजनपात्र-जीविकामात्रया सन्तुलात्मक भोजन भाण्डया प्रतीकात्मक भोजन ।

थुगुहे प्रकार आचार्य क्रियासमुच्चयस स्वंगु किसिमं भोजनया नां उल्लेख यानातल—

- १) सद्धर्मभोज्य-सद्धर्माचरण याकें प्राप्तभोजन
- २) संघभोज्य-सम्यक्संघभोजन, श्रद्धायाकें प्राप्तभोजन
- ३) प्रीतिभोज्य-समाधिमुखयाकें प्राप्त भोजन

श्व स्वंगुप्रकारया भोजन नं सम्यक् भोजनस दुथ्यानाच्चंगु खने दु । अकि यनया बौद्ध विश्वासकथं श्व बारणा दु कि—

- १) भोजनमध्ये—सम्यक्भोजन उत्तम ।
- २) दानमध्ये—नरां, पञ्जरां उत्तम
- ३) पूजाविधानमध्ये—स्वयम्भूत सख्वापा याय्गु उत्तम

गुगू नेपाया परम्पराकथं मानेयाना वईच्चंगु नरां, पञ्जरांया निर्मित ग्वईगु दानशालायात पिण्डपात्रशाला धकानं उल्लेख याना तःगु दु^२ । उगु पिण्डपात्राशालास

१-बुद्धमूर्ति छगू अठ्ययन, पृ. ३४

२- पिण्डपात्रशाला संस्करणाय शूचिगन्धोदकेन ई. -पिण्डपात्रावदान,

वर्द्धिगु पिण्डपात्र पूज्य यागु नं विधान अलग वचनातल । खतु संस्कृतिकथं विविध
किसिमया पात्रतयगु नां व ज्या खने मदुगु मखु । उदाहरणया लागि थ्व धायफु—

- १) पिण्डपात्र— आर्यसंघपिगु भिक्षापात्र
- २) दानपात्र— निसला किभू निसला पाः
- ३) जलपात्र— अर्घमाचमन बिइगु अर्घपात्र
- ४) स्वाहापात्र— यज्ञकर्म आहूति बिइगु ध्रुवापात्र
- ५) कपालीपात्र— कापाली तयगु भिक्षापात्र
- ६) मूलपात्र— पञ्चशाली रूपय् स्वनीगु पात्र
- ७) दिगूपात्र— आगंपूजाय् प्रयोग याईगु पात्र
- ८) बलिपात्र— पूजादिकर्म बउ विईगु थल बढकोन्हा
- ९) धर्मपात्र— अन्नमुठि दानपात्र (चन्दावाकस)

धुपि फुक्कपात्रया नं पृष्ठभूमि बिचाः यानास्वत घासानं छगु छगु महत्त्व व
विशेषता अवश्यं दु । तर उगु विभिन्न पात्रत स्वयानं पिण्डपात्रयागु महत्त्व गौरव एव
प्रसिद्धि विशेषं उत्तम जुयाच्चंगु खनेदु । उदाहरणया लागि थ्व धायफु—

पिण्डपात्रया अर्थ—

पिण्ड व पात्र निगु शब्द मिले जुया पिण्डपात्र जूगु खः । पिण्ड धाम्बले अन्न
भोजनवस्तुया समूहयात कयातःगु जुल । श्रद्धापूर्वक बिईगु अन्नया ग्वारायात नं
श्राद्धपिण्ड धाई । अनाथ दुःखि दरिद्र माचकबृन्दपित न्याबले अन्नदाताया रूपे
बौद्धजातके उल्लेख जुया च्वंहा सुप्रसिद्ध महाजन अनाथपिण्डक खः । थुहा महाजबं
बुद्धशासन निम्ति श्रावसंघ आर्यसंघपिन्त अखण्ड सेवा याना वइच्चगु दु । थुलिजक
मखु, गुम्हेसिनं बुद्धया प्रति अपार श्रद्धाभक्ति तया ५४ कोटि धनराशि खर्च याना
जेटवनमहाविहार नं दय्का बिल । आर्यसंघपि भिक्षाटन वनीबले सुं श्रद्धालु उपासक
उपासिका दायकपिन्सं प्रदान याइगु भोजनवस्तु तइगु थल विशेषरूपे प्रसिद्ध
जुवाच्चंगु पिण्डपात्र जुल ।

मेगु अर्थे पिण्डया मतलब थ्व खः कि-व्याक्व समूह छयासं लाइगुयात नं पिण्ड
धाई । थुकिया विषयकया शिक्षासमुच्चय त्रिस्कन्धसूत्रय् थथे घयातःगु दु—

तुलयित्वा पिण्डयित्वा अभिसंक्षिप्यानुत्तराया सम्यक्संबोधो परिग्रामयामि ।

थःमं यानागु कुशलमूल संग्रह दक्कफुक्क राशीकरण बाँलाक संतुलन याना लना
तोमफीक छगू ग्वाराचिना मुंका तयागु व्याक्क प्राणिपिगु हितसुखया लागि सम्यक्-
सम्बोधिया नामे सम्यक् रूपं परीणामना याना ।

थुगु प्रकारं आचार्य शान्तिदेवं बोधिचर्यावितारया दशम परिच्छेदय् नं थथे
धयातःगु दु—

पण्डिताः सत्कृताः सन्तु लाभिनः पण्डपातिकाः ।

श्रमण, साधु, पण्डित सकलयात लोकजनपिन्सं सन्मान याय्मा, लिसें पिण्डपात्र नं
लाभ जुइमा धका आशिका यानातल । थुगुकथं पिण्डपात्रावदाने नं थथे धयातल कि—

सौवर्णरौप्य विविधधातुज मृन्मयं वा ।

शाल्योदनैः सुपरिपूर्णं सुपिण्डपात्रम् ॥

भक्त्या ददाति सुगताय गणोत्तमाय ।

स्यात्तस्य पुण्यमसमं फलमप्रमेयम् ॥

लुं, वह, सिजः, ली, कें, नं आदि धातुयागु जुल अथवा चायागुहेसां पिण्डपात्र
जाय्क भिगु जाकिया जाथुयागु भोजन तया श्रद्धाभक्ति पूर्वक तथागत संबुद्ध भावान्
एवं आर्यसंघपिन्त दान बिल घासा उह्य श्रद्धालुयात अपरिमित पुण्यफल लाई ।

पिण्डपात्रया विविध नाम

नेपामि बौद्धतय्सं पिण्डपात्रया नां विविधकिसिमं प्रयोग याना बइच्चंगु खो दु—

१) शिक्षापात्र— गुरूपा - गुलुपा - गुल्पा ।

२) ऋषिपात्र— वैरागिजीवना भिक्षाटन पात्र ।

३) भोजनपात्र— खाद्यान्नवस्तुया संग्रह पिण्ड थल

४) पृथ्वीपात्र— पृथ्वीया आकार थें गोलागु गोलूपा

५) पिण्डपात्र— बुद्धधर्म संघया नामे श्रद्धापूर्वक अन्नवस्तु प्रदान याईगु थल
विशेष खः पिन्पां ।

६) गुलूपा— श्व गुलूपाया मतलब स्थानीय जनसंस्कृतिकथं थःगु हे भावना
दु । व छु घासा— बोधिसत्त्वभूमि नामक ग्रन्थया नवमपटले
कनातःगु अनुसारं सम्यक्संबोधिज्ञान प्राप्ति निमित्त बोधि-
सत्त्वपिन्सं दानपारमिता पुरे याय्मा लागि नवाकार दान
याय्मा धका थथे वणें यानातल—

इह बोधिसत्त्वः क्रमेण षट्पारमितां
परिपूर्णानुत्तरां सम्यक्संबोधिमभिसंबुध्यते ।
तत्र कतमा बोधिसत्त्वस्य दानपारमिता
नवाकारदानं बोधिसत्त्वस्य दानपारमितेत्युच्यते ।

बोधिसत्त्व भूमिस कनातःगु कथं नवदान (नरां) या नां थये खः—

- १) स्वभावदान २) सर्वदान ३) दुष्करदान ४) सर्वतोमुखदान
- ५) सत्पुरुषदान ६) सर्वाकारदान ७) विधातार्थिकदान
- ८) इहामुत्रसुखदान ९) विशुद्धदान ।

श्वहे गुता प्रकारया दानयात कयाहे भी श्रद्धेय पूर्वाचार्येपिन्सं नवदानया परिकल्पना याना नरां न्याय्का वइच्चंगु खने दु । वहे नवदानया अन्तर्गत बोधिसत्त्वपिन्सं पुरेयाय्माःगु सम्पूर्ण दानयात कया विस्तृतरूपं वर्णन याना तइ तःगु-दु । श्वहे नवदान (नरां) या परम्परा थन चले याना तइतःगु जुल ।

श्वहे नवदान गुताकिसिमया दान निर्देशन याना क्यनातइतःगु व व्याक्व बुगु पिण्डपात्रया आत्मकथाया दुने सन्निहित जुयाच्चंगु दु घइगु सद्भावना कथं पिण्डपात्रयात नेपाल भाषं, 'गुलूपा' धाय्गु याना वइच्चंगु प्रमाण खने दु ।

गु- गुताप्रकारया दान

खू-- दृश्य, भाव, लुमन्ति, लुय्गु-तभ्गु

पा-- पारवनेगु संकेतया थल, सहयोगात्मक दष्टि एकत्व जुइगु, कय्मकुंगु, चक्कं गु, ध्यापकगु, उदारगु--भावबोधक एकाक्षरी शब्द ।

भुगु किसिमं पिण्डपात्रया महिमाया दुने सम्यक्दान, नवदानया जक खं दुथ्यानाच्चंगु मखु, परन्तु पञ्जरांया नं उतिकं हे महत्त्व दु । गथे नवदानया अप-भ्रंश नरां जुल, अथे ह पञ्जदानया अपभ्रंश पञ्जरां जूगु खःला घइगु तप्यंक भर्थ याय्फु । तर, श्व पञ्जरांया वास्तविक शुद्धरूप पञ्चदान मिले जूमओ । कारण-पुलां पुलांगु पञ्जरां सम्बन्धि अभिलेखत अध्ययन याय्बले श्व खने दुकि—

गथे:- बाहाद्योयात क्वाचपालदेवता क्वापाद्यो धाल, बहीद्योयात गन्धुरीदेवता गभुजुद्यो थका धाःवन । अथेहे आर्यसंघपिन्त दान बिईगु भोजनया नां पङ्जा दानया पञ्जादान जूम जुल । श्व पञ्जादानया नं अपभ्रंश पञ्जरां जूवव ।

श्वहे पञ्जरांयात विभिन्न इले विभिन्न खासय् विभिन्न शब्द प्रयोग जुयावंगु खने दु—

- १) पिण्डजा दान २) पुण्यजा दान ३) पङ्कजा दान ४) पङ्कजा दान
५) पञ्जा दान ६) पंजा दान ७) पञ्ज दान ८) पञ्जरां ९) पञ्च दान

थुगु किसिमं पञ्जरांया विभिन्न नांत खने दुसांतवि मुख्य 'पङ्कजा' या आशय श्व खने दुकि—शुचिनीचि याना भिगु जाकि मांसिजाकिया जा क्षीर तस्मै थुया श्रद्धा पूर्वक आर्यसंघपिन्त बिङ्गु भोजनया मौलिक शब्द खः 'पङ्कजा' । श्वहे पङ्कजायात कयाहे “शाल्योदनं सुपरिपूर्णसपिण्डपात्रम्” घयातःगु जुईकु । श्वहे पङ्कजां जाय्कागु पिण्डपात्र दान यानागु पुण्य त्रयत्रिंशत्देवलोक्य जन्म जुया अमृत भोजन याय्दई घका पिण्डपात्रयागु गुणवर्णन आपालं यानातइतःगु दु^१ ।

ओदनं विविधं इत्थं पिण्डपात्रं ददौ च ये ।

सुधांशुभोजिनः सर्वे त्रयत्रिंशे विशेषतः ॥

एवं बहुगुणं मत्वा पिण्डपात्रस्य यद् फलम् ।

ग्रन्थया प्रमाणकथं श्वया महत्त्व

श्व पिण्डपात्रया विषय बुद्धजीवनी ललितविस्तर नाप यक्व सम्बन्ध दु— बुद्धयागु स्वागत एवं भोजन निम्ति गन गन निमन्त्रणा जुई, अन अन पिण्डपात्रया वर्णन खने दया चवनी । खासयाना बुद्धया भोजनपात्र हे पिण्डपात्र खः । अथेहे आर्यसंघ भिक्षुपिनिनं । श्व पिण्डपात्रयात बुद्धं भिक्षाटन व भोजन निम्ति जक प्रयोग याना बिज्यागु मखुकि दुष्टत दमन याय्गुलिनं सदुपयोग यागु खने दु— महान् क्रूर दुष्ट भयंकरहा नागयात नं पिण्डपात्रय् दुने तया शान्तदान्त याना बिल । अथेहे हारती महायक्षिणीया निर्दयीता स्वभाव अविवेक चलन मदय्केत हारतीया तस्सकं मतिनाह्य मचायात थःगु पिण्डपात्रे तोपुया त्रिभुवने माय्के छवया साह्येयाना हारतीयात थःगु बशय् तया व्यूगु खनं उल्लेख जुयाचवंगु दु । एवंकमं कुशिनारा रामग्रामनदीया तस्सकं बुलुसे चवंगु लंख नं श्वहे पिण्डपात्रं लः तुया काय् मात्रनं उगु नाहार्ये बुलुसे ताकुसे चवंगु लंख नं निर्मल यच्चुसे चवना वन घयातल । शूरपारग बोधिसत्त्व नं रत्नाकर समुद्र व्यैपार वंबले समुद्रया बिचय् थ्यंका तुफान ओबलेन

थ्वहे पिण्डपात्र धारणयाना ध्यान च्वना मात्रनं उगू तुफान शान्त याना आपालं वणिजालपिगु प्राण रक्षा याना व्यूगु खनं मदुगु मखु ।

सम्यक्संबुद्ध भगवानं थःगु शासने दुकायत, प्रवज्याव्रत बिईत श्रावकादि भिक्षुपिन्त न्हापालाक लःल्हाना बिईगु भिक्षापात्र नं थ्वहे पिण्डपात्र जुल । अथेहे राहुलभद्र कुमारं थःके अंश हि धका काःवबले बुद्धया सम्पत्तिरूपे थःकाय्यात अंश भाग व्यूबलेनं थ्वहे पिण्डपात्र हे जक न्ह्योने तया बिल घइगु खं च्वयातल । थ्वहे घटनायात लुमंका अजन्तागुफास थुकिया प्रतिमूर्ति दयका क्यनातःगु दु ।

अतिदानी बलिराजायागु घमण्ड तोरे याय्निम्नि विष्णुविक्रान्तं वईगु छ्येने न्हूया सप्तपाताल छ्वया बिल । थ्वईत उद्धार याय्लागि श्रीकरुणामयं बलिराजया पिण्डपात्रदान कया बलिराज उद्धार याना व्यूगु कथा नं मदुगु मखु ।

थुजागु किसिम पिण्डपात्रयागु महिमाया खकना पिण्डपात्र दानयाका उद्धार याना वंगु खं—महावस्त्वदान, दिव्यावदान, कपिसात्रदान, द्वाविंशतिकावदान, विवित्रकर्णिकावदान, गुणहारण्डव्यूह, स्वायम्भूपुराण, सुतावदान आदि ग्रन्थय् थायथासे च्वयातःगु दु । थ्वहे पिण्डपात्रयागु जक विशेष महत्व बिया उल्लेख याना तःगु पिण्डपात्रावदान दर्शनीय जू ।

ऐतिहासिक दृष्टि कथं थ्वया महत्व

नेपाया ह्याय्मचा भृकुटी राजकुमारी सँदेशया जुजु श्रद्धेनग्याल्पो यात विवाह याना व्यूबले कोसःया रूपय् भगवान् बुद्धया पिण्डपात्र छत्रः नं बिया छोगु खं न्ह्यथना तःगु दु^१ । अथेहे सं. १३ सालं विग्रहपाल जुजुया पर्यायस न्ह्याथाय् वसाँच्वंसां पिण्डपात्रजक धारणा याना जुइत्ता, विशुद्धश्री ज्ञान घइत्ता शाक्य भिक्षु छत्ता दूगु जुयाच्वन^२ ।

थ्वइत पैण्डपातिक भिक्षु घइगु उपाधि बियातन । विजयकामदेव जुजुया पालाय् स्थापना जूगु शाक्य भिक्षु मैत्रिचन्द्र जुया स्वयम्भूमहाचैत्य जिर्णोद्धार याना तःइतगु शिलालेखया शिरोभागस खिकिरिकापात्र शिलाकुंशपिण्डपात्र अंकित याना तःगु दु । स्वयम्भूस अनुमानत १३ गूगु शदीया शालिपुत्र, मौङ्गल्यायन भिक्षुया निगु

१- नेपालदेश और निवास पृ. १०२

२- पुनरत्न वज्रोचार्यया सम्पादन राष्ट्रिय अभिलेखालयं पिदंगु बौद्धग्रन्थ सूची पृ. १४०

प्रस्तरमूर्ति दु थुमिसनं शिलाकुश पिण्डपात्र धारणा यानाच्वंगु वयनातल । अथेहे यल क्वाबाहाया भण्डार क्वथास ने. सं. ६५६ सालं जीर्ण जुयालि पलेसातःगु पिण्डपात्र लुयावल । थथे धाय्बले उगू पिण्डपात्र निसन्देह न्हेसः च्यासःदं पुलांगु जुई । प्यंगूगु शदी पाखे चीनया प्रसिद्धयात्रि फाहियान भारतयात्रा वंबले पुरुष-पुर पेशावरय भगवान्बुद्धया पिण्डपात्र जात्रा जुयाच्वंगु खना धका फाहियानं थःगु यात्रा वृत्तान्त सफूती च्वयावन । खतु पिण्डपात्रयागु जात्रा नेपालयत्न मडुगु मखु गुकिया परम्परा सम्यक्, नराँ, पञ्जराँ जुइबले श्रीस्वयम्भू भगवान्या पिण्डपात्र खटय् तथा जात्रा याय्गु चलन दिन । यल दारिकाविहारया चेत्यया शिलापत्र अनुसार धर्मानन्द शाक्यजुनं श्रीहिरण्यवर्ण महाविहारया क्वापाजुया छगु लाख पिण्डपात्र द्रहलप्युगु खं च्वयातल । अथेहे ने. सं. १४५ साल नं श्रीस्वयम्भू महा-चेत्ययात छगु लाख पिण्डपात्र द्रहलप्युगु उपलक्षस ओहया पिण्डपात्र चह्न याना तःगुनं दिन^१ ।

पिण्डपात्र पिदिनिगु दिन

बौद्धसंस्कृति परम्पराकथं गुबन्ने सम्यक्, नराँ, पञ्जराँ आदि दानोत्सव कार्य जुई, उत्रले तिईजक शान्तपूर्वक श्रद्धालु दायकपिनि न्ह्योने च्वैवई । तथागत बुद्ध बोधिसत्व आर्यसर्वापिगु ल्हाति खने दयाच्वनि । अथेहे विभिन्न पुण्यतिथि व शुभकार्य सद्धर्मयात्रोत्सवया इले प्रदर्शनरूपे खने दयकः वई । उदाहरणार्थं क्वय् च्वयागु ज्याखँय् खने दयाच्वनि—

- | | |
|---------------------------|--|
| १) सम्यक्महादान उत्सव | ९) मतया, ओला वनीबले |
| २) नवदान नराँ उत्सव | १०) दिखा बिईबले |
| ३) पञ्जादान पञ्जराँ उत्सव | ११) क्वापाजुया ल्लाः पिन्पां थनीबने |
| ४) सद्धर्मयात्रोत्सव | १२) सहस्रावर्त पूजा (तोङ्छा पूजा)याइबले |
| ५) बहोद्यो व्वईबले | १३) पञ्जाष्टि व जूगोदय दिनस |
| ६) बदे छुय्बले | १४) विविध पुण्यतिथिसँल्हू, पुन्ही, अष्टमीस |
| ७) आजु लुईबले | १५) पिन्पा गुथि न्याइकीबले |
| ८) बाहापूजा जुइबले | १६) छत्रंरूनु आजुपिन्त पञ्जराँ फयकीबले |
| | १७) सखापा, सिःछापूजा, पञ्चायन पूजा ई. |

१— वर्तमान थुगू पिण्डपात्र श्री ५ या सरकारया मूल धुकुटी दुत बिय् धुकुगु दु ।

चतुर्थगोदय दिन-

श्रावणकृष्णत्रयोदश्यां पूर्वान्हे कृतयुगः

माघशुक्लपूर्णिमायां मध्यान्हे त्रेतायुगः ।

वैशाखशुक्लतृतीयायां सन्ध्यायां द्वापरयुगः

कार्तिकशुक्लनवम्यां अर्द्धरात्र्यां कलियुगः ।

श्वया वस्तु भेद व आकार प्रकार

त्रिरत्न बुद्ध बोधिसत्त्व व आर्यसंघपिन्त सत्कार दानप्रदान व भोजन योकेगु निमित्त श्रद्धालु दानपतिपिनि सद्धर्मचित्त उत्पत्ति जुई श्वया लिसे लिसे थःगु श्रद्धा नुसार पिण्डपात्र दय्का द्वहलपेगु अनं ज्या जुई । उबले विभिन्न किसिमया पिण्डपात्र खने दयाच्चनी । थःगु देशया संस्कृतिकथं कलाकारपिगु ल्हाया शीप अनुसारं आकार प्रकार व छांटकांट भतिभती पाय्फु तर व मेगु खं जुन । साधारणतया पिण्डपात्र सम्बन्धि अध्ययन व अनुसन्धान याय्बले निम्नलिखित वस्तुया पिण्डपात्रत खने दयाच्चनी-

१) स्फटिक- फटक

२) सुवर्ण- लुं

३) रौप्य- ओह

४) कांस- कये

५) ताम्र- सिजः

६) पितल- ली

७) धातु- धलवत

८) लौह- नं

९) मृत्तिका- चा

१०) प्रस्तर- लोहं

खनु थुपि पिनपा चिईगः जुयां छकुचाजक न्हानीगु दय्का तःगु दु । तंगः जुया छपुर् मयाक न्ह्य क दय्का तःगुनं मदुगु मखु । सायद नेपाले दकले सकले तःग्वगु पिण्डपात्र स्वयम्भू कर्मराजबिहारया शाक्यमुनिबुद्धया न्ह्याने तयातःगु लसिया सिजःया पिण्डपात्र जुईकु । थौतक्या थःगु अनुभवकथं खनागु पिण्डपात्रत मध्ये दकलेसकल बालागु निर्मल यच्चुसे च्वंगु बुढा भरेयाना जडाड याना अष्टमंगल चाह्य्कातःगु फटकिया पिण्डपात्र श्व स्वयम्भू अमिताभ तथागतया ह्लातो च्वंगु ह्लापिन्पां खः । श्व मङ्गलमय पिण्डपात्र दर्शनीय जू ।

पिण्डपात्रधारी देवदेवता

विभिन्न पात्रत मध्ये अत्युत्तम जुयां च्वंगु उपर्युक्त महत्वं जायां च्वंगु थुगु पिण्डपात्रयागु जान गुण लुमंका विभिन्न देवदेवतापिन्सतं धारणा याना वइच्चुवु

खने दु । प्रसङ्गवस उदाहरणया लागि निहा प्यह्य पिण्डपात्रधारी देवतापिगु नं
थन च्वयाच्वना—

- १) आदिबुद्ध स्वरूप धर्मधातु वागीश्वर (नामसंगीति) या ह्लाती पिण्डपात्र दु ।
- २) धर्म श्रीप्रज्ञापारमिता अन्तर्गत वज्रच्छेदिका प्रज्ञापारमिता नं धारणा
यानाच्वन ।
- ३) सध श्रीआर्यात्रलोकितेश्वर अन्तर्गत १०८ ह्य लोकेश्वर मध्ये छह्य पिण्डपात्र
लोकेश्वरया ह्लातीनं तयातःगु दु ।
- ४) सुखावतिया धर्मस्वामि श्रीअमिताभ तथागतया समाधिमुद्राया दथुस नं
तयातल ।
- ५) वर्तमान बुद्धशासनया सस्थापक शान्तिनायक शास्ता शाक्यमुनिबुद्धया
ह्लातीनं दु ।
- ६) अग्रश्रावक आर्यसंघ शालिपुत्र मौङ्गल्यायनया ह्लाती नं खनाच्वना ।

कोटःया मतलव

गुबले सम्यक्, नरां, पञ्जरां आदि दानोत्सव कार्य जुई उबले तेपामि बौद्ध
आचार्य, वज्राचार्य, शाक्याभिक्षु, ब्रह्मचर्यभिक्षु, श्रामणेरक, चेलक आदिपिन्सं पञ्जरां
फःवनी बले ज्वना वनीगु छगु किसिमया थल खः कोटः । थुगु कोटःयागु सांस्कृतिक
पृष्ठभूमिया इतिहास यल पञ्जाष्टमिया परम्परा अध्ययन व अनुसन्धान याना
स्वतधासा सिई दई । धयातःगु दु—श्रीदीपङ्कर तथागतयात ब्रह्मानं थःगु न्यागःछ्यो
मध्ये मूलगु छ्यो घेना चह्य यागु धाई । वहे घटनायागु संस्मरण कथं ब्रह्ममुण्ड-
कपालीया प्रतीकात्मक कोटःया रूप बियातःगु जुल ।

थ्वहे कोटःया विषयकया वर्षक्रिया सफूती थथे उल्लेख यानातःगु दु—

अष्टम्यां श्रावणे शुक्ले ब्रह्मशीर्षं ददत्पुरा ।

तस्माद्बौद्ध ससंघाय अन्नदानं समाचरेत् ॥

सम्यकय जुजुया स्थान

देव मनुष्य आदि सकलप्राणिपिगु हितसुख शान्ति निम्ति स्थापना जुगु बुद्ध-शासन खः । थ्वहे शासन समुन्नति व विकासया लागि सुधार उद्धार याय्गु प्रबल इच्छायांना देश देशान्तर भ्रमण यांना, विचरण यांना, चङ्क्रमण यांना बुद्धधर्म प्रचार याइपिं आर्यसंघ, जिनसंघ, बौद्धसंघ खः । थ्वहे बौद्धसंघ, आर्यसंघपिगु उचित्त सन्मान, स्वागत, पूजा, दानप्रदान, भोजन याकेगु ज्या जुयाच्चवंगु नेपाया थःगु परम्परानुसार बुद्धधर्म उद्धार संघया रूपे स्थापना जूगु थुगु सम्यक-धर्म, सम्यक दान, सम्यक्संघभोजन नाम प्रसिद्ध जुयाच्चवंगु 'सम्यक्' जुल ।

थुजागु थःगु देशयागु अनुपम संस्कृति, उत्कृष्टकलाकृति उच्चकोटी साहित्य संगीत, आदि मध्य अन्त्येसं कल्याण जुईगु विशुद्ध धर्म सम्यक्धर्म संरक्षण याय्गु राजाया परम कर्तव्य व धर्म खः ।

थ्वहे आदर्शयात अपनय यांना थुगु सम्यक्महोत्सवस प्रमुख अतिथिरूपे शोभावृद्धि निम्ति जक मजुसे परन्तु संरक्षकत्व प्रदान याय्त नेपाल प्रताप भास्कर श्री ५ महाराजाधिराज सरकारयात सम्यक्या विधिकथं दछि न्ह्यहे अग्रिम सूचना बिया, ग्वय्दांतया निमन्त्रणा याय्गु यांना वइच्चवंगु जुल । थ्वहे हार्दिक शुभ निमन्त्रणायात सहर्ष स्वीकार यासैं हरतरहन विवेकपूर्ण दृष्टितया निगाहपूर्वक सम्यक्समारोहस अनिवार्यरूपं सवारी जुया, श्रीशोभावृद्धि यांना थःगु परम्परायात भटल यांना बिया वइच्चवंगु जुल ।

थुगु सम्यक्स दीपङ्करादि सम्यक्देवतापिन्त पूजा, आर्यसंघपिन्त दान, भोजन जक द्रव्यलपा वया च्वंगु मखुकि- भौ जुजु राष्ट्रनायक नेपाल प्रतापया श्रीसूर्य, अपार पुण्यराशिया स्कन्ध, नेपाल चूडामणि, महाराजाधिराज सरकारयागु नं समुचित

कदरयाना बौद्धसंस्कृति बौद्धविश्वास अनुसारं इन्द्रकलशाभिषेक आदरपूर्वक लःह्यायुग
ज्याः जुई । थुकिया बिषय थुजागु परम्परागत अनुश्रुति दु-

ब्रैतायुगय् महाचीनं बिज्याह्य मञ्जुश्री बोधिसत्वं नेपाल उपत्यकाय् च्वंगु
कालीदहंया लख पितछ्वया मञ्जुपतन घइगु सहर दय्का घर्माकरजुजुयात शुभ-
राज्याभिषेक बियेत इन्द्रादि देवलोकपि निमन्त्रणा यागु समय् देवराज इन्द्र वया
इन्द्रकलशं कलशाभिषेक बिया मुकूटाभिषेक बियेत्यंबले उगु शुभावसरे स्वर्गं कल्की
ब्वया वया जुजुया श्रीपेजय् च्वंवःगु जुल । श्वहे परम्परानुसार नेपाल सम्राट् भी
जुजुपिनि श्रीपेजय् कल्की तय्गु याना वइच्चंगु घयाच्वन^१ । श्वहे इन्द्रकलशं श्री ५
महाराजाधिराज सरकारयात भक्तिपूर्वक अर्पणं चन्हे याय्गु थुगु प्रथानं सम्यक्या
इतिहासे थःगुहे विशेषता व गौरवपूर्णं कार्य खः । उबलेनिसें थुगु सम्यक्समारोहस
जुजुमि उपस्थित जुय्गु परम्परा चलय् जुया वयाच्चंगु जुल ।

थुलिजक मखु अज थनयागु धर्म रीतिथिति संस्कृति एवं जन भावनानुकुलजू
बिचाः याना स्वत घासानं जुजु वइपि राष्ट्रनायक एवं जननेता जक संके मसे
परन्तु परमेश्वर भट्टारक घका न्वंवाःद्यो साक्षात् इश्वररूपे विश्वासयाना माने याना
वइच्चंगु खने दु । श्वहे कारणं भी जुजुयात भीसं पञ्चपरमेश्वरया अवतार
घका मानेयाना वइच्चंगु खने दु^१—

- १) ब्रह्मा—थःगुदेश सृष्टि याईह्य, बघय् याईह्य ।
- २) बिष्णु—थःगु देश व जनतायागु विकास व उन्नतिया लागि स्थिति बन्देज
याईह्य ।
- ३) महेश्वर—थःगु देशे सुनानं अन्याय अघर्म अकीर्ति यात घासा अथवा थःगु
राष्ट्रयागु स्वतन्त्रता व सार्वभौमिक सत्तायात आघात प्रतिघात यात
घासानं अमिगु लागि मुलाईजा याईमखुह्य उजापि दुष्टमार पापी
तय्त संहार याईह्य ।
- ४) करुणामय—थःगु जनतायात थःहे काय्हाय् समानं गालन पोषण याना
रक्षा याईह्य । अकि भीसं थौतकं जुजुयात विन्तिपत्र च्वइबले 'उप्रान्त
करुणानिधान दयासागर धर्मावतार प्रभु !' घका सम्बोधन याना

वईच्वंगु जुल । अज निर्वल असहाय दुःखिपिन्त अन्याय अत्याचार
जुल धासा अन 'दया महाराज !' घका दुहाई फोनेगुनं याना वया मच्वंगु
मखु ।

५) इन्द्र-स्वर्ग भुवनया देवराज इन्द्र समानं पराक्रमि जुया आपालं सुखेश्वर्यं
वैभव सम्पन्न जुयाच्वंह्य । भी जुजु असंख्य त्यागतपस्या याना धर्मकर्म याना
ओगु अपार पुण्यराशिया समूह दइच्वह्य धर्मावतार धायका राजराजेन्द्र वीर
वीरेन्द्र सकलचक्राधीश्वर धायकाच्वंह्य परम भट्टारक महाराजाधिराज घका सकभन
स्वागतसत्कार प्राप्त जुयाच्वंह्य जुल । थ्वहे पञ्चपरमेश्वरया रुपे द्योसमानं भापा
भी जुजुयात श्री ५ सरकार घका माने याना वईच्वंगु खने दु ।

थ्वहे कारणं जुईफु लिच्छवि इलनिसें मल्ल व शाहकालतकनं भी जुजुपिगु
नांया ल्युने देव शब्द ज्वरेयाना नामाकर्णं याय्गु परम्परा काय्म जुया वया-
च्वंगु खने दु गथेकि—

लिच्छविकालया जुजुपि—जयदेव, वृषदेव, शंकर देव, धर्मदेव, मानदेव, वसन्तदेव,
शिवदेव, नरेन्द्रदेव इ०

मल्लकालया जुजुपि—राघवदेव, आनन्ददेव, शंकरदेव, गुणकामदेव, लक्ष्मी-
कामदेव, भास्करदेव, विजयकामदेव, इन्द्रदेव, जयार्जुनदेव, जयस्थितिराज मल्ल
देव, नरेन्द्रमल्लदेव, शिवसिंहमल्ल देव, कवीन्द्रप्रताप मल्ल देव, सिद्धिनरसिंह मल्ल
देव, जगत्प्रकाशमल्ल देव, जयप्रकाश मल्ल देव, तेजनरसिंह मल्ल देव, रणजित्
मल्ल देव ई०

शाहकालया जुजुपि—पृथ्वीनारायणसाह देव, प्रतापसिंहसाहदेव, रणवहादुर-
साहदेव, गोवर्णियुद्ध बिक्रमसाहदेव, राजेन्द्रविक्रम साहदेव, सुरेन्द्रविक्रम साहदेव,
त्रिलोक्य विक्रम साहदेव, पृथ्वीवीर विक्रम शाहदेव, त्रिभुवन वीर विक्रम शाहदेव,
महेन्द्र वीर बिक्रम शाहदेव, वीरेन्द्र वीर विक्रम शाहदेव ई०

थुगु किसिमं भीसं भी जुजुयात 'देवदेवानां सदा समर विजयि नाम्' घका
प्रशस्ति ब्वना स्वागतसत्कार याना वईच्वनागु जुल । खतु भीसं इलेबिले वाहा-

१- 'श्रीनरनारयण ब्रह्मशंकर त्रिरत्न रूपत्वात्'

- संस्कृतसन्देश वर्ष १ अंक ७

पूजा, मतया, ओंला वनीबले, माय्अवसं च्वनीबलेनं लायकूली थ्यंकवना जुगुयातनं
अलग पूजाभाग तया सत्कार याना वया च्वनातिनि । लिसें छुं धर्मकीति तया-
गुया संस्मरणकथं—शिलालेख, ताम्रपत्र, स्वर्णपत्र, तालपत्र, नीलपत्र, हरिताल
पत्र, आदि ग्रन्थपुष्पिका एवं पादपीठलेख व दाफा भजनया में छपुजक रचना-
यासां उकी तकनं जुजुयाप्रति श्रद्धा अभिव्यक्त याना सन्मान याना तया तःगु खने
दयाच्वनी । थ्व खः बौद्धसंस्कृतिकथं भी जुजुया प्रति बोधिसत्व तुल्य देवतुल्य
भालपा स्वागतसत्कार याना वयाच्वनं गुया ज्वलन्त उदाहरण खः ।

थुगु सम्प्रदाय महीत्सवस भी जुजुयात बौद्ध शिष्टाचार अनुसारं गुलि सन्मान
पूर्वक स्वागत जुल उलि शैव, वैष्णव, शाक्त, वैदिक, गान्धर्व, पाशपत एवं
सौर सम्प्रदायपिन्सं थथे ततःहंगु धर्मकर्म याना पूजा सत्कार यागु खने मदु
घासां अत्युक्ति जुईमखु ।


येँदेया सम्यक्गुथिया कार्यक्रम

न्हापां सम्यक् निमन्त्रणाया ग्वय्दां तय्गु विधि

सम्यक् न्यायके दछि न्ह्यव सम्यक्पालाःत श्रद्धालु दानपति कजीत सकलें मुना साम्हेगु गोपुच्छगिरीपर्वतस विराजमान जुया बिज्याह्य नेपाया धर्मराजिक श्रीस्वयम्भूमहाचैत्य धर्मधातुया अग्रस उपस्थित जुये । थुगु चैत्यया पश्चिम भागस अवस्थित सुखावतिलोक धातुया धर्मस्वामि श्रीग्रामिताभ तथागतया न्ह्यवने ग्वय्दां तय्निम्ति भिगु वांलागु तिसाबुसा मेवा मिष्टान्न मरीचरी छाया कजीत सकलें च्वना घुँघुपाय् मत च्याका स्वाँ स्वाँमाः छायालि अर्घबिया सुवर्णपिण्ड पात्र द्रह्लपे । पालाः थकालि ग्वय् भिगः दक्षिणा छमोह व पेदां देछाया किसली छगःनं भक्तिपूर्वक चन्हेयाना वज्राचार्येनं जुलसां कलश पूजा याके, उपाध्यायजुँ सम्यक् महादानया शुभप्रणिधान संकल्प याना दानपत्र (निमन्त्रणा पो) सकसिनं ताय्दय्क ब्वने । लिसें देशनरेश सकल प्रजागणपिगु सुखशान्ति हेतुं परन्तु बुद्धशासम अन्तर्द्वानि मजुय्मा घका थुगु महान् अपरिमित पुण्यकार्य द्वादश वर्षीय सम्यक्महादान गुथि शुभारम्भ यासेंली सम्पूर्ण मजूनले जुईगु ज्याखँस निर्विघ्नपूर्वक कार्य सफल जुईमा घका वसपोल श्रीस्वयम्भू धर्मधातु वागीश्वरया न्ह्योने च्वना बोधिचित्तोत्पत्ति शुभ आशिका याना वर प्रसाद पवने१—

अहो ! थ्व सर्वसत्त्वप्राणिपि कुदृष्टि लानाच्चंपि, विषम आत्मा जुयाच्चंपि थुमित सत्यगु यथार्थगु सम्यक्चर्या सम्बुद्धमार्गे तथा बिय्मा अहो ! थ्व प्राणिपि सदा सर्वकालं क्रोध उपनाहं दाह जुयाच्चंपि थुमित ज्वरा मदुगु महामैत्रि संग्रह याय्गुली तथा बिय्मा । अहो ! थ्व प्राणिपि सन्तोष मदुपिं कपिंगु घनया अभिलाषा याना च्वंपि विषमगु बृत्तिस लगेजुया जीविका जुयाच्चंपि थुमित काय वाक् चित्त

१— ब्रह्मदभूमिशिवर सूत्रया प्रमाण अनुसार



सम्यक् पञ्जराया निम्ति चव्यातःगु न्हापाया दानपत्रया नमुना

शुद्धजुईगु वृत्तिस तथा बियमा । अहो ! ध्व प्राणिपि राग, द्वेष, मोह ध्व स्वंगु
कारणे ल्युल्यु वना च्वपि नानाप्रकारया क्लेशरूपि मिया ज्वालां सदां दाहजुईका
च्वपि, थुकें छुते जुयावनेगु उपाय मालाः मसोपि, थुमित सकतां क्लेश शान्तगु
उपद्रव मदुगु निर्माणे तथा बियेमा । अहो ! थुपि प्राणिपि महामोहं ब्यंगु
अन्धकाररूपि पिलि भुना अन्धा जुया मिखां मखना च्वपि अन्धकारगु बने दुहां
वनाच्वपि प्रज्ञाज्ञानया तेज दूरेलाना च्वपि कुदृष्टियात दुर्गावने चले जुयाच्वपि
प्रज्ञाचक्षुं शोधन याना बियेमा । अहो ? ध्व प्राणिपि संसाररूपि दुर्गावन बने
थाकूगु लँय लानाच्वपि, योग यायगु समर्थ मदुपि, भरोशा बिईपि मदुपि, तधंगु
ज्वलं क्वव्वानाच्वपि, दुर्गतिस पतन जुईत सम्मुख्य लानाच्वपि, कुदृष्टि विषमगु
जाले ततुमतु क्यना महामोहं छोपे छोपे जुयाच्वपि, मखूगु असत्यगु मार्गं लानाच्वपि
लँबिलं मसियाच्वपि, नायो मदुपि, तरे जुया वनीमखूगु लँय च्वना तरे जुयावनेगु
संज्ञायानाच्वपि, नमुचिमारया पाशं चीनाह्वपि, उकिसं विषयरूपि खूं ज्वनातःपि
पुण्यरूपि नायो मदुपि, मारया आशयरूपि बने दुहां वनाच्वपि, बुद्धया आशय
दूरे लानाच्वपि थुमित थजागु संसाररूपि थाकूगु दुर्गावन तरे याना भय संताप
मदुगु शान्तगु सर्वज्ञतानगरे तथा बियेमा । अहो ! ध्व संसारे दुनाच्वपि, संसारया
धारास च्चूईकः हःपि, तृष्णारूपि नदीस लानाच्वपि, काम द्रोह चिन्ता हिंसा अपो
तर्कनास चले जुयाच्वपि, सत्कायदृष्टि रूपि सर्पराजं हिनातःपि, कामवनया भ्रमरे
लाना च्वपि, आशारागं छोपे जुयाच्वपि जि घइगु गुमानया थलय लाना नाश
जुयाच्वपि, षट्इन्द्रिय रूपी गांया भयं ग्याना चले जुइमफ्याच्वपि, पुण्यया सार्थवाह
दर्शन मलापि, नाथ मदुपि, भरकावने थाय् मखपि, शरण बनेगु थाय् मस्यूपि
थुमित महाकरुणा पुण्यया बलं थकया उपद्रव मदुगु शुभमंगलगु सकतां भयत्राश
नाश जुयाच्वंगु परम आनन्द महामोक्ष सुखशान्ति संयुक्तगु अनुत्तरगु शोभायमानगु
सर्वगुण सम्पन्नगु सर्वज्ञता रत्नद्वीपय् तथा बिय्मा घइगु मतीनं शुभप्रणिधान यासे
बोधिप्रणिधिचित्त उत्पत्ति याय् जुल । थुगुहे रूपं श्रीस्वयम्भूमहाचैत्यया प्यखेरसं
सुशोभित जुयाच्वपि पञ्चबुद्ध व पञ्चताराया थासेनं किसली छगः छगः ग्वय्
क्लिगः क्लिगः व दां प्यदां प्यदां तथा द्रह्लपे जुल ।

अथेहे श्री स्वयम्भूमगवानया धर्मपाल जुया च्वंहा नेपाया बालबालिकाया
संरक्षिका जुयाच्वंहा श्रीवज्रमहायक्षिणी हारति अजिमायातनं कलः पूजायाना
अर्घं बियालि किसली छगः, ग्वय् क्लिगः, दां प्यदां छाय् । दानपत्रनं ब्वना न्यंके ।

एवंक्रमं स्वयम्भूपर्वत्स्थाने बिज्यानाच्चर्चि गुरु श्रीमहामञ्जुश्री, श्रीवसुन्धरादेवी व लिसे सम्यक् पञ्जरांस बिज्याकेह्य श्रीभगवान् बुद्धयातनं पञ्चोपचार पूजायाना ग्वयदां किसली तये ।

हानं शान्तिपुर महासिद्ध गुहास लय्सेवा पूजा ज्वलं तया पूजा याना, अर्घबिये, ग्वय् भिगः, दांप्यदां तया, ग्वयदां तया किसली छाये । थुलि स्वयम्भूया चाकले बिज्यानाच्चर्चि देवदेवतापिन्त व थकालीयातनं ग्वयदां तय् धुसैलि सम्यक्या पालात व थकाली समेतं शान्तिपुरय् दुनेसंतुं चवना प्रसाद वितरण याना सह्यय् नके माल ।

थनंलि शान्तिपुरं क्वहांवया विजयेश्वरीमां श्रीविद्याधरी देवीयातनं पूजायाना अर्घ बिया किसली छगः, ग्वय् भिगः, दांप्यदां तया ग्वयदां तये ।

थनं सरासर लिहांवया केशचन्द्रकृत पारावत महाविहार (इतुंबाहाया) श्रीदीपङ्कर तथागत, श्रीक्वाचपालदेवता व धर्मचक्रश्री महाशान्ततारा देवीयातनं पंचोपचार पूजायाना अर्घ बिया किसली छगः, ग्वय् भिगः, दांप्यदां तया ग्वयदां तये । थुगुकथं श्रीकनकचैत्य महाविहार (जनबाहाया) श्रीआर्यावलोकितेश्वर कश्णामय यातनं साबिक बमोजिम पंचोपचार पूजा याना अर्घ बिया ग्वयदां तये । थनंलि धर्मचक्रजिर्णोद्धार महाविहार (वटु वाहाया) श्रीदीपङ्करतथागत व क्वाचपाल-देवतायातनं पंचोपचार पूजा सहित अर्घ बिया ग्वयदां तये । एवंरीतं श्रीकीर्तिपुण्य वज्रघातुचैत्य महाविहार लगंबाहाया श्रीदीपङ्करतथागत व क्वाचपालदेवतायात नं पूजा सहित अर्घबिया ग्वयदां तये जुल ।

थनंलि जम्बुद्वीपया मूलगु पुण्यभूमि देवभूमि नेपालमण्डलस वासयानाच्चर्चि समस्त नेपामितय् हृदयप्राण तथा यावत् नेपाया धर्म, संस्कृति, कला, दर्शनया संरक्षकत्व प्रदान याना बिज्याह्य सकसियां योह्य राष्ट्रनायक नेपालप्रताप मास्कर नेपालेश्वर परम भट्टारक भोजुजु श्री ५ महाराजाधिराज सरकारयात नं देवतुल्य भालपा व बोधिसत्व स्वरूपं मौसूफया श्रीचरणकमलस ध्यःचाकु संतूह्खुन्हू यथायोग्य प्रमाणं स्वागतस्त्कार पूर्वक पूजायाना अर्घ याय् माःगु जुल ।

थुगु सन्दर्भय् नारायणहिति राजदरबारस सम्यक्गुथियारपि सकलें मुना गुरु वज्राचार्य, उपाध्यायजु व्रना लिसें प्रमुखकार्यकर्ता व गण्यमान्य व्यक्ति सहित



सम्यक्पा परम्परागत विविक्तं राष्ट्रनायक श्री ५ महाराजाधिराज वीरेन्द्र
सरकारयात स्वयंदां तथा अर्घ याना चवंगु

जुया वाद्यवाजन थाका घुंघुपाय् मत च्याना भिभिगु बांबालागु फलफुल मेवा मिष्टान्न मरीचरी न्होने ब्रया पंचोपचार पूजा यांना तुतिसिका अर्घबिये, लिसें गव्यभिगः, छमोह प्यदां तथा सुविनीत भावं आदरपूर्वक ज्वना गुरुजुपिन्स मंगलाष्टक गाथा बंका जुजुया ह्लाती लःह्लाता बिये । थनलि श्रीचरणपादुका अनियाना नमस्कार याये । अजे प्रसन्नमुद्रास चवना बिज्याह्य भी जुजुया न्होने उपस्थित जुयाचवंपि राजपरिवार एवं राजपुरोहित व प्रधानमन्त्रि व मन्त्रिगण तथा गुथिसंस्थानया अध्यक्षजु आदि गण्यमान्य प्रतिष्ठित महानुभावपिनि अग्रस उपाध्यायजुं दानपत्र (पूर्वसूचना) ब्रना न्यंके । थुलि क्रिया सिधय्वं भक्तिपूर्वक अभिवादन यासें बिदावाजी जुया लिहाँ वय्गु जुल ।

थनं लिहाँ वयालि दानपतिया आगंयातनं गव्यदां तय्घुंका सम्बन्धित व्यक्तिपिन्त पाला थकालीया छयेंस थ्यंका सकसितं भोजन याके बिदावाजी बिया छवये । थुलि निमन्त्रणाया ज्या सिघल ।

वनगोश्वाराया लगत अनुसार

जङ्गल्य सि कावने

सम्यक्या ग्वयदां तय्गु कार्यविधि सिधय्वं फाल्गुण चैत्र महिनापाखे श्री ५ या सरकार बनगोश्वारा नाप सम्पर्क तयालि सम्यक्या लागि वनगोश्वारां बिया वयाच्चंगु अमिगु लगत बमोजिम आदेश कया रेञ्जर अफीसयात पत्र बुभेयाये । अले रेञ्जर अफीसरं निर्देशन व्युगु जंगले वना सिकावने जुल ।

सम्यक् निर्मित स्वयम्भू क्वसं च्वंगु भूइख्यले श्री ५ महाराजाधिराज सरकार बिज्याके निर्मित दय्कीगु मण्डप सम्यक्खटा लागि आवश्यक मुसि, बाल्चासि, निह्ला, थां आदि व थायथासे वालं चिय्तः माःगु वासि समेतं याना ६०० कु भारि सि व मेगु सम्यक् भोजन महाप्रसाद लैक्ये आदि जोर्दाम् याय्त व अन्य आवश्यक ज्याखे प्रयोग याय्त माःगु समेतं याना १८०० कु भारि सि काये जुल । थुपि व्याक्व सि थ्यनकि उपयुक्त थासे तया बाँलाक सिपें तया जायकालि उकी छोने ध्वजा छपु स्वाना व्वयकातय् । अनलि थुगु थासे बलिपा छपा बिया कलशपूजा याना नाग साघन याना तय्माल ।

थुगु सि कावनेबले जंगले सि ध्यनेतनं ह्तापालाकं मुख्यमुख्यगु सिमास ज्यूसारे याय्गु भावनाकथं पंचसूत्रकां हिना बलिछपा बिया कलशपूजा याना लुं, नंःयामु पा स्वना पूजा याये । लिसें सिमा ध्यनीह्य बोस्यया हस्तपूजा याना लुं ओह नंःया शस्त्र लःह्ताना बिये । बोस्यबं उगु हतियार ल ह्ताना काय् धुसेलि ह्तापा लाक लुं ओहया शस्त्रं सिमा ध्यने भाय्याये । अनलि नंयागु पां पालाः सिमा ध्यनका पूजा विसर्जन याना भोजन याके जुल ।

अय्ला त्यप थुय्त याय्मागु बिधि

सम्यक्या ज्याखें उखेथुखे जुइपि लैका भलि आदि ज्यामि तय्गु लागि उत्साहित याय्त प्यलाखुला न्ह्यवहे सुरिर्नकिपि च्वना सरसल्ला याना आवश्यक सामग्री ज्वरेयानालि ह्लापालाक श्रीवज्रमहायक्षणी हारती अजिमा थास वना किसली तया कलःपूजा याना थःगु ज्या निविघ्न कार्य सिद्ध जुइमा, न्ह्याक्व क्वकासां अथेंसंतुं फुना मवनेमा घइगु मती तया हारतीया थासे च्वंगु किसली लानाहया थःगु छर्चेस तया आदरपूर्वक पूजायाना ह्लिथं मत बिया तय् । थुगुहेरूपं पकनाज्वलया पोकनायक श्रीगणेशयात नं किसली छाया कलःपूजायाना वहे किसली लानाहयालि थपक सुरक्षित स्थाने तया नियमानुसारं ह्लिथं पूजा याना तये । अय्ला त्यप थुय्गु ज्या सिधय्वं अर्थात् अय्ला काय् सिधयका उगु किसली निगःनं गन गन कया हयागु खः, अन अन विधिपूर्वक लितय्गु ज्या जुई ।

सम्यक्या अन्नभखारी पूजा

सम्यक् महादान निम्ति संकल्प याना भाकल यानातःगु वा, जाकि, छो आदि शस्यसम्पदा अन्न वस्तुत व्याक्व भखारि भखारि तया बांलाक सुरक्षित यानातये । गुगू अन्न जाय्कातःगु भखारि व कूयातनं वसुधरि वसुमातृ श्रीवसुन्धरादेवी स्वरूपं ह्लिनिस्येते पूजायाना तयेमाल । ह्लिह्ल ह्लिह्ल मत बिये, छलपोल श्रीवसुन्धरादेवी नं जुलसां थुगु सम्यक्महादान निम्ति संकल्पयाना पयाना तयागु अन्नवस्तु अक्षय भण्डार स्वरूप जुया च्वनेमा लिसं बिघ्नबाधा छुं मजुइमा घका आशिका याना पूजा यानातये जुल ।

लैक्ये निम्ति लै पिगुये बिधि

सम्यक्या लागि मुख्यगु व्यञ्जनया रूपे तइगु लैक्ये दय्केत लै पिगु ज्या जुई । थ्व लै पिय्तः माःगु पाय्छि जूगु क्यबबारी त्यय्गु जुई । क्यबबारी त्यय् धुनेवं लै पिगुन्हो ह्लापालाक थुकिया संरक्षिका स्वरूपं श्रीहारतिदेवीयात कलः पूजा याना लिहाँवये । अनलि लै पिगु ज्याभःलभः व लैपुसा क्यपु स्वना लैक्यवस कलशपूजा याय् । लिसं क्यबबारी ज्या याइह्य किसानीया हस्तपूजा याना कू लःह्लाना व बूं पाय्के बिये । अथेहे क्यपु होलीह्यायागु नं हस्तपूजा याय्माःगु जुल । लै क्यबया प्यखें प्यपु व दथुस छपु समेतं ध्वज स्वाये । अनलि थ्वहे क्यवस कलशपूजा याना नागच्छत्रं कुयके, सकसितं प्रसाद बिया

भोजन याके । छुं दिन लिपा लेक्यव बिचा यावने, घांय पुयके विये, साः होले
लः थनक्ये बियेगु आदि ज्या जुई ।

सम्बन्धित कार्यकारणीपिन्त लैका चियगु ज्या

सम्यक्या छ्याञ्जेपिगु सहानुसारं ईब्यो बिचाः याना निम्नलिखित काय-
कारणीपिन्त सःता आदरपूर्वक पाहुनायाना लैका चियगु ज्या जुई । थुगु महान्
शुभकायस सकलें मिलेचले जुया एकता, सहयोग, सहानुभूति प्रकटयासं फुल्लफुल्ल
घन्दा कया अधिकार व कर्तव्य सम्भे जुया श्रमदान बियमाल घका इनाप याये ।
सम्यक्व्यवस्था उपकमिटि गठन याय् । लिसें सकसिनं थःथापिन्त ब्यगु अभिभारयात
कर्तव्य भालपा शुद्धचित्त ज्यायाना बिये ।

सम्यक्व्यवस्था उपकमिटिया पदाधिकारीपिगु नां व ज्या थये जुल—

१) गुरुवज्जाचार्य—

सम्यक्यात माःगु सरमामग्रीया घलः एवं सम्यक् पूजा विधि सफूत न्ह्यव्यगु
व मूलाचार्य जुया पूजा याना बियेगु ।

२) उपाध्यायजु—

मूलाचार्य गुरु वज्जाचार्यजुयात आवश्यक ज्याखे सहयोग प्रदान याय्गु व
जुजुया न्होने महादान संकल्प वाक्य ब्वना बियेगु, लिसें सम्यक्या दान
गाथा शुभारम्भ याना बियेगु ।

३) कजि दानपति—

सम्यक्यात माकव घनद्रव्य खर्चहना आवश्यकीय सामग्री न्होने तालाका बिइगु
व लिसें कार्यकारणी सम्बन्ध ज्याखे उदारचित्त शान्तचित्त शान्तदान्त पूर्वक
न्होने उपस्थित जुइगु ।

४) छ्याञ्जे—

छ्याञ्जे (कजिया क्वथामचा) दानपति कजिनं जक न्ह्यागु ज्याखेनं दृष्टि
पुरेयाय् मफेइगु जुया निम्ति थ्वया विश्वस्तह्य भाइनायो छ्याञ्जे नियुक्त
याइगु जुल । थुमिसं कजिया सदिक्छानुसारं माथाय् माःगुकथं थःगुहे
ज्या भापाः सेवा प्रस्तुत याई । उलिहे घन्दा कया लिमलाका जुई ।

५) कतांगुलि—

कतांगुलि (कल्याणगोत्र) थुमिसनं छ्याञ्जेनं घागु ज्याखे विशेष शुभचिन्तक
जुया सहयोग पुरे याय्गुलि तत्पर जुयाचबनिपि जुइ । घाय्कि कतांगुलिथुं

न्याथाय गुल्ल तुलावना थमं अह्नेपह्ण यानागुलि नहिनमस्ति घाई मखु;

जिउ हवस् घया तत्पर जुया चवनी ।

६) भलि (भण्डारपाखे लिईह्ण)-

भण्डारक्वथा, भलिक्वथां पित बियमाःगु सम्पूर्णं सामग्रीया हेरबिचार याना
दुका पिका ज्यायाना च्वनिपि जुइ । अकि थःह्य ह्यायमचा लःह्लाना तथाह्य
जिचा भाजु, निनिपाजु, जिचापाजुपिन्त भलिक्वथा सोकेगु याना वईच्वंगु
खने दु ।

७) लैका (लैयैका जुईह्ण)-

थुगु ज्याखे न्याक्व लैयै इधुथिधु जुइमासां अलासि व दिक्क तोता थाकु
मचासे भलि जुइपि जुई ।

८) सुरिनकि (अय्ला थ्वैया भण्डारी)-

गथे भलिक्वथाय मिजैतयसं जिम्मा कया ज्या याना चवनी, अथेहे सुलिक्वथास
सुरिनकि घका मिसातयसं जिम्मा कया अय्ला, थ्वैयागु व्यवस्था याना
बियाच्वनिपि जुई । ज्याखे दुखःसिया जूषिन्त उत्साह प्रेरणा बिईत मोहिनी
स्वरूपी मिसातयत जक सुरसुरा सुन्दरीयागु अधिकार बियातःगु जुल ।
अकि मिसातयत सुरिनकि घयातःगु जुई । वासःया रूपे ठिकमात्राय सेवन
यात घासा सुरापान अमृतसमान जुई, मात्रा अपो जुल घासा असुरापान
जुया देत्यराक्षस थें बुद्धिभ्रष्ट जुइ, हारां जुई, परस्परे त्वापुख्यापु जुइ । यानागु
ज्या भ्रष्ट जुया विषपान तुल्य जुइ ।

९) नके चितिया (नके त्वंके बिचाः याईपि)-

भवय नकेतः थाय्या व्यवस्था, भलि जुइपि लैका तयगु प्रबन्ध एवं तजिलजि
मिलेजू, मजू व भवयात ज्वरे यानातःमु, तालाकातःगु वस्तु गाःमगा हेरबिचार
याइपि जुई ।

१०) दसुजाया जिम्मा काइपि-

थुगु ज्याखे गन गुथाय छु छु बसाबिसा आवश्यक जुल छयलेमाल घासा
उगु ई स्वया न्यावहे थःगु जिम्मास सुरक्षित याना तथातई । घागु ईले
ठिक याना तय धुकि ।

११) राजसिंहासनया जिम्मा—

सम्यक्य जुजु विज्याकेत माःगु हनुमान धोका लायकूली बहुमूल्य शाखा अफीसे वना कया हया तःगु सुवर्गमय राजसिंहासन आदरपूर्वक बांलाक हेरबिचायाना सुरक्षित याना तईहा जुई । सम्यक्या ज्या सिधेवं कन्हे खुन्हूहे बुक्के याय् यंकी ।

१०) लप्ते लाय्या जिम्मा—

सम्यक्या भोजन यायन्हो आर्यसंघपिगु भो लिना असंया तुलाघर गोष्ठिपिन्सं लप्ते लाय्के जुल । थुकिया लागि दुसा ज्योनालपत्ते तये, अथेनं मदुसा पलेस्वां लपते, थ्वनं अभाव जूसा क्येरालपते अथवा घुसिलपते जूसां ज्या काये ज्यू ।

१३) पाल्चा (सलिचा) या जिम्मा—

सम्यक् भोजन निम्ति लपतेपाः लिसें लिना दुरू व साखःति लुय्तः पाल्चा अथवा सलिचा ब्वयायने थ्व सलिचा तइपि नं सम्यक्या थिति अनुसार ज्याठाया कुह्यातय्सं तःवईगु जुल ।

१४) महाप्रसाद भोजनया जिम्मा—

सम्यक्या निमन्त्रणा कथं उपस्थित आर्यसंघ, भिक्षुसंघ, शाक्य, वज्राचार्यपि भो छुईवं लपते लिसें महाप्रसाद भोजन तायकेगु व भोलिना तयके वछ्छकेगु एवं तंजिलजि मिलेजू मजू बिचाः याय्गु ज्या जुई । थुकिया अधिकार सम्यक्या बन्देज कथं इतया तुलाघर गोष्ठिपि जुल ।

१५) लैक्येया जिम्मा—

सम्यक्स महाप्रसाद भोजन तय्केगु ज्या जुई । थ्व लैक्येया जिम्मा जक इतुंबाहाया शाक्यजुपि जुल ।

१६) भिनिताजिया क्येताया जिम्मा—

सम्यक् भोजन निम्ति लैक्ये तय् धुनेवं परिकारया रूपे भिनिता जिनिसया क्येता तइपिगुनं छगू समोहवं जिम्मा काइ । थ्व जिम्मा काइपि सम्यक्या परम्पराकथं केलत्वाया कंसाकार गोष्ठि जुल । उगु भिनिताजि क्येताया नाम

थथे बियातःगु जुल—

- १) पालु . २) हाकुमुस्या ३) भुति ४) कःसू ५) पःमाय्
६) मूः ७) माय् ८) कलंचा (छगु प्रकारया वाउँचा)
९) अमालि पाउँ १०) खा ११) छोंसुखू १२) लैक्ये

१७) मरीचरीया जिम्मा—

महाप्रसाद भोजन लिसें लैक्ये तय्धुंका ध्वया ल्युल्यु बोधिबृक्षहल मरी,
सुवर्णमरी (सूमरी) व लाधिलदु मरी तय्के छ्वेगु, थुकिया जिम्मा मधिकःमित
जुल । थुमिसं घ्यःसाखः नं तय्मागु जुल ।

१८) दुरु, साखःतिया जिम्मा—

मरीचरी तय्धुंका बलप्रदान निम्ति दुरु, स्वास्थ्यहितकरया लागि भैषज्यपान
शर्वतया रूपे सुं, पिपी, मले, सुकुमेल, यला ल्वाक छ्यानागु साखःति तईपिगुनं
व्यवस्था जुई ।

१९) स्थापित शिल्पकारया जिम्मा—

सम्यक्या लागि विशेष मञ्च दय्केत जुजुखट तयार याय्त सिज्या
सम्बन्धि जिम्मा काइहा जुई ।

२०) दैकमिया जिम्मा—

सम्यक्या खट व कलश आसन एवं जअशाला व भुत् आदि दनेमु ज्याया
जिम्मा काइहा जुई ।

२१) श्रृङ्गारपतारया जिम्मा—

जुजु बिज्याकेगु विशेष मञ्च तयार याय्त श्रृङ्गारपतार यानां सम्यक्खट
छाय्पे निम्ति व्छालिया विभिन्न किसिमया माङ्गलिक चिन्ह बौद्ध सांस्कृतिक
शुभचिन्ह आदि चमत्कारपूर्ण कलाकृति दय्का सजे याय्गु छाय्पिगु ज्या
थँहित्तिवाया मानन्धर समाजं याई । अथेहे ध्वज, पताक, तानवितान व
इलां पौभा आदि ब्वयेकेगु व लिसे थाय् थासे पट्टा व जर्जरि हिनेगु ज्यानं
स्वयं सेवक पासापिन्सं जिम्मा काईगु जुई ।

२२) चाचिच्चयगु (चित्रकारि) या जिम्मा—

सम्यक्या ज्याखें चवया वयाचवंगु परम्परानुसार दिगपवाः घकिंकापः नागकुलि, जज्ञशाला, भूत व अले मेगु दानपतिया छ्येया लुखाफुसे पञ्चबुद्ध, अष्टमंगल, द्वारकलश, दृष्टि एवं इयाया कपेकपने विविध बौद्धदेवता व जातककथा, बुद्धजीवनी आदि चित्रण यायगु जिम्मा काईह्य जुई ।

२३) वालं चियगु ज्याया जिम्मा—

सम्यक्स जुजु सवारी निम्ति स्वागतद्वारा घोका दय्केतः उखें थुखें स्वागत् सम्बन्धि भिलिमिलि श्रृङ्गार पतार याय्यात गाःगि ह्युया पेपि स्वायगु, वालं चियगु, पाल टांगे यायगु आदि ज्या याय्यात पिप्पागोश्वाराया ज्यामित वया जिम्मा काई । अथे हे हनुमान घोका फरासखानाया ज्यामित वयानं आवश्यक सामग्रीत हया हारगुहार याना श्रृङ्गारपतारया ज्यास सक्रियरूपे जिम्मा काई ।

२४) कु कुबियेत भरियाया जिम्मा—

सम्यक्स उपास्थित आर्यसंघ भिक्षुसंघपिन्त पञ्जरां बिईगु इले बाह्रौं छुयगु, तोपः वनेगु आदि यात खमू चःखमू कुबिया बिय्त सम्यक्या ह्यय्त वया जिम्मा काईगु जुल ।

मरीचरी छुयके विधि

सम्यके दान बिय्तः बिभिन्न प्रकारया मरीचरी छुय निम्ति छ्याञ्जेपिगु सल्लहानुसार ईज्यो स्वया मरी छुकेगु ज्या जुई । थुगु ज्याया लागि विश्वकर्मा पूजा याय्त विश्वकर्मा घकिं सहित याना मरीकःमिया ज्याभलभः स्वने लिसें छोचुं पिचा, चिकं, मरीमस्ला समेत स्वनालि कलश पूजा याये । कलश पूजा सिधेवं मरीकःमिया हस्तपूजा याना ज्याभलभः लःल्लहाना बिय् । भुतुली मि च्याका सर्वप्रथम बोधिवृक्ष हलमरी छुके, अनंलि सुवर्णचूर्ण तया छोचुं न्हाय्का सुवर्णमरी (सूमरो) छुके ध्वयां ल्यु लाल्लहलदु मरी छुके घुनेवं प्रसाद बिया भोजन याके जुल ।

ने. सं. १०१६ सालया सम्यक्या घलपौ अनुसारं लाल्लहलदु मरी छुयेत निम्न-प्रकारया सामग्री ज्वरे याना तःगु खँ उल्लेख यानातल ।



सम्यक् जुजु विराजमान् जुङ्ग सुवर्णमय भव्य सिंहासन

चिकमुरी १०, सूंचु घानि १, इमुचुं पाथि १०, हलः अम्बचुं तोला १०, छोचुं पाथि ५००, साखः माक्व तये जुल ।

जुजुया खट ग्वय् ज्या

सम्यक् न्याय्किगु छुं दिन न्ह्यो सम्यक्मण्डप निर्माणया लागि छ्याञ्जेत वना भुइइयले थाय् ल्यय्गु ज्या जुई । थाय् ल्यये धुनेवं सम्यक्मण्डप निम्ति आवश्यक सामग्री सि, पं, खिपः, नकि व पोल चिनेत व्छालि आदियागु व्यवस्था मिले याना बिये । लिसें थुगु मण्डप दय्केत माःगु ज्याभलभः न्ह्योने तये । थुलि जुसेली ज्याभलभः स्वना कलश पूजा याना स्थापितया हस्तपूजा याना ज्याभः लः ल्हाना बिये । लिसें ज्यामयात गल् लःल्हाना गाह्माइका थां स्वाचके, अनंलि प्रसाद बिया भोजन याके । थनंलि न्हिथं सम्यक्मण्डप दय्केगु ज्या यानावं यंके जुल ।

सम्यक्मण्डपयागु माज्या सिधेवं थुगु मण्डपस राष्ट्रनायक श्री ५ महाराजा-धिराज बिज्याकेतु ल्वय्क शोभायमान जुईक भल्डर किङ्किनीजाल तथा गजू छुनालि थाय्थासे अष्टमांगलिक, चन्द्रसूर्य अङ्कित याना छत्र ध्वज पताक व्वय्का तये । लिसें छ्वालिवागु अनेक चमत्कार पूरा बुट्टाज्या भरेयाना स्वयम्भूमहाचेत्य, बुद्ध बोधिसत्व व हरिञ्चेत्य, हारिञ्चक्र, पूर्णकलश, बज्रघण्ट आदियागु भावुक शुभचिन्ह याके सुसज्जित याना तईगु जुल । लिसें फरासखानाया ज्यामित वया राजकीय सन्मानकथं सजे याय्माःगु सरसामग्रि ज्वना थुगु सम्यक् मण्डप छायापा व्यूवई । उकिसं सम्यक्या कार्यकर्तात वयानं थुगु मण्डपया उखेंथुखें दानपारमिताया महिमां जायांच्वंगु बोधिसत्वया जातक कथा एवं बुद्धजीवनी सम्बन्धि तथा तन्त्रवज्रयानी देवदेवता आदियागु बाँबांलागु पौवाहा, तसबीर व्वया भूभः धाय्का उकिसं स्वागतप्रतीक क्यरामा, तृणध्वज पंमा, पूर्णघट, स्वांगमला तथा छायापा शोभाबृद्धि याना तईगु जुल । थुगुकथं सम्यक्मण्डप जुजुया खःजला तयार जुय्वं सम्यक् छन्हु न्ह्यवः सिंह शार्दुल ऐरावत व्वसल आदि नागकन्याषि सहितगु भिछ्हा नागराजं कुय्का छत्र तयातःगु भव्यगु सुवर्णमय सिंहासन हनुमान घोकां बियाहई । थुगु सुवर्णसिंहासन हया सम्यक्मण्डपया ठिकथासे तया सजे याय् धुसेलि थुगु शोभालङ्कार विचित्रसारध्वज विमान खटया प्राणप्रतिष्ठा जूगुथें जुया श्रीशोभाबृद्धि जुया च्वनीगु जुल ।

श्री स्वयम्भू व इन्द्रकलश, पूर्णकलश स्वने आसनफः दय्के

सम्यक्या ज्याभोकथं श्री स्वयम्भूभगवान बिज्याके त व जुगु सम्यक्महादान गुथिया प्रमुख अतिथि जक मजूसे संरक्षक स्वरूपं अभिभावक जुया बिज्याईह्य भी जुजुयात महामंगलया दिव्यप्रतीककथं लःल्लाना बिइगु इन्द्रकलश व मेगु थुगु बौद्धसम्मेलन सम्यक्समारोहया सम्पूर्णं ज्याखँ सुसम्पन्न जूगु महोत्सव साङ्गी जूगु महान् उपलस दानपति कजियात आयु आरोग्य सुखसम्पत्ति सौभाग्यसिद्धि प्राप्त जुइमा घका लःल्लाना बिइगु थुगु पूर्णकलशयातनं विशेषस्थान प्रदान यानातःगु आसनफःचा विधिये दय्केमागु जुल । लिसें थुगु अपरिमित पुण्यकार्य सम्यक् न्यायकागु नेपाया बुद्धशासने दकले सकले तःजिगु तत्सकं महत्वपूर्णंगु नेपाया सांस्कृतिक जगते ज्वरा मदुगु महान् शुभकार्य सम्यक् न्यायकागु द्वारा देश नरेश व जनताया शान्तिस्वस्तिया अर्थे जज्ञहोम याय्गु यज्ञशालानं दय्केमागु जुल । अथेहे सम्यक्महादानस उपस्थित जुइपि आर्यसंघ शाक्याभिक्षु, ब्रह्मचर्याभिक्षु, श्रामणरक व चैलक आदिपिन्त भोजन याकेत भोजन थुईगु व लैक्ये खुनेगु निमित्तनं थुगु थास उचितप्रमाणं भुतू दय्केमाल । थ्व भुतू दय्केबलेनं निप्वा निप्वा अलग याना च्याप्वा व मेगु छप्वा अलगयाना जम्मा गुप्वा भुतू, दय्के अथवा स्थान अभाव जूसा न्ह्यप्वाजक दय्कूसां ज्यू । थुगु भुतूली सख्या घोटय् याना बल्लाक दय्का चित्रकारि अग्नि देवता च्वके जुल ।

लैक्ये तय्त बलचा ग्वये

छयाञ्जेपिगु सल्लाकथं अनुकूल मिले जूगु थासे लैक्ये तयतःनं पाय्छि जुइक महाप्रसादया लिकालकसं बलेचा छगू बांलाक दय्के बिये ।

न्हेन्हुन्हो यचि कायेगु विधि

नेपामि बौद्धतय् न्ह्यागुनं ततःहंगु धार्मिक महोत्सव कार्य जुईबले अन्तराय भय निवारणार्थं धर्मपाल स्वरूपं संरक्षक देवता आवाहन याना यचि काय्गु चलन दु । थ्वहे परम्पराकथं सम्यक् निमित्तनं यचिद्यो सालेगु आवाहन याय्गु ज्या जुई । थुगु शुभकार्यस निम्नलिखित द्योपि सालाह्ये । थुमितः पञ्चोचारपूजा गुलिसितं कलःपूजा जुई । लिसें सकसितं किसली छगः छगः नं छायामा । पूजा सिधेका वहे किसली स्वां लाना हया शुद्धगु थासे सुरक्षित पूर्वक तया न्हिथ पूजायाना

मत बिया तय् । उगु किसली लानाह्यबले ल्वाकबक मजुईक हिलाबुला मजुयकेतः गुह्यगुह्य द्यो सालागु खः, उह्य उह्य द्योयागु नाँ चवया शुद्धगु नीगु कापतय् पोचिना ह्ये ।

- १) श्री स्वयम्भू धर्मधातु
- २) श्री वज्रमहायक्षणी हारती
- ३) श्री विद्याधरी विजयेश्वरी
- ४) श्री नैरात्मादेवी गुह्येश्वरी
- ५) श्री यागाम्बर कुलदेवता
- ६) श्री स्थान गणेश
- ७) अश्वेबुँ शोकबाहाया नागराज

नुचियेके खुन्हुया ज्या

सम्यक् न्ह्यरुखुन्हुया सम्यक् महादानया मुख्य मुख्यगु ज्यास नियुक्त जुइपि प्रमुख कार्यकर्तात नुचियेकेगु ज्या जुई । नुचियेके निर्मित नउत सःता संःखाय्का ला लुसि ध्यना, मोल्हुया शुचिनीचि वस्त्रं पुना, जाःभ्याहे मयासे चवनेमाल । थुगु ज्याय् खास् व्रतिकाइपि निम्न कार्यकर्तात जुल—

- १) मूलाचार्य गुरुवज्राचार्य
- २) उपाध्या पण्डित वाचक
- ३) पालाया थकालिजुपि
- ४) स्वह्य चीवरधारि मस्तेत नं
- ५) महाप्रसाद 'जा' थुइपि कओ थकालि छह्यछहानं
- ६) लँक्ये खुनीपि
- ७) दानपति कजि
- ८) दानज्वलं कुबिया बिइपि भरियातनं

नुचियेके विधि सिधेवं सकसितनं भोजन याके जुल ।

सम्यक् ख्यले भूमि शोधन विधि

सम्यक् ख्यलस आमन्त्रित सम्यक्देवता दीपङ्कर, बुद्धबोधिसत्त्व, आर्यतारा, लोकेश्वर व अन्य देवदेवी एवं आर्यसंघ, बौद्धसंघ, भिक्षु, आचार्य आदि व राजा

महाराज समेत उपस्थित जुईगु अन्तर राष्ट्रिय बौद्धजगतय् दुर्लभगु नेपामि बौद्ध-
तय्गु महान् गौरवपूर्ण महत्वं जायाच्वंगु प्राचीनकालनिसें थौतकं चले जुया
वयाच्वंगु संसारे निगुमडुगु अनुपम महान् धार्मिक कार्यं सम्यक्समारोह जुईगु थुगु
भूमिख्यल (भुईखेल) शोधन याय्गु ज्या जुई । थुगु थासे यदि फोहर मैला गन्दा
जुयाच्वंगु दुसा हतेयायेगु लिसे बाँलाक माथवंका समथल भूमियाना यैपुसे पिचुसे
सुचुसे च्वंक रमणीय स्थल याये । लिसे शास्त्रोक्त विधिथे थाय्थासे दिग्पताक
स्वाना मन्त्रध्वज पताक व्वय्का सम्यक्विजयपताक योसि स्वाना तानवितान
भल्डर व इलांप्यना शोभायमान याये । नापं यक्षराक्षस भूतप्रेत आदियाकं दुःख
व्यूमवय्केतः इमिगु आत्म सन्तोष निम्ति बलिपा छपा बिये । लिसे भूमिख्यलसतु
कलशपूजा याना पुखुली नागसाधन याये नागच्छत्र तये नागधूप थने जुल ।

सम्यक्या घलपौ अनुसार नागधूपया नाँ थथे बियातल—

श्रीखण्ड, रक्तचन्दन, सुकुमेल, जिफो, सिल्ला, अगुर, केसर, तासिरसपत्र,
रूपकेसर थुपि व्याक्व. स्वंगु स्वंगु मंस समान भागतया दयके घया तल ।

सम्यक् प्यन्ह्यो नीतें पूजा बनेया विधि

सम्यक् समारोहया ज्याखँ न्होने थ्यसेलि परम्पराकथं निम्नलिखित थासे
निमन्त्रणा पूजा बने जुल—

१. गोपुच्छगिरि पर्वत्स विराजित श्रीस्वयम्भू भगवान्या थास विधिवत् कलशपूजा
याना अर्घबिया उपाध्याजुं निमन्त्रणापत्र ताम्रपत्र ब्वनालि आगंछ्येया
निनालस ताये । थुलिक्रिया सिधयेवं स्वयम्भूया द्योपाला, थकालो बुद्धाचार्यजु-
पन्त अनुरोध याय्कि—सम्यक् समारोह इललाक पायछि समये न्ह्यथ्याक
द्यो क्वहाँ बिज्याकेत द्योया तिसा वसः व जात्रोत्सवया शोभालङ्कार सामग्नि
थिकथाक याना बिज्याहुँ धका इनाप याये ।
२. श्रीस्वयम्भू भगवान्या धर्मपाल श्रीहारतीदेवीया थासेनं कलः पूजायाना
अर्घबियालि निमन्त्रणापत्र देछाये ।
३. शान्तिपुर महासिद्ध गुहास लय्सेवा ज्वलं पूजा याये ।
४. सम्यक् पञ्जरां खुन्हू क्वहाँ बिज्याकेह्य स्वयम्भू भगवान्यात पञ्चोपचार पूजा
याये ।

५. गुरु महामञ्जुश्रीयात नं पञ्चोपचार पूजा याये ।
६. वसुपुरया श्रीवसुन्धरा देवीयात नं पञ्चोपचार पूजा याये ।
७. अथेहे वायुपुर, अग्निपुर, नागपुर, पवन भैरव, योगाम्बर आदि थासे नं पूजा याये ।
८. अनंलि क्वहाँवया नीलपर्वत विलासले बिज्याना च्वंहा विज्येश्वरी श्रीविद्या घरी देवीयात कलः पूजा याये ।
९. थुगुहे किसिम नारायणहिति राजदरबारस वना राष्ट्रनायक श्री ५ महाराजा-धिराज सरकारया हजुरीसं वना विधित्थे न्हापाय्सेस्तु स्वागत् सत्कारयाना अर्घ बिया निमन्त्रणा ब्वनालि चह्ने याय् जुल । शिष्टाचार पूर्वक अभिवादन-यासे बिदा कया लिहाँ वये ।

चित्रकारि चाँचि च्वके

सम्यक्या ज्याखें विभिन्न देवदेवता उपस्थित याकेगु प्रमाणकथं थाय्थासे शुचिनीचि याना चित्रकारि पुंतय्सं छो च्वके बिये—

- १) अन्नवस्तु जायके थासे श्रीलक्ष्मी वसुन्धरादेवी च्वके ।
- २) छ्याञ्जेपि च्वनीगु भलिक्वथा भण्डारे जम्बल जलेन्द्र वैश्रवण कुवेर च्वके ।
- ३) सुलिनकिजुपि च्वनीगु सुलिक्वथास प्वकनाय् छो व नागराजपि च्वके ।
- ४) भुतुलोजक अग्निदेवता च्वके ।
- ५) स्वयम्भू भगवान व इन्द्रकलश, पूर्णकलश दिकेगु फःचास क्रमशः विश्व-वज्र, सिंहासन व मण्डल च्वके ।
- ६) मरीचरी तय्थास विश्वकर्मा च्वके ।
- ७) सम्यक्या दानपति कजियागु निवासस्थान छ्यें जक द्वारमूल लुखास पञ्चकुलया अधिपति पञ्चबुद्ध अथवा पञ्चरक्षादेवी लिसें अष्टमंगल, हेमदण्ड, चन्द्रसूर्य व लुखाया जः खः द्वाल्या कलश, सुदृष्टि मिखाकैके । एवंक्रमं अंगया कपेकपने वसुन्धरा, वज्रविदारणी, गणपति, उष्णीष-विजया, पर्णशवरी, मारिची, ग्रहमातृका एवं जोगनी, चतुर्महाराज च्वके, लिसें छ्येंया कार्गोस फुसे छ्वाखेल बोधिसत्त्वपिगु आत्मजीवनी महा-करुणाया प्रतीक त्यागमय जीवन दानपारमिताया महत्व क्यनीगु जातक च्वकेगु चलन दु । थथे न्हापायापि दानपतिपिन्सं च्वकावंगु अवशेष थौतक थाय्थासे भीसं खनाच्वनागु दु ।

थःथःगु बिहारं सम्यक् देवता यंकेगु तत्परता

सम्यक्या परम्पराकथं गन गुगु बिहारस सम्यक्या निमन्त्रणा वन, अन उगु बिहार व अन्य सम्यक्या द्यो थुवातय्सनं थःथःगु सम्यक्देवता दीपङ्करयात वसः तिसां छाय्पिकुगु निम्ति आवश्यक व्यवस्था याना तयार याय् माल । सम्यक्द्योयात छाय्पेगु ज्यासिधेवं छत्रध्वज पताक चामर सहितयाना शंखघण्ट व वाद्यवादन थान सक्कक्कव स्तोत्र ब्वना दीपङ्कर जात्रा याना सम्यक् न्ह्यरू खुन्हू लाय्कुलिस उपस्थित याये । मर्यादाक्रम अनुसारं च्छि अनंसतु तया कन्हेखुन्हू सुथन्ह्यापां प्रस्थान याना सम्यक्खेलस जात्रा याना यने जुल ।

महाप्रसादजा थुय्के विधि

सम्यक्स उपस्थित जुडिपि नेवामि बौद्धसंव शाक्य, बज्राचार्य, भ्रामणोर, चैलक एवं ब्रह्मचार्यभिक्षु आदिपिन्त भाजन निम्ति विधिवत् महाप्रसाद तयार याई । वहे महाप्रसाद सम्यक्या जा थुईत बिश्वकर्मा धर्कि पातछि, जाकेपिचा डापिचा, सिया चतंपु डापु स्वनालि कलश पूजा याये । बलिपा छपा बिया भुतुली मि च्याके धुंका सम्यक्पाला थकालिपिन्त पंचगव्य बिया हस्तशोधन याय् । अले जाकिपिचा लःह्लाना भुतुया द्योने खाले (जःसि) द्यछुय्के बिये । थुलि धुंका यथाश्रद्ध थें ध्यः चाकु तया कौला याके जुल ।

लैक्ये खुनेके विधि

थुगु लैक्ये खूनेतःनं महारसाद जाथुय्थेंसंतु लैपिचा, धाला सहितयासे कलः ग्वलछि, किसली तया द्यो साला ह्ये । लिसें विश्वकर्मा धर्किपेना, कचिगु लै पिचा न्ह्यगः सिया चतं न्ह्यपु व लैक्ये खुनेगु मसला सकतां न्ह्याने तया स्वनालि कलश पूजा याय् । कलश पूजा सिधेवं पालाकपिनि थजिकथं मर्यादाक्रम कथं लैपिचा लःह्लाना भुतुली द्यछुना तयागु खासि (जःसि)स लै प्वके बिये जुल । थुलि सिधेवं सम्बन्धित कार्यकारणीपिन्त भोजन याके ।

साखःति दय्के विधि

सम्यक्संघ भोजन निम्ति साखःति शर्करापान दय्केतः सम्यक्या विधिकथं दयेके जुल । थुकिया लागि थलबल खासि जः, अंपचा माक्क न्ह्यव्वये । नापं सूँचुं, मलेचुं व यला, सुकुमेल भाग मिलेयाना साखःति तयार याये । लिसें पाल्चास साखति लुयके जुल ।

भुजाया नागराजया मूर्ति दय्के

सम्यक्स भुजाया नागराजया मूर्ति दय्के निम्ति गपायधिकहा नागराज दय्केगुखः, अपाय्धं याना बलेचा ग्वय्के । लिसें उगुथासे शुचिनीचि याना पुलु लाय्के । अले थुगु पुलुया द्योने महाप्रसाद भोजन भुजा पोके बियालि कुशल कलाकारं भुजाया नागराज दय्के बिये जुल । भुजाया नागराजया ह्यधु तयार जुसेलि उकी दृष्टिदान व चःमे तय्गु शिरोभागय् कर्किया रूपे वह्या पूर्णकलश तथा सजे याना तय् । श्वया ल्यु नागछत्रं कुय्का सुशोभित याय् धुंका कलशपूजा याना जीवन्त्यास बिये । थुगु सम्यक्स भुजा महाप्रसाद यथेष्ट परिपूर्ण जुयेमा निर्विघ्नकार्य सिद्ध जुईमा धका किंगः तना अधिष्ठान याना तय् जुल । मानु थुहा नागराज स्वया चवचवं जीवित अवस्थायाहा नागराजथें गम्भीररूप प्रदर्शित जुयाचवना ।

श्रीस्वयम्भू भगवान् क्वहाँ बिज्याके विधि

सम्यक् न्हारुखुन्हू भूखेलस श्रीस्वयम्भू भगवान् क्वहाँ बिज्याकेत सम्यक् पालातय्सं पंचोपचार पंचोपहार पूजा व्छय् माल । श्वया लिसें पिण्डपात्र जात्रा याय्गु तग्वगु गुल्पा पिण्डपात्र थनेतः भिगु बालागु चुबूगु जाकि भिमनातिनं बिया छ्वये । अथेहे आसंखडि कापः ग्वयका व दशपत्र छमोह व प्यदां तथा छत्र ध्वज पताक व्वयका धुं धुपाय च्याना कजिया देवता सहित यासे वाद्यवादन थाना हर्ष उल्लास पूर्वक स्वयम्भूम लंसोवने जुल । अनथ्यंका सम्यक् पालाः थकार्लि विधिवत् पूजा याये । पूजा याये धुनेवं द्योयाहाते, ठेकदार, विशेषत बयालि प्रभा आसन खट श्री स्वयम्भूया न्होने तये । अले स्यंगुंया थाकुलिनं स्वयम्भूया न्होने तये । अले स्यंगुंया थाकुलिनं स्वयम्भूभगवान् बुया यना खटस बिज्याका स्तोत्रगीत ब्वना श्रीस्वयम्भू-महाचैत्य त्रिप्रदक्षिणा स्वकःतक चाहुयके श्वयालिसें थासंद्यो स्वयम्भूचैत्य व मञ्जु-श्रीया पादुका सहित खटसतया यंके थनंलि देव बिचायाय्त स्यंगुंया थाकुलि, भण्डार-पाला व स्यंगुमि निहा द्यो ल्युल्यु वने । श्वया लिसेलिसे स्वयम्भूया घाःबाजं, दाफा, पंचताल समेतं थाना हर्षोल्लास पूर्वक स्वागतयासे द्यो क्वहाँ बिज्याके जुल । श्वस-पोल श्रीस्वयम्भू भगवान् वज्रघातुया न्होने च्वंगु त्वाथलं क्वतयना विद्यासया लपुं जुकायके । थुथास श्री विद्याधरी देवी नं खटस बिज्याका यने । विद्याःसया ल्युने पाखें भरासर तपिला जुका तामासिपाकोनं ह्य्का क्यवचा लपुं यंका चिभायाथास मण्डलस दिके । थुगु मण्डलया लिकसं डतपिथ्या घइगु धोकां दुने पोतासं स्वस्तिक आदि मंगलचिन्ह च्वका माला लाया जवं खवं

द्वाल्या कलश तथा मत च्याका न्याह्य आचार्य व न्याह्य कुमारीपि चवना सिफें लुना घउसगं बिया बज्रताःचां थिईका विधिवत् लसकुस याना नगरप्रवेश याना घो दुहां बिज्याके जुल । थनहे कजिया सम्यक्देवता ह्या कजिनं ओहदां चुन्दां छायके, लिसें च्याना छगः अर्थात् छमोह व प्यदां तथा दशपत्र देछाये । थुलि क्रिया सिधेवं कजिया देवनं श्रीस्वयम्भू भगवान्यात स्वचाउय्का अभिवादन याये, दर्शन याये जुल ।

थनं ल श्रीस्वयम्भू भगवान्या न्ह्योने सप्तबुद्धया प्रतिनिधिरुथं न्ह्येह्य सम्यक् देवतापि बिज्याके । थ्वहे सप्त तथागतया न्ह्योन्ह्यो बुद्धशासनया उपस्थापक स्वरूपं काषाय चीवरवस्त्रं पुना शिलांकुश पिण्डपात्र धारण याना चर्वपि व लिसें धर्मानुशासकया रूपे छत्रंकूजु स्थवीरजुपि चवना सद्वर्मायात्रा प्रस्थान जुये । अनंलि थकालि नकिजुं सुवणया कुसुंधाराकलशं कुसुंधाः हायके, यचिकाह्य थकालोया ह्याय्मचां तुर्फ लुया बं पुय्के, अनं पञ्चसुगन्ध अथवा अष्टसुगन्ध तिङ्ख्वालाय् तथा सितुं हाहा याइपि पूजादेवी रूपे मिस्तेसं अवीर ताय् होय्का यंके । अनं धुधुपाय च्याका वईपि मिजन्त चवना विभिन्न प्रकारया वाद्यवादन थाथां ध्वजा पताका वय्का शान्तदान्त पूर्वक सद्वर्मा यात्रा उत्सव न्ह्याके जुल । थुगु सद्वर्मायात्रोत्सव डतपिथ्या धोकां प्रवेश जुईवं सरासर टेंगल ववतयका असं जुका असनं ओगलं ववतहयालि मखने थ्यंका मिहधोकास विभ्राम याका न्हापाथेंसंतु लसकुस याये । लसकुस याय् सिधेवं दशपत्र देछाया मर्यादाक्रम अनुसारं कमाकथं हनुमान धाका लायकूलिस थ्यंका पुलुपा छपा छपा लुचकि ओहचकि छगू छगू लिसें आसंखडि काप कु छकु छकु तये धुनेवं थःथःगु आसनस बिज्याके जुल ।

थुलि धुनेवं लायकू गुरूजु, उपाध्या एवं स्थवीर प्रमुखं आसन तथा बिये । निमन्त्रित सकल देवतापि बिज्यासेलि शास्त्रोक्त विधिये श्रीस्वयम्भू भगवान्या न्ह्योने कलशपूजा याना संयाये । जवस थाकुलि, खवस भण्डारपालाक निह्यनिखें चवना धमेगण्डीया रूपे गंधाना दशपारमिता गाथा ववना मत बिये, आरती याये । कजिया महादीमत छवयके । बलि बिया सकल सम्यक् देवतायातनं पूजा याना मुरि दक्षिणा चह्ने याये जुल । थनंलि श्रद्धालु भक्तजनपिगु थःथःगु गच्छे अनुसारं पहरया पूजा वई लिसें लायकूयानं पूजा वई । थुलि कार्यक्रम सिधेका स्यंगुमिया थकालिया निह्य भण्डारपालाया छह्य स्यंगुमि निह्ययात समेतं कजिनं भोजन याके माल ।



सम्यक् महोत्सवस सम्यक्देवता दीपङ्कर तथागतया पंक्तिबद्ध दृश्य

सम्यक्खुन्ह जुइगु कार्यक्रमया विधिविधान

सम्यक् महादान, सम्यक् धर्म, सम्यक्संघ भोजन जुइगु मुख्यगु शुभदिनस सुप्रभात इले हनुमान घोका लायकूलिस उपस्थित जुयाच्चर्पि सकल सम्यक्देवता व श्रीस्वयम्भू भगवान् भुइखेलस प्रस्थान याके निम्ति लायकुलि द्यो थनेगु ज्या जुई । वसपोल श्रीस्वयम्भू भगवान्, सम्यक्देवता प्रभृति थःथःगु आसनं ल्यहें थने न्ह्यो सुथन्हापां श्रीस्वयम्भू भगवान्या थास सुप्रभात्याय् देवस्य चाय्केगु ज्या जुई । थुलि याय् धुनेवं श्रीस्वयम्भू भगवान् व अन्य उपस्थित सकल सम्यक्देवता पिन्तनं सम्यक् दानपति जजमानपिगु पाखें न्हापालाक विधिवत् पूजा यानालि अले श्रद्धालु भक्तजन पिगु पूजा आजा व दान शुरू जुई । थुलि धुनेवं गुला बाजं पञ्च-ताल आदि वाद्यवादन सहित यासे कजिपि सकलें मुनालि दशपत्र दे छाये । थनलि सुथसिया च्याता गुता इले सद्धर्मयात्रोत्सव प्रस्थान यंके लागि जजमानया सम्यक्-देवता न्हापा न्हापा यंका क्रमशः प्याफलं यका डत जुका तामसिपाख क्वतयना दल्लु-पाखें सरासर वना भुइखेल कोफोसिमा क्वसं चिभायालिकसं च्वंगु स्वागतमण्डपस थ्यंका थुथास बिश्रामयाका लसकुस याय्गु ज्याजुई । स्वागतद्वारया च्वसं इलां पेना तःगुया क्वसैं द्यो दिके मालापा छपा लाय् द्वाल्याख मत च्याके घउसगं बिया कजिनकिनं तात्चानं दुसाला लंखधारा हाय्का व विधिवत् लसकुस यासे भुइखेलस दुतयनालि श्रीस्वयम्भू भगवान् पश्चिम स्वका आसनस बिज्याके जुल । लिसें पुलुपा छपाः आसंखडि काप कु छकुया द्योने आसंकिजाकिं दक्षिणा यथाशक्त तयालि बिज्याके । थुगुहेरूपं निमन्त्रित सकल सम्यक्देवता मयिदाक्रम अनुसारं भोलाकं थःथःगु थासे बिज्याके ।

निमन्त्रित सकल देवदेवतापि थःथःगु आसन ग्रहण याके धुनेवं वसपोल श्रीस्वयम्भू भगवान्या न्ह्योने इन्द्रकलस, पूर्णकलश स्वना जजहोम याय् जुल ।

थनंलि सम्यक्या परम्पराकथं शोभावृद्धि पूर्वक राष्ट्रनायक श्री ५ महाराजा-धिराज सरकार सवारी जुयालि भुइखेल स्वागतद्वारस थ्यनेवं मौसूफ सरकार यातनं विधिपूर्वक थःगु परम्परानुसार पंचताल वाद्यथाना मङ्गलाष्टक गाथा ब्वना लसकुस याय्गु ज्या जुई । लसकुस याय्घुंका स्वागत द्वारनिसें वसाः लाया सम्यक्मण्डप मञ्चस च्वंगु सुवर्णमय राजसिंहासनस बिज्याके जुल । थुगु सिंहासनस जुजु विज्याय् धुनेवं राजश्री सन्मान कथं ३१ तोप तया हर्ष बढाई


याई लिसें सरकारी जंगी सिपाहीतेसं बाच्छाई बाजा थाका सलामि बिईसिधयेवं राजां थःगु आसन ग्रहण याई । अले सम्यक्या विधिकथं आसंखडि कापः तया छमोह व प्यदां तया दशपत्र देछाई । लिसें अनेक मेवा मिष्टान्न फलफूल मरीचरी चह्ले याई । थुलि याय्धुंका मौसूफ सरकारया श्रीचरणपादुका बभुस दिका लिख्यचायका पंचामृत कोटलं पूजायाना थकालिपिन्सं अर्घ बिये । लिसें मङ्गलाष्टक गाथा व्वंका थकालि भी जुजुयात इन्द्रकलशाभिषेक चह्लेयाइ । अनंलि उपाध्याजुं थौंयागु सम्यक्महादान गुथिया महत्व कारण एवं परम्परा विषयकया सुन्दर छन्द अलंकारयुक्तगु दानपत्र व्वना न्यंका चह्लेयाई । थुलि जुसेलि सकसिनं भक्तिपूर्वक अनियाना अभिवादन द्रव्यलप्येगु जुल । थुलि क्रिया सिधयेवं थायभूस तया महाप्रसाद भोजन लःल्हाई, लिसें भोजन ग्रहण याना बिज्याई ।

थुगु प्रकारं भी जुजु श्री ५ महाराजाधिराजयात लिख्य चाय्का स्वागत सत्कार याये धुंसेलि उपस्थित निमन्त्रित सकल सम्यक् देवता व सम्यक्दान काय्त बिज्यानाचर्चणि नेपाया बौद्धसंघ-गुरु बज्राचार्य, बुद्धाचार्य, शाक्यभिक्षु ब्रह्मचर्य भिक्षु, श्रामणेरक, चैलक आदिपिन्त सम्यक्महादानया विविधे दानप्रदान याय् जिल घइगु जुजुयाके अनुमति स्वीकृति वचन काये जुल । थुगुकथं श्री ५ याके अनुमति स्वीकृति वचन काय् धुंका सम्यक्महादान शुरू जुई—

दीपङ्करादिन् सुगताञ्च सर्वान् श्रीआर्यसंघान्प्रकरोमि पूजाम् ।
 पंचोपचारैः बिबिधैश्च वाद्यै पाद्यादिमर्घाञ्चचमनञ्च युक्तैः ।
 सुगन्धधूपानि च धूपयामि सर्वाणि पुष्पानि सुवासनानि ।
 तैलाज्यदीपानि च दीपमाला भैषज्यजातानि सुपिष्टकानि ।
 वस्त्राय काषाय सुचीवराणि भोज्यानि भक्तानि च चन्दनानि ।
 सुवर्णपिण्डादि सुव्यञ्जनानि सम्पूर्णा सम्यक् प्रकरोमि भोजान् ।

सम्यकसंघ भोजनयागु स्थिति वन्देज कथं धमाधम लैकात पंक्तिवद्ध जुया न्ह्योने च्वंवई, गथेकि—

- १) असंयापि तुलाधरगोष्ठि ज्योना लपते लाया हइ । अथवा पजे लपते व धुंसि लपते जूसौं तया ज्याकाइ ।
- २) ज्याठाय्च्वंपि कुह्यातय्सं पाल्वा (सली) तया हई ।
- ३) डतया तुलाधरगोष्ठि महाप्रसाद भोजन तया हई ।



सम्यक् महोत्सवया उपलक्षस श्री ५ वीरेन्द्र व श्री ५ ऐश्वर्य राज्यलक्ष्मीदेवी

थनंलि श्री स्वयम्भू भगवान्या थासंनिस सम्यक्देवता दीपङ्गुर तथागतपिगु भोलिसे लिना क्रमशः आकाशध्वनि दुन्दुभि काहाबाजा पुईका घण्टाघोषण याये । लिसें भूमिशोधन व आर्यसंघपिन्त पाद्यार्चमन नसला तय् निम्ति सम्यक्गुथिया थकालिनं सुवर्णया कुसुंधार कलशं लंख धारा हाय्का सम्यक्महादान महोत्सव जुयाच्चंगु भूमिखेलस आर्यसंघया भोलिना प्रदक्षिणा याना चाउले जुल । थ्वहे सुवर्णया कुसुंधार कलश हाय्का वयाच्चंगु लंखधारा ल्युल्यु श्रावक प्रत्येक महायानिक शासनया दिव्य भावनाया प्रतिनिधिकथं एवं बुद्धशासनया उपस्थापक संस्थापक व्यवस्थापकया रूपे शान्तदान्त पूर्वक काषायवस्त्र चोवरं पुनाच्चं पि शिलाकुंश पिण्डपात्र धारी स्वम्ह बालभिक्षु न थ्वया नापनापं छत्रंकूजु स्थवीर आजुपिसनं आदर पूर्वक प्रसन्नजुसे धुंधुपाय् च्याना सम्यकस्थल चङ्क्रमण विचरण याई ।

सुवर्णया कुसुंधारकलशं जलधारा हाय्के धुनेवं सम्यकमहादानया प्रमुख अतिथि जक मज्जूसे संरक्षकत्वं प्रदान यासे नेपाया सम्पूर्ण धर्म संस्कृति कला संरक्षण यासे समस्त नेपामि तय्गु हितसुख शान्ति निम्ति अग्रसर जुया बिज्याम्ह जम्बुद्वीपया मूलगु पुण्यभूमि नेपाया सार्वभौमिक सत्ता सदैव सुरक्षित् यायेगुलि अत्यन्त तत्पर जुयाभीगु न्होने सुवर्णमय भव्य सिंहासनस विराजमान जुया बिज्यानाच्चं ह्वा बोधिसत्त्व सर्वोच्च राष्ट्रनायक भीजुजु श्री ५ महाराजाधिराज सरकारयात निसें कया सम्यक भोजन तय्गु ज्या जुइ ।

सम्यकया कार्यकारिणी लैकातय्सं लालुसि घेना तीर्थे मोल्हुया नींगु बसतं पुना शुचिनोचि याना चवनी । उकिसं आर्यसंघपिन्त दान बिईगु महाप्रसाद भोजने थःगु सासः वई वनी घका बहुत आदर तया थःथःपिगु म्हुतुई तुय् रुमाल कापतं हिनाजक भिक्षु संघपिन्त दान याईगु जुल ।

थुगु भोजनदाने न्ह्यापालाक सम्यक देवतापिन्त व अले वसपोल सवाकोटि नेपाली जनताया हृदय प्राण श्री ५ महाराजाधिराजयात न्यागु भांग तया सन्मान यानालि सम्यकमण्डपं क्वहांबया लि उपस्थित आर्य भिक्षुसंघपिन्त परम्परागत मर्यादाक्रम अनुसारं स्वागत सत्कार निम्ति पंचोपचार पूजा स्वल्पुं भिक्षुसंघपिन्त सिन्हः छपता छपता तिकाहई, लिसे लिसे सर्वप्रथम श्रद्धालु दानपति कजियागु दस्तुर बमोजिम सुवर्ण पिण्डपात्र दान बिया बाघां छुय्गु ज्या जुई । अनंलि थःथःगु लस्ता अनुसारं विभिन्न श्रद्धालु उपासक उपासिकापिसं तोपः वय्गु ज्या जुई । थुलि धुनेवं

सम्यक्संघ भोजनयागु स्थिति बन्देज कथं घमाघम लैकान पंक्तिबद्ध जुया न्ह्योने च्वंवई, गथेकि—

- १) असंयापि तुलाघरगोष्ठि ज्योना लपते लाया हइ। अथवा पलेलपते वा धुसि लपते जूसां तया हई।
- २) ज्याठाय् च्वंपि कुह्यातयसं पालचा (सली)तया हई।
- ३) इत्या तुलाघर गोष्ठि महाप्रसाद भोजन तया हई।
- ४) इतुंबाहाया शाक्यगोष्ठि लैक्येता तया हइ।
- ५) केलत्वाया कसाकारगोष्ठि भिनिता प्रकारया क्येता तया हइ।
- ६) वलाद्धित्वाया मिष्टान्नकारतय्सं बोधिबृक्ष हलमरी, सुवणमरी (सूमरी) लाधिजदु मरीचरी तय् हइ।
- ७) ज्याबाया न्याखाछें पीखाछेंया शाक्यगोष्ठि दुरू लुना हइ।
- ८) इतुंबाहाया व भोछें बनियातय्सं साखःति लुमा हइ।

थुगुकथं आर्यसंघ जिनसंघपिन्त निरामिष पंचामृत सात्विक भोजन याके धुसेली सम्यकया विधिकथं हनं शिष्टाचार पूर्वक सम्यकगुथि थकालि नुचायके, लिसे स्थवीरजुपिन्सं गोचर याय्गु हिसावं सकलें उपस्थित जूलामजूला, गनं च्वय् क्वय् लातला, दोबिदों दतला तंजिलंजि मिले मजूगु दुला घका विचासंचा याय्गुकथं सम्यकस्थल प्रदक्षिणा याना निरीक्षण यावई।

थुजागु प्रकारं प्रागैतिहासिक इलंनिसें नेपाया बुद्ध-धर्म बुद्धशासने थःगुहे किसिमया गौरव व महत्व दइच्वंगु अन्तरराष्ट्रिय बौद्धजगते मदुगु चलनकथं नेपाया विशुद्ध महायानिक सम्प्रदाय अनुसार जुयाच्वंगु सम्यक् धर्म महोत्सवया थितिरिति गतिविधि सम्पूर्ण ज्याखँ सिधसेलि सम्यक्या नेतृत्व याना ब्रिज्याना च्वंहा श्री ५ महाराजाधिराज सरकारयात नं बिदाई सन्मान निम्ति फितिसवारी सलामि चह्लेयाइ।

अन्तस भो जुजुनं जुलसां सम्यक्या दानपतियात दुनुगलंनिसे हार्दिक कृतज्ञता ज्ञापन याइकि-प्राणिमात्रयात हितसुख शान्ति जुईगु बुद्धशासन चिरस्थितिया लागि थःगु श्रीसम्पत्तियात पर्वाह मतसे दान शील भावना सहित यासे नेपामांया अस्तित्व बौद्धसंस्कृति, बौद्धकला, बौद्धदर्शन सम्बन्धि विशुद्ध सम्यक् भावनां ओतप्रोत जुयाच्वंगु सम्यक् चर्या सम्यक धर्म याःगु खनालि तच्चोगु प्रसन्न चित्तं

हर्षपूर्वक दानपतियात उपहार स्वरूप दोसालं न्यय्का अश्रफी लःल्हाना स्वस्ति-
मंगल कामना यासे जुजु लिहां बिज्याई ।

जुजु फिति सवारी जुईवं श्रीस्वयम्भू भगवानया न्ह्योने चवना गुथियारपि
मुना थथे प्रार्थना याईकि-जिमिगु सम्यक्संकल्प सम्यक्निमन्त्रणायात सहर्ष
स्वीकार यासे थुगु महान् पुण्यकार्य सम्यक्महादान महात्सव सफल याना बिज्यात ।
तधंगु अनुकम्पा तथा महादया तथा विज्यात घकालि सहर्ष अनुमोदन यासे वसपोल
श्री स्वयम्भू भगवानयात दशपत्र देछाय् जुल ।

दशपत्र देछाय् धुनेव परम श्रद्धालु दानपति कजियात आशिर्वाद स्वरूप
आयु, पुण्य, ज्ञान, गुण, कर्म सिद्धिया अभिषेक स्वरूपगु दशपारमिता गुणं पूर्णगु
पूर्णकलश लःल्हाय्गु ज्या जुई । लिसें थुगु पूर्णकलश लःल्हाना काईबले पंचताल
वाजा थाना गुरु उपाध्यानं मंगलाष्टक गाथा ब्वने ।

थुलि क्रिया सिधेवं दानपतियात आशिर्वाद तथा उपस्थित सकल सम्यक्देवतापि
थःथःगु थासेतुं लिहां बिज्याई ।

निमन्त्रित सकल देवतापि लिहां बिज्याये धुसैलि सम्यक्यागु गुणधर्म ह्यस्यूपि
श्रद्धा भक्तिदुपि दर्शक एवं श्रद्धालु उपासिकापि वया सम्यक् भोजनया ल्यंपुल्यं
महाप्रसाद घका श्रद्धानिश्चय तथा कावईपिन्तनं महाप्रसाद वितरण जुइ । लिसें
आर्यसंघ, जिनसंघ, शाक्यभिक्षु, वज्राचार्य आदिपिन्सं नया ल्यंदुगु अथवा वांना
थकूगु भूईखेले च्वंगु महाप्रसादत सिति मवनेमा घका चिपनिपया ल्या मतसे
थःने व ववःनेया पोढ़ेत वया श्रद्धापूर्वक मुंका यंकी वया यंकी छ्ये थेंका इना
नइ । थ्वहे इले सुदूर उत्तरापन्थ संदेशया सें समित वयानं 'साङ्ग्ये मामैडोकी
फिन्लाव' घका बहुत श्रद्धापूर्वक मुना सिना वया यंकीपिनं मदुगु मखू । थ्व
महाप्रसाद सँदेशे थ्यनेवं इमिसं थाय थासे थव जातिवर्ग, बन्धुवर्ग इष्टमित्र
आदिपिन्तनं इना बिइ ।

थुलि कार्यक्रम सिधेवं स्वयम्भूभगवान लित यनेत स्यंगुमिया दाफा भजन
पंचताल बाजं व अन्य श्रद्धालुपिगु बाज सहित जुया धुंधुपाय च्याना इतया
साङ्गपिन्सं श्रीस्वयम्भू भगवान कुबिया सप्त तथागत स्वरूपं कजिया न्हेह्य सम्यक्-
देवतापि ल्युल्यु तथा प्रस्थान याना देशजात्रा याये । भूईखेल सरासर लितयंका
इतस जुका टेंगलं असं यना कजिया छ्येया मूलुखा न्ह्योनेसं विश्राम याना

मालापा छपा तथा दुवाल्या मतच्याका बलिपिया घउसगें वियेमाल । थुलि धुनेवं जजमानं दशपत्र छये । थुलि धुनेवं मखनं क्वतहया लायकू जुका अननं मरू क्वतहया चिकंमुलि यना न्हूषलं क्वतहया, लगमं क्वत यना बुद्धवारी जुका ह्युमत क्वहिति हये । थननं क्वत यना भिद्योया थासं मरू टोल जुका काष्ठ-मण्ठप मरुसतः चाउयेका मरुगणेशया खःपाखें यना प्याफल जुके । थननं यटखा-पाखें थतहया डतटोलसंतु जुका किलागःया स्यंगुद्योया छ्येंया न्होनेसं दिके जुल । द्योछ्यें थतयंके न्ह्यव छ्येंथुवाचं बलि पियेमाल, लिसें घउसगें बिये । थुलि धुनेवं देव क्वकाय् । छ्येंथुवानं लंखधारा हायका ताःचानं द्यो थिया थाकुलि द्योपालानं छटं द्यो क्वकया बुयालि द्योछें थहां बिज्याके, थ्वया आसन प्रभा समेत द्योपालानं यने, द्यो क्वकया आसनस बिज्याके जुल । थासंद्यो चिभाजक श्रीस्वयम्भू भगवान्‌या जवस दिके गुरुपात्र (पिण्डपात्र) खवस दिके । थुलि धुनेवं छ्यें थुवायाके पूजाभः छपाः कया पूजायाना गॅथाना दशपारमिता गाथा व्वना बहानिसिया सँ याय् जुल । थुलि सम्यक् खून्हू सुथंनिसें नं बन्हितकया बिधि जुल ।

सम्यक् सतिखून्हू द्यो थहां बिज्याके

सम्यक् खून्हू सम्यक् धर्मया ज्याखें सम्पूर्णं सिधेका सम्यक्या परम्पराकथं श्री स्वयम्भू भगवान् किलागलया द्योछ्येंस चिछि विश्राम याके धुसॅलि कन्हैखून्हू सुथ न्हापां छ्येंथुवायाके पूजाभः कया देवख्य चायके माल । थुखून्हू छ्येंथुवा नं स्यंगुया थाकुलिया स्वह्वा व भण्डार पालाया निह्वा स्वय् नके । भोजन सिधवं द्योथुवानं स्वां प्रसाद ज्वना सम्यक् गुथिया कजितय्त व अन्य सम्बन्धित व्यक्तिपिन्त स्वां तःवनेगु ज्या जुई । थुलि सिधयेवं स्यंगुया घाः दाफा, पंचताल व कजिया गुंलावाज सहित यासे सम्यक्गुथियारिछि किलागलया द्योछें वना द्यो थनेतः कजिनं दशपत्र देछाय् । अले मङ्गलाष्टक गाथा व्वना वाद्यवाजन थाना देवथाकुलि पालानं श्री स्वयम्भू भगवान् बुया यना क्वहां बिज्याका प्रभाखटस बिज्याके जुल । अले कजिपि द्योखटया त्युल्यू च्वना लंसोवने लिसें द्योखटया न्ह्योन्ह्यो बसा लाया धंधुपाय च्याना ताय् अभिर ह्वला ह्वला जात्रा प्रस्थान याये-किलागलं वना डत धोकां पितहया व सरासर स्यंगुया पाःकोसं च्वंगु स्वागत मण्डलस दिका सम्यक्देवता-पिन्सं परिक्रमा याका श्री स्वयम्भू भगवान् यात भक्तिपूर्वक अभिवादन याई अनि याइ बन्दना याइ । लिसें कजिनं दशपत्र द्दहलपेगु ज्या जुई । थुयास कार्यकारिणी लैकातय्सं स्यंगुद्योयागु आगें तयागु स्वय् भाग जाकिपिचा न्यापिचा, लक्ये भेगः

न्यागः, क्येता कसि किनिगः, दुरु अपंग्व न्यागः, साखःति अपंग्व न्यागः, मरीज्वलं न्याजो पिचास तथा द्रहलपे । थुलि धुंकालि श्रीस्वयम्भू भगवान् श्री धर्मघातु वागीश्वर महामण्डलं सहितगु श्रीसाह्येगु महाविहार गोपुच्छगिरी पर्वत स्यंगुस थहाँ बिज्याके जुल ।

थुगु किसिमं स्वयम्भू भगवान् थत यने व्याय्वं सर्वसुगत हृदय प्रभाश्वर धर्मकाय ज्योतिरूप श्रीस्वयम्भू महाचैत्य स्वचा चाङ्ग्यकालि थकालिया छुचेंक्कसं दिका खटसंतु तथा लसकुस याय मालापा छपा लाया ह्याल्या कलश मतच्याका थकालिर्नकि नोकूर्तकि च्वना बलिं पियाकाये धउसगं बिये । नकिजुं लंखधारा हाय्का ताल्चानं दुसाला यना थकालिनं यथास्थानस बिज्याके, लिसें चिभा व गुल्पानं तले यने जुल । प्वंगु खटजक भण्डारस दुत यने ।

थुलि ज्याखें सिधयेवं स्यंगुमितये छुचेंखाँ छहा छहासिया धउसगं हयालि थकालि न्याहा नकिजुपि निह्येसिनं सगं बिय्माल । थुलि सिधेवं थकालिनं स्यंगुया छुचेंखाँछियातनं सगं बिया स्वस्तिमंगल याये जुल ।

श्रीहारती मांजु क्वहाँ बिज्याके

सम्यक् महादान महोत्सव खून्ह्या ज्या सिधेका श्रीस्वयम्भू भगवान् स्यंगुस थहाँ बिज्याके धुनेवं हानं सम्यक् सतिखुन्हू आर्यभिक्षुणीसंघपिगु नं समान आदर सत्कारया लागि 'मिसा सम्यक्' जुइ । थुगु मिसा सम्यक्या लागि श्रीस्वयम्भू भगवान् थहाँ बिज्याकेगु ज्या सिधयसाथं नेपाया बुद्धधर्मे ह्यापालाक खनेदुहा चूडानाम भिक्षुणीया प्रतिनिधिकथं श्रीवज्रमहायक्षिणी हारतीमांयात नं पूजायाना खटस बिज्याका छत्रंकुय्का छलिकथि ज्वनीपि लिसें च्वना बाद्यबादन सहित यासे भक्तजनपिन्सं लिचका जात्रायाना भुइखेलस बिज्याके जुल । थ्वसपोलनं थःगु थासे थ्यसेलि आसंखडि कापःलाया दशपत्र तथा आसनस बिज्याके धुंसेलि पंचोपचार पंचोपहार पूजायाये । पूजा यायधुनेवं मर्यादाक्रम अनुसारं गुरु गुरुमां स्यंगुमि मिसात व अन्य बौद्ध विहारया शाक्य, वज्राचार्यनीपि समेतं भोलाकं च्वने लिसें सम्यक्या ज्याखें जूपि न्ह्यरुखुन्हू सम्यक्या भोले च्वनेमलापि कजिपि व रकमित सकलें भो छुयेमाल ।

श्रीहारतीमांयात जक भाग खुभाग तयालि यथा विधिथें आगन्तुक बौद्ध भिक्षुणी मिसातयत् बाघाँ छुना दानप्रदान याना सम्यक्भोजन याचके जुल । लिसें नसला तथा गोचर याना विसर्जन याये । थुलि धुनेवं श्रीहारतीयात दशपत्र देखाया बिदा बिया स्यंगुसनं थहाँ बिज्याके ।

हारती थहां बिज्याके धुनेवं कजिपिगु थःथःपिनी श्रीसम्यक्देवतो दीपङ्कर
तथागतपिनी न्ह्योनेच्चना श्रीस्वयम्भू धर्मघातु पाखे अभिमुख याना सहस्रप्रदीप
आरतीमत च्याका गुरु उपाध्याजु व सम्यक् गुथियारछि सकल मुना थुथास
सम्यक्संबोधि-यान घालसां महायानिक परम्पराकथं थुगु सम्यक्महादान महोत्सव
सिद्धजूग शुभउपलक्षस धर्मदानया रूपे बोधिपरीणामनाचित्त उत्पत्ति याना भिन्नकं
निश्चयनं सम्यक् रूपं सकसिनं थुगु गाथा परलपे जुल^१—

सकल जगत्प्राणी हर्षचित्त जुयाव
प्रतिदिन जुयेमाल बोधिचर्या तिसापि ।
शरीर व मनयागु दुःखनं पीर जूपि
हर्ष सौख्यया सागर लायेमाल अतूतं ।
गुलीत नरक भूमि लोक धात्वी दयाच्चं
थुगु नरकभूमिहे दुःख सियाव च्वंपि ।
थ्व सकलजन प्राणी थौं यानागु थ्व पुण्यं
सुख दुगु भुवने हे मोज हर्ष च्वनेमा ।
मिखान मखनपिन्त रूप खने दयेमा
ल्लयेपन मदुपिन्त शब्द तायं दयेमा ।
गरभस दव स्त्रीया मायादेवीया थेंतुं
सुखन मचा बुयाव पीर व्यथा मदेमा ।
गुगु गुगु ययाच्चन् उगुउगू सदानं
सकल हित ज्वीगु सौख्य भोग लायेमा ।
अति भय जुवपिन्त निर्भय जुयेमा
स्वक जुव जनपिन्त प्रीतिलाभ दयेमा ।
त्वय जुस्य च्वनपिन्त रोगनाश जुयेमा
जनपनि कुनातःपि बन्धनं मुक्त जुयेमा ।
बलमदु जनरिन्त लायेमाल तव बल
थिथि थिथि जनलोक प्रेमचित्तं च्वनेमा ।
गुगु गुगु मनं भापा लेंजुवपिन्त आवा

१— बोधिचर्यावसार दशम परिच्छेदया परीणामना गायानुसार पं. रत्नबहादुर बज्राचार्य—
द्वारा अनुदित यार्के उद्धृत ।

थुगु थूगु जतनहे सिद्धज्वीमा सदानं ।
 समुदर खुशि दुंगा चवनपि प्राणिपिस्त
 बिघ्न भय फुनाव सिद्ध ज्वीमा मनोरथ ।
 दुरगवनस लाना मार्गभ्रष्ट जुवपि
 सकलजन पनिस्त सार्थ नाप लायेमा ।
 त्वगिजन बनभूमि ज्यादा संकष्ट जूपि
 जनपनि सकस्यातं देवतां रक्षा यायेमा ।
 सकल अनि मभिगु अक्षरं मुक्त ज्वीमा
 अतिमन भिनकाव श्रद्धा प्रज्ञा कृपानं ।
 अतिनं भिनगु आकार भिगु आचार लाना
 सकलजन जुयेमा पूर्वजन्म लुमपि ।
 फुयिमखुगु भंडार यावदाकाशथे हे
 सकलजन पनिस्त तुल्यजोरा मडुगु ।
 थवखुशिदुगु मेवं स्यके मफूगु ज्वीमा
 सकलजन समस्तं रूपवेगादि गुण ।
 मडुपनि गुणज्ञान नीच जुयावच्चर्वपि
 थुगु सकल समस्तं पूर्ण जुयाव नित्यं ।
 अतिरस सुखनंहे मोजयाना चवनेमा
 घमन सकल गुमान नाश जुया वनेमा ।
 सकल मनं तुनागु सिद्ध ज्वीमा समस्तं
 मभिनगु सकतासं प्रीतिरक्त मजूसे ।
 घरमस जक सदानं सर्वकालं यायेमा
 मनस जक सकस्यांहे बोधिचर्यास लाना ।
 तन मन जुयेमाल बोधिचर्या सदानं
 सुगतगणपनिसं ग्राहयाना कयाव ।
 सकल छुटे ज्वीमा मारया कर्म याके
 सकल जन समस्तं दीर्घ आयु जुयेमा ।
 सुखन सकल प्राणी नित्यकालं म्वाबाव
 विघ्न भय समस्तं मृत्यु शब्द मदेमा ।
 मनस रस दइगु कल्पवृक्ष सहितगु

सकल दशदिशास पूर्णज्वीमा बगैचा ।
 दुःखत्राश भयशब्द मदयाव सदानं
 धरम शवदनंहे जुयेमाल मनोहर ।
 थव थव दुगु शोभां बोधिसत्त्व बिज्याना
 सक भनं थुगु भूमी व्याप्त जुया चवनेमा ।
 सकलजन पनिस्त सर्वकालं सदाहे
 सुगत व भगवान्या पुत्रपि नाप लायेमा ।
 उलिथुलि मदयेक पूजाया मेघ याकें
 जगत गुरूपनिस्त पूजायायेमा सदानं ।
 बखत बखत ज्वीव देवतां वृष्टि यायेमा
 सुभिक्ष शुभ जुयाव शस्यसंपत्ति देमा ।
 चतकन शुभमंगल लोकपिन्त जुयेमा
 धरमस रतियाह्य राजा ज्वीमा सदानं ।
 समरथ दयेमाल औषधी दक्क जातया
 जपितपि मनूतेत मन्त्रसिद्धि लायेमा ।
 अतिन मन भिङ्गमाल ढाकिनी राक्षसादि
 सुगुह्य सकल सत्त्व दुःखी पनि मज्जीमा ।
 त्वय भय परयाकें पीर दुर्मन मज्जीमा
 अतिव भिन मनजूया निन्दायापि मदेमा ।
 सुख व सुमन जुया दुःख दुर्मन मज्जीमा
 अतिन भिनकं बोनेमु पाठलीला यायेगु ।
 सकभनं शुभथान थीर ज्वीमा विहार
 ह्लियन ह्लियन नित्य संघसामग्री देमा
 सुजन सकल पण्डित लोकसेनं हनेमा ।
 सकल दश दिशासं कीर्ति प्रख्यान्त जूपि
 बोधिसत्त्व स्वरूपि शुद्ध सन्तान दयेमा ।
 प्रमुदितनसे यावत् भूमि लाभ दयेमा
 स्वंगु दुर्गतियागु दुःखभोगे मम्बाक ।
 कठिनगु छुनं चर्या यायेम्बाक सदानं
 छगु थुगु तवधंगु दिव्यदेह लानाव ।

सकल जगत प्राणी हित सुख यायेत
 अनुपम सुख ज्ञान बुद्धतुल्य जुयेमा ।
 सकल दशदिशासं आकाश पर्यन्त दववं
 सकल जगतयागु अर्थसाधनं यायेत ।
 गुगुकथं चलेयात श्रीगुरु मञ्जुश्रीनं
 उगुकथनं सदानं थोहेचर्या जिज्वीमा ।
 गुवलत च्वनि आकाश थीरजुया मफुसे
 उवलत च्वनि प्राणी यागु दुःख फुकेत ।
 थुवलत जिगु थीति जुयमाल सदानं
 सकल जगत यागु दुःख फुकेगु वासल् ।
 थ्व सकल घनसंपत् सौख्य देका विईगु
 सकसितं अति सत्कार लाभसंयुक्त ज्वीगु ।
 रिपुभय मद्गु थ्व शासनं थीर ज्वीमा

थुलि बोधिपरीणामना आशिका प्रार्थना याय् धुनेवं दानपति कजिपिगु
 थःथःपिनि श्रीसम्यक् देवता लिहाँ बिज्याकेत कजिबाजा गुंलावाजं थाना सम्यक्-
 महादान गुथिया सम्पूर्ण ज्याखँ निबिघ्नपूर्वक आनन्दनं सिघल परिसमाप्त जुल
 घका हर्षपूर्वक लसतां जात्रा याना यंका थःथःगु थासेतुं हितयंका लसकुस याना
 दुकया यथास्थानस बिज्याके जुल । अन्तस सम्यक्गुथिया थकालीया छेंस वना
 गुथिहारलिं सकलें व कार्यकारिणीपि च्वना भोजन याके माल ।

परिसमाप्ति चतुर्थिया विधि

सम्यक् गुथिया थकालीया छ्येंस च्वना गुथियार व कार्यकारिणी सकलें
 च्वना आगंपूजा याना स्वयम्भू भगवान्यात पंचोपचार पूजा व हारती अजिमा,
 शान्तिपुरीस कलपूजा छ्वये, घुंका थकालीस छ्येंस भव्यनके जुल । बहानि
 शास्त्रोक्त विधिये शेषबलि बिया चर्यागीत प्रवेश याना पयतापुया गुरुजुं पि पद-
 संचारण क्रिया याना हस्तमुद्रा कया लास्य याना नृत्यप्रवेश याके । चचा हाय्का
 मतपूजा याना येजङ्ग माता गाथा ब्वना दानपति जजमानया सर्वकार्य मनोरथ
 सिद्ध जुईमा घका मंगलाष्टक गाथा ब्वना घच्चसंगं बिये बेतालि चिके स्वस्ति-
 मङ्गल याय् जुल ।

थःथःगु जिम्माया वसुजा लितये

सम्यक् महादान गुधिया लागि छुं दिन न्हव लैका भलि चिना 'सम्यक् व्यवस्था उपकर्मिटि' गुगू थःथःगु कार्यभार सहाले यात । उह्य उह्य कार्यकारणी सदस्य तय्सं थःथःपिगु जिम्माय् कयातःगु सम्यक् सम्बन्धि आवश्यकीय सरसामग्री ज्वलंकुलं वसुजा व अन्य दानोपकरण वस्तुत गुलि गथे ल्यन ग्रथवा छुछु वसुजा हिनामिना जुल धइगु विषय कया ध्यान आकर्षित याये जुल । लिसें गन गुगूथासे न्ययाहयागु खः, अन उगूथासे धन्यवाद सहित लित विये ।

यच्चि लितये विधि

सम्यक् महादान गुधि प्रारम्भ यायेन्हव साधना याना तयापि यच्चिदेवता सम्यक्या सम्पूर्ण ज्या सिधयेवं विश्वकर्मा पूजा याना लिततयेगु ज्या जुई । थ्व दिन खः सम्यक् धुंका प्यन्हू खुन्हू । सम्यक् कार्य निम्ति छुं मार विघ्न मवय्मा घका लिसें सम्यक्या लागि भाकल याना तईतःगु विविध दान परिष्कार सामग्री न्ह्याक्व ववकासां हल्लफल्लं फुना मवनेमा घका धर्मपालपि आराधना याना भविष्यत यानातःपि यच्चिदेवता साधनाघः यथा विधिथे पूजा याना लितये यंके जुल । तर थ्व साधनाघः लितय्बले बहुत होस याय्मा उखेयागु थुखे, थुखेयागु उखेलाका त्वाकबकः याये मज्यू । यदि त्वाकबक जुलघासा थुकि बिघ्न क्यनेफु । अकि होस तया आदर सत्कार याना वसपोलपिगु कृतज्ञता गुणानुस्मरण यासैं गनंगनं निसें साधना याना हयागु खः, अन अन थ्यंक वना साधनाघः लितया पूजायाना क्षमापन पवना नमस्कार याना लिहाँ वय् जुल ।

सम्यक्या दरूया विधि

गुगू दिनस सम्यक् न्याय्कल, ठिक उगु दिने अर्थात् दहि लिईपा जुइगु वार्षिकोत्सव कथं सम्यक् याना ल्यं दुगु अवशेषत हानं दान बिया फुका छवयगु ज्या जुइ । सम्यक्या दरूस सम्यक्बलेथें विस्तृत विधानकथं ज्या जुइ मखु केवल मजिमगा कथं जक संक्षिप्तीकरण याना वार्षिक जयन्ती घका दरू न्याइकीगु जुल ।

थःह्यं सम्यक् महादान निम्ति संकल्प भाकल याना तयागु उगु अवशेषत थःह्यं उपभोग यातसा आर्यसांघिक शेष नयागु जुइ, गुकियाना दुर्गति भागी जुइ । लिसें थःगु सम्यक्संकल्प नं विशुद्ध जुइमखुगुलि थुगु दोष आदि याकें बचे याय्त

भो पूर्वाचार्यपिन्सं निर्देशन याना क्यनातःगु विशुद्ध दानपारमिता चर्यास मिले
यायलागि बिचारं खंका यानातःगु थिति बन्देज जुल ।

थुगु कार्यक्रमया विधिकथं जुईगु ज्या थथे खः-दरु न्ह्यारुखुन्ह दरुया निमन्त्रणा
कथं श्रीस्वयम्भू भगवान्यात किसलि किभु निसला तया पंचोपचार पूजा याये
अनंलि श्री हारती देवीयात किसलि देछाया कल पूजा याय् । अथेहे गुरु महामंजु-
श्रीयात पंचोपचार पूजा याय् थुलि धुनेवं श्रीस्वयम्भू भगवान् खटस तये, लिसें
पिण्डपात्र व श्री हारतीया मुखः नं । थुमित दशपत्र देछाया खट जात्रा क्वहाँ
बिज्याके । थ्व खट लिसेलिसे छत्रज्वंहा छहा, छलि कथिज्वंहा निहा, खट कुविर्इपि
स्यंगुमि प्यहा, छोपाला निहा थुलि थकालि ल्यया तये । स्वयम्भूभगवान् क्वहाँ
बिज्याकालि भुइखेलया पलेस्वाँपुखू चाउयेका कोफोसिमाया क्वसं च्वंगु चिभाया
थासे थ्यनेव स्वागत मण्डपस विश्राम याय् जुल । थन विधियें लसकुस याय्
घउसगं बिय् । अनंलि श्रीस्वयम्भू भगवान् व हारतीयात न्हापाया थःथःगु स्थानस
बिज्याके । स्वयम्भू भगवान् पश्चिम स्वके हारतीयात जक दक्षिण स्वका तये ।
वसपोलपि यथास्थानस बिज्याके धुनेवं सम्यक्या दरुया परम्परागत विधि अनुसार
उपस्थित श्रीदीपंकरादि बुद्ध, बोधिसत्व व आर्यसंघ जिनसंघ शाक्य, वज्राचार्य-
पिन्त बाधाँ छुना दानप्रदान याये जुल । श्री स्वयम्भूयात भाग न्याभाग, श्री
हारतीयात खुभाग, श्री गुरु मञ्जुश्रीयात छभाग तया पूजा याय् । थुलि घुंका
दशपत्र तया क्षमा पवना छोपि थनेगु ज्या जुई । छोपि थने धुनेवं वाद्यवाजंनं
सहित यासे कजिदेवं लंस्वय्, थहाँ विज्याका थकालीया छ्येंस बिज्याके जुल ।

धयातःगु दु छोकुबिर्इपि प्यहा, छत्रज्वंहा छहा, छलिकथि ज्वंहा निहा व छोपाला
समेत यात नं बाधाँ छुना भोजन याके जुल ।

इह्लने सम्यक्या परिचय

लिच्छवि शासन फुईवं छुं शताब्दी लिईपा थकुरी वंशी जुजुपिन्सं शासन
चलेयाना च्वन । उबले थकुरीवंशी जुजुपिन्सं अनेक धर्मकीर्ति स्थापना याना
रितिथिति दय्का वन । उलिमध्ये छगू यलया नांदेगु श्रीहिरण्यवर्ण महाविहार
(क्वाठभट्टविहार) क्वाबाहा भिनिगु शताब्दी पाखे जुजु भास्करदेवजुं विधिपूर्वक
दयेका थकल । थौं थुगु विहार यले जक नां जायाच्वंगु मखुकि नेपाल अधिराज्य
सकभनं अज अन्तरराष्ट्र थ्यंकनं थुकिया महत्व व प्रशंसाया प्रचार प्रसार जुयाच्वंगु दु ।

घाथ्ये घाय्वासा थौयागु इतिहासे थुगु त्रिहारथे सुन्दर समृद्धगु एवं प्रसिद्धि दइच्चंगु नेपामि बौद्धतयेगु थःगुहे तालगु विशेष नियम (थितिरिति) पालन याय्माःगु वाहा, वही व देगः मेगु निगु दइमखु घासां अप्पो जुइमखु ।

गुहा खः भास्करदेव जुजुया परम्परागत सन्तानपिन्सं गुलिनं दानदत्त गुथि तयाथकल, उलिमध्येनं छगु थुजागु गुथि दु-दय्दंसं मार्गशुक्ल पूर्णिमा योमधिपुत्ति खुन्ह दशपारमिता बौद्धदेवतापिन्त निमन्त्रणा याना लिख्य चायेका स्वागतसत्कार पूर्वक क्षीरभोजन याकीगु जुयाच्चन ।

✓ खुन्ह थुमि कायमचां खपदेया थकुरीया ह्यचांय्मचा व्याहा याना हल ।
थुगु गुथि न्यायकू खुन्ह समजियातने सतके छवत, समजिनाप माःगु शिष्टाचार पूर्वक खँल्लाबल्ला जुल, नकेत्वंके यात, बिदाबादी बिया छवत । तर उगु गुथिस जुइगु मुख्यगु 'रहस्यकया' छगु घासा समजि स्वयेमखं, गुकि याना वईत गाक्क असन्तोषथे जूगु जुयाच्चन । थुगु गुथियागु विशेष थितिरिति व प्रसिद्धि खना तस्सकं प्रभावितनं जू । थ्वहे विषयकया जिचाभाजु थःथाय् नखःत्या व्वँबले अनेकप्रकारं शंकायाना कुतुकुला न्यन, लिसें लिसें दशपारमिता बौद्धदेवतापिन्त क्षीरभोजन याकेगु गुथिया विधिविधान रहस्यकया छकः जितनं दशनं व्यू घका छलकपट याना न्यन । ससः अबुजुयाजु खँ न्यना जिचाभाजु सतके छवत सरासर वल । उगु गुथियागु विशेष महत्व खना स्वमफुयाच्चंहा मभिमती तयाच्चंहा ससःअबुजुं दशपारमिता छत्रंकूजु आजुपिन्त क्षीरभोजनस सुनानं मखं गुप्तरूपं विष प्रदान याना बिल ।

दशभूमिश्चर ज्ञानेथ्यपि, शुद्धचित्त जुयाच्चंपि, परचित्त ज्ञानदुपि दशपारमिता आजुपिन्सं उगु भोजने विषप्रदान यागू लक्षण सिईका विषशोधन जुइगु 'विषप्रमोचनी' नाम धारणीमन्त्र परलपा छुं मखुथे याना भोजन भपा बिज्यात । थुगु धारणीमन्त्रया प्रभावं आर्यजिनसंघ दशस्थवीर आजुपिन्त छुं विष लगेमजुल । अखबत्तां थुगु पापचित्त उत्पत्तियाहा दुष्ट पापि खपमि समजियात उगु विषं दाह जुया प्राणान्त सम्मनं जुल । थुजागु आपद् विपद् अवस्थाय् अनेक वेद्य कयनास्वतनं छुं उपायं मज्यू । अथे जुसेलि गथेजुल छजुल घका ज्योतिषीयात कयना सोगु बेलस थुकि तधंहाद्योयागु दोष दई घका घयाहसेलि थःगु छय्ने बिज्याना च्वंपि दशपारमिता आजुपिन्के विन्तिभाव यागु बेलस थुमिसं उहा पातकीया उपरे करुणा तया आज्ञा प्रसन्न जुल-

भो थकुरी ! आः थ्व मर्त्यमण्डले पाप बधे जुईन, छं ससःअबुं अकुशल मती तथा बिना अपराधं महान् पापकर्म यात, उकिं थःगु पापचित्तं दुःख जुल । 'संसारे गुह्यसं गुगु कर्म याई उह्यसं उजागुहे अवश्यं विपाक भोग याई', धका उपदेश बियालि लिसेलिसे वईगु उपरे बोधिचित्त तथा लंख जपाव उह्य पातकीया ह्यय लखं हाहायानाबिल । वसपोल आर्यसंघ दशपारमितां आजुपिगु शुद्धचित्त बोधिचित्तयागु अधिष्ठानया बलं तुरन्त बिषं दाहजूगु संकष्टदुःख सररं लायावना आरोग्यसुख प्राप्त जुया न्हापा गथे खः, अथेसंतुं आनन्द जूगु जुल ।

अले उह्य पापात्मा व्यक्ति सचेष्ट जुसेलि दुनुगलंनिस प्रायश्चित्त स्वरूप विनम्र पूर्वक क्षमा पवन कि-आवलि थुजागु पापचित्तना याय् मखुत स्वइतं दुःख बिय्मखुत धका दृढसंकल्प याना धन्य ! धन्य !! आर्यबौद्धसंघ दशपारमिता आजुपि धकं प्रशंसा याना सकुशल थःगु छयें लिहांबम ।

धनलि दशपारमिता बौद्धदेवतापिन्सं आज्ञा जुल, भो यल न्होलबिहारया थकूजु ! आवलि जिपि थुगु लोकस हानं हानं वया च्वने मखुत । अथेजूसां छिमिसं सिइकि थुपि दशस्थवीर आजुपिगु शरीरे जिपि दुबिना वये, परन्तु प्रत्यक्षरूपं वये मखु । अकिं थुमित दशपारमिता बौद्धदेवता प्रतिनिधि स्वरूपं श्रद्धा भक्ति याय्गु स्व, मानु जिमितःहे निमन्त्रणा याना भावभक्ति यानागु समानं निश्चयनं पुण्यफल प्राप्त जुया अन्तस दिव्यसुखलाई धका आशिवाद विया अन्तर्ध्यान जुयावन ।

थुगु अपूर्व घटनाया कारणं थौतकनं बौद्धबिहारया दशस्थवीर चक्रेश्वर छत्रकू आजुपिन्त दशभूमि प्रतिष्ठित दशपारमिता आजुधका विश्वासं न्हापानिसं आदर सत्कार याना पूजाभाव याना वईच्वंगु जुल । थ्वहे दशपारमिता निमन्त्रणा-गुथि थुमि सन्तानपिन्सं मयादा पूर्वक सन्मान याना वईच्वन ।

गुलिछि समय लिईपा (अनुमानित क्रिप्यंगु शताब्दी पाखे) थुमि थकूरीवंशे दरिद्र व समृद्धीकारण जुया च्वंहा भलीभराद घइहा थकूजुया पालय तस्सकं अवस्था खराब जुया कङ्गाल जूगु जुल । आपालं दुःख स्युस्युं याना यानागु लजगार याना नं नयमखनालि सप्पा मुनेगु ज्यायाना तकनं नयेमाल । थ्वहे सप्पा माला माला हया सुनानं मखेक थःगु धुकूती सोथना तल । थथे दरिद्र जूगुया कारखं याना थःद्व कलाःयात तकनं थःगु धुकूया ख कनेमछागुलि याना सप्पा

सोथना तःगु खनी घका बहुत धन्दापीर कया तालं समेतं दया ताःचा सुचुका सुचुका जुइगु जुयाच्वन । छन्हुजा मोल्हुये घका बाग्मती वंबले हथाय् चाया ताःचा सुचुका वने लोमन । उबले उगु ताःचा खँका कलाहसिया मती च्वनकि-जि प्रभु स्वामिजुं न्हागु ज्याखेँ विश्वासपूर्वकं छगुछगु दतले जितः खँकना तई तर थुगु ताःचा छपुजक जितः छाया पत्यार मयागु जुइ घइगु मती तथा उगु न्होनेसं च्वंगु ताःचा खँका कया धुकूती ताःखना सोबले अन धुकूती भातहसिया सोथना तःगु सप्पा व्याक्वं लुं जुयाच्वंगु खन । थ्व बहुमूल्य सुवर्ण भण्डार खन! भातहसिनं बोविई घका ग्यानालि काचाकाचां तालं दया गनच्वंगु ताःचा खः अनसंतुं तथा बिल । बाग्मती भायाच्वंहा थःहा भातह छयेँ लिथ्यनेवं कलाहसिनं तस्सकं लय्लय्ताया शुभसमाचार न्यंकल ।

भो प्रभुस्वामि ! अपराध क्षमा याना दिसं, थौं छिसं धुकूया ताःचा तोता थकल, त्रितः गुबलेँ छिसं धुकूपिकु मक्यंगु जुया थौं संयोगं मौका लाका धुकूया ताः खना खापा चाय्का दर्शन जक यानागु खः तर दुर्हावनागुजा मदु, परन्तु छिसं गथे तथातःगु खः अथेसंतुं जुयाच्वंगु दु । उकी जि लोभयाना छुं हिनामिना यानागु मदु । छिगु घनश्रीसम्पत्ति खना जि तस्सकं प्रसन्न जुयाच्वना, थुलिमछि श्रीसम्पत्ति दयानं भीसं आपालं दुःख सिया च्वना थुकियागु मतलव छु ? घका न्यन । थ्वखँ न्यना भातह तस्सकं अद्भुत आश्चर्य जुया धुकूया खापा चाय्का सोबले थःहा कष्टनया मुंका तथागु सप्पा व्याक्वं स्वप्नान्तरे खनीगुथेँ सुवर्णमय जुयाच्वंगु खना भातहानं तस्सकं अजुर्गति चाल उलि थुलि मदय्क हर्षं जुयालि थःहा कलाःयात घाल—

भो प्रियतमा ! भीजि निहातीपुयागु अहो भाग्यं परमेश्वर प्रसन्न जुया विपुल श्रीसम्पत्ति ऐश्वर्यलक्ष्मी प्राप्त जुल घका हर्ष अनुमोदन यासे थःगु जीवनया इतिहास खँ न्यंकाच्वन ।

यथे निहातीपुया परस्पर दुःखसुखागु खँ ल्लाना शान्तवना प्राप्त जुसेलि अत्यन्त हर्षप्रकट यासे आनन्दरसनं सल्ला साहुति जुल कि—भीसं ल्लापा पापकर्म यानागु फलं भीपि अत्यन्त दरिद्र जुया तच्चोगु दुःख सिया च्वने धुन । आ हाकनं भीसं छु धर्मकर्म याना वयागुलि भीत महान् शुभसंयोगवस समृद्धि सुखया कारण तधंगु श्रीसम्पत्ति लाभ जूगु जुल । थुगु श्रीसम्पत्ति सार जुइगु, थःगु परिश्रम सफल जुइगु, आजु अबुजुपिगु कीर्ति परन्तु स्थिर जुईगु, सद्गुरु कल्याणमित्रपिगु

वचन शिरोपर जुइगु एवं परत्रयात सामो दइगु छुँ छगु तधंगु पवित्रगु सम्यक् धर्म-कीर्ति छगु स्थापना याना वनेमाल घइगु विषय कया निहासिया ललफल जुयाचवन । उकिसं थुजागु सुदुर्लभगु मनुष्यजीवन प्राप्त जूवले निश्चयनं सद्धर्म छगूजा याय्मा तर छ गुजागु धर्म याय् ? घइगु वारे आपालं खँ जुल । कलाहासिनं इनाप यात—संसारे विष्णुधर्म पालन याय्मा, उकिया लागि भीगु श्रीसम्पत्ति खर्च याय् दुसा बहूत उत्तम धका जिही यानाचवन । थवखँ न्यना भातहासिनं घाल-अथेमखु ल्हापानिसं भी पुर्खापिन्सं पालन याना वइचवंगु बुद्धधर्म सेवा याय्गु उत्तम जुइ । तर कलाहासिनं घासा थःगुजक जिही याना चवन । थवखँ न्यना मिजंहासिनं बिचाः यातकि-धर्मया सिद्धान्ते त्वापु जुईन घइगु आशय थुईकाः न्याययुक्ति संगतगु छगु तर्क पेस यात - थुगु इलय् भीजि निहासिया थथे थवंथ धर्मया नामे वादविवाद याय्गु मनासिव मजू । छ धाःगु जकनं खँ जि न्यनीमखु, जि धयागुनं छन्त यैमखु घासेलि निहासियां मने सिचुक याउक बौद्ध व वैष्णव धर्मयागु सत्य धर्म गुण-परीक्षा यानाजक भीगु श्रीसम्पत्ति हनेगु याय्गु निर्णय जुई धका घाल । “बुद्धधर्मया नामं कपू” सिह्नाय्स्वां पिईगु, “वैष्णव धर्मया नामं तुलसि पिईगु” थव निगुली गुगु ल्हापालाक अंकुर चुलि जाया वई उगु धर्म ग्रहण याय्गु घइगु खँ कोछिउगु जुल । थुगु प्रस्तावयात सकसिबं मनासिव थहरे याना उगु ‘सत्याधिष्ठान’ अनुसारं थःगु छथे कौशि चवंगु गमलाय् छगले कपूसिह्नाय्स्वां व तुलसि निताना नापंतया स्वांमा पिना सोगु बेलस ल्हापालाकहे कपूसिह्नाय्स्वानि अंकुर चुलिजाया वःगु खनेदत । अले निखलसियां तस्सकं हर्ष जुयाव छगूहे विचार छगूहे चित्त जुया श्रद्धाभक्ति निश्चय तथा धन्य ! धन्य !! वसपोल सम्यक्संबुद्ध भगवान् धका थव पुर्खापिन्सं दय्का थकूगु भास्करदेव संस्कारित श्रीहिरण्यवर्ण महाविहारस विराजित श्रीशाक्यमुनि बुद्धप्रति अनेक पूजा गुथि द्रहलपालि हानं यलदेशस प्रतिष्ठित सम्पूर्ण बौद्धविहारया सकल सम्यक्देवता श्रीदीपङ्कर तथागत, बुद्ध बोधिसत्व, आर्यतारा आदि व आर्यसंघ - चैलक, श्रामणेरक, ब्रह्मचर्यभिक्षु, शाक्यभिक्षु तथा वज्राचार्य सकलयात निमन्त्रणा याना विधिपूर्वक लिचाय्का स्वागत सत्कार याना सम्यक्संघभोजन याकेगु निर्णय यागु जुल ।

थुगु निर्णयकथं फाल्गुण शुक्ल तृतीयाया रात्रिस इतिहाने शुद्ध भूमिस शोभायमान पूर्वक बिज्याका दीपदान बिया रात्रिजागरण पूजायानालि थवयां सति चतुर्थिया दिनस सकल निमन्त्रित सम्यक्देवता व आर्यजिन संघपिन्त यथा विधि अनुसारं सम्यक्-पूजा सम्यक्-दान सम्यक्भोजन याकूगु जुल ।

थुगु सम्यक्महादान भोजन गुधि परन्तु चिरस्थायि जुइकेत श्रद्धालु दानपति भलिभारो थुकुजुनं सप्पा लं जूगु महान् उपलक्षस अत्यंत हर्षोत्साह जुया सगु धनसंपत्ति यागु सहायता आपालं जगा आयस्ना प्रीतियासे लिसे सम्यक् गुथियात माःगु आवश्यक सामग्री दयका थकल । थुलिजक मखु विविविधान व थितरीति चलनया पनिसफू चलपौ समेत चवकालि सदाया लागि ज्वलाह्वायकं थें आदर्श कपना स्थिति वन्देज दयका दयदसं इलन्हे सम्यक् न्यायकेगु व्यवस्था याना थकल ।

वंशावलीस^१ दयदसं थुगु सम्यक् न्यायका वईचवन घका घासानं परिस्थितिबस अथवा विविध राजनैतिक घटनाया कारणं यानालि वर्तमान थुगु सम्यक् प्यदं घंफुना न्यादं कपनीवं जक यायगु याना वइचवन । तथापि श्रीहिरण्यवर्णमहाविहारया सर्वसंप्रपिगु उदारता दानशीलभावनां याना थुगु परम्परा थौतकं यथाश्रद्धानुसार सम्यक् स्थिति जोवित याना तइतल ।

आशा दु थूगु विशुद्धकीर्ति बौद्धसंस्कृतिया महान्पर्व उत्सव बुद्धजीवन-बुद्धदशनं बौद्धकलां जायाच्वंगु अन्तर राष्ट्रिय बौद्धजगते थःगुहे विशेषता व महत्व दइच्वंगु थूगु सम्यक् गुथि सदां अटल जुया चवनेमा । अस्तु ।

स्वपदेया सम्यक्या परिचय

भक्तपुर महानगरं दयदसं घ्यःचाकु सल्लू खल्लू न्यायका वईच्वंगु सम्यक्गुथि सम्बन्धि छत्वाचा ऐतिहासिक पृष्ठ भूमि प्रसङ्गबस पाठकपिगु न्होने तयाचवना कि—

स्वपदेया नादंगु साखकोथा घइगु छगू ऐतिहासिक स्थान दु । थ्वहे साखकोथाया पुर्खापिगु पाखें थौतकं परम्परागत सम्यक् न्यायका वइचवन । थ्व साखकोथाया विषय छगू म्हाइपूगु खं थ्व दु कि— छगू समये स्वपदेया जुजु यात आपालं जनद्वन्द्वया आवश्यक जुया स्वपदेया दकले घनाढ्यहा महाजनयाके दां त्यायकाःगु जुल । इहा महाजनयाके दां त्याना काये बुंका जुजुं थथे घाल—

उगू दां भाषापत्र अनुसार ठीक इले दां पुले महल अथवा पुले मफुत भासा गथेयाना उपर माना काय्गुले ? घका न्यन । थ्वखें न्यना महाजनं जुजुया बमण्डी तोरे याय्त घाय्ला अथवा थःगु विद्याया चमत्कार क्यनेगु विचारं घाय्ला

१. इलहने सम्मक् संक्षिप्त इतिहास, हेमराज शाक्य ।

२. मल्लकालीन बौद्धकलाकृति पृ ६, सम्मक्कृत बज्राचार्य ।

साहुजुं थथे घाल—‘महाराजयात लखय् कुन असूल उपर याना काय् थव खँ न्यना जुजुनं अचम्म जुल । जुजुनं विचाःयात जितः गथेयाना लखय् कुना काईगु जुई धका मती तथा आलपं भेला याना साहु पुले महसे आलताल याना चवन ।

जुजुं थःगु भाषाया दुने घेवा पुले महःगु सिईका उहा महाजनं चलाखि जुया जुजुयात भुके याना मओसे मगागु किसिमं निमन्त्रणा बिया सःतल । उगु निमन्त्रणायात सहर्षं स्वीकार यासे जुजु महाजनया छयें सवारी जूगु जुल । उवले मौका लाका महाजनं अनेक किसिमं तुक्का उखान तथा विन्तियात लिसें थमं त्याय्बिया तथागू ऋणया विषयेनं खँ न्ह्यथन । अथेनं जुजुं वयागु ऋण पुलेगु छुं वास्ताकिस्ता मतः, पुले म्वागुथें याना जालसाल यानाचवन । थथे जुसेलि महाजनं थःगु घेवा असूल उपरया लागि थःगु तान्त्रिकशक्ति बलं जुजु राजजुयाचवंगु सिहासनया प्यखेरसं चवंगु नागसाधन यानातःगु नागकुलिचां लःहू पिकया लःया दथुईलाका जलस्तम्भन याना कुना बिल । थथे अद्भुत जूगु खना जुजुया मने चवनकि—थवय्कः साहुजुं निश्चयनं जितः इज्जत काईन धका सिईका हतरपतरं थःगु लायकुली मन छवया घेवा काय्के छवयालि साहु पुला बिल ।

थुगकथं जुजुयात लखे दुनेलाका कुना व्यूगु गुगू साखक्वथा थौतकं दनि । लिसें साखक्वथाया अर्थ छकनं बिचाः याय्-साख शब्दया अर्थ खः ऋण । ऋण बिय्गु व पुलेगु थाय् जूया निम्ति साखक्वथा घयातःगु जुल ।

थुगप्रकारं थःह्यं जुजुयात त्याय् बियागु धन द्रव्य असूल उपर जूगुलि साखक्वथाया महाजनं हानं थव बिचा यातकि—

नेपाया बुद्धधर्मो दकले सकले तबंगु दानदाम महादान सम्यक्दान न्याय्केगु शुभसंकल्प भाकल याना बिज्यात । उगू भाकलकथं सम्यक्महादान निम्ति भक्तपुरया सम्पूर्ण बौद्धविहारया आर्यसंघ बौद्धसंघपिन्त सःता श्रीदीपङ्कर तथागतपि उपस्थित याना सम्यक् न्याय्केगु परन्तुया लागि व्यवस्था दय्का आयस्ता तथा थकूगु जुल । वहे आयस्ता पाखें थौतकं प्रतिवर्ष घ्यःचाकु सँल्हू खुन्हू सम्यक् न्याय्का वईचवंगु जुल ।

थवहे साखक्वथाया श्रीजीवचन्द्र वज्राचार्यया काय् जयरत्नमुनि, छय् जयदेव छुईचा जयधर्मपिन्सं उगू सम्यक् न्याय्कानं गुधि तथा त्यंदुगू धनसम्पत्ति याके आपालं धर्मकीर्ति तथा थकूगुया प्रमाण स्वरूप अनेक थितिरीति व शिलाभिलेखत साक्षि दनि ।

श्वहे परम्परा अनुसारं उगु साखक्वथाया थपाजुपिन्सं पञ्जरां खुन्हू, सम्यक्खुन्हू
मुख्यह्म श्रीदीपङ्करयात विधिपूर्वक स्वागतस्त्कार यांना पूजायांना बिदा बिया
दर्शन यावनेगु चलन अद्यापि विद्यमान तिनि ।

ख्वपदेया प्रमुख श्रीदीपङ्कर तथागत बिज्याना च्वंगु प्रसन्नशील महाविहारस
ने. सं. ७२३ सालं क्वाठण्डौया श्रद्धालु भक्तजनपिन्सं लुंयागजू चह्ने यागु ताम्रपत्रस
चवयातल । अथेहे त्रैलोक्यमल्लया पर्यायस ने. सं. ७२४ सालं क्वाठण्डौया उदयसिंह
वन्देजुनं, उगु विहारया प्रवेशद्वार घोकां दय्का बिल । थुगुकथं याछेंत्वायापि
शकु भारो, किनरसि भारो, गोपिराम भारोपिन्सं ने. सं. ७६६ सालं जुजु
जगत्प्रकाशमल्लया पालय् श्रीदीपङ्करया देगले लोहया खम्बा व सिया निह्ना
दयका तया ब्यूगु जुल । घयातःगु दु- रणजित्मल्ल जुजुया पालास ने. सं. ८७७
सालं पञ्जरां अथवा सम्यक्का दिनस देबननि विहारं श्रीदीपङ्कर तथागत पिहां
बिज्यात धइगु खनं न्ह्यथना तयातल ।

सम्येक-दाफा मे

राग केदार । एक ताल

शाक्यराज आदिनं विजयतु श्रीभगवान् । १।

असंख्य भिक्षुगण संघपति सहितनं ।

लिचकाओ विज्यात बुलुहुनं । २।

सम्येक संभोजन लगनक्षत्र अतिवान् ।

याओ लोक उद्धार ननानं । ३।

नागवास दहनस मुवणया पलेमुलस ।

ज्योतिरूप स्वयम्भू प्रकास । ४।

सत्गुरु मञ्जुश्रीनं दहनया लंखछोन ।

मुह्येश्वरि लात दरसन । ५।

त्रिरत्नया चरण, शरणया पुण्यनं ।

नेपाल धक नामदन । ६।

ब्रह्मा विष्णु रुद्रगण अनेक देवलोक थेन ।

थओ थओ थाम नालाचोन विज० । ७।

क्रकुछन्द बुद्धनं अभिषेक निमित्तन ।

वागमति पिकया ओ केन, विज० । ८।

नरेन्द्रदेवनं बन्धुदत्तया बलन ।

विज्याक करुणा निधान, विज० । ९।

कपति नमुचिन अनेक छलपोले यानाकेन ।

दश अंकुशली जुल जन, विज० । १०।

येदेया सम्यक् देवताया धलपौ

क.सं. द्यो दानपति अथवा द्योथुवायानां व थाय् निर्मित अथवा जिणोंद्वारसं.

१)	स्वयम्भू भगवान्	स्यंगु
२)	मञ्जुश्री भगवान्	"
३)	शान्तिपुर भगवान्	"
४)	वसुन्धरा भगवान्	"
५)	हारती भगवान्	"
६)	क्वाचपाल भगवान्	"
७)	श्रीघःया भगवान्	श्रीघः
८)	नमबुद्ध भगवान्	नमुरा
९)	महाबुद्ध भगवान्	महाबू
१०)	घन्दो भगवान्	चायवही
११)	बुद्धवारी दीपंकर	ह्यू मत
१२)	खासुती भगवान्	खास्ती
१३)	वज्रयोगिनी	फर्पिङ्
१४)	खङ्ग जोगिनी	सक्व
१५)	विद्याधरी	विजयेश्वरी
१६)	गुह्येश्वरी	देउपाटन
१७)	जनवाहा लोकाेश्वर	केलटोल
१८)	बुंगम लोकाेश्वर	यल
१९)	आदिनाथ लोकाेश्वर	चोवाहा
२०)	नाला लोकाेश्वर	नाला
२१)	इतुबाहा केशचन्द्र	इतुबाहा
२२)	इतुबाहा क्वापाजु	"
२३)	ईकुबाहा लाँस्वाजु	यंगा

२४)	ईकुबाहा क्वापादचो	यंगा	
२५)	इतुंबाहा कजिद्यो	लःकाननी	ने. सं. ६७३
२६)	इतुंबाहा कजिद्यो	गुडोचन्द्र	ने. सं. ६६१
२७)	इतुंबाहा कजिद्यो	गुडोचन्द्र	ने. सं. ७१४
२८)	इतुंबाहा कजिद्यो	गुडोचन्द्र	ने. सं. १०११
२९)	इतुंबाहा	ताराद्यो	
३०)	वटुवाहा कजिद्यो	तोयौजु शाक्य भिक्षु	ने. सं. ६६७
३१)	वटुवाहा कजिद्यो	गुणचन्द्र	ने. सं. ७६६
३२)	वटुवाहा	तारा खः	
३३)	वटुवाहा	क्वापादचो	
३४)	लगंवाहाया कजिद्यो	आयुदेव शाक्य	
३५)	" "		
३६)	" "		ने. सं. १०१३
३७)	"	क्वापादचो	
३८)	ज्यावाहा दीपंकर		
३९)	वपाया "	जीवाजु तुलाघर	ने. सं. ७००
४०)	पिक्खेवाहा "	जयरत्नजु शाक्य	ने. सं. ७२३
४१)	छुस्यावाहा "		
४२)	विदद्याघरो देवी	विज्यासः	
४३)		गुणचन्द्र शाक्य	ने. सं. ७८८
४४)	दुगवही दीपंकर		
४५)	थंवही गन्धुरीजु		
४६)	दुगंवही क्वापादचो		
४७)	गाःज्यास दीपंकर	पुनसिडजु शाक्य	ने. सं. ८१६
४८)	लगं तःबाहा "		
४९)	लगं यताबाहा "		ने. सं. ७६४
५०)	असँचुकया "	हेमन्तसिंह शाक्य	ने. सं. ६०१
५१)	" रत्नसागरया "	रत्नसागर तुलाघर	ने. सं. ७७१
५२)	मूबाहाया "		

५३)	तछेवाहाया	दीपंकर	चन्द्रदर्शन वज्राचार्य	
५४)	तेवाहाया	"		
५५)	"	पद्मान्तक (पाल्हायो)		
५६)	धर्मज्योतिया	दीपंकर	धर्मज्योतिकंसाकर	ने. सं. ७७३
५७)	योबाहाया	"		
५८)	मरुबहीया	"		
५९)	क्वहितिवाहाया	"	रामजु शाक्य	ने. सं. ९०८
६०)	भाजुनारांया	"	भाजुनारां तुलाधर	ने. सं. ९६०
६१)	श्री घः ईताया	"		
६२)	खुसिवहीया	"		
६३)	लगं कलछेंया	"	संजजु शाक्य	ने. सं. ७७२
६४)	सिनुग्वडाया	"	तुईसि स्थापित	
६५)	खाइसिमाक्वया	"	भाकसि तुलाधर	
६६)	डत पसःननिया	"	घनकृष्ण तुलाधर	ने. सं. ९४४
६७)	डत तुछेंया	"	विष्णुधर तुलाधर	ने. सं. ९५१
६८)	ज्याः बाहाया	"	भाजुदेव शाक्य	ने. सं. ९५३
६९)	दथुबलंपुया	"	हेलजु शाक्य	ने. सं. ९५५
७०)	क्वंसा बाहाया	"		
७१)	गंबाहा थाय्पाया	दीपंकर		
७२)	मरु तलबिया	दीपंकर	धर्मनारां मानन्धर	
७३)	गंबाहाया	"	राजेन्द्रमुनि वज्राचार्य	ने. सं. १३३
७४)	पुनछेंया	"	रत्नमानकर शाक्य	ने. सं. ९६३
७५)	भाजुवन्तसिया	"	भाजुवन्तसि तुलाधर	
७६)	गाःज्यास	"	पुनसिङ	ने. सं. ८१९
७७)	अर्कवहीया	"		ने. सं. १००४
७८)	वलाछिया	"	जयनसि	ने. सं. ९८५
७९)	शंखसिया	"	शंखसि तुलाधर	ने. सं. ९९३
८०)	लगंबाहाया	"	राजमुनि शाक्य	ने. सं. ९९७
८१)	मुकुंबहीया	"		
८२)	दानबीरसिया	"	दानबीरसि तुलाधर	

८३)	यटखावाहाया	दीपंकर	
८४)	जाःछेया	"	राजमानकर शाक्य
८५)	घालासिक्कया	"	कृष्णसुन्दर तुलाधर ने. सं. १००८
८६)	वनेमाया	"	ज्ञानवीरसि "
८७)	श्रीघःविहारया	"	
८८)	नःघया	"	कुलरत्न शाक्य
८९)	असं नासःननिया	"	कुलबीरसि तुलाधर ने. सं. १०२६
९०)	न्हूवाहाया	"	जोगवीर स्थापित ने. सं. १०१८
९१)	तःननिया	"	कुलमान वज्राचार्य ने. सं. १०३८
९२)	चिकंमूया	"	मोतिमान रंजित्कार ने. सं. १०६७
९३)	न्ह्योखाया	"	सम्यक्सि भक्तवीरसि तुलाधर ने. सं. १०७२
९४)	गणोजु इतुंवाहाया	"	संगदास ने. सं. ९७८
९५)	यटखावाहाया	"	चिकिधनजु ताम्राकार ने. सं. ९८३
९६)	जघुंछेया	"	भाजु घनसि तुलाधर ने. सं. ९८२
९७)	अर्कवही मोतिकाजी	"	धर्मवली " ने. सं. १००४
९८)	नःघ कुलरत्न	"	कुलरत्न शाक्य ने. सं. १००६
९९)	लगं तःवाहाया	"	बन्धसिजु शाक्य
१००)	किन्दोवाहा		
१०१)	महामण्डल		नुवाकोट
१०२)	नंसावाहा		
१०३)	चाःवही क्वापाद्यो		
१०४)	तेनुमहाकाल		
१०५)	गनाबाहा		
१०६)	गण्डे भेरु	११२)	भिक्ष्यागु वाहाया क्वापाद्यो समेत
१०७)	पुलांस्यंगु	११३)	भिक्षुगु बहीया गन्धुरीदेव समेत
१०८)	जमलया मंत्रेय बोधिसत्त्व	११४)	यलया क्वावाहा
१०९)	विश्वकर्मा	११५)	खपया अजाजुदत्तो
११०)	मखंबहीया लोकेश्वर	११६)	श्री राजकुमारी
१११)	ब्रह्मटोलया लोकेश्वर	११७)	श्री ५ महाराजाधिराज

यलदेया सम्यक्देवताया धलः

१) स्वयम्भूचैत्य थासंखो	२६) गुजिवाहा दीपंकर व वुंगदेव
२) वज्रसत्वया मुखः	२७) भिछेवाहा दीपंकर
३) " मुकूट	२८) उकुवाहा "
४) भेगो आजुया देव	२९) सुवाहा " तारा सपेत
५) क्वजि "	३०) यच्छुवाहा दीपंकर तारा
६) वसुधरा अजि	३१) क्यपूवाहा ' "
७) चोबाहा देव करणामय	३२) जतिवाहा " "
८) बुंगम देव	३३) चोबाहा देव
९) चासं देव	३४) क्यपू ' "
१०) चाकवाहा देव	३५) जदेवाहा तारा
११) लगं थूद्व	३६) क्यपू "
१२) टंगवाहा तारा	३७) क्यपू "
१३) " दीपंकर	३८) उकुंवाहा "
१४) क्ववाहा "	३९) उकुंवाहा "
१५) धुंवाहा दीपंकर, तारा	४०) भिछेवाहा "
१६) कुजवाहा दीपंकर	४१) गुजिवाहा "
१७) कुलिम्बाहा	४२) गुजिवाहा "
१८) क्वावाहायां दीपंकर व भली सारो	४३) ज्योवाहा "
१९) वाहापा देव	४४) ज्योवाहा "
२०) वम्वाहा दीपंकर	४५) हगूवाहा "
२१) दउवाहा "	४६) हगूवाहा "
२२) तःवाहा "	४७) बूवाह "
२३) बूवाहा "	४८) बूवाह "
२४) हःवाहा "	४९) तःवाहा "
२५) ज्योवाहा	५०) तःवाहा दीपंकर, तारा

५१) दउबाहा तारा	७६) शिबाहा दीपंकर
५२) वम्बाहा "	७७) भया आजु ,, तारा
५३) मिच्छुबाहा देव	७८) मूबाहा ,, "
५४) जा जयमां दीपंकर	७९) चित्राहाचुक कनकजु दीपंकर
५५) यतबाहा "	८०) भिक्षु आजु
५६) दारिकाबाहा "	८१) ईबही दीपंकर, थासंदेव
५७) इखाछे बाहा "	८२) भिछेबाहा दीपंकर तारा
५८) चुकबाहा तारा	८३) सुबाहा ,, "
५९) चुकबाहा दीपंकर तारा	८४) थकूबाहा ,, "
६०) आनन्दबाहा "	८५) इलाबही ,, "
६१) मिखाबाहा "	८६) धुबाहा ,, "
६२) आंकबाहा ,,	८७) तःबाहा ,,
६३) अथः बाहा "	८८) यताबाहा कमिआजु दीपंकर
६४) मूबाहा "	८९) धर्मशील आजु ,,
६५) चिल देव	९०) भानसि आजु ,,
६६) थ्याकाया तारा	९१) मुनिधँ घाखा दीपंकर तारा
६७) न्याचूकया तारा	९२) दिनपाणि आजु ,,
६८) कमला आजु दीपंकर तारा	९३) धर्मध्वंज आजु खिचाखा दीपंकर तारा
६९) हिला आजु ,,	९४) बेखाराज धूसः दीपंकर तारा
७०) वनबाहा कुनआजु दीपंकर	९५) गजेन्द्र वज्र ,, "
७१) हौग दीपंकर तारा	९६) दानमुनि घाखा ,, "
७२) वादेश ,, "	९७) बागनसिं इकु ,,
७३) बूबाहा ,, "	९८) साखःति जयमां ,,
७४) शिबाहा ,,	९९) जोग आजु हगूबाहा दीपंकर
७५) ,, कचाबाहा दीपंकर ,,	१००) क्वाबाहा नापितया "
	१०१) चिकेबही घनन्द ब्रह्मचर्य भिक्षु दीपंकर

रूपदेया सम्यक्देवताया धनः

- १) साखक्वथा तधीछेया थासँद्यो लुसिया 'रम्यकूटागार चैत्य'
- २) क्वाथन्दौ अजाजुद्यो दीपंकर
- ३) भौरबहीया "
- ४) साखक्वथाया "
- ५) थथुबहीया "
- ६) क्वथुबहीया "
- ७) क्वाथन्दौ विजयनरसिया "
- ८) " नरमानशाक्यया "
- ९) थिमि हेमवर्ण विहारया
- १०) " गुणकीर्ति " "
- ११) " हेमवर्ण " "
- १२) " गुणकीर्ति " " भिक्षु
- १३) " पाटिबाहाया दीपंकर
- १४) " दथुबाहाया "
- १५) " यचिबाहाया "
- १६) भोतदेशया पारावत्त विहार "
- १७) " पारावत्त " "
- १८) नालादेशया उत्तरापन्थ विहार "
- १९) खम्पु " मन्त्रसिद्धि " "
- २०) " मन्त्रसिद्धि " "
- २१) पनौति धर्मघातु " "
- २२) " काशिवर्ण " "

सहायक ग्रन्थ व पत्रपत्रिकाया

सूची

- | | | |
|---------------------------------|-----|-----------------------------|
| १) दीपंकर निमन्त्रणा पूजा विधि | २६) | इत्सिङ्ग भारत यात्रा |
| २) चूडाकर्म प्रवज्या ग्रहण विधि | २७) | गोपाल वंशावली |
| ३) आचार्य क्रिया समुच्चय | २८) | भाषा वंशावली |
| ४) कपिसावदान | २९) | अभिलेख संग्रह ६।१२ |
| ५) सर्वानन्दनृपजातक | ३०) | संस्कृति सन्देश १,८,९,१० |
| ६) महावस्त्ववदान | ३१) | नेपाल संस्कृति 'हृदय' |
| ७) गुणकारण्डव्यूह | ३२) | प्यूखाया शिलापत्र |
| ८) ललितविस्तर | ३३) | इतुंवाहाया " |
| ९) पञ्चरक्षा (लुंचवया) | ३४) | योतालिवि चिभाचुक " |
| १०) पंचविंशति प्रज्ञापारमिता | ३५) | विक्रमावाहाया ताम्रपत्र |
| ११) बृहत्स्वयम्भूपुराण | ३६) | थ्यासफू स्वयम्भूया |
| १२) सद्धर्मपुण्डरीक | ३७) | हरितालपत्र |
| १३) बोधिसत्त्व भूमि | ३८) | पिण्डपात्र अभिलेख |
| १४) बोधिचर्यावतार | ३९) | कोखापुतुचा लेख |
| १५) त्रिस्कन्ध सूत्र | ४०) | पौवाहा लेख |
| १६) दिव्यावदान | ४१) | नेपाया संम्यके दीपंकर तथागत |
| १७) सर्वज्ञमित्रावदान | ४२) | इल्लने सम्यक् |
| १८) सुगतावदान | ४३) | न्हूपुखू |
| १९) पिण्डपात्रावदान | ४४) | सम्यक्या महत्त्व |
| २०) महादान गाथा | ४५) | ऐतिहासिक छुं वर्णन |
| २१) श्री स्वयम्भूमहाचैत्य | ४६) | प्राचीन नेपाल अंक १४ |
| २२) लिच्छविकालका अभिलेख | ४७) | बुद्धधर्म पत्रिका अंक ३ |
| २३) मेडिभल नेपाल कोलोकोण्ड | ४८) | मल्लकालीन बौद्धकलाकृति |
| एण्ड इन्स्क्रिप्सन | | एक भलक |
| २४) मेडिभल नेपाल भाग ३,४ | ४९) | नेपाल भाषा साहित्यया जातः |
| २५) फाहियान भारत यात्रा | ५०) | हिस्तोरि अफ मेडिभल नेपाल |

- | | |
|-------------------------------------|-----------------------------------|
| ५१) ह्लासा अदालतया वहिसफू | ६४) सुवर्ण सिंहासन अभिलेख |
| ५२) मध्यकालीन पुष्पिका | ६५) बौद्धग्रन्थ-सूची (रा. अ.) |
| ५३) यटखावाहा छगु अध्ययन | ६६) देवमाला |
| ५४) इल्लने सम्यक्या घलः | ६७) तालपत्र तमसूक |
| ५५) सम्यके स्वयम्भू क्वतयनेया विधिः | ६८) भुइल्यया शिलापत्र |
| ५६) सम्यक्या काभजपत्र | ६९) क्वावाहाया " |
| ५७) गुठीजांच कचहरी पत्र | ७०) ब्रवाहाया " |
| ५८) सम्येक्गुठी वंघेजपत्र | ७१) विलपौया अभिलेख |
| ५९) समेकगुठी घल | ७२) लुया वज्रत्वास्त्राँ लेख |
| ६०) नेपाल देश और निवासि | ७३) ज्याथा घर्मशाला शिलापत्र |
| ६१) वर्षक्रिया संग्रहः | ७४) स्वयम्भू तिसाभण्डार क्वथायाके |
| ६२) गोरखापत्र ०२४।६।३० | ७५) लगंथुद्रया शिलालेख |
| ६३) स्वतन्त्र विश्व | ७६) बुद्धमूर्ति छगु अध्ययन |